

錢忠介公集

四明張氏約園開雕

序

辛未之秋既得錢忠介公集二十卷於張伯岸所轉以  
視馮孟顥孟顥復憾其有闕者補以附錄六卷年謂一  
卷傳一卷都爲卷二十有八壽鏞因得盡讀之清乾隆  
禁書公集亦在其列沈埋將三百年今始得刊布於世  
當明之亡也內有阮馬姦邪之附外無虬螭蟻子之援  
胡馬渡江南都旋覆浙東西忠義士颺舉雲興公方居  
憂在丙舍咯血諸弟已爲治身後事鄞之六狂生蒼頭  
特起公扶病往爲之魁遂以墨纒誓師與孫鄭相掎角

錢忠介公集序

一四明叢書  
初編刊本

守江東者一年今日之赤城不異曩時之白水人心未  
泯帝眷有歸天下事未可知也而乃隔江之上烽煙馳  
突譬如拯焚而往觀餓沿江之士風雨連宵是何困苦  
絕不一恤監紀推官諸稱又復四出在外則車馬喧闐  
歸寓則酒殽饜飫突如之餒方張臥榻之斝未息一時  
解圍之人羣起而爭其餘瀝杯盤狼籍寇有喜色俠骨  
超羣血心敢戰者卒困於分地分餉之說衣甲典盡依  
然赤手望救無門語云人窮則呼天疾痛則呼父母孰  
知其呼天呼父母而卒莫之聞耶將軍有死之心士卒

無生之氣桑梓百千齊血銷付長江一帶煮弩爲糧虛  
腹難鼓量沙唱米選聲可呼此景此情百世猶悸十亡  
十死孤惻誰憐卒至顛連荒島之中畢命菰蘆之下以  
詩文數卷授其諸弟曰吾恥事不濟平生之志略見於  
斯嗚呼其可慨也已昔韓退之敘張中丞傳謂兩家子  
弟材智下不能通知二父志今公有弟有子覆匿熾燼  
之餘波濤鋒矢之際護藏弗失以留於今危苦之言見  
諸奏牘忠愛之氣形爲歌詠躬履諸艱極人生之至悲  
使數百年後可考而得者非賢子弟保守之功歟魯王

鑑忠介公集序

一 四明叢書  
約園叢書

監國忠義如林一誤於朋黨再誤於爵位偷安朝夕不  
圖恢復卒難免於覆亡之禍後人哀之而不知鑑忠介  
有靈其悲憤又當何如也民國二十二年八月後學張  
寄鏞序

錢忠介公集總目

卷首

遺像

墓圖

原序

紀略

原跋

附述

世系

錢忠介公集總目

四明叢書  
約圖刊本

神道碑銘

明史本傳

雍正寧波志本傳

康熙鄞縣志本傳

光緒鄞縣志本傳

卷一

正氣堂集一

卷二

正氣堂集二

卷三

正氣堂集三

卷四

正氣堂集四

卷五

正氣堂集五

卷六

正氣堂集六

卷七

正氣堂集七

續分集

二四明  
新國刊本

卷八

正氣堂集八

卷九

越中集一

卷十

越中集二

卷十一

南征集一

卷十二

南征集二

卷十三

南征集三

卷十四

南征集四

卷十五

南征集五

卷十六

錢謙益全集

三四册 藏書

約園刊本

南征集六

卷十七

南征集七

卷十八

南征集八

卷十九

南征集九

卷二十

南征集十

卷二十一

附錄一

卷二十二

附錄二

卷二十三

附錄三

卷二十四

附錄四

卷二十五

鐵忠介公集

總目

四

四明叢書  
約原刊本

附錄五

卷二十六

附錄六

年譜



# 錢忠介公黃驥山墓圖

錢忠介公集 墓圖

四明叢書  
約圖刊本



馬鞍山



圖繪墓

林氏居宅

錢忠介公墓

墓圖

一四明叢書  
約園刊本

右爲錢忠介公墓圖墓碑在閩中黃檗山離福清縣四十里黃檗寺五六里漁溪大路十里康熙丙子汝咸官漳浦令聞忠介墓田多被人據貽書古田令清釐之因繪圖以歸墓碑高近五尺闊三尺上題曰明資政大夫兵部尚書兼東閣大學士鄭希聲錢公暨元妃夫人董氏墓闕逢敦牂嘉平之吉福唐葉進晟立相傳有聯云相國有孫憐相國孤臣買地葬孤臣今則無可尋矣陳汝咸記

原序一

太保錢忠介公遺文舊分三集其正氣堂集則乙酉六月以前之作也越中集則倡義以後畫江一年中作也南征集則乘桴以後三年中作也正氣堂集嘗刻詩百十首而未就越中集嘗刻奏疏數十首而未就南征集則闕本也戊子以後公之仲弟是山侍御藏之展轉柳車覆壁之間未幾季弟推官航海取正本以行僅存副本推官死而正本失侍御奔走衣食喪失者多所餘止二十卷侍御合之爲一集以付其子潛恭屬以謹收笥

錢忠介公集

四明叢書

初編刊本

篋卽至親密友不可出示故世莫得而見也而子家自先贈公崎嶇桑海所摭拾同事諸公文字其中頗有忠介之作子年來搜討故國遺音亦閒或得所未有於是潛恭捧其先集來與子互相譔校增補子驚喜不勝不知何以得此於潛恭也願以爲卷帙不如仍前分集之善按年徵事惟分集易於有考非敢妄改侍御定本乃依忠介之舊耳於是編次正氣堂集爲八卷越中集爲二卷南征集爲十卷附以碑誌傳記及葬錄共四卷通爲二十四卷以歸潛恭嗚呼文丞相指南集杜諸編後

世奉爲德祐以後三朝史料陸丞相海上日錄君子情  
其不傳忠介之集文陸之遺音也正氣堂集在宋經倡  
義之先然讀丁孟榮傳則知公之蒿目於諸將也讀詩  
注所載福藩被禍宰執委諸氣數之說則知公之切齒  
於諸相也讀與堵牧游高玄若書則知公之太息於諸  
牧守令長也至蘇松之民焚從逆諸家當事治之而公  
尙以爲當少原其心則公平日之所素定者何如與而  
丙戌以後之作無論矣自明之季吾鄉號稱節義之區  
其可指而數者四十餘人而惟忠介暨蒼水二家之集

錢忠介公集

二四明叢書

續編刊本

得傳其餘如彤庵眉仙躋仲篤庵長升默農幼安諸公  
蓋四十餘人中之表表者或不過斷簡殘編或并隻字  
不可得則是二家之集不亦與珠璧同其矜貴也與退  
之詆張許家子弟庸下不能表章先世名德今潛恭行  
年七十舌耕代食而凜然時以流於張許子弟爲憂蠅  
頭小字表章先世之遺文而名德所著因遺文而益爛  
使退之見之亦當爲之欣然更於三集之首弁以年譜  
使蒼然有考焉後學全祖望謹序

原序二

希聲生有正骨有真意有靜氣其居家以孝友稱其居  
官以廉卓稱其性情落落穆穆孤立寡同遠客移牀辟  
塵障扇似狷其讀書慕古器器自命超然獨往直欲與  
佛齊肩似狂乃精神之針芥血脈之水乳使在聖門中  
行之與斷不能舍之而他歸矣初與予以文學作緣既  
而以名節相砥少陵詩云文章有神交有道殆爲吾兩  
人詠乎頃胡騎入關江以南能文章之士垂首喪氣靡  
然裂冠毀冕以從之還視向來筆墨能不愧死於是希  
聲獨發悲憤仰天長號感動行路奮臂一呼義旗雲集

鐘巒齋文集

敘錄

二二四明叢書

一約園刊本

錢塘江上痛哭流涕奏疏之外兼有詩篇如武侯表如  
文山歌乃知世間自有真文章耳嗟乎文人弱不勝衣  
而三寸柔翰力能扶鼎若吾夫子以章甫縫掖作魯春  
秋行天子事告老家居沐浴請討一腔熱血傾之洙泗  
赤流中行的派正於此處看取希聲以爲然否武進吳  
鍾巒霞舟序

### 原序三

明太祖廓清中原休養士民三百年於茲一旦逆賊犯  
闕思宗死社稷斯誠人臣反首芟舍剖心瀝血之時也

磔葬之首焚卓之臍泣涕以葬先帝則人心稱快海不揚波矣恨以奸馬柄國一矢不發國荒於內賊縱於外以致有清起而收漁人之利嗚呼竇主有臣而報國無臣棄師有將而盡瘁無將曾僖宗之猿玄宗之象不若也虞孫素負至性文名爲海內宗聞之髮指慙憤厲眾奮勇當先如子赴親災不暇計其天命之存亡而奔救皇急祈求懇摯不幸而死猶升屋而復設祭而虞冀其復返而再生也含纊不起則躡踊哭泣毀田壞牆如追而弗及性之所至情勿容已也君親一理存亡與其當

魏忠介公集

四四明叢書

一約圖刊本

其建旆而往豈不欲如岳武穆八日而清湖內馬燧二十七日而平河中乎天命有屬臣力無功人責其不死死之誠善矣然紀亡而春秋猶書紀叔姬明叔姬非不知存之無益於紀若曰紀猶有叔姬存也悲其志而存其人存其人者存其心也心存則氣存氣存則國存不與眾復生者忠介之節不與國俱亡者忠介之心或謂漢唐宋無論矣區區司馬渡江化龍何況洪武之偉烈濟以宣弘嘉萬之深仁厚澤乎今獨靴尖趨倒一跌而不起何也噫此非獨天也亦人也吳峯之馬方嘶而封

拜極公侯宮棘之駝未出而名爵徧奴隸文不借善賜  
金遷秩武不拔幟飛章冒功何異竈下中郎爛羊關內  
歎息其時一淮陽更始之轍也白水無人杖策其何從  
乎此所以扼腕無成寧蹈東海而不返耳鏞今讀其詩  
至好夢只疑蒲反魏癡心猶道汶歸齊鶴歸雲裏幾聲  
淚鴈斷風中何處冢之句不禁悲憤中生如見其人矣  
弟肅鏞序

原序四

上古之世以事業爲文章所謂經天緯地者是也迨皋

錄忠介公集 敘錄

五四明藏書

約圖刊本

謨伊誥事業之餘見爲文章皆以鼓吹休明廣揚盛事  
其後不多見焉若姬公當流言遭謗東山鴟鴞有憂患  
矣然事業與詩文並傳自茲以後人文彌厄如屈原之  
沈汨羅愍孫之隕石頭文山之死柴市事業之厄也如  
此歷覽往古文章明晦之運或蔽漆荆或沈壤冢或匿  
胥井文章之厄也又如此士君子不得爲謨誥之遺復  
不得爲東山鴟鴞而僅爲屈子愍孫文山諸公以厄其  
事業又誰爲漆荆壤冢胥井之沈以厄其文章則大不  
幸也夫抑太史公有言曰藏之名山傳之其人則文章

之有待於傳也如是李翰爲張睢陽立傳惜其不載許  
遠雷萬眷始末以此咎兩家子弟才智庸下則文章事  
業之有待於人傳也如是余兄忠介公耿行抗節時時  
見於文章遭鼎革變慷慨首義幟與孫鄭諸公格守江  
東一年事敗挈家浮閩海扶故主於鷺門留正朔於海  
裔南天一綫漸就芟夷屬不悔禍事復不就顛連荒島  
之中畢命菰蘆之下所謂事業之厄者非耶臨絕之際  
以詩文數卷相授曰吾恥事不濟平生之志略見於斯  
其善闕弗失余與諸弟掩涕受之大都甲申以前多發

憤孤寄之言甲申以後多痛哭流涕之語然余與諸弟  
飄零海外六年日抱數帙於波濤鋒矢間其厄與未死  
者亦正相等乃一失於借觀者取去復從殘藩敗策中  
綴緝校書僅存者十之七一失於翁洲城陷吾數人俱  
就繫縛荒蘆蔓草倉卒覆匿墟燼之餘僅存者亦十之  
七歸里後稍就編次正本爲乘桴所攜余復校錄於殘  
藩敗策中或篇章散亡或字跡漫漶展轉譯書其僅存  
者又止十之七矣嗟乎所謂文章之厄者非耶則子弟  
之才智庸下又可知矣雖然古人行事不必盡傳其傳



者或一二事或一二語皆足曠百世而相感安在存十  
一於千百而事業文章不曉然於天下後世哉余更因  
之有感矣協虞弟與余同此護藏所爲波濤鋒矢者同  
也卽其綴緝校書惟恐失之自我者亦無弗同也獨記  
其荒蘆掩覆時倉卒猶在今一旦以義嬰不測死市矣  
況如余者又安能傳之傳之而又寧必其無失耶則所  
藉不朽於晦明之運有見於數十百年後者因有是集  
也爲之序丁酉立冬前三日胞弟肅圖肇一氏謹識

紀略

鐵忠介公集 敘錄

七四明錄書

約園刊本

按公諱肅樂字希聲號虞孫明州人也天姿穎異七歲  
能文呈王大父颺虞公輒拍案喜曰吾有孫矣錄科爲  
黎左嚴先生所首拔中丙子舉人丁丑進士殿試二甲  
十四除授蘇州府太倉州知州廉聲惠政爲江南稱最  
秩滿遷刑部員外郎癸未丁丙內外艱甲申北都變慟哭  
不欲生乙酉留都之變清兵入省會僞守朱之葵投以  
帖手裂之會剃髮令下立議四條約鄉紳會於城隍廟  
百姓觀者萬數遂舉義師藉兵得萬人與熊孫鄭諸公  
扼守錢江迎立監國陞都察院僉都御史再陞都察院

副都御史明年五月錢江不守浮海扈監國於石浦入  
閩鄭彩起義同事鷲門陸兵部尙書漸復興化府福寧  
州閩清連江長樂雜源寧德諸縣明年正月晉東閣大  
學士兼吏部尙書時藩鎮橫恣殺戮大臣知時不可爲  
六月以憂憤成疾卒殯於海外琅琦山年四十有二贈  
太保東閣大學士兼兵部尙書諡忠介蔭一子尙寶可  
丞賜祭十二壇監國御製祭文祭之于二一卒於琅琦  
一卒於舟山弟肅圖又識

原跋

錢忠介公集 後錄

八四明叢書 鈔圖刊本

乾隆壬戌春三月潛恭兄捧忠介公遺稿過西湖濱拜  
請謝山全吉士序竝乞讚題小像謝山既予其請復出  
其家藏忠介詩文爲遺稿所未有者補入分編集定二  
十卷而爲之序又紀其畫像作年譜又作其從亡諸弟  
墓文中盛舉然興曰忠義之感激有如是哉明養士二  
百七十餘年至甲申禍起天下何可復爲忠介在江干  
海島欲以隻手撐拄墜天希圖報國其所欲哭不可者  
每罵之於語言文字之間制誥奏疏序紀詩詞因語語  
有血痕迨諸悍帥各立門戶不能合心力挽致憤悶成

疾殞於琅琦身後之收棄皆所不計豈遺孤百隻字片  
稿遺傳於後世耶然忠介雖無意於詩文之能得而非  
所論於子孫之表章也且吳巒稚陳皇士諸君子曾敘  
傳梓公詩文若干卷不幸沒於兵火公弟退山先生於  
草稿中錄存八卷僅十之六先大人續錢氏在茲集又  
搜輯得公之詩文若干篇終以不得其全爲憾今公歿  
忽忽九十五載矣濟蒸年近古稀重清繕遺編乞定於  
謝山此誠賢子孫事復得謝山出其所藏補成全璧而  
且傾心世德序紀備詳是亦盛事故姪中盛謹跋

附述

先人著述未能傳之世但令父以貽諸子子以貽諸孫  
遞守弗失當非甚難雖然亦顧其人其時何如耳使人  
能守而天不與以可守之時人固不得而有權天不與  
以可守之時而人善守之則天亦若聽勝於人近見士  
大夫家多方珍慎一旦變起倉卒忽不及防不得存什  
一於千百則誠其時爲之宜於人無咎乃值萬不易守  
之時而百方撫拾使不隨脈望化去則雖不能盡存而  
卽所存以思其亦邀天之幸者矣先忠介公流離闕浙

舟楫波濤命懸呼吸臨殞之日以稿屬先侍御公暨諸  
叔曰必無失此蓋以心城血路不甘與詩同盡唯此篇  
章所寄足著生平而先侍御公兄弟當顛連播越喘延  
鋒鏑之餘撫視遺編挾之不能藏之無所則其欲無負  
厥託良極難哉濬恭以先侍御長子承命爲後尙在襁  
褓稍長隨以斯稿見付旣爛再三仍書簿端曰至親密  
友借觀當概屏絕因什襲藏之然逢忌辰必陳几上以  
示勿忘庭話若是者將五十餘年後以避疾徙居舟漏  
受浸幾致腐時欲重書則卒卒未有暇偶閱先侍御所

作序云如是而存者十之七又如是而存者十之七幸  
草稿中錄存若干濬恭今非有倉卒事患而竟任爲斷  
爛之本可乎且揣身長賤廢年幾七十再或手顛目昏  
嗟歎何及於是亟繕寫之謂濬恭承之先人存者已數  
十年今再付之子若孫又可數十年嗚呼夫使竟如是  
其存亦復何裨然思石室名山終莫抑其精華之氣而  
爲有心者所欲歌欲泣千百世下一日光芒發露未可  
知也同里吉士謝山全先生向留心史事罔羅最富而  
於粉社先輩文獻尤詳族兄銘恭子大源向嘗其事研

席嘗與之語以不見全集爲憾并聞其在中祕時曾爲  
閩友題所藏先忠介公遺像於是潛恭偕姪趨叩恭捧  
大人小影乞題讚兼呈遺稿吉士欣然定爲三集分卷  
二十更出家存爲集所未有者悉編入之次日年譜錫  
之序言而猶嫌昔日諸公所作志誄之未詳也爲補作  
第二神道碑銘自是先忠介事業可貫天日可泣鬼神  
者始大備焉又爲先侍御暨諸叔檢討職方推官三公  
職方嬪氏鮑安人作誌闡揚忠節諸父在九原亦死且  
不朽因命再精鈔副本以廣其傳以少則可危多則有

備也書旣竣焚香稽首曰吉士之惠我先人厚矣至矣  
潛恭正不知何以得此於吉士而吉士反云不知何以  
得此於潛恭是雖吉士之喜得見所未見而發有是言  
亦實先忠介之靈爽閱百年而若默有以相感也嗟嗟  
向使潛恭承問而懵然不知所守卽出諸篋笥而鼠侵  
蠹蝕殘斷摩挲無可甲乙豈不負道古者之心乎故是  
不可無述以俾後人識此日之甚非偶然云爾時在乾  
隆七年歲次壬戌暮春月望日男潛恭謹述

世系

錢氏先世自彭城徙吳興再徙常州之武進宋眞宗時尙書屯田員外郎洎爲寧國軍節度推官季子公佐隨侍愛其山水風俗因卜居於宣城公佐生昌俊昌俊生顯良顯良生碩季碩季生庸庸生功俊功俊生純純生曜及暉暉徙居鄞爲甬東始祖

一世 二世 三世 四世 五世

暉 彬 允富 子華 應震

續心介系

四明叢書

五世 六世 七世 八世 九世

應震 蒙亨 天禧 安 洵

天禧蒙亨初

九世 十世 十一世 十二世 十三世

洵 桓 奐 瓚 崑

字崇賢江西 字煥正統奉進 字廷席弘治士年進 廣西左布政司使 廣西按察司副使

十三世 十四世 十五世 十六世 十七世

崑 鳳午 若廣 迪忠

字崇真嘉靖元年舉 字瑞明 合江四信豐縣縣丞 字德成隆慶元年進 字平 江西臨江府知府

靖忠

字心誠 嘉慶四十六年舉人

益忠

字謙仲 溫州府安福縣監 都御史

敬忠

字慶雲 咸豐七年 舉人 嘉慶四十七年

肅禮

肅口

肅樂

肅圖

肅範

肅祺

肅遜

鍾忠介公集

世系

一

四明夢齋  
約圖刊本

十七世

肅禮

字約之 諸生

肅口

按肅圖撰 忠介公補

十八世

克恭

字子劍 監 紀推官

十九世

懿蓮

入繼 原名懿藻

二十世

熾宣

入繼 無嗣

二十世

肅指

肅采

肅豫

肅典

肅珍

肅樂

兆恭 殤

尙寶  
可丞

翹恭 殤

潛恭 入繼

字真如

懿運

懿藻

懿藩

蒸宣

燧宣

燧宣

煜宣

丙宣

徙居  
紹興

出嗣

慈祥

慈恩

慈椿

慈樑

慈杏

慈榆

慈彬

慈樊

肅圖

字靜二監  
察御史

恂恭 殤

恪恭 殤

濬恭 出嗣

澄恭

欽忠介公系 世系

三四明禮書 約圖刊本



漸恭

肅範 無嗣

字錫九翰  
林院商詩

肅祺 茂恭 徙居  
溫州

字廷五藍  
紀推官 洽恭 出嗣

肅遜 無嗣

字兼三兵部  
職方主事

肅珍 無嗣

肅典 無嗣

欽定四庫全書

四庫全書

約閱刊本

字尚慶監  
紀推官

肅豫 無嗣

肅采 無嗣

字子亮中  
書舍人

肅指 洽恭 入繼  
從舊淵

字幹求  
璽

三世 三世 三世 三世

慈祥 無嗣

慈恩 稟惠 和元 入繼 秀齊

蕪惠 — 和元 出詞

和光  
和鄉

慈椿 — 咸惠 — 和平  
和福

慈樛 — 恆惠 殤  
家惠 出家

慈杏 — 乾惠 — 和霖  
和財

世系  
卷忠介公集

五  
四明叢書  
續圖刊本

和椽

慈榆 — 坤惠 殤  
鴻惠 人繼

慈彬 — 鴻惠 出廟

鴈惠  
青惠

慈樊 — 保惠

佳惠  
盈惠

亦惠

右世系據甬東錢氏宗譜編入

貞羣案錢氏宗譜爲光緒丙戌重修

齒序紀秀齊生乙酉七月是忠介七世孫案宗譜錢氏當明時門第稱

盛易代而後雖閒有一二甲科而忠介遺裔乃無

一人隸學官弟子籍者仁和譚獻復堂日記云遇

鄞錢允吉自言明季忠介公裔孫遺訓子孫耕讀

不仕至今二百年子孫爲博士弟子違祖戒入闈

應試往往有他故不知忠介後人并諸生而無之

豈偶然哉

宗譜允吉名迪惠同治閒官福建同知忠介從曾祖序鵬九世孫非忠介本支

錢忠介公集世系

六四明叢書

約園刊本

也  
後學馮貞羣識

明故兵部尙書兼東閣大學士贈太保吏部尙書謚忠  
介錢公神道第二碑銘

全祖望

世祖章皇帝定鼎二年五月江南內附六月浙江內附  
閏月明故刑部員外郎錢公肅樂起兵於鄞大兵之下  
浙也同知寧波府事朱之葵通判孔聞諸迎降貝勒卽  
令之葵知府事以聞語同知府事公方居憂在東吳丙  
舍中咯血聞信慟哭絕粒誓死諸弟已爲之治身後事  
鄞之貢生董公志寧首謀倡義聚諸生於學宮王公家  
勤張公夢錫華公夏陸公宇燾毛公秉奎和之徧謝諸

錢忠介公集 神道碑銘

一四明叢書  
續圖刊本

鄉老而莫敢應卽所云六狂生者也初十日之葵輸糧  
於貝勒至姚江姚之故九江道僉事孫公嘉績故吏科  
都給事中熊公汝霖已起兵之葵以道斷回鄞公於是  
夜輿疾至城東觀變是日孫公以書來鄞約其門下士  
故吏科都給事中林公時對爲之後繼次日林公謀之  
諸鄉老終莫敢應六狂生皇皇計無所出宇燾故與公  
同研席相善途中聞公已至大喜挽公入城途遇志寧  
遂定謀發使以十二日集紳士於城隍廟諸鄉老相繼  
集之葵聞語亦馳至時諸人皆未有定意離席降階迎

此二人而公遽碎其刺拂衣而起百姓聚觀者數千人  
謹聲動地有戴爾惠者布衣也大呼曰何不竟奉錢公  
起事觀者齊聲應之舉手互相招擁公入巡按署中俄  
頃海防道二營兵暨城守兵皆不戒而至遂以墨纒視  
師之葵乞哀於百姓百姓爲之請乃釋之故總兵王之  
仁在定海已納款得貝勒令仍舊任鄞之故太僕謝三  
賓家富耦國方西行見貝勒歸害公所爲乃貽書之仁  
謂滄滄訛訛出自庸妄六狂生而一穉紳和之將軍以  
所部來斬此七人事卽定矣某當以千金爲壽公時年

未四十故有穉紳之謂會公亦遣客倪懋憲以書告之  
仁勸其來歸之仁兩答書約以十五日至鄞而密語懋  
憲令具燕犒三寶不知也方以爲殺公在且夕屆期之  
仁至城東請諸鄉老大會於演武場坐定之仁出三寶  
書靴中對眾朗誦三寶遽起欲奪其書之仁變色因問  
公曰是當殺以祭讎否語未畢長刀夾三寶而下三寶  
哀號跪階下請輸萬金以充餉乃釋之於是沈公宸荃  
馮公元颺亦起於慈自鄞慈合兵聲勢響應之仁旣以  
關內鎮兵至而關外黃斌卿亦遣將以翁洲鎮兵至張

名振亦以石浦鎮兵至知慈谿縣王玉藻知定海縣朱  
懋華知奉化縣顧之俊新授知鄞縣袁州佐知象山縣  
姜圻皆以兵餉來會寧守乏人以通判羅夢章行守事  
而太常莊公元辰助登陣焉公以是月十八日奉箋迎  
請魯王監國二十八日再奉箋勸進七月十一日會師  
西興王途中加公太僕寺少卿既至再加右僉都御史  
分汎瓜瀝公四疏辭新命兼力言爵賞宜慎不可蹈赧  
王覆轍濫子名器因固請以原銜署事并辭諸弟姪從  
軍之授爵者十月樞輔張公國維約諸軍以初八日始

連戰十日公與諸軍斬戮皆有功而第七戰尤捷是役  
也前鋒鍾鼎新用火攻首擊殺緋衣大將一諸將呂宗  
忠等各斬數十級俞國榮等直抵張灣取其軍械以歸  
時浙西諸府州竝起義兵蘇松嘉湖列營數百而浙東  
又建國杭州孤懸危甚以兵急攻平湖平湖之主兵者  
爲屠翰林象美書生不曉軍事公請以兵由海道急援  
之不聽說者謂監國初起江上適有浙西首尾相應之  
勢若用公言則大兵進退兩顧杭州不復能守可逕渡  
三吳以窺白下而坐失此會此足以見聖朝之得天命

也未幾而分地分餉之義起故總兵方國安自浙西來  
軍最盛之仁次之號爲正兵諸義兵倚毗焉而皆無遠  
略國安尤暴橫於是議取浙東之正餉以予正兵而義  
兵取給於富室樂輸之餉謂之義餉識者已知其無成  
交爭之不能得未幾正兵并取義餉而義兵遂無所取  
給司餉者不能應公所派爲鄞奉二縣義餉國安檄二  
縣不必支應蓋以爲之仁地也於是公屢疏入告王不  
能詰但以關臣張公國維敘公十捷功再加右副都御  
史公疏言臣郡臣邑因臣起義兵桑梓膏血一空曾莫  
之救而今日遷官明日加級是臣無惻隱之心也沈宸  
荃陳潛夫之才略機謀方端士之勇官階並出臣下而  
臣反受賞是臣無羞惡之心也臣部將鍾鼎新等斬級  
禽囚之事皆出其力臣以未得取杭不欲爲請殊擢而  
臣自受之是臣無辭讓之心也臣少見史冊所載冒榮  
苟祿惡之若仇而臣自蹈之是臣無是非之心也又言  
臣近者十道並舉冀杭城可復聞主上起行中廷盼望  
捷音不能安坐而臣終不能絕流而渡臣今不能入杭  
誓不再受一官王不許而關中殞詔之議又起時唐王

卽位閩中以詔來張公國維熊公汝霖以唐魯皆係宗  
藩非有親疏之分同平虜兵非有先後之分今日之事  
成功者帝若一稱臣於唐恐江上諸將皆須聽命於閩  
則王之號令不行因議卻之朱公大典與公議以大敵  
在前而同姓先爭豈能成中興之業印權宜稱皇太姪  
以報命未爲不可若我師渡浙江向金陵大號非閩人  
所能奪也於是議大不合原諸公之論各有所見皆未  
可非但當和衷以求其平而方王諸帥忌朱與公遂謂  
公不受副都之命爲懷貳心於閩公不得已鬱鬱受官

錢忠介公集

神道碑銘

五

四明叢書

約園刊本

而餉仍不至王以內臣客鳳儀李國輔兼制軍餉公力  
言中官不可任外事於是諸藩既惡公而內臣又從中  
梗之公兵至四十日無餉然感激公忠義相依不散至  
行乞於道卒無叛者於是公連疏乞餉數十上而餉終  
不至太僕寺卿陳公潛夫之起兵也以家財養軍及財  
竭支四百金之餉於餉臣而不得公言潛夫破家爲國  
今聽其軍之餓死而不恤何以鼓各營因爲潛夫請餉  
并力言軍費之當均王是公言而無若方王何公疏言  
國有十亡而無一存民有十死而無一生翹車四出無



一應命一也憲臣劉宗周之死關係甚巨謚贈蔭恤未  
協輿情敕部改正遲久未上二也張國俊以威畹倚強  
藩權侂人主三也諸臣以國俊故相繼進言主上以爲  
不必幾於防口四也新進鼓舌插屑罔識體統五也反  
覆之徒借推戴以呈身觀望之徒冒薦舉而入幕六也  
楚藩江干開詔欲息同姓之爭李長祥面加斥辱凌蔑  
至此七也咫尺江波烽煙不息而褒衣博帶滿目太平  
燕笑漏舟之中迴翔焚棟之下八也所與託國者強半  
弘光故臣鴉音不改九也此猶枝葉也請言根本七月  
雨水不時漂廬舍以千百以水死滿潮衝入西成失望  
以饑死壯者殞鋒鏑弱者疲轉輸以戰死絳票赤紙日  
不暇給以供應死東南澤國倚舟爲命今士卒爭舟小  
民束手以無藝死入鄉鈔掠雞犬不遺以財死富民卽  
曰應輸非有罪於官也而拘繫之有甘心雉經者以刑  
死沿門供億淫汙橫行以辱死劣衿惡棍羅織鄉里以  
爲生涯以憂死始也竭小民之膏血不足供藩鎮之一  
吸繼也合藩鎮之兵馬不足衛小民之一髮凜凜乎將  
以髮死由前九亡并此而十臣不知所稅駕矣時國俊

外仗方王內與客李二奄比而馬阮在方軍遙相呼應見公疏皆恨甚國俊遂飽兼金引三賓以禮部尚書直東閣相與共擠公王加公兵部右侍郎再疏力辭不受會傳閩中遣大學士黃鳴駿來浙欲盡科八府之糧以去閩中故無是舉乃馬士英阮大鍼交構二國之言公致箋於鳴駿以公義動之卽此可以見公之未嘗有私于閩而諸帥之謗不止孫公督師西出將由龔山渡而揚聲由江口林公時對方監其軍商之於公公復書謂宜防陰平之詭道不當專備江口且孫公軍營似亦不

當在盛嶺瓜瀝龍塘諸地時公懼馬阮之爲患也於是公以無餉與孫公嘉績連名請以兵歸開遣伯吳凱不許尋以謀言王師將自海道來乃移公守瀝海公旣終無所得餉疏言臣兵不得不散但臣以舉義而來大仇未復終不敢歸安廬募散兵之日願率家丁數人從軍自效王温旨慰留而諸將益蜚語以爲公將棄軍逃入閩先是閩詔之頒浙也并賜倡義諸臣敕命加以官爵公嘗奉表稱謝遂爲諸帥口實甚且有令壯士劫取公首者公於是棄軍拜表卽行言臣從今披髮入山永與

世辭主上請加蹤跡斷不入閩以遭殄滅遂之温州避  
入王得疏大駭知公不可留乃降旨令往海上同藩臣  
黃斌卿鎮臣張名振共取道崇明以復三吳時方有由  
舟山窺吳之計也斌卿以舟迎公入翁洲王加公吏部  
尚書兼理戶部事公辭不受是爲丙戌之五月不三旬  
而江上破公之解兵也閩中有使召之公以江上之嫌  
不赴及江上破公由海道入閩請急提兵出關不可退  
入廣東并陳越中十弊以爲戒閩中優詔答之以右副  
都御史召公疏言故大學士孫公嘉績之忠爲之請卹

而閩中又破公避難於福清展轉文石海壇之閒與諸  
弟無所得米則食麥無所得麥則食薯其後并無所得  
薯則食薯之枯者拾青茅以當薪嘗夜涉絕谷足盡裂  
乃祝髮以免物色然其題壁云一下猛想時身世不知  
何處數聲鐘磬裏歸途還在這邊識者以爲非繙流也  
乃稍稍有從公問學者公賴其脩脯以自給已而聞鄭  
彩扈監國至鷺門來往諸島閒禡牙舉事丁亥六月王  
至琅江公入覲王大喜時文臣在王側者祇熊公汝霖  
而孫公嘉績之子延齡年尚少馬公思理位雖在熊上

然非越中舊從也彩推馬公熊公直開而已嘗兵部公  
至以公自代公泣陳無功請以侍郎署部事不許公疏  
言兵部之設所以統理羣帥歸其權於朝廷今雖未能  
盡復舊制然當申明約束使臣得行其法不相凌辱可  
乎國家多難大帥往往拚敗爲功以致日壞江干王之  
仁報捷諸書其餘習也臣願海上諸臣持勿欺二字以  
事主上可乎臣在化南有感臣忠義願攜貲來投者有  
願奪降臣家財以充餉者聚之可數百人臣亦不敢私  
以自衛藩臣入關當驅臣兵爲先鋒但願諸將稍存部

臣體統一切爭兵并船不相加遺以爲朝廷羞可乎敘  
功之舉往往及官而不及兵誰肯致死臣請凡兵有能  
獲級奪馬者竟授守把等官可乎又言近奉明旨江上  
之師病在不歸於一今宜以建國公彩爲元戎登壇錫  
命平夷問安蕩胡諸鎮此建國之左右手令其選擇偏  
裨或爲先鋒或爲殿後合而爲一弗令異同如鄰下九  
節度之師其次則編定什伍弗令雜然而進雜然而退  
孟浪以戰並得旨允行又疏言主上允臣前疏委任建  
國則兵出於一矣復命建國合挑各營之兵選其健者

請自今以往一切封拜暫行停止特懸一印令於眾曰  
有能爲建國所挑之兵爲先鋒立功者不論守把等官  
竟與掛印如此則奇傑之人至矣或謂各藩以私錢養  
其私兵孰肯令其挑之以去則卽令各藩自挑敢死善  
戰之兵各爲一營各懸一印令曰有能將本營所挑之  
兵立功者竟與掛印可耶否耶王以爲然於是兵威頓  
振連下興化福清連江長樂羅源三十餘城侍郎林汝  
嘉都御史林奎皆起兵郭三才以大兵援閩亦來降遂  
圍福州而浙東山寨亦各起兵遙應前此六二生家居

者謀取寧紹台諸府與公兵爲掎角之勢復爲三寶所  
告而死公又疏薦故太僕寺卿劉沂春初仕茗中不納  
款繼歸閩中不薙髮廣東糧道吳鍾巒素行之忠義方  
直乞特赦召用得旨沂春右副都御史鍾巒通政使二  
人猶不起公貽書以君父之義感之二人始翻然就道  
而閩中遺臣無不出又因福州之敗請卹宗臣統鎔等  
諸將葉儀等以鼓忠義王是之王之初至閩也招討鄭  
成功待以寄公之禮而不稱臣仍稱隆武三年蓋脩浙  
中頒詔之怨也至是公頒明年戊子監國三年曆海上

遂有二朔然公嘗有書與成功擬其忠義勉以恢復故  
成功不以爲忤於是王大愧歎始知公前此江上之議  
出於平心非貳於閩嘗謂公曰先生所上奏疏子皆貯  
藏之燈下時時覽焉明年王次閩安公請立史官紀事  
晉公大學士疏辭者四面辭者三終不許鄭彩之下諸  
城邑也自以八閩可指顧定是時諸將稱大營者六自  
彩而下平夷侯周霍芝同安伯楊耿閩安伯周瑞義興  
侯鄭遵謙蕩胡伯阮進定遠伯鄭聯兵力亦無以大相  
過皆惡彩之專顧彩益橫及害熊鄭二公而逆節大著

卷忠介公集

神道碑銘

十一四明後書

約圖刊本

故公力辭相位旣不得請每日繫船於鴛舟之次票擬  
章奏卽於其中接見賓客票擬封進牽船別去匡坐讀  
書其所票擬亦不過上疏乞官部覆細小之事大者則  
彩主之雖王亦不得而問也公每入見卽流涕不止曰  
朝衣拭淚昔人所譏臣不能禁王亦爲之漣然彩初與  
公頗相睦自熊公死并疑公時督相劉公中藻起兵福  
安攻福寧城將陷總兵涂登華欲降而未決謂人曰豈  
有海上天子舟中國公公貽之書謂將軍不聞宋末乎  
二王不在海上文陸不在舟中乎後世卒以宋祚歸之

而況不爲宋末者乎登華乃詣彩降彩欲使其私人守  
之劉公不可彩掠其地公與劉公書不直彩而書爲彩  
邏者所得彩恨甚以爲公樹外援以圖之朝見之次故  
誦公書中語以動公公憂憤交至而彩自是亦知爲諸  
藩所惡不復協力逍遙海上連江失守公聞之以頭觸  
枕祈死血疾大動遂絕食王賜藥亦不復進六月初五  
日卒於瓊江遺言以故員外郎章服入殮訃聞王震悼  
輟朝三日賜祭九壇王親製文祭之贈太保吏部尙書  
諡忠介陸一子尙寶司丞公生于萬曆丁未正月望日

得年四十有二夫人董氏以是年四月卒子曰兆恭尙  
寶司丞曰翹恭先亡公嫂陳氏姪克恭皆死島上殯於  
瓊琦自公入海其家被籍而夫人之父光遠破家爲公  
輸餉參幕府事公旣入海光遠自縊而死公卒後第四  
弟御史肅圖第五弟檢討肅範挈兆恭依劉公於福寧  
城陷肅範死之肅圖以兆恭走翁洲庚寅六月兆恭亦  
卒公遂絕又七年第九弟推官肅典亦以義死於鄞又  
一年第七弟職方肅避亡命伴狂死於崑山父子兄弟  
翁壻相繼死國良可慟也而曩所謂六狂生者董公志

寧王公家勤華公夏以戊子謀翻城應翁洲不克家勤  
夏死之志寧逃入翁洲辛卯城陷死之張公夢錫在山  
寨庚寅寨破死之陸公宇焯以癸卯謀應海上逮死惟  
毛公聚奎亦累被逮亡命得免公諱肅樂字虞孫一字  
希聲學者稱爲止亭先生浙之寧波府鄞縣苻藥泚人  
錢氏於鄞爲右姓七世祖以侍郎管廣西布政使奐最  
有名曾祖鳳午封禮部主事祖若履知臨江府萬曆直  
臣以忤江陵幾死者也父益忠瑞安訓導贈副都御史  
太夫人楊氏繼傅氏臨江在獄中公年九歲寄呈所作

欽定四庫全書

通志

卷之三十一

列傳

帖括文臨江喜曰屬虞翁有孫矣故字曰虞孫登崇禎  
丁丑進士釋褐知太倉州事嘗謂人曰吾不敢得罪天  
地自揣歸家之日量口炊米裁身置屋如斯而已州有  
母訴其子者公撻之其母請置之死公曰汝止一子殺  
之將以他人爲子未必勝所生也且悔之矣語未畢母  
子抱哭而出有兄弟訟者公曰汝以小忿傷天性吾撻  
一人則汝結怨且終身矣可退思三日來及期兄弟慙  
愧請罪吳中素難治羣不逞之徒結社成聚輔以博棍  
鹽梟肆行無忌又多仗庇有力之門以爲護符而黠吏



陰陽其間凶徒結黨殺人焚其屍或以屍誣置之他人家以陷之公痛治之其風遂息推官周之夔逢迎烏程發難於太倉折邑思以牽連起黨禍以公在事中之夔終無以難也每鄉令其耆老會同保長公舉善惡注冊善者以朱榜旌賞之惡者以白榜捕責之常思行義倉法庚辰歲稔言於大吏令民畝輸米升得數萬石次年大旱藉此以振是歲又苦蝗卽以餘米賞民之捕蝗者素病咯血以旱徒步禱烈日中薰瘠骨立民環而泣曰侯病甚矣其姑返公曰無歲將無民又焉用我相對而

哭皆失聲是役也公病以此幾不起公狀貌最文弱見者易之而大義所在守之甚剛常熟錢侍郎謙益林居延攬天下士多歸門下聞公名因百方招致之公卒不往謙益晚節披猖始知公之先見太倉巨室有子坐罪知公不可以私干乃求武進吳公鍾繼言之以其爲公房考也公卒不可竟取其子罪之時公以初至不甚與薦紳接蓋素知吳中薦紳多以苞苴把持有司也薦紳以此望公旣而始知公之公其署崑山也方大旱崑民揭竿劫粟圍朱太守大受第而太倉亦告變公急以兵

誅其渠而嚴飭巨室之閉糴者不三日而兩地皆安堵  
其習崇明也以兵擊殺海盜魁三人擒二人始知公之  
才略善得士如歸莊宋龍陸世儀盛敬其後皆以名節  
樹立於易代之際以考最遷刑部員外郎丁瑞安艱家  
居國難已亟時時從邸報中悲憤時事雖在倚廬而每  
飯不忘多見之於詩初公之少也嘗夢日墮其手公以  
手扶之稍稍上而卒不支日漸小漸晦卒隨臂而下心  
竊異之私以語其外舅董光遠及在海上相傳唐王在  
大帽山一日公夢兄弟四五人大臨盡哀醒而疑之未

幾則北來報王之訃也蓋公之忠義出於性成故神明  
與天通而瘡痍之間先爲呈告甲申之難聞紫荊關總  
兵丁孟榮死闖賊爲之立傳又聞醴陵尉邱繼武死獻  
賊貽書湖廣大吏表章之福州之陷聞齊巽起兵賦詩  
自慰流涎節烈不啻口出嗚呼公之在江上也厄於方  
工公去江上不旋踵而列戍崩潰方王同歸於盡公之  
在海上也厄於鄭氏公死海上未卒哭而閩土盡失鄭  
彩亦見摧於延平以死則甚矣庸妄人之害國以自害  
也雖然浙東列郡並起事事敗之後獨吾鄉山寨海槎

祀尋不息諸義士甘湛族之禍敢於逆天而弗顧卒延  
翁洲之祚至辛亥而始斬則公之感人者深矣公殯瓊  
江者六年福清葉文忠公之孫尙寶進晟謀爲葬之海  
寧故職方姚翼明時披緹海上尤力助之乃乞地於黃  
檗山僧隆琦而修塹道焉平夷侯周奎芝定西侯張名  
振與諸義士故儀部紀許國等皆襄事故大學士長樂  
劉公沂春爲之碑都御史華亭徐公孚遠爲之誄諸義  
士爲置墓田別有葬錄紀其事其後總督陳經征海道  
出墓下親往致祭人比之鍾會祭孔明之墓隆琦亦異

僧旣葬公棄中土居日本焉公所著有正氣堂集越中  
集兩征集共若干卷亂後不完今存者十之五子編次  
爲二十卷公死幾三十年仲弟肅圖始舉子以爲公後  
曰濬恭惟公乙酉以後之事見於碑誄者皆互有缺略  
聖祖修明史史臣爲公立傳據諸家之言亦不詳也越  
九十五載濬恭年已七十欲修墓於黃檗乃乞子詳節  
公文集中諸事跡合之侍御所作家傳并諸野史之異  
同參伍考稽以爲公神道第二碑銘其銘曰

真人御世兮六宇偃兵孤臣空懷故國兮終何所成浙

有方王兮聞有鄭天降魔君兮莫之能爭公魂西逝兮  
錢江公魂南去兮瓊江來歸舊宅兮甬江導以義旗兮  
堂堂前揚波兮後重水看寒芒兮箕尾可憐孤兒七十  
兮賦大招公歸來兮聽吾誄

附舊寄萬編修九沙札

忠介事實之詳宜莫如其弟退山先生之文然亦有  
遺且誤者如急援平湖義兵疏乃江上第一好著時  
不能行不待次年之夏知其無能爲矣諸傳皆不載  
并退山亦失之江上願詔之爭張熊朱錢分爲二而

忠介以此遂爲悍帥口實此最有關係者諸傳皆不  
載并退山亦失之江上有兵部侍郎之命再辭不受  
既至翁洲有吏戶二部尙書之命退山皆失之若披  
緝於閩則劉氏神道碑中及林太常傳皆有之而退  
山似諱其事不知此不必諱也鷺門確係鄭彩先舉  
兵而以戎政召公退山以爲彩因公言而起兵今詳  
考諸家野史與劉碑徐誄以正之又公之入閩馬公  
思理尙在退山以爲馬卒而後公繼之舛矣尊諭令  
某博考以正前人之失某亦何敢但是文於參稽頗

詳審云

錢忠介公集

卷之六

十六

四明叢書

約園刊本

明史本傳

錢肅樂字希聲鄞縣人臨江知府若庶孫寧國知府敬忠兒子也崇禎十年成進士授太倉知州豪家奴與黠吏爲奸而兇徒結黨殺人焚其屍肅樂痛懲皆斂手又以朱白榜列善惡人名械白榜者階下子大杖久之杖者日少嘗攝崑山崇明事兩縣民皆立碑頌德遷刑部員外郎尋丁內外艱順治二年大兵取杭州屬郡多迎降閏六月寧波鄉官議納款肅樂建議起兵諸生華夏董志寧等遞拜肅樂倡首士民集者數萬人肅樂乃建

錢忠介公集傳

一四明叢書  
類圖刊本

牙行事郡中監司守令皆逃惟一同知治府事肅樂索取倉庫籍繕完守具與總兵王乙仁締盟共守聞魯王在台州遣舉人張煌言奉表請監國會紹興餘姚亦舉兵王乃赴紹興行監國事召肅樂爲右僉都御史畫錢塘而守尋進右副都御史當是時之仁及大將方國安竝加封爵其兵食用寧波紹興台州三郡田賦不能繼恆缺食已加兵部右侍郎明年五月軍食盡悉散去魯王航海肅樂亦之舟山唐王召之甫入境王已歿遂隱海壇山採山薯爲食明年魯王次長垣召爲兵部尙書

薦用劉沂春吳鍾巒等明年拜肅樂東閣大學士唐王  
雖歿而其將涂登華爲守福寧魯王遣大學士劉中藻  
攻之登華欲降疑未決曰海上豈有天子舟中豈有國  
公肅樂致書將軍獨不聞南宋之末二帝並在舟中乎  
登華遂降鄭彩專柄連殺熊汝霖鄭遵謙肅樂憂憤卒  
於舟故相葉向高曾孫進晟葬之福清黃巖山劉中藻  
福安人由進士官行人賊陷京師雜髮被擄掠賊敗南  
還事唐王既事魯王攻降福寧守之移駐福安大清兵  
破城冠帶坐堂上爲文自祭吞金屑死鄭遵謙會稽人  
爲諸生潞王以杭州降大清遵謙倡眾起兵事魯王崎  
嶇浙閩間從王航海與汝霖並爲彩害

錢忠介公集傳

二四明徵書  
約圖刊本

貞羣棗楊陸榮三藩紀事本末云福安破大學士錢  
肅樂衣冠坐堂上爲文自祭服金屑死蓋以明史錢  
劉合傳而誤附正於此

雍正寧波府志本傳

錢肅樂字希聲學博益忠第三子也年九歲爲文寄其  
祖若賡賡方在獄喜曰吾有孫矣生平忠孝天植以聖  
賢自期博綜經史於詩文無所不工崇禎十年登進士

授太倉知州飲冰茹檠與邑紳張采張溥輩力行鄉約以崇教化州故多豪強有凶徒結黨殺人焚其屍肅樂痛懲之又以朱白榜列善惡人名械白榜者階下予重杖久之杖者曰少嘗攝崑山崇明兩縣事民皆立碑頌德考績爲江南第一陞刑部員外郎丁憂歸後卒於閩閩人葉進晟葬之古田縣黃檗山之東阪

貞羣案古田當作福清

貞羣案乾隆浙江通志循吏傳本此不錄

康熙鄞縣志本傳

錢肅樂字希聲學博益忠第三子也年九歲爲文寄其

錢肅樂傳

三四明叢書約圖刊本

祖若廣廣方在江右獄喜曰吾有孫矣以廣號颺虞因自稱虞孫生平忠孝天植期以聖賢自希家貧屢空晏如也粹於學書過目弗忘博綜經史旁及諸子百家於詩文無所不工尤精制義海內至今傳誦崇禎丙子丁丑聯登鄉會榜授太倉知州飲冰界玉一錢不入與鄉紳張采張溥輩力行鄉約以崇教化州故多豪強侵撓百方不爲動孜孜惟釐姦剔弊弭盜恤荒爲務有某紳子暴橫殺人肅樂欲寘之法公牘丐免者積案盈數尺固執不聽因特求房師吳鍾巒面言以圖末減至則肅



樂延之公堂具公服再拜曰生我者父母成我者老師  
但今日之事寧可得罪老師不敢得罪百姓鍾巒大喜  
歎賞以爲希聲弱不勝衣狀貌恂恂若婦人女子乃能  
執法如此始信留侯傳非盡史氏之諛辭也此鍾巒嘗  
述以告同志者由是治行流聞考績居江南第一陞刑  
部員外郎丁艱歸甲申後不負素志從亡海外漂泊坎  
壘以死

光緒鄞縣志本傳

錢肅樂字希聲號止亭益忠之子祖若賡在獄中肅樂

錢忠介全集傳

四四明叢書

約園刊本

年九歲寄呈所作帖括文若賡喜曰屬虞翁有孫矣祖全

望撰神道碑

以若賡號屬虞故又稱虞孫狀貌恂恂弱不勝

衣而忠孝天植生平以聖賢自期讀書過目不忘博綜

經史於詩文無所不工閩志爲諸生有盛名南疆釋史督學黎

元寬擢爲第一嘗云不獨文章爾雅人品行誼亦兩浙

一人也林時對撰傳崇禎十年成進士授太倉知州明史本傳恤

寒士嚴校閱所拔皆才俊蘇州府志○案神道碑善得

其後皆以名節樹立於易代之際與邑紳張采張溥輩力行鄉約曹志作

常平倉立保甲法修湖川塘蘇州志某紳子暴橫殺人肅

樂欲置之法公牘丐免者積盈尺皆不聽因求肅樂房  
師吳鍾巒面言以圖末減至則肅樂延之公堂具公服  
再拜曰生我者父母成我者師也但今日之事寧可得  
罪於師不敢得罪百姓鍾巒大喜以爲能執法閩志豪家  
奴與黠吏爲奸凶徒結黨殺人焚其屍肅樂痛懲皆斂  
手又以朱白榜列善惡人名械白榜者階下予大杖久  
之杖者日少本傳又常以孝友勸導人有母訟其子責其  
子令跪母前諭曰爾子雖不孝罪不至死且子死將誰  
依母感動泣謝去有兄弟訟者曰汝小忿奈何傷天性

張忠介公集傳

五四明叢書  
約圖刊本

親盍退思三日憾不釋再來越數日兄弟果來謝且持  
物以獻曰微侯不及此肅樂取一物曰相尤而復相好

所以識也

江南通志

十四年大旱禱於神悲呼達旦雨隨至

時苦蝗捕治不爲災米價騰貴窮民聚爲亂肅樂捕其  
魁立斃之榜云散卽良民罔治聚卽亂民罔貸眾翕然  
亂隨定復勸大姓出粟振饑減價平糶所全活甚眾性  
廉介有以公例數百金進者峻卻之曰安得有公例直

脍削民脂耳

蘇州志

嘗攝崑山崇明兩縣事民皆立碑頌

德本傳考績爲江南第一

曹志

十五年入爲刑部員外郎尋

丁艱歸

明季南略

乙酉大清兵下浙江閩六月寧波府同知

朱之葵通判孔聞語迎降肅樂方居憂在東吳丙舍中咯血聞信慟哭絕粒誓死而貢生董志寧倡謀起兵諸生王家勤張夢錫華夏陸宇爍毛聚奎和之卽所云六狂生也肅樂乃輿疾至城途遇志寧遂定謀以十二日集紳士於城隍廟百姓聚觀者數千人有布衣戴爾惠者呼曰何不竟奉錢公起事

○索林傳時對自謂倡言奉錢公不及戴爾惠與神

道碑互異時對非掠人美者以情事度之當是爾惠述時對之言而大呼於眾人中耳

觀者齊聲

應之擁肅樂入巡按署中俄頃海防道二營兵暨城守

錢公集傳

六 四 明 嚴 書

約 園 刊 本

營兵皆不戒而至遂以墨纓視師太僕謝三賓家富耦國方西行見貝勒歸害肅樂所爲貽書定海總兵王之仁謂滄滄訛訛出自庸妄六狂生而一稚紳和之將軍以所部來斬此七人事卽定矣某當以千金爲壽肅樂時年未四十

○案句餘土音註公起兵時年三十八

故有稚紳之謂會肅

樂亦遣客倪懋熹以書告之仁之仁兩答書約以十五日至鄞而密語懋熹令具燕犒三賓不知也屆期之仁至城東請諸鄉老會於演武場出三賓書對眾朗誦因問肅樂曰是當殺以祭纛否語未畢長刀夾三賓而下

三賓哀號跪階下請輸萬金以充餉乃釋之

神道時郡碑

中監司守令皆逃惟之葵治府事肅樂索取倉庫籍緒

完守具與之仁締盟其守聞魯王在台州遣舉人張煌

言奉表請監國王乃赴紹興行監國事

本傳

七月十一日

會師西興

神道碑

民扶老攜幼曰錢公秋毫不犯也

華夏過宜

言王途中加肅樂太僕寺少卿既至再加右僉都御史

分汎瓜歷肅樂四疏辭新命兼力言爵賞宜慎不可蹈

弘光覆轍濫予名器因固請以原銜署事并辭諸弟姪

從軍之授爵者十月大學士張國維約諸軍以初八日

錢忠介公集傳

七  
四明叢書  
約園刊本

始連戰十日肅樂與諸軍皆有功而第七戰前鋒鍾鼎

新用火攻尤捷諸將呂宗忠俞國榮等直抵張灣奪取

軍械以歸時浙西諸府州竝起兵列營數百與浙東首

尾相應杭州孤懸甚危乃以兵急攻平湖平湖之主兵

者爲翰林屠象美書生不甚曉軍事肅樂請以兵由海

道援之不聽

神道碑

未幾而分地分餉之議起故總兵方

國安自浙西來兵最盛之仁次之號正兵食寧紹合三

郡田賦謂之正餉肅樂所領之義兵則取給於富室之

樂輸謂之義餉未幾正兵并取義餉而義兵遂無所取

給司餉者不能應肅樂派取之餉爲鄧奉二縣國安檄

二縣不必支應蓋留以爲之仁地也

史釋

肅樂屢疏入告

王不能請但以敘十捷功再加右副都御史肅樂疏言  
臣郡臣邑因臣起義兵桑梓膏血一空曾莫之救而今  
日遷官明日加級是臣無惻隱之心也沈宸荃陳潛夫  
之才略機謀方端士之勇官階並出臣下而臣翻受賞  
是臣無羞惡之心也臣部將鍾鼎新等斬級禽囚之事  
皆出其力臣以未得取杭不欲爲請殊擢而臣自受之  
是臣無辭讓之心也臣少見史冊所載冒榮苟祿惡之

鍾忠介公集傳

八四明叢書

附園刊本

若仇而臣自蹈之是臣無是非之心也又言臣近者十  
道並舉冀杭城可復聞主上起行中廷盼望捷音不能  
安坐而終不能絕流而渡臣今不能入杭誓不再受一

官王不許

神道碑

值唐王立閩中詔至張國維熊汝霖主

業卽權稱太姪報命未爲不可若我師渡江向金陵大  
號非閩人所能奪也於是議大不合國安之仁忌之遂  
謂肅樂初不受副都之命爲懷貳心肅樂不得已鬱鬱  
受官王以奄人客鳳儀李國維兼制軍需肅樂力言中

官不可受外事由是諸藩內臣交惡之肅樂兵至斷餉  
四十日行乞於途而感激忠義相依不散卒無叛者

史釋

肅樂乞餉疏數十上而餉終不至乃疏言國有十亡而  
無一存民有十死而無一生翹車四出而無一應命一  
也憲臣劉宗周之死關係甚巨諡贈蔭卹未協輿情敕  
部改正遲久未上二也張國俊以戚畹倚強藩權侔人  
主三也諸臣以國俊故相繼進言主上以爲不必幾於  
防口四也新進鼓舌搖唇罔識體統五也反覆之徒借  
推歎以呈身觀望之徒冒薦舉而入幕六也楚藩江干

開詔欲息同姓之爭李長祥面加斥辱凌蔑至此七也  
咫尺江波烽燧不息而蓑衣博帶滿目太平燕笑漏舟  
之中迴翔焚棟之下八也所與託國者強半弘光故臣  
鳴音不改九也此猶枝葉也請言根本七月雨水不時  
漂廬舍千百以水死溷潮衝入西成失望以饑死壯者  
殞鋒鏑弱者疲轉輸以戰死絳票赤紙日不暇給以供  
應死東南澤國倚舟爲命今士卒爭舟小民束手以無  
藝死入鄉鈔掠雞犬不遺以財死富民卽曰應輸非有  
罪於官也而拘繫之有甘心雉經者以刑死沿門供億

淫污橫行以辱死劣衿惡棍羅織鄉里以爲生涯以憂  
死始也竭小民之膏血不足供藩鎮之一吸繼也合藩  
鎮之兵馬不足衛小民之一髮凜凜乎將以髮死由前  
九亡并此而十臣不知所稅駕矣時國俊外仗國安之  
仁內與客李二奄比而馬士英阮大鍼在國安軍遙相  
呼應見肅樂疏皆恨甚國俊遂飽兼金引謝二賓以禮  
部尙書直東閣相與其擠肅樂王加肅樂兵部右侍郎  
再疏力辭不受會傳聞中遣大學士黃鳴駿來浙欲盡  
科八府之糧以去閩中故無是舉乃士英大鍼交構二  
國之言肅樂致箋於鳴駿以公義勸之而諸帥之謗不  
止肅樂懼馬阮爲患於是以無餉與孫嘉績連名請以  
兵歸開遠伯吳凱不許尋以謀言敵人將自海道來乃  
移守瀝海肅樂旣終無所得餉疏言臣兵不得不散但  
臣以舉義而來大仇未復終不敢歸安廬墓願率家丁  
數人從軍自效王溫旨慰留而諸帥益蜚語以爲肅樂  
將逃入閩且有令壯士劫取其首者肅樂於是棄軍拜  
表卽行言臣從今披髮入山永與世辭王上請加蹤跡  
斷不入閩以遭殄滅遂之溫州避人王得疏大駭知不

可留乃降旨令往海上同藩臣黃斌卿鎮臣張名振共  
取道崇明以復三吳斌卿以舟迎肅樂入翁洲王加肅  
樂吏部尙書兼理戶部事肅樂辭不受是爲丙戌之五  
月不三旬而江上破肅樂之解兵也閩中有使召之以  
嫌不赴及是肅樂由海道入閩請急提兵出關不可退  
入廣東并陳越中十弊以爲戒閩中優詔答之以右副  
都御史召肅樂疏言故大學士孫嘉績之忠爲之請卹  
而閩中又破肅樂避難於福清輾轉文石海壇與諸  
弟無所得米則食麥無所得麥則食薯其後并無所得

蘇忠介公集傳

二十四明徵書

薯則食薯之枯者

神道碑

乃潛至龍峯巖祝髮誓題壁云

一下猛省時身世不知何處數聲鐘磬裏歸途還在這

邊將終隱矣

林傳

已而聞鄭彩扈魯王至鷺門來往諸島

馮牙舉事丁亥六月王至琅江肅樂入覲王大喜

神道碑

肅樂疏言我國家中葉上固受其危下亦未免見傷往  
者遼事起而有遼餉詔書有曰暫累吾民一年已而爲  
定額矣及勦寇復有勦餉詔者如前已而復爲定額矣  
楊嗣昌請抽練九邊之兵以制敵滅寇詔書復如前已  
而復爲定額矣加以催科之令毒於猛虎擣虜之吏制



民媚官由是言之元氣之傷已甚前年起義之仁國安日吸紹興民間之膏血而空之王鳴謙張國柱日吸寧波民間之膏血而空之谷文元李礎又日吸天台民間之膏血而空之經此三空傷不益甚乎今其餘習尙未盡變言之可爲歎息

明小紀

時杉推熊汝霖直閣而已署

兵部肅樂至彩以肅樂自代肅樂泣陳無功請以侍郎署部事不許肅樂疏言兵部之設所以統理羣帥歸其權於朝廷今雖未能盡復舊制然當申明約束使臣得行其法不相凌辱可乎國家多難大帥往往於撥敗爲功

鑑庶介全集

十二四明叢書

約園刊本

以致日壞江干王之仁執捷諸疏其餘習也臣願海上諸臣持勿欺二字以事主上可乎臣在化南有感臣忠義願攜貲來投者有願奪降臣家財以充餉者聚之可數百人臣亦不敢私以自衛藩臣入關當驅臣兵爲先鋒但願諸將稍存部臣體統一切爭兵爭船不相加遇以爲朝廷羞可乎敘功之舉往往及官而不及兵誰肯致死臣請凡兵有能獲級奪馬者竟授守把等官可乎又言近奉明旨江上之師病在不歸於一今宜以建國公彩爲元戎登壇錫命平夷闔安蕩胡諸鎮此建國之

左右手令其選擇偏裨或爲先鋒或爲殿後合而爲一弗令異同如鄴下九節度之師其次則編什伍弗令雜然而進雜然而退孟浪以戰並得旨允行神道碑又言兵

貴精練然練兵非旦夕事也今一切封拜掛印暫行停止自建國以下六大營每營挑選敢死善戰之士別爲一軍懸金印於此令曰有能將本營挑選之士破敵者不論守把等官各以印佩之王以爲然自是兵威頗振

黃宗羲撰傳

連下興化福清連江長樂雜源三十餘城遂圍福州而浙東山寨亦各起兵遙應前此六狂生家居謀

鍾忠介公集傳

十三四明叢書  
約圖刊本

取寧紹台諸府與肅樂兵爲犄角之勢復爲謝三賓所告而死肅樂又疏薦故太僕寺卿劉沂春廣東糧道吳鍾巒乞特赦召用得旨沂春右副都御史鍾巒通政使二人猶不起肅樂貽書以君父之義感之二人始翻然就道而閩中諸臣無不出者又因福州之敗請卹宗臣統鎔諸將葉儀等以鼓忠義王是之王之初至閩也招討鄭成功待以寄公之禮而不稱臣仍稱隆武三年蓋修浙中頒詔之怨也至是肅樂頒明年戊子監國三年曆海上遂有二朔然肅樂嘗有書與成功獎其忠義勉

以恢復故成功不以爲忤於是王大愧歎始知肅樂前此江上之議出於平心非貳於閻嘗謂肅樂曰先生所上奏疏予皆貯藏之燈下時時覽焉神道碑明年王次閩

安鎮肅樂請立史官言近者主上遣使訪求隆武又議爲弘光發喪科臣劾長樂知縣鄭以佳主上憫其清苦又重違言官姑降級消息之旋與溷雪卽此三事皆可

傳遠豈以艱難遂混庶績晉東閣大學士兼吏部尙書

○案殉節錄作兼禮部林傳作兼兵部皆誤

疏辭者四面辭者三終不許與

馬思理劉正亨同入直每日繫船於駕舟之次稟擬章

錢忠介公集傳

十四四明叢書一約園刊本

奏卽於其中接見賓客稟擬封進牽船別去匡坐讀書其所稟擬亦不過上疏乞官部覆細小之事大者則彩主之王亦不得而問也黃傳會彩害大學士熊汝霖兵科

左給事中陳希友揭參彩逆惡大罪給事中熊曰繪草

疏送肅樂肅樂爲之浩歎彩復招義興侯鄭遵謙議事

沈之江

魯王紀事

逆節大著肅樂每入見卽流涕不止曰朝

衣拭淚昔人所譏臣不能禁王亦爲之潸然彩初與肅

樂頗相睦自汝霖死并疑肅樂

神道碑

時大學士劉中藻

起兵福安攻福寧州將破其帥涂登華欲降第謂人曰

豈有海上天子船中國公肅樂致書謂將軍獨不聞宋末乎二王不在海上文陸不在船中乎後世卒以宋祚歸之而況不爲宋末者乎登華遂詣彩降彩欲使其私人守之中藻不可彩反掠其地肅樂與中藻書每不直

彩

黃傳

而書爲彩邏者所得彩恨甚以爲肅樂樹外援以

圖己朝見之次故誦肅樂書中語以動之肅樂憂憤交

至而彩亦不復與諸藩協力迨遙海上及連江失守肅

樂聞之以頭觸枕祈死血疾大動遂絕食王賜藥亦不

復進六月五日卒於琅江

○案魯王紀事謂肅樂遇颶風覆舟披剃入山卒於福唐

魏忠介全集傳

上四明叢書

葉宅考忠介葬錄爲葉氏所葬非卒於葉氏也紀事誤

年四十二○案黃傳作四十三遺言

以故員外郎章服入殮訃聞王震悼輟朝三日賜祭九

壇親製文祭之贈太保諡忠介

○案原作贈太保兼吏部尙書但忠介原官本

以東閣兼吏部不必再贈吏部恐有誤故不書

蔭一子尙寶司丞肅樂殞琅江

者六年故相葉向高孫

○案明史作曾孫誤○貞羣案姚翼明告錢相文云葉相國文

忠公冢曾孫進晟隱元琦募祭田疏云葉相國家曾孫霞臣太史翼明元琦與進晟友可信謝山神道碑脫曾

字進晟謀葬之故職方姚翼明時披緇海上尤力助之

乃乞地於黃葉山僧隆琦而修誕道焉其後總督陳經

征海道出墓下親往祭之

神道碑

國朝乾隆四十一年賜

諡忠節

殉節諸  
臣錄

錢忠介公集

十六

四明叢書  
初編刊本

錢忠介公集目錄

卷一

正氣堂集一

弘光以前之作凡八卷

序

賀應天撫軍張國維陞貳司空視河序

代

太倉州志序

詩經存雅序

徐確庵外篇序

序徐拙民稿

序南州諧子

錢忠介公集目錄

馮子詩序

玉峰試士錄序

兩試序

補

澧廬制義序

澧廬詩集序

弈喻序

序李青遠文

寅公制義序

補

卷二

正氣堂集二

序

公緒上人詩序

房稿二雅序

海內人文序

代

鏡湖大社序

觀德社序

景烈婦傳序

四書說約序

詩經說約序

樂忠介公集

目錄

序周上蓮稿

序陳言夏稿

彬社序

戚武莊練兵實紀序

題陳鳴韶居敬齋序

卷三 正氣堂集三

書

與倪伯屏司理書

與伯屏書

與葛岷瞻書

與王水功簡

補

與堵牧遊書

與侯廣城書

與何司理書

與高玄若中丞書

寄聖月弟書

傳

丁孟榮傳

錄忠介公集目錄

周孺人傳

卷四 正氣堂集四

記

新建龍王廟記

碑銘

重修孔廟碑

林闡然先生墓誌銘

壽序

陳宴如先生七十序



孫念翁六十序

紀明汝六十序

文

誓詞

補

戒殺文

告情文

祈雨疏文

補

一命浮圖會冊勸詞

補

卷五

正氣堂集五

管見全集目錄

四四明叢書  
約圖刊本

樂府

海鷗行三章

西鳥夜飛

補

四言

壽吳伯寅七旬初度二章

勸柴集勳嗣君式穀二章

廩志

五言古

詠史十三首

并序

舟行十九首

并序

紅葉

感懷

比干心

王蠟頭

睢陽齒

霽雲指

子胥眼

彭澤腰

陳默公集目錄

無題四首

鏡語

月規

初春與王水功陸周明同登城南慶雲樓

鏡卜

陳默公以異孝致甘露祥鳥之瑞客有徵詩爲

賀聊賦短章

感恩詩

與柴集勳話別

五四明叢書  
約園刊本

與徐民則論文

春行有感

并序

謁睢陽協忠廟

補

孤雲四章

時屬世亂蘭蕙失守託身崔嵬以孤自別

卷六

正氣堂集六

七言古

苦旱行

讀李長吉集

補

錄忠行全集目錄

六四明叢書

約園刊本

贈玄章小詩誤呂爲李復作短歌解嘲

與歸玄恭話別

有犬行

漁家樂

做文文山六歌

五言律

武林見都司有感

夏日集聖月齋頭

補

秋思

久雨四首

和友人感懷十首

感懷又續前韻四首

幽懷十五首

同錫九弟夜坐聽雨

青陽詠四首

儉齋夜集

除夕二首

詠雪

鐵忠公集

目錄

七四明叢書

納園刊本

喜僧朗母舅自北歸又逢南別悵然傷懷爲訂

後期

送丙弟歸四明

卽事

婺州道上

卷七

正氣堂集七

七言律

九日有感

閒居二首

翁坦人馮玄度招遊畫溪不赴次韻

補

中州懷古

補

丹井樓

補

初第自京師贈內

和梁雌臺風起閣夜卧四首

題玉峯巒

并序

舟行苦熱二首

霞舟吳夫子以夏日過婁先蒙題贈次韻二首

煮粥詩四首

錢忠介公集目錄

八四明叢書

一約園刊本

吳張天如先生次原達韻十首

飛蝗二首

送僧朗母舅歸四明次原達韻三首

送爾敬表弟歸四明二首

買得新妾

八日渡江

錫九五弟之武林省試於其行也詩以勉之

秋日與王原達話別於虎邱寺

寄贈王原達

代

詠雪和應宗海韻三首

詠鶴

讀鄭所南先生心史詩

并序

輓王原達尊公

思親十詠

并序

月夜遊江心寺寄弔文信國三首

壽姊丈邵希文四句初度

和聞警杞吟十首

重遊招寶山

雙忠介公集目錄

九

四明叢書  
約園刊本

賀林令冲霄內召

與倪伯屏話別

卷八 正氣堂集八

七言律

感懷時事

贈李玄章

寄弔謝宣子

蔣振華招飲西湖感懷時事寄慨

別趙榮庵總戎

甲申杪過崑寓周徹其舍留連浹月春正話別  
賦此志感

見梅花落感而賦詩

悲憤詩三十首

奉贈吳純祐使君

七言絕句

山詠十三首

禪引十二首

戲題西廂四絕踵韻

錢忠介公集目錄

十四明叢書  
約圖刊本

代賀知章逐客四首

寄懷聖月弟讀書錫山補

雜文

壽鏞案原編六論釋理附錄於七言  
絕句後今題雜文二字以醒眉目

六論釋理

卷九

越中集一年之作凡二卷  
乙酉倡義後一

疏

瀝血辭銜疏

直陳痛哭流涕疏

舉義情繇疏

陳孤臣心事本末疏

辭副都御史疏

先去致虜之媒害民之賊疏

先臣恩典疏

再辭新命疏

臣兵無餉疏

遵旨題敘疏

卷十 越中集二

錢忠介公集 目錄

十二四明叢書  
約園刊本

疏

十七十死疏

鄞慈有兵無餉疏

乞假歸葬疏

臣兵四十日無餉疏

辭職辨餉疏

陳越中十弊疏

補

檄

代蛟關總兵王之仁恢復檄



書

致閩輔黃跨千書

答林繭庵書

再與林繭庵書

補

五言古

仄韻詩八首

卷十一

南征集一

丙戌航海以後三年之作凡十卷

詔

擬頒曆詔

欽定四庫全書目錄

擬監國鷺門詔

三三四明樓書約圖刊本

諭

擬諭高州道

擬諭福寧州文武各官

擬諭長樂百姓

擬諭長樂城內百姓

擬招諭閩省文武官員檄

敕

擬敕瑞昌王

封定西伯張名振敕

封定西侯張名振敕

起通政司吳鍾巒敕

復原任監軍御史敕

擬封冠軍將軍謝朋敕

擬封果毅將軍吳輝敕

擬敕兵部主事錢階調章雲飛合剿

卷十二 南征集二

敕

欽定四庫全書

目錄

十三 四明叢書

新編刊本

擬封龍驤將軍涂順敕

擬封中權將軍林奇敕

擬監軍兵備道丁正春敕

擬虎賁將軍敕

敕都督陳翰

擬敕東閣大學士

擬敕遣都督劉廣運招撫虜兵

擬慰勞益藩鎮國將軍由拚

擬敕陳永錫

擬敕義興侯鄭遵謙

擬敕平原將軍湯蘭

擬敕監軍兵備道

擬敕巡撫上游都察院右僉都御史

擬敕巡撫孫延齡

擬敕監軍御史尤師魯

擬敕武靖伯蔡乃漢

擬敕曹大錕

卷十三 南征集三

錄忠貞全集目錄

十四四明叢書  
新開刊本

疏

有權乃可集事疏

第一急著疏

再陳急著疏

三陳急著疏

竇言成信疏

特舉實心任事之臣疏

別選賢能疏

謹報入關日期疏

再陳練兵殺虜疏

薦劉吳二臣疏

辭銜疏

請立史官疏

再乞放閒疏

辭入閣疏

申明辭閣緣繇疏

恭承嚴命疏

恭報恢剿福京情繇疏

鍾惠介全集 目錄

五

四庫全書  
約園刊本

乞策免疏

再請寬假疏

卷十四 南征集四

論

伯夷叔齊

荀息肥義

召忽

主履者弗

說

人說

子釗字說

序

序陳默公落花詩三十韻

陳聖謀詩經治亂始末序

贊

松鶴圖贊

并序

題李象雲表兄小像

并序

三賢贊

鑑忠介公集目錄

十六四明叢書  
約閱刊本

碧居上人法相贊

并序

松石圖贊

并序

題霞舟夫子桂林讀書圖

題霞舟夫子讀易圖贊

并序

封蕩胡八十翁贊

題金剛經手卷

卷十五

南征集五

書

與朱統鐫書

答原總戎涂登華書

與劉魯庵書

與上游各鎮解和書

答鄭忠孝伯書

傳

吳霞舟夫子小傳

翁尊白傳

葉純卿傳

吳叔子傳

欽定四庫全書

十七

四明叢書  
續編刊本

卷十六 南征集六

壽文

壽薛衡升五旬初度

薛石生尊人壽

建國太夫人壽文

祭文

誅風伯文

擬十月朔日祭太廟文

祭阮將軍死難文

雜著

疑獄

卷十七

南征集七

五言古

迎陽詠

并序

題翁德五小像爲流觴曲水

并序

贈萌蒞道人

七夕擬古二首

七言古

卷十七南征集七

十六四明叢書

紀夢

并序

四歌

春日同諸弟觀葉思雲新舟

苦吟

五言律

風雨航海和石生韻

喜肇一錫九兼三協虞諸弟到用肇一原韻

繇海壇到龍山寺

舟中宴集簡席上諸公

登羅星塔

與錫九弟同登羅星塔

卷十八 南征集八

七言律

贈碧居禪師 并序

登德成巖贈省言虛白二上人二首

謀虜以十六日入福州二首

福州一都會

贈富平伯張侯服

錄忠齋集目錄

九四明叢書

約園刊本

贈威虜侯黃虎癡

山居岑寂勉學玄曠然而風穴所在草不生焉

其爲侵齧者多矣予私念世情似若可了唯

聞聖駕所在則引緣穿穴不可禁止碧居上

人自長樂歸傳聖駕已至贛州其說自確又

云皇上與聖母單騎至一村後騎追急猝投

蔣姓之家須臾虜至詰問再三終不洩虜搜

捕此人則呼鄉勇與戰虜敗而還聖駕得出

嗚呼此人真義士哉惜傳者之逸其名也



宿東林寺聞舟中歌聲

留別碧居虛白二上人

答語石山人贈別原韻

憶西湖六首

紀夢二首

并序

與門人洪伯玉總戎

海上聞信

醉茶齋步薛子熙韻

有序

和鄔萌蒞道人招隱用烏字韻詩十首

卷十九 目錄

四明叢書  
續編刊本

留別薛子熙

贈薛爾傳

留別薛衡升

留別翁尊白

和鄔萌蒞移居原韻

又和烏字韻海壇山後十日作十首

卷十九 南征集九

七言律

和五弟錫九原韻

肇一錫九兼三協虞弟自文石來又復言別悲  
喜交集爲賦七言四韻二首

題黃巖寺

送別肇一錫九弟

兼三弟海上有感戲爲續韻二首

與徐闇公孚遠舟中宴坐闇公有五湖之行贈

別

贈戴斐臣

贈張日永

錢忠介公集

三四明樓書  
約園刊本

贈董承之

詠茉莉花

詠石榴花

移居海壇山時方競渡寄嘸

海上有感

客中愁遣

秋薦

續悲憤詩

病中戲和秋史韻六首

夢肇一弟仍用秋史韻

和秋史韻卻寄黃嵩公銓部

和秋史韻寄弔林子野先生空二首

遊天竺寺

壽建國鄭羽公

彩

贈劉洞山

中藻

十二日立春

元宵初度

聖安皇帝發喪二首

錄

三四册裝書

約圖刊本

游百洞詩二首

并序

和水居詩三首

九日十二首

卷二十 南征集十

七言絕句

與碧居省言三上人坐月戲作偈問

送虛白上人至德成巖漫賦二首

山居偶成四首

題畫七首

雲歌別諸弟十首

偶和吳霞舟夫子十吟十四首

題文昌閣壁

哭丙十怨

十恨

十憶十一首

十願

十懺

十期

錄中全集目錄

詩餘

謁金門 秋風

又 秋雁

唐多令 和文信國旅懷

又

沁園春 仿文文山先生原韻

又

又

賀新郎 本意爲張子任

三四明鏡書

約園刊本

又憶肇一錫九兩弟

滿江紅 海上寄慨

又和王昭儀驛壁韻

又

又軍人有伐松爲爨者

又病中寄慨

又

如夢令 舟中感懷

思帝鄉 本意

錢忠公集目錄

十四四明叢書

又

又悼亡

烏夜啼 悼亡

卷二十一 附錄一

葬錄上

文

錢虞孫先生葬錄序

董劍鏞

東閣大學士兵部尙書贈太保吏部尙書忠介

錢公神道碑

劉沂春

碑陰識語

附

釋性凡

錢希聲先生誄

并序

徐孚遠

告錢相國遷柩文

葉進晟

告錢相國文

姚翼明

再告錢相國文

前人

三告錢相國文

前人

告土神文

釋性日

錢相國下窆祭文

葉進晟

爲四明錢相國營葬槩山募祭田疏

錢忠介公集

目錄

三五

四明叢書

續圖刊本

祭錢忠介公文

補

劉沂春

釋隱元琦

祭錢相國文

釋性日

前題

釋隱元琦

哭錢虞孫先生文

何寵

葬錄下

詩

送忠介錢公葬黃槩山

劉沂春

本師和尚捐地葬錢相國敬偈

釋如一

爲錢相國營葬偈

釋隱元琦

霞臣葉公爲錢相國營葬偈志其事

釋如一

送忠介錢公卜葬黃檗山

補

馬文琦

祭錢相國墓

釋超弘

前題

釋智瑩

弔錢相國希聲

釋如沛

臘月二十日過琅江拜忠介錢公息廬

補

陳仲寶

錢相國集目錄

天四明叢書  
約圖刊本

和獨耀師贈葉子器爲忠介錢公營葬黃檗山

補

劉沂春

前題

補

陳仲寶

贈葉子器營葬錢忠介公

劉沂春

碧居上人護錢相國喪自琅琦至黃檗山於其

歸也詩以送之兼呈隱大師獨耀上人

葉進晟

葉太史子器爲錢相國營葬黃檗山詩以頌之

次原韻

姚翼明

前題

補

前人

獨耀浙西義俠也逃禪黃檗葉太史子器營葬  
忠介錢公諸柩於黃巖山謀於獨耀時有戒  
心獨耀不辭跋涉走琅江運柩以葬偶會龍  
峯惠余茶與詩卽別寄聲以答

劉沂春

碧居禪師護忠介公諸柩葬於檗山歸遇豪客  
鐸剝其衣因詰之而反其半作此慰之

前人

錢忠介公集目錄

毛四明叢書  
約園抄本

錢忠介公葬錄題詞

補

全祖望

卷二十二 附錄二

騎箕集

先忠介時傳爲郡城隍廟神屢於黃靜涵儀部

家降乩示異賦此展謁

錢光綸

追弔錢忠介公集唐六首

李鄴嗣

弔錢虞孫先生

徐堯章

拜忠介公和蟄菴韻

王玉書

謁錢忠介公祠

萬言



錢忠介公時傳作城隍廟神蟄菴賦詩展謁利韻  
汪濤

前題二首

陸鏊

忠介為城隍或夢寐見之或病甦傳之此理之不無者也昔先王父齊莊甫逝之夕給事贊府者夢鼓吹迎楊高唐為土地神旦而親友數輩各齋瓣香肅拜祠下夢悉相符焉沆竊疑忠介之與王父以道德則修文之選以氣節則箕尾之歸而尚煩簿書之役役與是皆不可知而亦理之所必有者也因和詩而及之

錢忠介公集目錄

三十四 明叢書 續圖刊本

楊文沆

拜希聲錢夫子畫像六首

歸莊

追哭母舅錢忠介公五首

張英

客鄞江弔錢忠介公四首

鄧漢儀

再弔忠介公次聖月韻二首

前人

又次楊澧仙韻

前人

又次萬貞一韻

前人

錢忠介公降神記

全祖望

崇祀鄉賢錄

府鄞兩學廡增附生員呈文

陳錫吉等

宗族生監呈文

錢潞恭等

跋錢忠介公崇祀錄

全祖望

卷二十三 附錄三

原編上文

太倉守署崑山縣去思碑

顧錫疇

送錢侯入刑曹序

張采

錢忠介公傳

陳皇土

錢忠介公集目錄

三四明叢書  
綉園刊本

東閣大學士太保兵部尙書忠介錢公傳

林時對

東閣大學士錢忠介公傳

黃宗羲

忠介公前傳

錢肅圖

忠介公後傳

前人

錢氏在茲集小傳

錢廉

橫雲山人明史稿本傳

王鴻緒

祭錢忠介公文

盛敬

卷二十四 附錄四

原編下 詩

弔錢相國

顧鈞

前題

王育

前題二首

殷陞

遙哭二律

陸世儀

戊子六月先生死難閩中今壬辰先生令弟以

訃音至其門人哭之以詩

崔華

前題

王挺

前題二首

汪价

續編下 目錄

三十四明義書

前題四首

曹周紛

前題四首

費參

前題

陳朝典

前題二首

王瀛

前題

浦湘

前題四首

方華

前題七首

吳世瑞

前題

盛敬

續編上文

送舊太倉知州錢侯序 歸玄恭文續鈔

歸莊

題錢侯誓辭後 知畏堂集

張采

壽錢希翁四十序 過宜言

華夏

跋錢忠節公南征集殘本 厚嘯樓集

徐時棟

錢忠介公墨蹟跋 鮎埼亭集

全祖望

前題 奇龕文存

孫德祖

錢忠介公墨蹟跋

三十四明黃書約關刊本

三忠遺札跋 東井文鈔

黃定文

錢忠介公像贊 盛敬

太保錢忠介公畫像記 全祖望

錢忠介公大像繪成重題粟主入祠祭文 代錢濟泰

作鮎埼亭集

全祖望

合祭錢張二公文 鮎埼亭集 前人

合祭錢張二公於砌街李氏文 同上

前人

祭明錢忠節張忠烈二公文 古千亭文集

黃桐孫

祭錢忠節公文

景賢社會籍

陳烈鏞

旌忠廟碑記

東井文鈔

黃定文

錢忠節公祠堂記

正誼堂文集

董沛

景賢社序

劉鳳章

錢忠節公像贊

小峴山人文集

秦瀛

錢忠介公夫人忌日議

結綺亭集

全祖望

贈錢公子二池展墓閩中序

同上

前人

重編錢忠介公遺集題詞

張美珣

錢忠介公集目錄

三十四明藏書  
續編下

重編錢忠介公遺集後序

馮貞羣

卷二十六 附錄六

續編下 詩

瓜里元日同錢希聲憑樓望海昌

續而上  
書舊詩

徐振奇

瓜里幕府感事

同上

全大程

錢都御史以哭徐聖思詩見示敬和

同上

全吾騏

遙寄錢張二先生

同上

管道復

琅江訃至

同上

全吾騏

舟次琅琦謁錢希聲相國殯宮二首

奇零草

張煌言

長樂遙弔錢忠介公墓

續甬上書舊詩

陸 壑

黃檗弔明大學士錢忠介公墓

願道堂詩選

陳文述

哭故督相錢公

續甬上書舊詩

全大程

海鶚歌萌蒞子作以速錢希聲也先是余亦勸之去不果和歌以弔錢并識萌蒞子之早見

錢忠介公集 目錄

三四 四明叢書

刻圖刊本

釣璜堂存稿

徐孚遠

哭錢虞孫

續甬上書舊詩

周元初

前哭錢虞孫四首

同上

陸宇燝

後哭錢虞孫四首

同上

前人

哭殉難諸公詩

同上

林時對

鄞縣錢忠介公肅樂

并序

哭錢忠介公詩七首

并序 雪交亭集

高字泰

哭錢希聲先生

汪光復航海遺聞

盧若騰

十二日清明

續甬上書舊詩

錢肅圖

夢哭忠介公三首

同上

錢肅圖

送忠介公崇祀入祠二首

前人

以澹菴承繼忠介奉主入廟

前人

八哀詩

并序 杲堂詩鈔內集

李鄴嗣

贈太保大學士錢忠介公肅樂

錢希聲先生輓歌

續甬上耆舊詩

傅攀龍

輓錢忠介公

同上

邵鑛

同王水功懷錢忠介公

同上

錢豹

讀錢希聲先生悲憤詩

同上

楊紹光

錢忠介公集目錄

三四四明叢書

繪圖本

讀黃檗山錢忠介公墓誌并諸君子弔詠

同上

王玉書

錢忠介公葬錄紀事

同上

林時躍

九日讀錢忠介公葬錄兼懷蒼水

同上

全吾騏

讀錢閣部葬錄並弔沈閣部

同上

董勇

次閩中葉相公孫子器輓葬錢希聲韻

同上

傅奇遇

沁園春

高宇泰

題錢忠介公像用文丞相韻

錢虞孫小像

續前上卷舊詩

王玉書

題錢忠介公像

句餘士音

全祖望

錢忠介公畫像以章服相商權余謂忠介

遺言已用之殮時矣若畫像亦遵之將仍稱

爲曹郎耶恐無以慰後人之心濟恭避余言

因以詩貽之并附記後

鮎埼亭集

前人

謁錢忠介公像

兩山校官詩錄

王堃

錢忠介公畫像歌

八山房詩集

董沛

錢忠介公集

目錄

三才圖會錢忠介公集

題錢忠介公子書詠史詩冊

白華山人詩集

厲志

甬上擬蘇轍詞

句餘士者

全祖望

大人占

甬上雜歌

同上

前人

稚神行

詩錄

擬謝山蕪路

城北草堂詩稿

徐甲榮

舟中相

戊辰元夕栲庭以其世父忠介公畫像爲蒼水



先生祭卽用蒼水過忠介琅江殯宮韻二首  
句餘上音

全祖望

前題二首 甬東錢氏宗譜

范核

前題二首 同上

董孫霽

前題二首 同上

董宏

前題二首 同上

李世法

前題二首 同上

胡銘嶧

前題二首 同上

董元宿

前題 同上

李梅

錢忠公集目錄

卷四 明歲書  
約園刊本

前題二首 同上

徐本仁

前題二首 同上

錢濬恭

前題二首 同上

錢中盛

前題二首 同上

范從律

前題二首 同上

舒大綸

前題二首 同上

葛繩先

前題二首 同上

錢德盛

旌忠廟祀明錢忠節公張忠烈公及諸忠遺老

運登齋詩  
稿續編

陳勤

過芍藥止錢忠介公故第 六一山房詩集

董沛

送錢二池之黃檗山 鮑琦亭詩集 全祖望

前題 同上 前人

見人輯錢忠介馮簞谿二公遺集因作口號

章炳麟

年譜一卷 馮貞羣

錢忠介公集目錄

三七四 明漢書 約圖刊本

錢忠介公集目錄

錢忠介公集遺失目錄

上隆武疏

謝恩疏

迎駕疏

陳二策疏

陳越中十弊疏

壽編按已補入越中集

江上解兵請賜處分疏

薦黃肅虜疏

薦張富平伯疏

錢忠介公集遺失目錄

再薦黃肅虜疏

爲孫嘉績請卹疏

俱入文史

上監國疏

再辭都察院僉都疏

認罪疏

請急援平湖義兵疏

爲搗窩奇捷疏

爲十戰十捷疏

爲孫嘉績辨冤疏

爲黃肅虞借船疏

參鄭轟疏

請與吳凱合營疏

請留張名振會勦疏

請寬限催餉疏

請爲吳凱督餉疏

奉旨西征督催疏

領敕辭銜疏

爲臺臣陳潛夫請餉并薦陳祚明疏

欽定四庫全書

遺失目錄

一一四明叢書

約圖刊本

薦沈延禎入經筵疏

借番兵疏

代

奏西征疏

閩中詔敕

擬招諭八閩

擬監國三年詔

擬敕都察院左都御史劉沂春

擬敕威虜侯黃斌卿

擬敕楊華

敕董錫純

敕高林

敕梅逢乾

敕閻安侯周瑞

敕御史林塗

敕葉有成

敕王音

敕御史林勉

敕平夷侯周崔芝

欽定四庫全書

遺失目錄

三 四明叢書

約園刊本

敕都院林汝翥

敕完義將軍

敕章雲飛

敕魏文耀

文

董天孫詩文序

口戒

張耆相公祠記

以下入文史

祭徐聖思社兄殉難文

祭孫碩膚年兄文

復兵科劉薦叔書

上黃跨千老師書

復包長明年兄書

復翁坦人年兄書

寶豐渡舟記

以下未入

復陳寒山書

上陳默庵閣下書

復王五常書

錄中未入  
出天目錄

四

四明叢書  
續編刊本

上宋閣下書

與少司馬柯玉鳴書

上安昌殿下書

復余季蘆年兄書

諱麗

與王愧兩書

與汪碩德書

延陵家乘

吳霞舟夫子忠告序

詩

聽蟬有感

遙和醉菊詩二首

原命

擬出塞曲六首

途晚遇雨

夜景

七夕

晚行

秋思

樂府全書

卷之四

五

四明叢書

新刊本

傅方兵入城婦女驚避

答徐聖思祀齋

成柝

軍行

軍守

軍謀

軍餉

和徐聖思三首

符聖思軍中思親

又述懷

感時四首

軍中觀穫觀漁觀棋三首

哭徐聖思

舟山阻風二首

泛海有感

舟中候潮

喜門人來之軍中

題戴都司陣亡遺像

卷之六 遺夫目錄

六

四明叢書

張富平伯賊艦成

壽楊處士七旬初度

七夕詠二首

弔道死者

有感

野行

秋日較射

東郊卽事

經鴈山足不得到



山吟二首

梅花詩三十首

和壁上諸公重九作十四首

舟中值潮大至

讀孫碩膚絕命詩和韻二首

江上春日三首

送翁坦人年兄

錫九弟初度

贈胡學師

東坡全集遺失目錄

七十四冊藏書

續圖刊本

贈畢子猶

贈汪子干

與黃威虜侯夜坐談心賦得心字

弔李侗庵

蓮花詠二首

秋夜怨

不寐

以上遺失多半沒於兵火不可復得唯採入吳  
楚禪文史中者此書若存尙候補入故詳誌之

錢忠介公集卷一

契家後學全祖望編次

縣 後學張壽鏞校補

正氣堂集一

序

賀應天撫軍張國維陞貳司空視河序

代巡按作

應天爲陪京重地環江南北沿海上下悉隸藩衛比於古大諸侯地大勢曠擊牙鬩茲非大臣有威望者弗爲理歲甲戌寶婺王笥張公首膺重寄寔維金閭是焉建

錢忠介公集卷一

一四明叢書  
續編刊本

節越己卯而不佞受命巡方以得見當世偉人爲快又越明年元日公懋績登聞天子燕喜遂晉公秩少司空視河濟上聞命之日自車騎材官控弦之士與郡邑之氓隸及搢紳耆老凡籍業之統於府者無不扳軼呼籲若奪所天則予又以不得見當世偉人爲戚矣雖然不佞豈翁翁作世俗觀者嘗上下千載收鏡得失其於人材升降之際多怪少可卽閒者輒跡所至循聲挹芳非意所許夢亦不怨至於公而邁往軼來海內寡二嘿而已乎懼己懷之弗發也夫吳地枕江聯海其民慄輕少

盧水陸凶出奸蠱雜處自當日固已患其難治而公處此又極其難丙子歲虜一入犯畿輔震驚公涕泣拜表即日就道天子嘉公忠義璽書慰勞曰無庸其歸視爾師以遏緣江之不逞者方是時流賊聚眾備舟幾有窺江之志議者以爲公一搖足則介江左右未可知也然公天性英武澹才豐智省不急以養戰士罷無用以治戰艦豪傑之士林立川行皆願屬公麾下故賊時一至皖城公第屹鎮山岳指揮咄唸而賊之角距已落矣公又相度地形周知險阻請於六合築城以備寇蓋自版幹畚具費石餼糧之費公一一料理備預未嘗用軍興費徵發閭左也已卯虜復大入墮壞名城以數十計公聞屢及於寢門土填於左闔便欲奮臂大呼爲天下先會天子委公東南計遠慮深命毋行公遂還師席上度未能擒奴酋胡念得以數萬軍衣糧扉屨之資爲天子犒師庶幾挾纊投醪歡聲雷動亦足以使狡虜聞風惕若僕妾遂率屬共助緡錢以萬計公計國之忠亦可概見於前事矣公撫吳四載凡有害於民者苗耨而髮櫛之幾盡見郡縣吏與之語民情險易風俗厚薄數千里

外若在一室雖流氛未靖海波時沸而公揮喝雷霆咄  
嗟風雨無不煙滅電銷其故何哉志慮發乎神明精誠  
通乎大地也今公行矣說者不達時變謂公專一河防  
不知公之視河實視漕也公治河以通漕猶之靖海而  
奠江也循江而盡於荆南上接岷脈因江而分於鄂渚  
旁合漢流又截江而進於維揚連口淮道繇是而聽命  
於河焉四瀆之觀此焉盡矣而爲伊爲汝爲渭爲濟爲  
潔異道同歸分流竝濟公第以鋤奸之法殺其驕怒以  
惠弱之心息其孱流以補綻支傾隨形裁割之術防其

穿漏而水爲我用矣他日輓粟流輸千里不絕士飽於  
伍馬騰於槽佐天子滅胡上首功其視諸此矣大司農  
計東南之財以壯西北之兵大司馬練西北之兵以壯  
東南之勢而其間引厥咽喉通之呼吸者公也春秋題  
詞曰河之言荷也荷精分布懷陰引度也公以水喻民  
以治水之道治天下昔者周召二公出而營雒後遂留  
以輔豐萬世而下稱爲碩宰以公而觀又多乎哉抑更  
有說焉海內以尼山濼水竝稱鄉魯之鄉余產近於尼  
而公挺生於濼雖聲名出公下甚遠而正性遐情差謂

近之豈地勢使然與夫觀水脈者必於崑崙窮河源者必於坳澤公之豐功偉烈夫人能道之至其潛神冲妙渾思絕垠小子不敏竊又自快爲知公矣

### 太倉州志序

周禮行人掌邦國四方之事達四方之志然則郡邑之有志邦之獻章也有識之士起而修之規模大意囊括舊章便已成帙而詮次不倫記注失當訛舛承襲淺陋喧攘以章來茲忍矣且也封域官師之類皆載乘微文凶裨勸懲若三都兩京賦頌之流末乎無以議爲也受

先張先生博學洽聞所著述海內無輩顧自以生晚季時俗闕失不一釐正之流其何底爰取州志修葺舊志止嘉靖之二十八年茲迄今上之十五年上自國典下逮里言訪諸遺書諮諸故老揆諸異聞其考核也弘其序事也當其立法也嚴其宅心也懇凜凜乎太史之遺風矣今讀其所志一曰封域志創始也二曰營建志興替所兆也三曰官師詳於治人而後法可立也四曰學較登其堂守其器清其田則禮讓可興也五曰風俗志古道以正今趨也六曰選舉志盛也七曰水利州以水

爲國民以水爲命荒略弗事飢寒之本也故重之也八  
曰賦役志經費所出也九曰海運志太倉繇名也以循  
故道以備不虞則忠臣之志也十曰兵防婁瀕海多盜  
練水師習險要門戶之慮也十一曰海事志亂始也循  
始以知終修救之道備焉也十二曰名宦莅茲土者可  
以興可以觀也十三曰人物志往蹟列前美君子以無  
聞爲懼也十四曰藝文志蹟也十五曰瑣綴小道可觀  
小物克勤胥是志也嗟乎此十五卷之中士俗之險易  
吏治之臧否民風之苦樂國計之盈絀時事之緩急士  
大夫之奢約武備之盛衰皆爛然有第執一編以登堂  
皇若握明鏡不質其面若坐指南不顛其轍豈與稗官  
小乘傳說虛妄誇我土風耀彼觀聽者等乎哉若余小  
子不敏敬因職掌佐理賦役志一卷則狐裘羔袖必有  
能辨之者

詩經存雅序

自設制科以來分經籍士遂有專家之目鼓吹羽翼代  
有偉人大都奇玄響於邃初扇芳音於遐路風流雖往  
軌則猶存然而執芻餽者不必蛟龍之求供鼎俎者或

得菖蒲之菹四始變法阡陌蕩然孰驅孰井以奠以居  
有毘陵王子者素心陋俗逸志追古執簡而歎曰詩之  
爲教也深矣方夫玄籥未啓神喙鬼驗文字之先孰構  
匠之迄乎幽鍵旣宣天收地閉唱歎之後孰締綿之繇  
知氤氳要妙靈息相吹蟲鳥春秋情根互嬗未有虛描  
粉黛使號廣寒別綴青蔥遂標金谷所以敷文悅貌事  
盛來茲溯流探源道窮往蹟豈非繁華無結秀之勳陋  
宇非棲神之館也哉爰標理體創立名目遊意作者之  
林卽蠶服亂頭偏饒雅韻馳情忽爾之表卽金鼓玉韭

卷之二

六四明徵書  
約圖刊本

未免荒唐故或嶽嶽如山立或浩浩如川流或灑灑如  
風日澄霽或澹澹如水天涵映或曼聲以低徊若美人  
掩抑增悲歌落葉哀蟬之曲或亢爽以叫噉若壯士奮  
袖起舞作裂背指冠之狀能使懷戚者噢咿感歎者喟  
噓疏影橫斜秋空明瑟介乎上下如揖其人豈必眞授  
幽聲於奇鬼度新曲於仙宮哉古之聲色今之聲色也  
今之歌泣古之歌泣也至性所會金石避堅優孟無所  
鼓其掌東鄰無所效其顰審若是也豈惟文哉以喜笑  
悲吽之情用之君父朝廷之間一夫不獲若撻於市一

寇未除若瞰其室繇是選也將風雅以當繞歌管絃以當干羽矣

徐確庵外篇序

或疑伯牙善鼓琴鍾子期聽之曰我我兮志在高山俄又曰洋洋兮志在流水他日鍾期死伯牙破琴絕絃終身不復鼓毋乃介視天下余曰伯牙之知子期深哉假令當日操琴漫游旁皇以求乎天下之爲子期者幸而得之子期止耳萬一不得乃始徘徊惆悵抱琴而歸不幾令鍾子期見笑地下嗟乎此伯牙之知子期所以爲

至也士求知己於今日蓋其難哉昌黎有言曰日受千金之賜一歲九遷其官感恩則有之矣將以稱於天下曰知己知己則未也然則知己之言蓋官爵所不能移而千金所不能贈者也士以文章應世凡有三患主者好柔麗而士以樸售主者好新聲而士以雅進抱下氏之玉不能衛其足一患也卽或識其文矣而徒賞外光未測內景我咯咯而出之彼泛泛而遭之雖提耳而呼唾心而語不可得二患也從來文人罕有全目識者一以爲俊才一以爲英流被之才士之稱而夷於子雲相



如之列爲辱已甚三患也豈惟士患衡文者亦有之昔  
騏驥厄於鹽車踣地悲鳴古今同痛然使伯樂不逢騏  
驥朝入市焉而無其匹暮入市焉而無其羣悵悵何之  
且將恨我眼光出牛背上矣然則伯樂之思良馬固甚  
於良馬之思伯樂也余曩者署縣得試士拔奇得武鎬  
玄恭數輩徐民則亦與試余黜落之而徐子不恨且自  
悔爲庸師誤與武鎬諸君子日夜切磋盡去其排聲比  
偶之習而求至乎性命精微之域旣甲申歲杪余過崑  
其明年縣科試士民則以文示余余讀之再三不忍釋

手所謂繪無形之像造無響之聲其要妙處則幾幾乎  
與聖賢揖讓宴笑乎一堂之上又讀其古文歌詩則駸  
駸乎大家風篤友誼正人倫匡末俗性情之書也余自  
恨曩者署縣試士而徐子年未壯學未成及徐子年之  
旣壯學之旣成則余又罷事而歸歸而困頓於草土中  
矣今雖知徐子之文之人之至也然且奈何哉而徐子  
且曰師所評皆中人要害當湖而外不多得也每逢人  
則曰希聲知我知我嗟乎此固伯牙之知子期所以爲  
至而余慚非伯樂則亦有不逢騏驥之悲也夫因其有

外篇之刻聊書於此外篇者徐子民則所爲稱知己於當湖者也

序徐拙民稿

爲文而無以自貴其性則筆墨賤於耒耜何者農夫操耒治田我喉我歌我口我笑庸次比耦于于天機歸對婦子樂我盍觴眞之至也文士以文媒世顧盼之念熟於中則不違自貴其性率我耳目口舌以伺候貴人之鼻息歲揉月練以治其梗悍難馴之氣而求合乎世之所然斯其自待亦已薄矣將曰性者隨形而遷當時則

尙沒則已嗚呼其弗思耳矣讀屈原之文使人怨讀昌黎之文使人堅讀子瞻之文使人大讀揚雄之文使人沈默而多思讀者之性情作者之性情也然昌黎子雲之在當日所與遊者惟桓譚李翺輩數人而已其餘屈原子瞻以文買禍至於憂愁困頓以死其在後世乃有怨以思悲以慕恨不同時豈前人反不逮今人哉智有所覆光有所匿也假令生平今世有人焉復爲昌黎數子之文不能與世俗共足而馳同聲而噫則非笑怒罵之者駢連而至矣且夫天能使後世之人咸悲思怨慕

而不能使非笑怒罵之人生於今日何歟高厚之形成則申壓之勢見貴於身者身受之爵祿及身而止貴於性者身不足以酬之榮名千萬世而不衰然則非笑怒罵之在今日適所以驅賢者名自遠耳嗟乎徐子以性自將以道自琢譽之不喜笑之不憂知自得而已矣錢子幸生與同時又幸不自墮於非笑怒罵之列樂徐子之自得其得也喜而爲之序

序南州諸子

今之稱說者寶氏五桂荀家八龍尙矣然是數者或以

德業顯或以位望隆其於文章無兼目也曹氏兄弟競號能文陳思王咄咄逼人其豆相煎文章爲崇非獨勢位之傾軋也唐明皇起花萼樓長枕大被友愛篤至然羯鼓梨園同酣其昵識者譏之諸葛三雄未免龍狗眉山二蘇亦有雌雄卽明興有七才子之稱然地則異區人非同室跨吳楚之雄風兼江浙之勝概僅乃得之豈如南州諸子師友一室魚魚雅雅方其染翰操觚便已聲噪天下哉諸子大者年可弱冠小者舞象而殺漢臣昭事孟博先生之胤余門下士也好以經史滑稽民則

子厚仲舒先生之胤也民則另有序不復述子厚師事武鎬雅與集勳諸君子遊諸君子見過必推子厚才且以余不獲見其古文詞爲恨乎若某之胤某遭无妄代人受禍乎若積怨仇之氣以治其心志墨氣怒飛貫日落星假令今高座大儒爲卽墨守命諸子分銳相攻將一日而下七十城洵快事哉雖然猶有進焉清虛者予天重寶者予地今人咸尊天而卑地則寶之不勝虛也萬物生於無而死於有故無者萬物之母而有者萬物之賊有之不勝無也日之行也以光人莫敢正視及其

食之塊然見內壤則月光凌其上質之不勝光也人一身七尺易盡耳有能返形於虛還神於莫則區區性靈足以先天地而生後天地而老性靈之用無窮也子輿氏曰充實而有光輝之謂大大而化之之謂聖諸子之文充實光輝之位也大而能化民則其庶幾乎繇其所已能而一精其所未至諸子力自饒爲之而不佞猶爲是說者是河濱人捧土塞孟津之說也諸君毋乃笑其迂

有詩者有未始有詩者有既始有詩者有既始有詩而  
仍夫未始有詩者此中妙趣如數夢中珠玉聽者能聞  
之不能懷而去之詩之妙難言哉馮子孟韓捉筆爲詩  
便駸駸奪風雅之席其悲楚者則子荆零雨之章其確  
切者則之問夜珠之句矣雖然有進焉引情以入者慧  
也引情以出者學也學與慧交資而化其偏則稷下竟  
陵無所庸其奴主矣他日復過西湖與孟韓把臂其亦  
以詩爲難言哉

玉峯試士錄序

錄卷一

十二四明叢書  
續編刊本

知人之難古誌之矣今將自其外者而觀之曰某某當  
得科甲某某當爲公卿然大比之歲諸儒生集闕下者  
以千數有司糊名易書次第而取之榜發之日報罷者  
亦以千計其得邀天子恩寵者不必盡皆枕籍經史慷  
慨發策有聲鄉里者也亦有幸而得與者焉其不得入  
選者不必盡皆奔阿下士卑瑣僂促爲名流所斥棄者  
也亦有不幸而不得與者焉及其後三百人之中有司  
所糊名易書次第而取之者或受霜露之摧折或終其  
身窮老於下吏顛倒踣躓而不克自振幸一望天子顏

邑出入侍從者一科之中不過數十人而已究其所以得之與所以失之亦大略與科第等將自其內者而觀之曰某某爲聖某某爲賢則窮甚華門椎魯少文之士其事親孝交友信能成名立方者往往而有若夫冠蓋之族矜才舞智每多跡弛不羈倣儻詭譎之類長卿之滌器子雲之投閣茂先之覆裳今人才未必似之而行或似之人品之不能以一量也窮達關乎天道品行立乎己志奈何以一日之文章而欲使流品霄鏡內外不爽哉余署崑凡八月一歲試童子一季試庠士其慎也

彷彿於所謂糊名而易書者矣晝夜繙閱拔其尤者得如干卷榜發之日其爲余所亟賞者大都枕藉經史素有聲望之彥又進而詢之其生平束修自厲雖阨窮而不改介節獨行確乎不拔則人有是志也夫余非能文者而根柢未樹又多爲流俗所輕一旦衡茲多士心目競賞幾欲羅玉峯之秀置之矜帶間則知英敏博洽之士未必盡爲當事所排擠亦未必盡意結神沮多不軌於中道者繇此而科第繇此而卿相不可知而可知也繇此而聖繇此而賢不可知而可知也又況天子明聖

居上位者思得俊乂以弘幹濟其才識旣十倍於余且以賢人自處而亦以賢人君子望天下則豈其舍鳳音而求諸鼃咳棄荃蘭而寶其蕭艾也者諸君子持是一日之文以爲羔鴈其尙足自信乎否也雖然榮顯之數定於天不可知者也及其得之則一日而畢聖賢之修繫諸己參省焉而未有已也筭伊始之台背終之敢輕持贈乎聽其不可知者於天而勤其可致者於己則余願與諸君子有交修也夫

兩試序

補

欽定四庫全書

十四四明藏書

續圖刊本

余待罪來凡兩試矣一科試遵憲檄也一季試循舊例也是兩試者子竭其日夜之力以求所爲奇而奇者遇焉余又竭其日夜之力以求所爲奇而法者而法者僅遇焉夫法脈之說創自虞邑婁東諸君子顧遺之而效近之而或不效其故何歟曰音貴比耳時傷知希世多文候余恐欠伸之多於擊節也是殆不然今夫文之有體如人之有五官也今有人焉頤隱於膺肩高於頂眉目易次脣齒反位世必姍笑之以爲怪顧獨於文焉前者後之後者前之整者散之散者整之分者合之合者

分之猶相率而號曰新奇爲體一也於人則笑之以爲怪於文則以爲新奇吾不知其所持何說也且夫法脈之說固有難於盡告者矣小智之士雷同相襲忘其故趾競號新妝以排偶板摺爲時樣以伊川紫陽爲趣談其不流於庸陋樸鄙爲人厭棄者幾矣今婁東諸君子之文家爭班馬人號徐庾敷陳時事則雒陽之才摘藻詞林則建安之體率其淹沈浩蕩之思其登於法也甚易而又可免於庸陋樸鄙之謂然且奇者遇焉法者僅遇焉若是者何也豈以席上爲腐談以柱下爲誕詞兩者

心職未卜去從乎夫龍章修於保壤韶武奏於龔俗物非其類傷之者至今諸君子生長婁東德有鄰也唱有和也高山峩峩流水洋洋又奚慮聲徹睥博之艱乎用終告諸同志曰毋勞述聽請從近砌

據乾坤正氣集補

### 濃廬制義序

嗟乎人之才分相差奚啻尋丈哉懷古者欽其樸走時者尙其華各有云爲也若乃癡守章句攀摹先正以之投世動卽仆廢何自齟齬乃爾夫素風旣遠道範寂寞學者肺腑浸漬於肥濃甘臙之中卽人號王唐已失本



來面目何者彼亦追驅時尚骨性不立譬宮商未叶隨  
眾短長似若讚解稽其所得貌怡而神不怡望其略既  
往之衣冠印玄心於未死此實難矣乃并咎標榜先輩  
者爲禍胎豈非大雅云亡一贊莫障哉我觀先正之爲  
文也規矩在心變化應律其所斤斤必繇是者將以重  
稽古求道真也以故洞悉本原則文詞來會心術端慤  
則偉論風生苟守此不變何至今喋喋咕咕者妄肆詆  
欺謂制舉可罷乎吾弟聖月總州爲文便以才氣自負  
下筆千餘言不休然繁文游氣時汪洋自恣於題目之

外亦未暇邊格律之事也旣弱冠輒閉戶自課退思聖  
賢語脈厥有指歸何得逞機鋒恣雕琢使元鏡長暗也  
每構一題輒辨起訖承遞下筆則揣摩輕重不失圭撮  
至行文又復古雅高潔亢爽不羣其居峽山與四方賢  
豪深結意分有繇然者豈與耳學者流背繩追曲詭經  
僻說飾彼小佳掇取大名者等乎哉適余以試事至杭  
與弟相遇於湖水涯偶出數十首示余余反覆數四喟  
然太息曰此其水落石出時矣今天下筆舌紛馳雌雄  
互競悅靡麗者病格局爲腐談東規矩者嘗浮華爲誕

詞同類之中祖各左右又安禁不知者之詬厲也弟誠  
出是編梓於世使知書理無二義歸有宗上以符哲匠  
之巧裁下以清世途之流競又奚爲篋篋之藏乎且吾  
弟詩集盛行於世或意其文聲韻是長理奧未究今觀  
斯文沈靜有道氣人才之不可以一量又如此矣雖然  
士生不出里閭操不律縱橫自快罔知工否卽或謬自  
許可一遇大敵焉知不又見犄角也夫天下固有大居  
正者焉寫己之所懷扶人之所能一以聖賢道義爲己  
任者亟從斯問津異日樹幟中原必將令嶽嶽者折角  
豈徒仰先正抑末俗聚訟一卷之中而已乎

灑廬詩集序

余家季父己未一第後爲先大父故輒攜家北上號泣  
請代襁書乞恩竟獲全宥而季父遂浮寓錢塘再又徙  
居破山察其所以輕去故鄉者以就道時鬻田廬以贍  
用蕭蕭一身客居他郡非其好也時吾弟聖月氏尙未  
角卅越癸亥歲而先大父歿與季父同扶柩歸鄞時則  
已穎躍異常日與諸姆故人道故舊無不得其歡心或  
出對客則論難侃侃一座盡傾識者已卜早慧矣祖宗

已來咸泊詩至季父改業麟經弟復治毛鄭學聞歸授  
經說於吾父課業之餘偶有所得率意吟詠便成佳句  
余爾時亦喜含毫索韻自愧勿工說者謂唐人踵胎六  
朝漢魏繼軌三百聖月其殆有所本矣然余亦係籍三  
百撚鬚苦吟落紙便俗每思池塘夢句乞趣惠連竟不  
可得而吾弟詩思適上所刻香醉軒秋雨刪諸集爲海  
內名公所品題屬相和者伸紙難竟以此而觀亦繇其  
識量遼迴天資過人非第經學茂也今夫詩之爲教所  
以陶寫性情述宣風化詠其所好歌其所歡賢人感物

而遐思志士失時而流涕因文會心託理全制故足尙  
也今老師宿儒正容危坐而相戒曰琢句曼聲非本朝  
所貴亟專八股業俟異日朱紫抱身習之未晚然試觀  
今縉紳先生所稱子建誇太白者爲之較其聲韻醇疵  
工者極力追攀倘得逮唐幸矣奚漢魏之云乎且其專  
專爲八股業者果足以引翼經傳章示來學否也探策  
得第偶耳偶耳什伯千人射覆於偶然一得之中而膠  
葛其心柴柵其胸使不自快設一不偶坐闕此樂事良  
可歎也吾弟傲睨千秋吞縱一世觀其詩詞可以知其

性情則觀其五七言夫安不可以定八股也議者又謂唐人束其精力以應功令故詞必極工我國家不以課士學者束指故元白之儔系不得綴今吾弟出其緒餘乃能麗則若此劉子所云二流之材不其庶與且吾祖以廉直忤時禍幾不測余季父棄官營救至客居他郡今吾弟述祖德詩及聞警詞忠孝之氣藹然言外余取其無隕家學不愧風雅有三百篇之遺意焉若曰淫文放發借喙騷壇眾所喪美余亦云云以言朋友之道且不可況兄弟之閒乎哉

弈喻序

於本事之所不易曉者爲之博取形似覺悟幽微其名爲喻是故貢情爲直指喻爲曲則喻者非正指也取於非正指者以曉其正指使天下知文章之家必有所歸如百川之歸巨浸也已至乎未至乎浸淫衍溢而來者莫不命乎意而後行而潢汙行潦皆有其意也又使天下知吾論文之意之有所歸若伐鐘考鼓噌吰鏗鏘鐘鼓無聲而示其意於考伐天下聞而咸喻之是故有取於喻也喻之必以弈也何說審厥白黑明陰陽也定兩

四隅正方位也或似斷而若聯者逶迤以取勢也或將前而且卻者弭伏以觀其變也或棄子而爭先者意大得不以小失爲傷也或斂手拱默凝思千里及其布局風雨咸集者精神極而變化生也文家之妙備於是矣是故喻之有取於弈也余硯田荒棄已四年所而獵心未死馮臂思仍不揣復有庚辰房書之選猶幸婁士浦子君屏暨弟君望憤世俗之流失思一整之大雅與余同志而性識英朗神智全涌又足以助余之所不逮集成名之曰弈喻大約是集所選其體範於先民而先民中之優孟弗錄其學湛乎經史漢魏而經史漢魏中之操莽弗錄得是意而存之將天下彈琴吹竹鬪雞走狗諸小技術無不本之法則生其靈變漆園論道曰在瓦礫在稊稗在尿溺明乎此者況每下焉其可也

序李青遠文

憶青遠從余遊始自甲戌之歲別後遂綿年載中間生死苦樂之致因復大殊青遠之以甲戌年從余遊也又始自先友亦詰亦詰者吾鄉篤行君子也博學好施慷慨自負獨謬推希聲以誇流輩流輩多竊笑之弗爲改

是時所善惟王子水功陸子調明周子立之復一徐子石客諸君子雖遊道日廣然此外卽流輩視之以故盛毀亦詰勿得鄉譽遂遊學之崇明得李生青遠鍵戶發憤日與討論大義不踰時而病作欲捨青遠而東青遠泣曰苟如是吾亦欲東耳負笈而從之數千里不捨也既至四明與余相見於湖之西偏亦詰遂語青遠曰吾方病病甚子其遂以希聲爲師余方避席逡巡而青遠自是橫經執弟子禮也余以爲青遠妙年棄妻子走千里不憚其懇懇慕義有足多者然其文清俊性成意刻

欲自異於凡庸而體弱不勝如鷹隼始生便有怒飛之勢而毛羽未豐乘風載息未幾青遠以試事歸越明年而我友亦詰遂病不起青遠千里弔唁賻贈有加又越二年余幸捷南宮謁選得太倉而青遠爲余屬邑士青遠視余無異也坐語論文之外口不及私余以爲其人重古道輕勢利非獨其性異人也其學業必有進焉者暇日出一編示余曰將以付梓余視其體勢崢嶸神情巍聳今昔並觀迥焉異目因歎謂青遠曰夫生死苦樂之致懸乎天者也進退消長之機繫乎人者也懸乎天

者猝然以至而不可預期繫乎人者日浸月濡不知其然而自然余也五年以來顛倒於生死苦樂之中而竊歎天道之靡常也今讀青遠之文乃知人事之勤其數亦與天道相等學問之於人也蓋可以已乎哉余不能爲文因其請也爲序其自今以前交遊之自生死苦樂之殊與其學問進長之機如此若夫自今以後青遠日進學而不休天道人事並未可以量也是爲序

寅公制義序

補

昔人謂吳人不解遊趣虎邱卷石耳而登眺不輟每至

蘇子全集卷一

三十四明發書

花晨月望遊屐相過觴爵浚波絲管填咽千人石上譁聲若沸彼豈知宇宙間復有七十二峯在其胸次乎余謂今天下甘近而捨遠賤異而貴同人情然也苟移七十二峯於城市之間其時達官貴人騎從之所呵斥俗子惡奴氣息之所熏灼其爲襤褸不堪當復不亞於虎邱熟爛時也文章之家好言風尚風尚所在下士聞而競走高者言秦漢卑者亦言秦漢高者言法脈卑者亦言法脈而秦漢法脈遂俱爲人厭棄今寅公獨以其盤礴上下之胸流覽載乘之氣收而閉之一室之內以氣

合微以微合神將聖賢坐語詰誠先後詳略之次皆在  
吾一呼一吸之內是秦漢法脈與人同而所以妙處不  
盡以秦漢法脈也涼月初上清風徐來奔驅俗流與二  
三知己坐千人石上橫膝談天下事安在虎邱一片石  
不堪作縹緲諸峯觀也讀貞公之文領趣無盡矣

據乾  
坤正

氣集  
補



錢忠介公集卷二

契家後學全祖望編次

縣後學張壽鏞校補

正氣堂集二

序

公緒上人詩序

詩之爲教原本於情故或託物以寄懷或感時而發詠  
情舒暢者有和平之響危苦者多嗷殺之音留連往什  
靡不繇之若乃逃虛耽寂棄智捐名離而親別塊然介

錢忠介公集卷二

一四明叢書  
約園刊本

立不情孰甚焉夫木含風而籟遠水激石而韻幽木石  
無情猶天靈中動翔越外泱釋氏空寂更乃過之寧當  
鼓暖氣於溼灰吹靈液於潤澤乎余謂天下惟學佛最  
眞者用情亦最眞何以言之夫人一身毒藥腐其腸胃  
已斧伐其骨髓榮華利祿與日刃割愛憎喜怒與日煎  
爍金注而瓦擲之暴殄甚矣而釋氏子獨曠然高寄欲  
使千年幻鼓不墮沈淪一片空明永昭塵劫以知無情  
之爲情也至矣但從來衣鉢之傳所謂逍遙雙樹之下  
唱說祇園之內者其於詩教有取乎未也若夫高人晦

迹於緇流逸士遁名於什部振策鳴魚無關妙理折花  
贈草總寄禪心則當時篇什所載名僧題詠與學士大  
夫竝堪不朽余邑公緒上人生長右族厭薄豪華一旦  
拂衣入山丙子歲余始識公緒於長興之古寺見罨畫  
溪詩推爲獨步不知其製雲霞而標勝羅山水於襟袖  
者蓋已匪且匪今也公緒集其詩將以行世而囑余爲  
之序余恐世之不解事者疑爲吟詠之義非清淨所宜  
不應已入空門復耽情玩也故余作有情之說以勝之  
至於禪之不礙於詩則讀詩者自得之而詩之可以爲  
禪其理是一是二則余更欲過禪扉而一扣探妙論於  
蹄筌矣

房稿二雅序

雅者正也言王政興廢之端也古天子命太史陳詩以  
觀民風其繫於王者皆謂之雅兼之正變以別盛衰降  
及後世歌謠之職不備太師斯事遂廢然三年大司徒  
一進士士子出其匣中藏以行世其曩時匡坐而爲之  
者大抵與政治之得失相參則歌謠之意猶有存者故  
文章者士子之心氣爲之士子之心氣則國家之運數

爲之也今天子明聖中外之吏奉職循理明詔諸儒生  
議論咸依典故請不在六藝之科者弗竝進士子心氣  
光昌盡樂去奇表而崇正道流覽篇章多廣大清明之  
象以云雅不亦確乎雖然雅之難言也久矣聞古樂而  
思寐聽鄭聲而忘疲漢武郊廟樂章悉雜歌謠頗非雅  
什唐時有胡部坐俗部立之分而樂工肄業坐技不通  
然後發爲立部立部不精然後使教雅樂則雅音者二  
累之下也夫玄微之響澹漠而難求繁會之音靡麗而  
可悅其引人愈近其去古彌遠文章一道浸淫遷失亦  
復如是正之不能不變也時也勢也詩有大小二雅二雅  
之中皆有正變而孔穎達爲之疏曰太平則無所更美  
道絕則無所復譏成王太平之後其美不異於前故頌  
聲正也陳靈淫亂之後其惡不可復言故變風息也然  
則變風變雅之作皆所以執彼舊章繩此新失冀其尙  
遵正道故聖人哀而錄之曰是其中有大不得已者今  
天子明聖政事未有所流失也而水旱盜賊四起以困  
堯湯諸君子感憤憂時或故盛其才氣以發揚其翬翬  
之思則心氣與運會亦有相激使然者以知諸君子之

所爲亦無甚樂乎此也尊其正者以樹之式而錄其變者以待其歸詩曰誰將西歸懷之好音是則余與浦子兄弟之意也夫

海內人文序 代張焯作

士人操三寸之管以進退天下士毋僭毋濫有春秋之法焉雖然因乎出入而有主奴因乎取舍而有榮辱界際太明則籬藩天地崖岸太峻則躑躅羊豕怨之所生謗之所起文章之禍將自此起吾家受于何苦而事此余謂受于秉性醇固以至孝聞海內碩儒巨公皆願走

錢忠介公集 卷二

四十四明讀書

約園刊本

千里定交其所謂虎嘯生風山傾鐘應神氣之感皆於未有文字之先故其操選政也策天下偉人傑士於尺幅中其閒山川之險夷風俗之奢儉士人之躁靜悲愉皆於此見之而受于率其同志時以進退之意微寓其灑濯淘汰之權而與之登進乎高明受于之所主天下不得而奴受于之所榮天下不得而辱也又不僅是昔孔明治蜀廢亦知恩太邱爲長盜自知愧無他至性相感也炤以受于之至性而被辱者猶以爲榮蒙非者不矜其是矜懼不立怨謗何生乎本之忠孝以生文章本

之文章以厲風俗受于方將伯仲海內把臂出山佐聖天子興孝同文之治直爲是衰世之慮乎哉

鏡湖大社序

昔者皇甫士安嘗爲三都作序矣序成而三都貴雒陽假令當其時無皇甫士安之序彼左太沖十年中廁溷牆壁皆置筆硯探奇選奧者將不得發穎摩光載其精魄已耶卽陸士衡偶有傖父之目假令見太沖之文其首矜曩僻畸護惜前過終於覆瓿已乎又假太沖之文秃屑枯頽強號作家士安曲筆佞舌引而進之則今綴

鏡忠介公集

卷二

五十四明報書

續國朝本

文之家其牴牾訐詰字凜於史官而法嚴於獄吏不識天下後世之人何以能恕皇甫士安也匪直恕皇甫士安而已并令天下後世之人皆曲筆佞舌以相贊助其故何哉太沖之文自足以貴雒陽而曰必序乃傳者此則食聲者之誤也吾社友張子世調服膺古訓湛深經術恥以諛詞棘句追騁時尚故能力追乎先聖之闢奧而陳子嬰如則其先以文章正直顯於時而嬰如復起而光大之立言匠意以理槩樞故讀其文莊莊乎其士君子也簡鏡所歸聲氣攸集爰有鏡湖大社之刻而問

序於余余自分有不堪序者三藐然小吏聲望素出人下若欲強之是猶望汗垓以雲霞之觀而責屈蠖以風雨之勢其不堪一也四載病魔以藥餌爲梁肉以鍼砭爲巾帶每出一語則噦喀瑟縮淺俚可醜譬如村夫野老登明堂之中蹙足卷舌不能贊一言其不堪二也又同社中非我兄弟則其親若友也妄立軒輊標示風尚人將曰衣飾又其甚者則曰標榜非惟不堪且不敢也故余以爲同社兄弟之文其於經史苞蘊若形之與影無剝割烹煉之患其於聖賢語脈若父之與子無叛逆

篡亂之患是所謂不必序而傳者也其不必序而傳也者則元微之白樂天之詩馬走牛童皆爲謳頌則余也敬從其後矣其必序而傳也者則當今開設門牖主張後進所謂玄晏先生者自在詩曰所謂伊人在水一方則臥子先生其人也余將以意爲舟以神爲櫓以尺牘爲風帆爲同社歌兼葭而送之矣

觀德社序

天下事果不可以人力爲也則吾欲使天下之人盡舉手而跛足苟非然也農者食於耕婦者衣於桑不曰歲

大困簡彙二功吾有手足等諸變跋也而必治之曷以故今天下非無事矣彼方眈眈我則晏晏我其變跋之人乎哉非是而袖手卻步必以天下事非人力所可爲而以爲之者非我輩事也昔杜牧之注孫武子自言年十六時見盜賊起圍之二千里係戮將相族誅刺史殷殷焉聲震朝廷使將兵行誅則必武健而擊刺者其士大夫行列進退嬉笑如平時不爲怪辱非當辱不辱以爲山東亂事非我輩所宜知嗟乎今日人情去古人猶不甚遠哉南郊爲受先先生仁里近新建壯繆侯祠

之內朔望集耆老講論六諭聽者喟然興善祠之外去演武場不數武諸君子則鳩集同志每月較射課殿最名曰觀德噫其神貺與語曰男子生而桑弧蓬矢以射天地四方父母之志也然則簡逸手足置弓矢弗道者其人竟可名爲不孝噫諸君子此舉其觀感於鄉約者深與余以爲射固我輩事也古人祭祀以射飲酒以射厥罔或廢則射也者猶農之耒猶女之桑也今事急而後求之烘樞以待炊而農夫始治其錢縛結鶉以待衣而女子始治其傾筐以云救不亦晚乎然天下方有事

人皆袖手卻步而二三君子獨慨然發憤以自解其纏  
跼之恥且手持不仁之器而大之以復古之名曰觀德  
不尚功也手與之習而心與之忘他日有事賦無衣而  
歌同仇舍是將安取吾是以知天下事之果可以人力  
爲也諸君子其尙張爾弓挾爾矢若書在軸若管在囊  
視若等夷勿婦女其顏勿壯士其態合於中正之鵠矣  
夫射固我輩事也余雖不德願一憑軾而觀之

景烈婦傳序

嗟乎節烈之事今世置不道矣其自學士大夫齒髮危

饒忠介公集

卷二

八十四明雜書

約園刊本

秀之士無事輒怵怍小利遇禍患則掉臂去狼狽以求  
免雖其父子君臣朋友之間不啻若陌路然者大抵無  
慮徧當世矣而其明理義識生死引分自裁從容就義  
者乃反出閭閻之彥豈天良之有獨鍾與抑天固鍾之  
俾以一婦人風厲無窮也夫草野之間下里單寒之族  
意有所結感慨而自盡不遇清修自好之士姓氏弗揚  
同歸煨燼何可勝數以余所聞景烈婦秋霜皎日之操  
性與人殊其得天也厚矣淚垂一綫貞並五祠其蹈地  
也優矣死之日二三君子摹其遺芳誦言於余方將上



其事於朝廷而又綜緝大略作紀傳以垂於後嗚呼婦  
雖遭大厲死猶生也雖然方其雙履置座右帛環頸豈  
料有三君子表章幽烈作千秋之信史哉感於心迫  
於義得死爲幸無他計也繇斯以觀彼偷生視息者固  
不足道卽有動於中徘徊計慮而後爲節義之事萬世  
而下視此烈婦何如哉

四書說約序

憶五年前爲諸生時案頭必置子常麟士所較定本一  
帙每緝閱輒自尾訖首或問其故余應之曰文雖佳義

錢忠介公集

卷二

九四明叢書

約圖刊本

止此耳末幅有兩公論斷約覽弘訓推以知例則四書  
之理可求也然每靳焉索塗捫燭賈賈然未得大歸也  
竊意兩公手指必稱大全某氏云云如是則大全諸書  
意當有異取而讀之竟日忘倦如幽竅密室中數十餘  
年出而見日月星辰以爲寶光異氣矣然是書中異者  
可闢奇者可存煩者可削非得巨手折衷羣言參訂得  
失自成一家其曷以免於亡羊毀壁之虞乎竊意兩公  
潛心制義如是必將有梓布以耀昏衢之日遲久而未  
得又意若不得書或脫迹菰蘆刺小艇揖兩公於虞山

襄水間聆其譽欵必將有網羅爲眾說樞紐者家甚貧不能具舟楫試輒下第聲名困於下邑又無援引之資以故不果至丙子丁丑余業未純而幸捷以去越庚辰之歲而麟士說約以成余乃喟然歎曰嗟乎是余前所想望而未得冀幸口授語言而又未得編戶揣摩窮竟日夜究未得也而今乃得之歡其成悲其晚矣雖然方今學士苟且功名一切大全或問廢置高閣脂粉價高丹鉛勢重故乃時藝等名於聖書丹經見笑於酣酒矣若余雖作更此志不休一日得散髮歸林抱置此書於

清泉白石閒不異曩日看日月星辰疑寶光異氣時也

詩經說約序

詩者性情之書也六經各有所勝易以理勝書以事勝春秋以法勝禮以典雅勝獨詩以韻勝蓋古之詩歌古之樂章也用之宗廟則天神降地祇格用之房中則嗜欲正夫婦和用之邦國則賢才奮麟鳳遊之數者豈如今經生宿儒高坐危論嶽嶽然執理義貫幽明而得之者哉唱歎歌詠之閒微者入焉微者出焉微之所寓若絲與髮杳乎莫得而知也往者制氏能爲鏗鏘鼓舞而

不能言其義及後編列學宮士子揣摩意義以中主者於是聲律之學曠然遂廢麟士子常埋首治經聲動天下嘗有文徵之選輒論韻叶以爲起止抑頓之節今麟士復彙諸家論斷手次綴緝名曰說約此書行而理義與聲律並貴若鐘鼓既懸琮璜在室天下咸引其耳目以治其聾瞽矣且詩有曼聲長句流連暉緩之音亦有促柱急絃震厲噍殺之什有朱絃疏越端坐雍雍之篇亦有飄輕曳長環珮珊珊之響作者志合於氣氣合於聲聲合於器詎知其所繇哉因乎地因乎時因乎事因乎人又因乎其人志氣之悲愉性情之貞淫而見焉執是書而求之學者遇題輒曠然籠蓋乎百世之上直與作者之口耳相商是書也成贊幽達滯金石無功矣

序周上蓮稿

諱錫

今天下靡麗極矣其自宮室衣服以及絲竹管絃之類目不給視耳不給賞學士大夫以下爭爲淫侈惟口不足賈人弄子各逞奇技邀取世資識者憂之余曰此渾沌氏之應也作始也簡將畢也必鉅事會之流固然無足怪獨慮粉謝香銷歌殘舞罷種種紛麗又爲將來渾

沌氏之驅除則誠可惜耳文章猶是也是以有志之士  
卓然獨守吾靜靜者諸生之根苑也澹定不極浮氣爲  
賊正如春氣萌動弱草孱木先見其榮及秋氣降亦先  
受其萎故凡動不根於靜者與紛麗同盡今周子上蓮  
之爲人也嚴氣正性與之遊颯颯如行冰雪中履舄相  
持與之言如患吃者問其家甚貧其尊人少有英譽不  
華而落日夜與其兄武鎬涕泣發憤謀見父於枯管做  
策之間且曰吾母貞也婦道然矣爲人子云何爲人弟  
云何圖所以師事之何向而可他日出而圖吾君又將  
奚若此數言者不從茅屋砥定吾愧吾母矣其爲文也  
浩浩乎落落乎舉世界牛鬼蛇神入上蓮治中皆成聖  
諦以故淡而自喜曲而多思如水行百折必達其性山  
峯千轉各呈其面上蓮靜中作用於文章先見之矣旣  
得雋後家貧彌甚至寧罷公車毋渝玉律其立志如此  
大人靜則上一主一則無耦無耦則物莫之亂湛然靜  
存中別具光明世界上蓮方將出而更置之豈與功名  
之士較其尋尺者哉

壬午余解綬歸頓舟玉峯城下曉起見數十人坐小艇疾棹如飛詢之知言夏已得僑余驚喜甚何喜乎爾自慶也余莅婁五載每試則談奇尤置榻中疾則以當參朮怒則以當鼓歌或爲異己者所抑則張目大呼曰何恤哉我出枕中祕上功幕府應無敵卽罷秩歸置名篇山石間松風時來泠泠自喜一日余坐屏後言夏懷軸見過讀數行做罔靡徙若有所失心口自咎謂何五色迷乃爾詢之知隸州博士頗自慰因此得密邇言夏嘗仰天祝曰言夏若不得僑當令盲我心永劫不結文字

緣今言夏果得僑余乃驕語同志曰余心不盲也已并笑與同志約而懸吾目於吳門以見奇尤之咸得僑也抑不僅私喜今學士織經織史爭自炫耀言夏獨以澹遠寧一之氣迅掃羣孺讀其文者如佩迷穀海內知與不知爭竇諸枕中矣且言夏師事受先我完諸君子持躬嚴正家貧事親孝寧以禮奉菽水不願以非禮供鼎俎旣得僑後偃僂循牆若不及人者昔人謂武侯隆中事業不出澹泊明志寧靜致遠二語余觀言夏亦猶此矣是以喜也

彬社序

聞之田不糞除不能落其實士不雕琢不能至於道古  
之爲士者講學以習之不倦以終之既有得於己矣又  
出而謀於當世之賢士大夫孜孜焉不少懈其故何哉  
將以造高而就大也閉門而學步出而不能正其履甚  
於跛躄對鏡而學妝望而不能正其容殆於蒙瞽學者  
患焉今茲社之爲是刻也其言曰今天下雜用委巷之  
言託爲神奇甚者牛鬼蛇神角爭爲帝聖賢之氣衰而  
士子乃盛氣爭雄相與戛割乎壇坫之下以冠其履以  
膏代鉛儒墨守攻互相笑也試進而叩其中奚爲此叫  
叫者意當今上谷漁陽之地歲苦虜汝穎唐鄆之間歲  
苦寇諸不被甲兵者亦苦征繕天下事強半壞於庸夫  
豎兒良可悼恨今欲使趨健有爲之氣先自鼓腐庶不  
病毛錐子無跣腳處其說是矣然從來負偉望建大業  
者其言皆原本性命湛深經術而後出之前代如韓昌  
黎之入虎口而不懼本朝如王忠肅雜逆擊而無餘其  
文章豈不炳奕天地哉假必較獵研田買勇管城獲奇  
字如獲名王旣繁拂又剗削之以是擬中山捷音嗟乎

李長吉諸人何以天也余疑未悉子曷爲正之余曰子之說盡於是矣余何以加雖然陸公祖以經術文章蔚爲師表茲以潔深秀折之氣出而應之詩曰鶴鳴于九皋聲聞于天此言幽貞之德自下上也又曰瑟彼玉瓊黃流在中此言氤氳之來自上下也諸君子試寶而持之行自驗也豈有被別於韞瑞之庭掩面於承恩之日者哉

臧武莊練兵實紀序

庸醫之治病也鍼刺之熨灸之補泄之而病有效有不

發忠介公集 卷一

十五 四明叢書

約閱刊本

效華陀之治病也水之而效火之而效喜之而效怒之而效甚至割截浣濯之而無不效然而鍼刺熨灸補泄之書傳而華陀之書不傳夫何故書之可以傳者非其至者也非書之傳者未至其至者書不能傳也以余所聞武莊公立功邊徼流聲竹帛少時聞公名以爲此不過恤士卒忠朝廷治軍旅與上古名將配食云爾其所著書不過述其平時所以治兵者卽上次七書竝而爲八已耳及歲甲申金子元素感憤時艱詮次公書以行世余讀至正人心明生死數篇不覺蹶然起曰嗟茲乎

武莊是書究傳其不可傳者以示人直兵家者言乎哉  
夫武莊將以戰陣爲戒壇以戎幕爲蓮座以左右偏裨  
爲高座弟子以桓桓赴赴如虎如貔輩爲天人等眾直  
以吾提身現大將軍身而說法又不僅是孔子曰朝聞  
道夕死可矣從古聖賢作用皆是生死關頭看得了徹  
不能聞道生爲鬼影未有戀此肉軀酒毒腐其腸胃色  
斧伐其骨髓聲簧聾其聽察而能樹不朽於天壤者讀  
武莊之書可以仙可以佛可以將可以相可以人余謂  
元素曰使是書早行一年不幸當變故人知血食百年

雖死猶生之句或挺身爲國家一死天下尙庸有救卽  
不能世界中亦多幾箇活人今惜其晚也金子曰何恨  
晚哉今新主中興天下想望太平長江以南不被甲兵  
者尙有數郡及早讀是書人人拌死以報朝廷雖虜使  
過淮闖賊蹂躪蜀逆獻耽視荆襄取此數么膺直從股掌  
中拉殺之耳獨今強鎮擁兵江淮閩東書皮高閣則奈  
何余曰夫兩都固豐鎬地也太祖高皇帝之靈寶式憑  
之武莊在帝左右也小臣涕泣請命於高皇帝願敕武  
莊持一編以付今之願報仇強秦者如圯上老人故事



庶其有多乎小臣旦暮望之矣

題陳鳴韶居敬齋序

鳴韶先生精小架爲書室題其上曰三適齋其尊人寔如先生見而怵然曰吾輩世受國恩事至於此此豈男兒偃息時耶命去之思所以更是名而未得一夕夢若有人告之曰曷不易以居敬乎先生次日告余余惟丹書有言敬勝怠者吉敬者怠之反也不敬則怠怠則肆酒色眩其前聲名馳其後日行於陰與昧相持故曰高明之家物或瞰之又曰日月暉其外其賊在其內瞰匪

鐵忠介公集卷二

七四明叢書

約園刊本

在外賊匪在內精意不之浮蕩爲崇敬則知懼懼則能勇敢則思退退故能先將以夷險及荒匪王定國竇始基之夫富貴之家欲迪吉而制爲令名欲門堅而造爲鐵樞豈如居敬一言吉在象先樞繇心運者哉且宴如先生之事上也忠蓄下也恕居位也恪接物也誠應事也審心乎敬矣寐而見其心寤而徵其言則是言也非神告之也自告其心也自告其心也者夫乃所以告公之子若孫也請易其名曰告心齋可乎先生曰善遂以顏其齋

錢忠介公集卷二

錢忠介公集卷二

大

四明叢書

約園刊本

錢忠介公集卷三

契家後學全祖望編次

縣後學張壽鏞校補

正氣堂集二

書

與倪伯屏司理書

譚長珩

平江走謁得布下榻爲快又蒙觴以嘉肴賜以貂帽古人解衣推食之誼篤矣渥矣弟內自循省五載以來屢承口耳攜提之助未暇雞狗鳴吠之勤辜負高厚局局

錢忠介公集

卷三

一四明叢書

約園刊本

至今乃此癡人忽發癡語曰我若得罪天地當令子孫斬絕自揣歸家量口鬻炊裁身置屋其況如是若天地猶存則願世世子孫復列臺下其尙許我乎未耶某一身孤冷滿地冰霜四顧無人淒涼欲絕所望執事錫以陽和使雨雪事消於見覩者舍此無他矣若其讒言彌屬白日寢光車載鬼而張弧浪乘風而沸地按轆成見已形執事力爭未得則乞舍小從大降壇就輕去此一官猶不爲名教罪人則南山之南北山之北發雲霞而爲佩屑英蕊而爲餐儘足自樂何必使瞽夫盲子臨于

切之上擬足隘阨中令之惴慄惕懼喪其精魄而後已  
邛某行矣回首故人如在天上西望蘇門增其慨結

與伯屏書

執事以何日到京度可兩閱月未知風猷神采今更何  
如弟病日久不忍讀邸報執事雖多封事亦無得而詳  
與牀褥爲友懶出見客有自南來者亦不能裹頭一見  
訊執事起居狀而此間流聞澹巖與執事有齟齬嗟乎  
世路人情乃至於此弟聞之恚又不得消息未知弭解  
否恚乃愈甚然公道固在天豈終夢知執事必已快然

錢忠介公集

卷三

一四明叢書

約園刊本

鯁生無容綳眉矣樞曹甚劇執事以利刃入將水可斷  
蛟陸可剗犀望勿以前事自恐生死禍福自有命存焉  
卽使束手不爲安知不猶有患韓魏公曰事之成敗天  
也豈可預憂不濟遂輟不爲哉客歲弟以貧不能葬親  
執事起而救之蹙頰而謀之濡手足而拯之又大呼其  
同類而共拯之盡力而止焉詩云凡民有喪罔劬救之  
以斯知仁人君子之用心古今一耳則以知仁人君子  
之用心其凡遇民之有喪而欲救之其蹙頰而謀之濡  
手足而拯之又大呼同類而共拯之盡心力而止焉者

非獨年誼爾也崑之士柴某其文其品執事收之夾袋中矣然其家甚貧性又甚孝去年遭母喪方疾革時醫藥禱祠盡出其所有以與造物爭一旦之命爭而弗得則刲股以救之救之而仍弗得則伏屍泣弗起願與母同盡親友持之至醵金爲營乃得殮今又圖隙地以藏魄不可得且暮哭且病沫中見血如弟狀嗟乎弟尙列仕籍尙藉執事引手乃得濟以儒生謀大事固難況柴子落落難合知交惟我兩人弟旣自謀不暇焉能及則夫大聲疾呼而冀仁人君子之用心者非執事誰望柴子性又拘固雅不欲聞於執事且曰某受倪師知遇良厚獨奈何以私溷長者弟謂爲親謀葬非私也況執事性慈孝其將遇凡民之有喪而起而欲救之而況於剖膽推心素被以國士之稱者哉柴子於處己處人各有分寸度無非禮干儻有所請惟執事許之以緩孝子之心弟至吳不出執事所指以歲杪至崑入其境聞歌呼執事者至今不衰然崑人知執事之愛弟厚也每耨伯屏必引希聲而進之曰使此兩賢在我邑當無大恐崑人雖公明哉亦善附會矣弟衰病日侵瘋憂日切未知

何時復與執事握手空緘無以爲贈書古人努力加餐之句惟自愛幸甚

與馮杞瞻書 諱寅亮

竊以日月者天地之眼也忠孝者人心之眼也舍是則皆瞽矣天地瞽則鬼司權人心瞽則賊長氣前此諸臣誤國負恩貽殃先帝猶冀臨時一死稍稍謝咎不謂蒙面喪心甘爲僞命者所在都有天下皆瞽誰獨且不瞽乎近如金繆二家表表從賊貴鄉紳衿共發義憤闕然一擊稍快人心譬如燭火追嗣日光至於此中表裏未

錢忠介公集 卷三

四 四明叢書 約園刊本

必盡純則某以谷永附王鳳而盡言劉棣楚黨李宗閔而直諫君子不欲厚非者以其立念猶知君父也此番舉動似尙可原而當事者憂深地方鯁鯁入告遂奉嚴旨此猶驅海水以沃燭光其能存者與有幾欲使天下相安於瞽跳弄黑丸中大家做出么唇伎倆不復爲怪嗟乎前此世界昌明朝廷每以忠孝風厲學官猶尙爾爾今必欲重加摧折恐下士靡然咸知所趨向矣天下事尙忍言哉卽曰爲地方弭亂似亦非也士子意氣所激易聚易散若只作平等觀則朝廷陰收正直之助而

士子亦不復有頡頏爭長之勢若重加摧折則受禍者  
其名愈高而附和者其勢愈盛嗟乎使士君子名愈高  
而勢愈盛此豈朝廷之福亦豈地方之福耶伏惟執事  
在朝則魏公之寄長城在鄉則康成之重高密天下三  
尺童稚無不望湖南夫子而起敬者某頃遭大故生死  
皆難懣懣填膺無可告語敢忘愚下布衷言於左右伏  
祈哀憫斯人敬呼同志涕泣陳懇於各憲毋使鬼焰日  
張陰風弼熾庶留微燼以救盲風天下幸甚同里幸甚

與王水功簡

諱玉書

補

錢忠介公集

卷三

五四明鏡書

約園刊本

文壇水火日甚一日自我而言割裂經義竄掇字句揚  
詭人間直可號曰盜誇然弟此言出口便攻擊刺射無所  
不至惟望吾兄爲狂瀾之砥柱耳循例乞一文宗自效  
亦可庶幾至欲以扶衰自任作今日昌黎則何敢何敢  
他日萬一得之吾兄今日雅訓斷不敢忘也北行分手  
得嘉論便堪持贈何乃以儀爲乎以兄命不敢不領謹  
拜登竝此誌謝楊事尙未結局仇兄常例不敢忘也因  
小价俱他出未及送去少遲當如尊旨也水功社長兒

大人小弟樂頓首

據陸忠勳  
石刻補

與堵牧遊書

韓胤錫

世事日非交遊零替每見吳人輒詢牧遊起居狀卒未得確嗟乎牧遊雖吳人豈盡吳人而知牧遊者哉然弟刺刺不已者可以知希聲意中夢中皆有牧遊存焉也則未知牧遊意中夢中亦復有希聲否弟連遭家變雙親竝謝一疾三年幾且不起加以國變驟聞驚心隕地年未四十鬚髮已霜視此衰殘豈能長久追念昔日與年翁共轡連鑣意謂此樂可常何圖數年之中遂生戎馬索靖之悲荆棘鮑昭之賦蕪城每每念之潸然淚下

錢忠介公集

卷三

六十四明徵書

約園刊本

耳三月十九之變滿朝大僚覩顏從賊不意仗節死義乃反見下幕如故醴陵尉邱繼武其人者此人籍本貴鄉初之官清介自矢斤斤不苟比陞參軍可以去矣當事者愛其才留解南糧時賊氛孔亟糧不得達遂露積民間同事者諷之去尉泣曰吾與糧俱死去將安之已而爲奸書劣生投獻逆賊須臾賊使來捕尉尉踞胡牀嫚罵曰我明朝官誓不受辱死而死耳地方人德尉醜三百金爲尉請賊使以屬故不肯釋遂挾以見賊賊見尉笑曰知公大佳吾方屈公永州道今日相從明日富貴



矣尉屬如初連牽往復者五六日賊知尉不屈遂遇害  
嗟乎尉官卑可不死已陞參軍無地方責可不死地方  
贖金謀脫稍噤口可不死授以永州道且得富貴可不  
死然而竟死此人官雖卑有責於官者人雖死有生於  
生者嗟乎使此人官卑而貴人死而生非牧翁尚誰望  
哉尉之子邱臨汝與弟京邱舊交慷慨慕義不佞然諾  
聞變之日號泣向弟言曰吳與楚相距千里父骸不可  
問矣念先人微官殉難九重萬里孰能上達昔年解糧  
南都曾邀牧翁九里之潤子曷爲我一言求其激切申

請兩臺俾得上聞朝廷與邀卹典庶不令忠魂結恨重  
泉余謂牧翁宦於楚者也尊人之殉難其知之詳矣且  
表揚風厲學臣之責也牧翁當日語及忠孝便欲以熱  
血相傾今聞尊人殉義明白激烈且將眉軒髯動汲汲  
乎其欲上聞之也甚於爾矣子之行也有以慰爾心有  
以恤爾行惟牧遊是視牧遊將以酬忠孝者酬後人弟  
之爲此言也將毋贅雖然因是役而使牧遊知希聲近  
狀又知希聲意中夢中不去牧遊也他日歸又使希聲  
知牧遊近狀又知牧遊意中夢中亦不去希聲也則此

嘗也將捧我兩入之心而達乎千里之外矣臨風惆悵  
不知所云

與侯廣城書

諱嗣曾

三月十九之變普天所同痛也至某又增一二月月初四  
九月初六之痛嗟乎君親竝喪何以生爲淚盡惟血眼  
枯見睚人生已矣顧所以不卽死者以先大人骸骨未  
歸故土俶擾經年迄無成緒正如羣蟻聚謀志欲負山  
回互往來見者嗤笑將歌黃鳥之句效將伯之呼而范  
舟長杳郭錢不再迺邇至崑年華淹盡萬不得已此焉

錢忠介公集 卷三

八四明叢書

約園刊本

卒歲嘒城紫氣映徹玉峯緬想儀型徒深秋水蒹葭之  
慕雖欲溯洄相從正恐負罪之身名教不容執事見之  
有移牀遠客耳執事東山望重何時復出以慰蒼生郭  
令公之復唐李忠定之翊宋舍公誰屬若猶遲吾行恐  
辛有之歎伊川不及百年矣某苦土餘生無意人世但  
得遁跡深山猶爲明朝鹿豕拜頌明賜死且不朽裁書  
叙心聲淚俱廢悵哀而教之

與何司理書

諱家駒

文章一道雜然竝出割剝屠裂先見八股之間非操懿

溫竝驅壇坫之上而後有三月十九之變文運之關氣  
運非小也幸執事一出掃除霧縠捧日月而登之光明  
中興之兆實於文字先兆之昔我高皇帝以帖括羅士  
意固有在蓋欲熨貼書義使學者自治其性情云爾學  
者自治其性情而凡出身加民罔不自治其性情以期  
於允當則執事繇茲祥刑迄於光贊亦猶自治其性情  
而已弟於執事無半面之交敢因論文而自媒於執事  
其亦許之否乎弟處荆棘中毀瘠骨立萬念俱毀惟此  
一一知己懋弗自割頃至吳王子存中齋試卷相過且

告弟曰是向師之所引而進之者也師曷再以一言爲  
介紹弟謂子讀異書胸無凡想雖在髫年毅然有老成  
之思不第科目中人也未經物色而走札以求援是術  
驚也材雖佳弗爲令器今業爲當事所特拔則子文之  
介紹也久矣且子之見何師也必將舉余以相質曰某  
兩童試蒙錢師兩冠其軍則余之不肖且因子文而介  
紹於名公余又奚事焉雖然詩不云乎古之人無畧譽  
髦斯士弟已絕意人間世擬先人曠事畢築土室備耕  
以自老則此子終始扶掖以成譽髦之美者非明公尙

誰望哉不敢作套語亦不敢以他干惟此懿好鼎鼎於心敢以爲請仰祈崇照

與高玄若中丞書

古語云孝爲百行之首又云求忠臣於孝子之門此二言者雖若老生常談而蹈其闕域者實鮮惟執事實克踐之某自總角時便聞至性爾時陸陸鍵戶若鹿豕旣稍長頗知趨向則執事戮力楚疆十餘年不窺家園無從一謀面中心悵焉傳聞以身捍危城至於兵盡援絕徒以不忍叛之民心晝夜死守卒能全城以報比於睢

錄忠介公集

卷三

十四明歲書

約園刊本

陽之守更爲過之今天子卽位不借執事爲內樞而仍煩外節則勞臣之不可爲又不禁太息流涕也國變之來實繇我輩大者走門戶以鬪捷次亦懷月露以求榮虛聲無實敗壞至此安得憂國奉公盡如執事者乎茲有啓者故醴陵尉邱繼武雖爲屬吏卑官也然官以人貴矣方闖賊流毒全楚縉紳之從賊者纍纍相望不之恥尉何人斯欲去則竟去耳尉何人斯欲死則亦徒死耳且尉業已陞威遠參軍可以去者徒以解南糧爲當事所留時賊烽熾甚糧不得達奸書劣衿相率以糧獻

賊賊遣人來取并以尉去尉怒罵其使地方有矇三百  
金謀脫去者賊使以前罵故不肯釋遂赴賊營欲授以  
永州道尉固不屈遂遇害於長沙之龍灣寺地方人憐  
其壯義業有祠矣終以官微莫有舉其事上聞於朝請  
卹贈者使生者翩然以去爲得計而死者愀然以死爲  
徒耳則天下事彌壞而不可救矣所望特採輿論列名  
題請旌一尉之忠義以勸無窮之忠義也尉之子邱臨  
汝與某爲生死交今聞變千里號泣扶喪恐道里難行  
乞執事多方羽翼俾過其行則生死皆爲銜結矣

錢忠介公集

卷三

十一

四明叢書

續園刊本

寄聖月弟書

藉祖宗之庇僥倖一第惟當精白自矢不負影衾以報  
二三知己若君才十倍於丕指日吐納風雲飛騰霄漢  
所不待言耳制義序言會城鹿鹿勉應來命不足掄揚  
大雅萬分之一爲我多方潤色方可售之剞劂也北上  
時當紆道破山拜候嬾毋起居并與吾弟卜連牀夜話  
耳殊卷齒錄呈覽

傳

丁孟榮傳

丁孟榮者諱啓宗浙之括蒼人也少讀書負氣概英勇  
絕倫善弓馬初補弟子員後以勳冒襲封萬戶保某年  
轉粟京師約束有方課無負而是時四方盜起餉不繼  
朝廷屢申侵漁之罰然奸猾不逞之徒寢食其中獄纍  
纍非能禁司農見公大奇之上公課最狀授某守備公  
至則捐家資造器械設方略擒海賊以千計賊駭散不  
敢犯境某年朱督大典聞薦授偏將軍某年馬督士英  
守鳳陽公與從事矢石每戰陷堅燬賊伏屍數十里  
叛將劉超發難公與馬督定計擒超獻俘京師朝廷愛  
公才賜宴賞賚無算後論公功陞授大將軍鎮紫荊關  
公捐其繒帛財物盡與賞將士時軍旅叫呼所在蜂起  
獨關中吏士涕泣願爲公死守無敢叛者神京淪陷先  
帝蒙塵亂臣賊子上印綬恐後公忍死待援欲與諸侯  
之師共會城下恆與士卒約曰狐鼠何能爲不久大兵  
至當疾搗京師擒逆闖以戈舂其喉齧磔之以祭先皇  
帝后退飲其血爲諸君壯膽居無何賊遣僞吏張知縣  
持檄來招曰若歸印綬降者待以不死公怒呼其役鞭  
之數十大署檄首云云縱之去賊得報發兵圍甚亟公

知事不濟呼其麾下令去士卒皆泣莫能仰視公於是  
燒積聚懸印肘後上馬持短兵突圍出公猶手刃數賊  
大呼曰我丁孟榮也賊環視見臂印又見其狀貌知不  
類健兒遂其蹴之公復曰何不遂殺我諸受賊指揮者  
皆欲生得孟榮爭前抱持去至京欲官之公弗許復令  
諸降將相勞苦如平生從容語意公曰吾讀書豈不解  
降字何義若授我刃吾爲公等殺李賊報先帝仇則當  
一聽公言賊知不可屈欲殺公公整衣東北向拜而後  
解衣銜鬚於口仰面呼賊曰便斫我遂遇害嗟乎銜鬚  
者結縵之義也仰面受刃示終不屈也凡行刑者必束  
縛繫手足斷頭訖惟自刎者前其刃公曰吾固欲自刎  
恨無刃匪賊敢殺我假刃焉耳且天而有知吾仰臥則  
心向天躍而出扶搖咫尺閒排闥闥入紫微吾告上帝  
使殛賊賊輩不知死所矣嗟乎公真人傑哉臨刑其從  
行者問以後事公瞋目曰知季公不負我者遂不復言  
比役人還報公事甚悉各臺嘉公義飛章報聞今天子  
以公死難壯烈卹有加典建祠予祭官其子凡公死後  
所爲號泣徒跣奔告各臺旣得請則扶公妻子而東周

旋先後無或失所者則公臨歿時所謂季公不負我者也。公可謂知人矣。季公諱某，號白眉，亦奇士。與余善。論曰：昔昌黎祭田橫文云：「事有曠百世而相感者，誠不知其何心；若余於丁孟榮，誠不知其何心也。生平未謀面，聞其事輒欲哭，因泚筆爲傳。夫余於丁孟榮猶同時，獨未見其人耳。然而性情相感如此，使傳之百世，下當何如者？孟榮爲不朽矣。」篇中所載張知縣不署名，字幸也。夫使此人名存者，嗚呼，亦不朽哉。

### 周孺人傳

錢忠公集 卷三

十四 四明叢書

約園刊本

甲申歲杪，余過崑山，周子錫祚迎余於馬首，視其貌黝黑，有淚痕若啼兒未盥洗者。余問故，輒悲不自勝。再三問終不答。留余一月，別之前一日，周子向余悲且泣而言曰：「母以某月日辭世，生死隔矣。願先生有以生之。余謂余非神仙，有煎香返魂之術焉，能生汝母，卽有之。吾亦欲自爲計，而庸以貺汝乎？」周子曰：「願先生生吾母於文墨間。」余於是詰其狀。周子則偃僂言曰：「母系出自支爲中丞公女，孫年十七來歸先父孝標公。方是時，家中祀先祖，母蚤孀，守貞先母，則脫簪珥，卸鉛華，卷講奉甘。」



旨甚歡所以扶持周旋慰藉者甚厚先父幼孤稍長埋  
首治經史弗問家人生產作業先母代之無罅政以故  
家落復起人知先祖母奩資頗厚外家以苦節故資復  
倍之不知先母飭僮僕躬操作早起晏眠罔或不率治  
賓客爲醪醴罔或不潔且虔繩繩緝緝內外有序使之  
然也先父不幸九蹶名場母生三子兩兄又早世遂畜  
媵妾數人嗟乎嫡庶之際人情所難先父豈不知哉其  
將慮小子之弗克樹立而痛司寇大理太僕公之弗克  
祀也先母性甘淡泊自是遂閉斗室爇名香朝暮空王

若超然事外者然羣小亦以是稍稍自恣而怠傲積不  
能平母幾蹈不測回顧見錫祚淚簌簌下已乃止嗟乎  
憂心悄悄慍於羣小柏舟詩人所以流涕千古也羣小  
蓋失數美善惑主聽母又恐傷父心慙弗白比晚年父  
乃知之始嚴嫡長之分諸輩稍斂下未幾而先父棄世  
矣母性篤摯晝夜哭欲相從地下以錫祚牽裾而止會  
當析產里黨咸引古義謂庶無抗嫡之禮請殷嫡母泣  
曰父在則有嫡庶父去則均吾子也敢畸愛乎繇是七  
子均析田五百畝自取百畝以終餘年三黨咸服焉去

年呼錫祚諭之曰吾兩番欲自死以若故忍而至此冀  
得見汝之成立也今汝頭顱如許不自奮拔汝視吾髮  
種種其能久乎錫祚頓首泣曰敢不力嗟乎母竟棄我  
去矣一生苦志誰知之者余聞其言而悲之太史公云  
夫婦之際難言之既歡會矣或不能成子姓能成子姓  
矣或不能要其終豈非命也哉若母所遭如此太史公  
所謂命者非耶孺人生貴盛而不驕履約窮而不怨雖  
古貞淑何以加余故序其言而傳之以貽後人使毋忘  
母志

錢忠介公集卷四

契家後學全祖望編次

縣後學張壽鏞校補

止氣堂集四

記

新建龍王廟記

歲辛巳旱旣甚余日則扶服於路仰天而呼吁嗟曰民命泛絕若之何其夜則露宿神廟移牒主者請焚身以答天譴迄弗應六月十六夜出齋宿見列炬數行最後

錢忠介公集卷四

一四明叢書

續園刊本

一神狀甚怪呼問迎者誰何答曰龍王也余因思吾鄉旱父老必請於龍率子弟羅拜潭所潭去城或百里而遙或五六十里而遙然弗敢憚潭居山脊間險峻斗絕然無水拜已畢里人汲水投之見有物蜿蜒而至或魚或蛇父老以銅盆置水中躍而入則歡呼迎至寺院復列拜每夜梁上燂燂有光如是者數日必得雨而此間旣無高山險奧之地爲羣龍所棲息竊意是曰龍王必得臣妾巨靈咄嗟風雨因默禱於神曰若能降雨雨我妻當爲神立廟越十九日果得雨雖後復旱旱而罔救

然神之明德不可忘也會漕事紛擾未暇遑土木事遲  
正月余病嘔血甚不絕者幾耳妻孥相守泣環之以燭  
忽燭燼上現一龍形目如電光髯若遊絲身上鱗甲皆  
見命窮之復具前形如是者數四余喏而語妻孥曰是  
固前曾許爲立廟今病雖劇當卒成之自是不復見矣  
因呼匠人計工營建擇地於南郊因普濟寺之公隙自  
木植輒瓦以至各匠工食計費如干兩余病中禱祠之  
役甚多恐議者不察以茲營作等於罕漫故詳列其符  
應如此夫五行之氣十二歲之中各有偏勝他日者婁  
人因旱修救禱於茲神澍雨昭應未必非婁民萬世之  
利也後之君子幸知所瞻仰云

碑銘

重修孔廟碑

夫人與物相區胡爲也哉南北貿亂則道德屏之擿植  
索途則仁義杖之荆其灌莽升於夷庚六經昭昭若雙  
丸然震動於人心者迄未沫也食盤飧而弗味御狐貉  
而忘溫我田我宅則基之謀吾室吾廬則擇之匠其視  
黷宮之崩剝圮敝不一過其心此其人自視何等然而

食息戴履翱翔天下不爲怪恥夫何故直以茲事體憮而勤非世俗所宜爲而以爲之者比於焚景結風單費歲時鞅紉手足厥功殆而不究也是以第第相付前人曰第忍之後人復然其俸錢所入則廣交遊飾廚傳賈聲譽得最報可刺邦而來跳身而去率以爲常苟有人發難首事不爲恇怯繼繼承承嗣服宏烈豈非道化所蒸瑤光所會載誕異人翼衛靈址者哉攷鄞學始於元至大二年而成於皇慶二年其閒一修於阮申之再修於許具瞻又修於宋和卿合明永樂十三年知郡事魏

宗修葺凡四此其人皆具異等能不以傳遞視其位故流聲載乘榮華至今然方是時物熾而豐庀材鳩工稍簡帖之遂登乃職逮至王侯莅始之末年國家多故剝做干戈行齋居送蕭然煩費矣又閱三祀而林侯惠來時余亦濫典一州值功令峻急裁汰抽練諸餉惴惴慮不贍遑事其他迴憶向日對同志作驕語曰余若得當必新建之毋使人謂吾輩受祖禰反出浮屠下今若徵信斯言駟曷可追使余非父母邦與林侯易身處未知顛隲何所然林侯且歎王侯之能經始也已又進士子

而問之曰誰主給是哉諸君子則告之故曰王師以義  
聲激呼波蕩雲互當時執簿勸輸如某某輩凡十八人  
董統者爲某某凡四人慮材量工悉心計者爲徐某一  
人勸而輸者上自縉紳下迄姓族諸君子亦蒙惑聲然  
卒不憚者守道正秉志篤也侯於是復齋諸君子能申  
意感物也諸君子於是復進曰若之何其往時以王侯  
之命臨以先師之靈猶慮中格今歲比不登民艱食甚  
執簿到門雖親暱將填闔避之卽爨歲所書子者半不  
子者半質責索償怨讟四起厥基礎嵬嶮而弗飭敗必

甚前且也兩廡未立先賢姓氏駢填并仆狀若積薪每  
上辛致祭門夫以竹具爨而出已則復之慢神孰甚侯  
曰是誠在我於是棟楹樑桷板檻之未飭者繕之蓋瓦  
級磚之未葺者墜之赤白之漫漶不鮮者新之廡則已  
立仆則已起侯以儉歲創此鉅功者則皆侯捐助之力  
也余歸自婁見宏做壯麗非復昔觀喟然太息曰嗟乎  
侯度越余不啻百尋矣方事初起時余與水功調明諸  
同志意氣雷動勞不乘暑不蓋風雨不避歟艱留狀謂不  
日可成卒歷兩賢侯焦心極慮僅而後勝假設林侯設

時見立難端謝咎曩賢移過來者以茲事非我所能爲  
其餘閭岸少年佔佞僥倖豫立不然之辭爭進曲反之  
說又將羣起揶揄之吾輩則更何恃且侯天資淑粹人  
也舉事稍不便於民如灼肌燎髮止不終日其捐金也  
從做簾中蘊釀乃得之獨計侯節瑟數年不以走長安  
邀貴人聲譽而乃崇飾棖栢有秩斯咨嗟乎其不智乎  
然侯履任至今朝夕屑屑罔有紕政長安貴人卒未嘗  
不交口頌我公也夫以侯時處其艱物處其絀心處其  
慈三者合以集事事必廢然卒竟成之余慕義每願侯  
速速靡數然猶自恕曰才不逮彼夫履貴盛處蕃衍力  
大才奢於事度不濟獨於此則愨曰非我輩所能爲及  
他人爲之又掩口睥睨撓其成而幸其敗其視我侯視  
面罔極則不知若輩所以自恕者何也

林閻然先生墓誌銘

余宦吳數載見習俗巧僞矜懣滋起民走死如驚視刑  
憲若臥具寢處不厭雖以禮教防之流不可砥每退見  
老父未嘗不歎息於世之季也孔子曰無欲而好仁無  
欲而惡不仁者天下一人而已誠哉乎言老父則叱之

起曰小子毋妄言汝獨不見林子景昭之爲人乎事親  
孝交友義鄉有大事必仗之余嘗欲以林子爲杓指匡  
飭多士而林子彌自下且縷述其尊人之德泣鳴嗚不  
能盡也微林子言余固溯洄及之今得覩家乘曠然復  
面小子獨弗聞之古之宰邑者父事幾人兄事幾人乎  
斯人若在固不當僅締縞紵交今小子生晚哲人萎逝  
弗克卽覲若以一言壽之貞珉使天下咸自勉於善小  
子亦得通寤寐於青楸白露之間詩曰高山仰止景行  
行止小子未之思乎余退而踧踖者數日不獲已因爲

誌其大概云按狀公諱某字某閩然其別號也生而淵  
嫻少博習經史弱冠補弟子員以公贍才豐德使得昂  
首驥步表見所長挽滌腥波蹴蹶蕪邱必將有肅然改  
觀者然而菴菴盈室莖蘭屏處公固無如天何也公旣  
已不得志優游庠序五十餘年愈敦厲厥德嘗曰遇不  
遇命也弗可爭聞古之君子修身迪德始自笄朮迄於  
台背未嘗聞風雨晦明若之何其違天以自褻也且使  
縱欲敗度詭遇弋獲一旦時有因而喪金鏡毀玉尺樹  
棘明庭棲鳥深室有識者弗爲也以故生平洞朗昭哲



無事不可對人言者公以方正律身以剛直待物片言之善微而必錄秋毫之惡穆乎若洫雖古陳太邱王彥方諸君子何以加焉夫叔季豈訛雲雨翻覆雖其父子兄弟間怵乎有戎心至於親戚故舊無事則言語煦煦誓生死不相背負及遇小利害如其成而幸其敗或陽爲可憐之邑及其反也從而下之石視公所爲勸勸懇懇歡愉樂而恤陵夷相去竟何如哉公之先大父雲壑公娶海城蔣氏繼娶城西虞氏公周旋先後咸得歡心閭里以篤孝稱焉時邑父母沈公欲借公以重鄉飲公

力辭不赴嗟乎使公遲仙遊數年獲見聖天子孝弟力田之舉必將文章辟公者區區養老何足辭而公辭之堅若此者想亦見近世鄉飲不古市井黽黷兒苟財勢足以走令長結邑子心慮無不衺冠高座與縉紳先生于于升降公之不與賓筵其爲賓筵重也久矣公配某氏與公比德無間稱良偶公生死期日及公之子姓某某詳略如狀皆鱗鱗振振俟時而起所謂盛德之後必有達者今將見之矣遂繫之以銘銘曰

石磊落兮山崔嵬泉湛潔兮水澶回中有真人兮抱德

以來匪璞弗寶兮匪良弗裁忠信爲仗兮仁義爲蓼人  
稱孝友兮淳乎未孩樂人之樂熙熙兮如登春臺憂人  
之憂愍愍乎如登高而去梯旁皇瞻顧長太息以徘徊  
吁嗟公雖不得志於時兮芳名與天地而胥該鏞斯詞  
於佳室豈與閭巷輕薄之子等泯滅於蒿萊繼繼承承  
兮浩浩皚皚厥子厥孫兮丕顯哉

壽序

陳寔如先生七十序

爰自渾龐厥有二族統帥陰陽斟酌仁義克登其職上

錢忠介公集

卷四

八四明叢書

約園刊本

帝嘉之嘗曰非此三族吾不壽矣三族者何曰相曰將  
曰醫或難之曰嘗聞不爲良相則爲良醫此二子者咸  
能宣導天和昭遂庶品帝寶賴焉用克永世若乃將者  
寢金衽革志懷搏擊膺之者傷見之者賊故曰兵莫慘  
於志鎮邪爲下又曰三世爲將道家所忌若之何其竝  
以相列也余應之曰子知生之爲生乎若以生爲生是  
干羽可以廢斧鉞梁肉可以代礦石也天生五材民竝  
用之兵於位爲金金失其位土不宣疏木不鬱茂子亡  
其母寇張之弧其在人身則清氣不流必有水涸木強

土滿火炎之疾怪氣僨盈陰血周作於斯時也雖有良相弗能爲治雖有良醫投石而起故相有剛毅英果迅掃雲霧而登之光明醫亦有剖腹瀉腸攻抉邪翳而復歸於和平故此二者相參爲功以殺衛生以生酬庸其大致也我友夏如先生以勳冒襲封用軍功顯位亞元戎建閩於寧之舟山島故事軍行海上樵海獻鮮供貴人鼎俎士卒多離次自便寇至爭舟舟中掬指往往坐是一日軍政以例請公卻之撤汎歸營空手來見時備兵使者洪亨九雅相器重坐鎮數年海波不沸公之力

也晚年乞休益明習岐黃相厥五行以奠五臟時用烏喙俾佐參苓雖華陀復生何以加茲然則公所不足者獨相耳而推其福應已足包牟天地拱揖山岳詩曰眉壽無有害則一時之頌又曰以介眉壽則一家之頌豈如公所至輒樹聲名謳吟者以千萬人尸祝者且千百世哉余最沐公厚恩私心維度何以贈之維以千萬人之謳吟爲謳吟千百世之尸祝爲尸祝如是而已書曰人之所欲天必從之敢授人事用卜天符

今賦頌之家華而鮮實競規擬音影況引虛誕毀堂構  
而飾蓬島退菽粟而曜丹砂使天下人不睹盛德之形  
容不睹天人之符應其幻者則求之齒髮肢爪之間其  
質者又不考鏡源本閩古之至人壽被天地數軼冥靈  
則置之么么玄玄之列系弗敢綴余以爲儒者讓德道  
情歸於弗僭而已蓋常論之壽者天地沖和之氣也昊  
蒼之上豈真扁鵲神氣鈴鍵英華令蠢蠢之族繇他途  
叩闥而後得之哉共此日月共此水火或豐焉或嗇焉  
則固其人之自有以取之也以余所聞念翁孫文天實

醇龐性行淑均居鄉里間未嘗以莠言肥德取戾於時  
及長郎令修以高第起家念彌自下勤施樂善早夜屑  
屑寒暑勤勤惟恐不及譬襟雲缶雨潤槁蘇枯物靡不  
若嘗與里中善士結社放生見游泳藪澤喑喋菱藻至  
性往通歡情來會歲適大禋爲節衣縮口以贍貧乏又  
與其鄉之君子如張受先輩踵跡同善創起義風盍散  
積微功用斯鉅母姨之女幼孤淪落失偶則爲親擇厥  
配靡憾卽安鄰里爭訟爲亭以情各解釋去論者比之  
陳太邱焉斯固已迓休有基禔福無外者矣而令修復

廣義方之明訓流愷澤之渥恩豺狼去郊嬰兒乳哺八  
閩之人莫不本情發謳呼天致媚絲此言之推今以往  
暨於大千相厚寧有量哉夫天人一揆理數同貫貴盛  
之家驕奢淫佚奔往不返富貴壽考如罍酪壺漿儲待  
有限而吾翁儉以居身溥以惠物神凝於淵氣萌於泉  
則不知穆穆之表所爲登降揖讓酬酢盤旋繽紛回互  
若是者未知其凡幾也然則蓬萊丹竈亦卽吾翁方寸  
間又奚他求哉小子忝與令修同譜沐浴旣久聞見斯  
真敢爲質言其概如此

錢忠介公集 卷四

十一 四明叢書  
約園刊本

### 紀明汝六十序

古者獨行之士持身如幅循思以畔其涉世也先質而  
後文榮春而晦秋豈以是求媚於天哉道不可以已也  
且夫天之於人澹澹耳寒者猶寒暑者猶暑晦者猶晦  
朔者猶朔方冬而畏火冰不足以寒之方暑而畏風日  
不足以呵之今必謂天紆迴其氣以私善人其說固可  
以勸然一或不驗則將使惡少兇豎睨天而嘻故君子  
黜數而倚道吾鄉紀明汝先生則今之所謂知道者也  
少時讀書爲弟子員通敏世務不拘章句以二人故稍

營十一以佐甘毳抱恪守困不欺童稚鄉里稱爲長者  
兄子衷彛捷南宮門客爭走交歡先生循禮不阿以嚴  
見憚隔離自蔽想見古人旣而兄子弗祿門戶中圯向  
時座客飄若游塵而先生獨慷慨振衣錄遺牒扶孤胤  
上之當事所謂不爲利回不爲義疚先生其人矣且夫  
祈天介壽思獻之親者莫過於人子然而其實不昭其  
言徒肆今祝岡陵頌平格者蹈詩襲書溢架充棟曾一  
驗否是知腴詞油油非續命之膏華言奕奕非延生之  
寶豈如先生飽酣道妙棲沐神挺以不損爲贏以無喪  
爲得者哉董子若訥先生婿也思所以壽先生與人子  
等又與余爲內兄弟間日爲余言先生平日如是如是  
窺其深意似將綜述美況別構丹思方技怪迂之言固  
可以略而弗講也余故稱其得全於天者以壽之

文

誓詞補

惟崇禎十二年元旦之吉直隸蘇州府太倉州知州錢  
肅樂謹獨乃心用設誓詞於本州城隍神之前曰肅樂  
叨隸婁土已越一載庭草茂而鼯鼠弄人圍扉冤而青

憐泣影前讒莫見後賊罔知罪積如山謗流成海而肅  
樂乃泄泄然安未火之赫忽突焚之棟古人有言一人  
三失怨豈在明又曰人誰無過苦不自知今肅樂翻然  
更始而病耗其神枯城乏青青之槩任踰其量眾口非  
嗛嗛之懷然其所不能者嗜欲昏其靈臺其所能者親  
友移其巨氣鑒不在遠悔曷可追自今以往若猶任親  
戚之分榮不恤地方之後咎則肅樂今年三十有三妻  
三十長男五歲次男二歲願一時殄滅以彰顯戮如或  
不然則願世世子孫生男爲奴生女爲妾蹈其姓氏爲

錢忠介公集

卷四

十三

四明叢書

約園刊本

將來戒煌煌明神其敬聽之

據乾坤正  
氣集補

### 戒殺文

原夫人物雖殊貪生則一殺彼生命快我饞口甘未利  
那已成臭穢我甘雖過彼冤不空彼冤日號我業斯積  
嗟乎親朋相聚命酒爲歡一菜一齋儘可觴詠而乃廣  
行屠宰恣其啖嚼假人延入於囹圄之中招飲於市曹  
之所左右皆冤號之聲前後皆刑戮之具能復下箸否  
將以鼎俎無聲現前無報肆情任欲長此安窮豈知不  
號而聲者口於鐘鼓遲久而報者毒於刀兵然則飲客

殺生明是召冤魂使酬酢書惡牒爲持贈靜言思之可  
弗怖哉余家持戒十年恐親朋過從遊客往來未能悉  
知雖復屏箸輟羞吁嗟何及敢梓數言先期布告庶共  
遊仁風毋發殺機云爾

告情文

蓋聞報施之道若張弓然一往一來間不容髮者也若  
乃食進王孫燭分鄰女一壺享千金之價片言增九鼎  
之榮當斯時也捐頂踵而非有況環草以自將故乃宦  
遊所至數擊肩摩煙霏雨集有舉膏血以厭親朋之欲

錢忠介公集 卷四

十四 四明叢書

續園刊本

而不足者矣又或交以利堅情爲名使宦况方濃熱中  
不禁揣測衡纊之間較量寒暄之際有交懽卿相而布  
衣叢異日之怨階有結好新知而舊交發行野之悲歎  
絲是徇情飢法市德賣聲財物填壑而莫恤文書盈几  
而不顧將爲與援焉故人得其歡心處處慮其失節  
也今肅樂自六歲喪母以至弱冠之年惇惇子立形影  
相弔墜雨秋帶未足喻其飄搖喪狗藩羊庶幾狀其顛  
躓寒飈欲嚙熱血爲枯斯時阮途空慟范叔誰憐視彼  
富人顏色重於黃金咳唾珍其珠玉又安望有一斗一



錢之惠寸絲尺帛之遺哉幸賴天地仁德不遺幽陋涸  
鱗有遊海之期散木非溝中之斷雖幸得成進士授劇  
邑而初心慮以榮隱末路憂其福亡不料親戚友朋翩  
然至止夫以前言之則既無木瓜之贈而望瓊瑤之報  
繇後言之則既甘作抱關之夫何勞頻賜朱文之軫況  
偉才詰彥巧用委蛇別尋名目既獲鄉曲之譽終鮮詬  
詈之加而樂範我馳驅猶虞傾步若其詭道寧不償轅  
又御物應變各有所長情理兩宜從容不累而樂少成  
木強之性長失韋佩之學每當情面回容對人則言辭  
蹇吃獨處則魂夢驚悸爲親友故以短益短以病增病抑  
何忍也且樂撫躬自思失職之罪知不待三視蔭之人  
誰能待五餘生無幾一官何戀豈敢禁絕遊蹤妄希名  
譽亦謂使樂無逆天背理之事無欺心負國之爲則今  
日去官布衣餘榮今日入地夜臺含笑矣謹布衷言幸  
賜詳察崇禎十二年正月日具

祈雨疏文

補

蓋聞司土所持者嚴必因重災以威失職上帝所全者  
大豈因譴吏而奪民生亟仗經勳贖三千之積戾專邀

穹鑿延萬齒於顛危薪臥西京刻期午澍茲者肅樂迫  
愴竊以常年苦旱猶當伏熱之時屆秋槁禾尙有半收  
之望詎今歲亢自杪春倬彼驕陽迄茲暑日序已愆於  
訛化功猶廢乎插時卽日成栽已恐殘苗不敷於廣陌  
移時罕澗直虞焦土盡殺其遺秧不耕而穫未之聞也  
絕食而生其可幾乎轉念絕無之徵當非居下之咎自  
反勤民一念妄矜竭盡五官乃前驅蝗而境避禱旱而  
車隨猶可隨稽其奉職胡今者祝龍而雲歸舞羊而覘  
現實難姑解於曠土然而罪若未深應許較衡功過卽  
使愆成莫追但宜殃及身名於萬姓乎何尤使一方其  
胥溺又或災生民社原不繫乎司牧之貞汙豈其悃篤  
褻帷未足挽乎偏檐之否泰上下互相攻責旦夕終仰  
滂沱維繹輿典於法華能顯大乘以沛澤爰嚴表率集  
眾宣揚所有造之慈悲格無私之覆載迅彰響應立予  
幹旋無論罪在官罪在民總以肅樂一身擔持但冀重  
吾國重吾君毋使名區一時仰哂天雨龍雨冀竝注於  
卽晨雲行雷行必足沾於徧野焦枯可植信經力之宏  
深顛越旋甦仰帝心之廣大若其今悃之猶隔惟牽罪

躬而願焚勢竝情窮誠宜懸格肅業臨疏可勝戰栗爲民  
請命之至時崇禎十四年六月

據乾坤正氣集補

一命浮圖會冊勸詞

補

日爲萬民請命天聽彌高炎威彌酷咎在吏乎抑在民  
也降殃弗弔遂至此耶效西京之薪臥措變社之危詞  
應挽恆暘終徼急霈然而殘苗得植子遺或耐秋風封  
粟騰沾胥溺方驚暑日廣施平售憂荒政之有窮孤見  
寡聞憫隱黎之無告且一人而總持萬靈之命法取無  
偏倘萬眾而各存一活之誠恩斯不漏吾鄉舊事實獲

錢芥公集

卷四

十七

四明叢書

約園刊本

我心鄰邑新編雅贖婁政况若春杪至於秋半爲時當  
有一百四旬今從小暑逮乎重陽屈指止得四明三晦  
全活一命總籌錢粟僅須二縑有奇積德千秋定卜報  
酬詎啻九疇大備哀於乍見必矢速護殘生力可廣延  
不妨擴行宏願匡拙吏之不逮格上帝之無私豈曰藐  
勳用伸敦勸

據乾坤正氣集補

條例

一願倡募者領冊一本認救一命更於親友間展轉  
勸募卽自己無力者但能勸募多人功德自應無

量

一領單倡募者須卽於五六日內勤行勸發慎勿遲緩以稽善緣繳冊須及時如式勿蹈勤始怠終之弊

一冊到願與者直注某認救一命其不願者聽

一有志存多命而力又足副之者聽得雜舉家眾姓名人占一命既可廣仁又不違例

一力不足者許以二人或三人朋占一命

一經認之後須訪查確數必得真實無告束手待斃者

鑑忠介公集 卷四

十八 四明叢書  
約園刊本

而後可以當之無或忽略受欺虛此善願

一每十日給米五升錢一百文自六月初旬起至九

月盡止

一每遇異鄉流落枵腹露居旦夕就斃者更當設處空屋半間俾得容身棲息儻家無餘屋者或於大寺觀公所覓一無礙隙地使暫棲止

一注認之後領冊倡募者每十日一傳單催詢以防冗忘

一至九月望日領單倡募者傳冊徵填名眾將所救

飢民姓名悉繳某處於九月終旬擇吉啓建同向  
道場請僧六眾誦蓮華經六部具疏白佛條列振  
主及飢民姓名集眾拈香設齋圓滿以鼓善緣其  
齋誦等費首事獨承不煩眾舉

一有心舉斯會而力不能從者聽認察舉真實飢民  
冊中卽注某認察舉自一名以至三名苟不欺混  
與振同功同向疏中一併申白

一此舉費少功大願相與踴躍從事約計米六斗錢  
一千二百文便可全活一命倡募姓名領單倡募

錢忠介公集

卷四

十九 四明叢書

繪圖刊本

共募救飢民認察舉飢民者開記某人察舉及所  
舉飢民姓名列於後幅

察舉飢戶冊式

上書振主姓名中書認救一命下書飢戶姓名及啓  
振日月

錢忠介公集卷五

契家後學全祖望編次

縣後學張壽鏞校補

正氣堂集五

樂府

海鵝行三章

天院院鬼斧剡眾星落巉巖一星突兀不肯服旁行匿  
行作天眼

呼春春不回霜雪盈我慙舊時相識人倏忽變蜩虻高

錢忠介公集卷五

一四明叢書

約園刊本

罔有鳥字曰鳳海鷗海鷗與爾歸去來

精衛填東海中心豈不苦精衛飛來復飛去滄海知爾

心勸爾此行惜毛羽

西鳥夜飛補

客行動遠懷鳥飛渺何去寒色迴蒼蒼月照西陵樹據徐

柳臣萍鄉社詩選補

四言

壽吳伯寅七旬初度二章

洩雲在巔納氣於麓曜靈孕光咸池斯浴天地迴環以

守靈璞矧伊人斯而弗似續棄爾晝曦寶之夜燭荒爾  
玉庭構其雲屋啖松柏脂求神仙錄公聞大笑朝菌晦  
朔公之先人飛翺鸞鷲公之子姓森挺蘭玉公之腹笥  
經史旁薄辭豐弗居施欲最足公乃泰然與心休沐紀  
曆維山獻花維鹿

匪直也名理至則形公於處世不雕其生公於待物不  
竭其情爲鄉三老爲國五更嘗神者厚積精斯榮內意  
爲將外身爲城將嚴令一城其焉傾冥心叩叩如聞天  
聲敕公大年與福爲兄古之至人崆峒廣成得是道也

錄忠介公集

卷五

二四明叢書  
約園刊本

且爲前旌

勛業集勳嗣君式穀二章

我行其野維黍油油穎粟載詠既有其秋弗耘弗耔以  
遊以遊維草斯竊伊禽之葢人謀弗臧天則曷仇  
我瞻於山有木離離水土沃澤雨露潤滋旣大乃幹亦  
豐而枝不搖不琢培斯植斯棟梁之望庶其企而

厲志

嗟余不造與窮爲宅衣結修容履穿視迹見富貴人朱  
門赫奕偃僂循牆乃徐有適幸賴長者時相誚謫胡勿

跂予奮迅六翻胡甘卑棲自使局脊子謂之然厲心芸  
籍今也皇哉得被康澤祖德所貽寧忍遽擲顧子冥昧  
終鮮扶掖識疲照遠神乖應劇何以委蛇無玷宗祏何  
以亢直毋負廉潔喟然言志庶竦愚魄

五言古

詠史十三首 并序

上古之世詩卽爲史及詩亡春秋作而詩史遂判  
二流矣史以謹嚴立體詩以婉曲樹義然於以發  
揚往烈扶助幽美激勸後人風厲來者其道一也

饒忠介公集 卷五

三四明叢書

約園刊本

余不敏而爲吏偶以暇日讀史有得聊綴微旨遂  
成歌詠或疑當今十室九空憂方不測長吏不先  
人急而用微文自娛焉適於治不知古之爲詩者  
采輯風謠獻之天子以知其民俗之貞淫好惡而  
其長吏政治之得失繁簡又可知也隔闕千載斯  
事遂廢毋怪乎以詩爲騷人墨客之孤徑矣昔七  
子賦詩皆取裁前旨用抒心竒然其人之善敗與  
其受之吉凶皆卒驗焉予旣無以發明詩史式訓  
末俗徒以考鏡得失之意託於七子言詩之志庶



山鼠林猿聞其聲者可以知所感矣

茂陵有長者文學雄海隅初辭鄧氏命終上廣成模後  
隊列歌舞前堂授生徒入座草詔書勿喉惜據圖榮華  
會有盡名節委泥塗一念不慎旃萬古爲悲夫

外戚傾漢祚舉朝若聳聳盡爲子孫謀恐觸王氏怒帝  
之親信臣造第通肺腑一言而喪邦誤國繇宰輔朱雲  
發狂憤借劍誅逆虜斧鉞拜聖恩龍逢遊下土折檻旌  
直臣何不殺張禹

買臣方貧賤負薪常苦飢行吟過道中其妻恥相依不

錢忠介公集 卷五

四四明叢書

約園刊本

學鴻鵠貞戢翼雙飛飛遨遊雒陽道奏對吐珠璣拜爲  
會稽守四牡行駢駢騎前呼來左右生光輝故妻止  
道傍含淚徒噓歔感君山間意後乘載與歸

曼倩事武帝持論多不根玄宗柱下史放學淳于髡豈  
爲長安米來遊金馬門辟戟止淫會裁書阻遊園惠文  
今寂寞俳優直道存古來尙諷諫神仙何足論

昔有嵇中散含真味道腴玩世同芻狗遺形等敝襦自  
然龍鳳質故作山澤癯洗沐愁有待鍛鍊不爲劬求仙  
止得癖養生適喪軀援琴顧日影悲風起城隅長松蒼

遊處曾奏廣陵無

三國事爭戰羣策定雄雌武侯臥隆中淡然無所爲先  
主一枉駕許身事驅馳遂建三分業不出隆中期涕泣  
再上表祁山六出師功業雖不成天下皆壯之寂寥千  
載後茫茫漢水悲

天子好文學長卿賦上林天子好封禪長卿有遺音臨  
死更何求不獻規與箴試讀封禪書何如白頭吟

晉武旣云逝禍亂生中閨朝政繇賈氏玉座委癡兒有  
位思鱸膾飢民食肉糜君臣盡如此天意那可爲會見

錢忠介公集

卷五

五四四明叢書

納園刊本

塵埃裏雒陽銅狄悲

清泉何瀰瀰白石何齒齒人跡所不到中以藏處土昔  
者嚴子陵披裘入齊市漢武徵故人坦腹同臥起今夕  
慰平生明朝勞太史客星豈久居翩然辭帝子遂歸富  
春山垂釣從此始

始皇陵下石狐兔爲穴窟昔年事穿治辛苦驪山卒樹  
草象山川冶金爲宮闕豈料牧豎焚火隨咸陽發南山  
未云固何勞奉枯骨

火盛蛾之招翩然來相期隱侯博學子仕齊官不卑貪

立定策功垂老甘爲之足躡尙書履寧懷家令時流涕  
覆卮酒俯席慙妓師此業已滔天千劫不可糜稽首白  
上聖赤章將誰欺君子慎名節無勞仗佛慈

越國有好女浣紗溪水頭一自進吳國粉黛難與儔初  
從馳馬埒終上采蓮舟臣自波濤泣君忘麋鹿遊夫差  
輕社稷於妾亦何尤

君王自茲去銅雀何崔嵬雄心圖篡漢白日忽西摧欲  
將未了緣續向銅雀臺朔望奏伎樂蕙帳誰爲開若令  
壯士在魂魄應歸來

錢忠介公集 卷五

六一四明叢書

一約園刊本

舟行十九首 并序

十九首者偶然而十九首耳意有所感感盡則止  
以十九首終焉故名之曰十九首也時維舟矣塵  
慮迸清虛生覺水石禽魚盡供片晌受用又如夢  
魘之人方見鬼王獄卒獍狺萬狀中心悸悸如欲  
狂又一境焉天日清空林木暢茂滌茶鑪以煮茗  
拂素几而談玄雖等夢乎然而以爲樂矣詩中多  
序胸中菹積或時多孤憤語非世俗所宜也然余  
不敢以告夢中人而私以俟諸醒者若乃先哲微

音後人所則謙讓不違如聞諱忌而名篇之義偶  
符於古是則余罪也夫

昔日登高處今朝問渡時茅屋數間在綠楊兩地垂行  
人各有意不知忙爲誰去去莫復問行行心自悲

越王行樂處臺榭非當時明心照空樓寒鴉鳴故枝往  
事誠可傷未知來者誰盛衰與消息天道有常期安知  
百世後不仍壘與池前後總不見歎息徒爾爲

舟中何所見新苗長油油農夫勤耕穫乃亦自有秋豚  
蹄向天祝勿生蝗與蠹縣官徵糧急勿得具乾餼稽首

鍾齊全集

卷五

七四明慈菴

約園刊本

更祝天詔書下九州明年減租稅寢食恆無憂

飛蟲問天地我命在何時扶搖出汙淖敢與雲霄期忽  
然投羅網羽翼不自持顧瞻華堂內芬芳盈羅帷眾夫  
欣有託我獨爲孤羈微聞相慰勞聲響細如絲天恩終  
浩蕩胡不救汝爲願得歸去來延頸望慈悲

局脊憂命促胡不學神仙神仙在雲闕有時居市裏終  
知四大假胡爲徒髮煎肝膈不自我蟲鼠聽於天解脫  
形象外山林在目前太華三百丈可以遊其巔滄海三  
萬頃可以飲其泉眾緣不敢犯秦宇靜以玄歸來復歸

來逍遙以永年

天地語飛虛疏翼前聽詞蟻城尙羽獵人馬紛驅馳異  
蜂被五采猶以鸞鳳欺汝於諸類中算數所不賞飄風  
吹汝來得窺君玉墀卽投羅網內不謂今無時苦樂朝  
暮閒問天將奚爲但戒後來者出門慎所之

問此扁舟內胡然而有我明月滿前洲林閒笑聲嗟獨  
有失路人愁雲橫窗鎖明日問舟子此處阿誰坐我識  
縹緲峯未知峯幾朵欲乘風便去足下其許可

扁舟對我言予行不遇時昨日貴遊子泛舟挾麗姬臨

錢忠介公集

卷五

八十四明叢書

約園刊本

風一擲管斗酒百篇詩文史供宿佚山川窮指麾不意  
載達官戚戚靡所施予舟厭酒肉恐見山靈嗤行當送  
君返別尋輕薄兒

有鳥羣飛飛飛集何處不羨畫楫梁不羨玉堂署試  
看呢喃燕含泥下沮洳雖得主人憐還將弱雛去春秋  
能幾時離別一何遽相期歸舊棲毋勞弋人慮一枝巢  
鷓鴣風雨亦見怨歸哉以歸哉莫爲情猶豫

河水清且漣舟行如鏡裏推窗看洲峙挽流滌其齒芳  
草綠前汀沙禽戲水渼吾欲垂釣竿釣此尺半鯉但恐

從吏來不得長如此

浮雲東南來悠揚若飛絮又如學道人靜寂了無慮忽  
遇疾風起羣小相攢據日月無光輝中坐失七箸須臾  
旋解散歸向岫中去吾欲鑿石根看此雲生處

皇天分四時春秋曰代序春何不名寒秋何不名暑乃  
知調劑功專在無名處如何入仕途皎皎判爾汝將金  
買璞歸未識玉與鼠况乃盛名下造物亦不許貪名亦  
是貪豈必錢與楮庭空鶴自眠夜半藥還煮相期友玄  
同上與雲霞侶

鏡中集卷五

九四明叢書  
約園刊本

詣闕爭上書抵掌語不休遇合各有命何必曲如鉤東  
方亦待詔未若田千秋一言便悟主拜爲富平侯歌呼  
傳道來軍吏擁行騶道旁歎嘖嘖驚怪問所繇歸來教  
子弟勿復事書囚

呼口與心語我今與汝謀如何見簿書便有萬斛愁如  
何當跪拜仰面慙且羞枕書夢羲皇散髮懷山邱此意  
良甚樂不以易公侯妻兒勸作吏作吏盈田疇親友勸  
作吏行與鸞鳳儔長老邑斯怒胡爲耽優游不念耕田  
苦惟思海上鷗東家作吏歸翫翠滿高樓皆言作吏好

頭白不肯休汝今聞斯言竟識作吏不

心復與我語我非甘窮處年歲日以促道路修且阻豈  
必菊可食豈必芝可茹三十未聞道頭顱已如許庶幾  
息物役來與靈荃侶鵬鳥病長沙蘅蘭弔湘渚天地甚  
曠蕩奚爲獨延佇我願學太玄不辭隸與圉世迷莫復  
傾松風共耳語

舉世盡皮相誰知烏雌雄大雅不復作蛙聲賤黃鐘絺  
綌自適用奈此淒以風貴途譽所集下流謗易叢仲尼  
雖布衣萬世以爲功顏子居陋巷美於紉瓊宮牛馬棄

錢忠介公集

卷五

十四明發書

約園刊本

人世雖大貴雲中人情自楚越物名無一鴻揚雄猶執  
戟董賢且三公端策問詹尹我將何去從

朝遊闌闌中暮宿扁舟裏明鏡雙熒熒四面歌吹起借  
問歌者誰云是遊俠子聽之不能寐呼船使相倚冷冷  
諧宮商激激變清徵聲音入微妙天地寄一指萬慮澄  
心魂了然悟無始月光猶抱林星影下矚水夜關聽已  
足君其歸去矣

巢居能知風穴處能知雨豈繇二蟲慧得窺神靈府上  
帝弘慈悲意智爲棟宇授以防患衛下民莫予侮巧者

或以敗拙者或以補日月老騏驎天地籠鸚鵡銜美以  
自矜遠觀所不取

春風鳴樹枝好鳥聲相呼清淺出素鯉時空下雙鳧高  
人坐磐石鬪足懷康衢聲音能感人不以貴賤殊靈蠢  
各有託況此七尺軀登高每狂叫非是悲窮途漆園寓  
言在鍾子將毋無寄聲任寥廓吾將安歸乎

紅葉

九月秋氣深枝頭紅葉好愛此芳菲節入山恐不早芳  
菲未幾時搖落夕陽道昔日姑蘇臺今日悲蔓草昔日  
金谷園明月照秋潦榮華翻掌閒誰將問蒼昊利不  
可居盛顏乃速槁兼歎日及華紛然傷懷抱

感懷

時節不假易秋風鳴前楹幽坐感物化見此百念驚我  
生本如寄胡爲勤遣征史册混是非賢愚誰者明同歸  
一坏土墓木無枯榮縱令壽百年不足了所營明知歲  
月短顛倒縛塵縷譬如病酒者云以酒解醒遂令日日  
醉舉坐難獨醒渾沌鑿已破天地苦有情我欲昇思慮  
浩然遊太清



比干心

天地正直氣博此忠孝心精神藏幽室挺拔凌羣陰高者出雲漢卑之隨飛沈刀鋸徒肆虐形象終難尋

王燭頭

齊亡有義士乃在田野閒頭顱扶故主血氣歸河山淡泊堅氣節富貴增其頑誰知枯枝上萬古留生顏

睢陽齒

天道知安是人倫識所歸一身扶大義百戰抵重圍血濺山川恨聲聞將吏啼試看齧齶上千古勒光輝

錢忠介公集

卷五

十三  
四明叢書  
一約圖刊本

霽雲指

南八何爲爾倉皇走賀蘭吾儕已無食爾輩敢偷安恍慨斷吾指淋漓借客看至今甄影上日落箭鋒寒

子胥眼

浩氣還天地精光依斗辰君心戀西子臣目懾東鄰不向浮漚沒常隨繞電瞋絲知忠誠結孔竅全吾真

彭澤腰

不愛五斗米何爲爲飢驅乞食適吾性求祿鞅我軀豈惟小挫折將有大譴誅故曰全其太古之彭澤夫

無題四首

攜手陟崇岡星辰攝吾掌從此登天門猶若枕席上厲  
志歸玄闕鍊神依仙黨草木色紺碧宮闕光鏤壘麟鳳  
爲我脯鈞天爲我饗此地堪久居勿作塵世想寄語塵  
世人榮華等草莽毋待年歲宴撫鏡徒悅懌

攜手陟崇岡浮雲屢迴薄少坐須臾閒下觀萬物廓得  
意自適爾風吹捲寒籟禹稷何所憂孔顏何所樂乃知  
學道者境界皆假託悟彼輪扁言丹經亦糟粕勿如淮  
南王寡人戀榮魄謫居守廁宮長爲後世喙

錄忠介公集

卷五

十三 四明叢書

續圖刊本

攜手陟崇岡秋聲戰金鐵日月能幾何形骸久而荼昔  
聞倉庚鳴又聽子規舌昔歎河水枯又悲井火滅盛衰  
天地中自爲寒暑節云胡得勢人視人如螻蟻豈知碌  
碌死名位不可繼公然七尺軀特爲螻蟻設塞鴈鳴啾  
啾霜風悲淅淅願學陶隱君白雲自怡悅

攜手陟崇岡不知心所謂忽憶混沌初孕旃胡太費柔  
佞種夙根于今遂波沸何不剪其條快觀磊落氣上世  
容狂直中古多忌諱遂令脂韋態浸淫入腸胃荃蘭被  
幽繁蕭艾爭臭味觸邪競隳屏指佞夷凡卉稽首謁杜

公太乙者最貴虎豹方當關蒼蒼知耶未

鏡語

我有一寶鏡拂拭無纖塵雕鏤成鳳采凝識如有神寶  
之不敢試留以待美人美人理素妝皓手宛如銀斂愁  
鎖遠黛擬笑生陽春忽然美人去無端懷怨嗔我欲問  
明鏡體中胡有人向者我所見爲假復爲真鏡言本非  
有有者是真因鏡言本非無無者有之鄰有無無有聞  
於此悟主賓懷鏡不敢照妙理空中陳

月規

錢忠介公集

卷五

十四四明叢書

約園刊本

當軒一輪月湛湛若秋水光散萬山頭魄沈萬川裏草  
木攝其英魚龍吞其髓自以私所欲各謂去天咫豈知  
太虛中終古無偏倚世人競自論意見紛相擬廣寒夜  
自涼蟾蜍靈不死遂於清虛體橫爾生瘡痕蒼天猶不  
免況乃好修子提心濯冰壺內景亦如此勿作明月□  
水天同一視

初春與王水功

玉書

陸周明

宇燦

同登城南慶雲

樓

春早寄寒枝日媚生羣動草木本無知暄涼勞迎送莫

羨世如春早悟身是夢鸞鳳亦有黨蒹蘭自成訟谷風  
予與汝息壤盟未凍結袂窮高巖縱步犯枯對指畫形  
勝處排天構雲棟轟轟山川環鱗鱗瓦脊共千里若比  
鄰百嶽遙作供持論嗤金蛇寄想懷玉鍊好音來睨睨  
餘暉競摩弄風塵天外來長安白日擁是處卽冰山誰  
人守鐵甕願貞金石心言道歲寒重

鏡卜

懷鏡出門去人跡斷蓬徑迤邐入城市秉心各喧競世  
亂饑饉多貧兒常臥病旣憂盜賊紛新添豺虎橫以茲

錢忠介公集

卷五

十五四明叢書

約園刊本

早杜門風雨泣空甌小家廢晨夕大家罷歡慶婦姑相  
勃率村巷少遊詠其餘勇健兒嗔目語時政風鶴西北  
驚歛然輕性命細人認喜語掩面不忍聽安得好音來  
入耳作休證懷鏡重儻個憂心徒惻惻

陳默公以異孝致甘露祥烏之瑞客有徵詩爲賀

聊賦短章

吳天降百靈皮毛皆假借紛綸方寸中忠孝之窟宅其  
化爲文章或疑作金石悲彼末世人邈邈度阡陌容顏  
過於身岸頭鬚鬢戰聲名對四方交遊盛履舄門闕羅

光輝池臺闢芳澤一逢國步艱翩然而作客豈知朝露  
零梟鳥啼墓棘祿泉下人含螿掩七尺默然獨反而  
領袖作方伯丹府幾荒蕪公手自及闕秉孝作出基寶  
抱勿與易如彼富家兒屈戍鎖金帛公之先大夫聞命  
事征驛蕭索庭樹摧冷落湖影隻公聞泣如雨捐生覓  
枯魄時當狼煙警咫尺千里隔市閭虎豹嗥晝見鼯鼯  
跡痕處鋒刃中安之若枕席抱樹王哀哀吹篪子胥厄  
皇矣鑿茲誠嘉樹下靈液白鳥繞其閭飛鳴聲嘖嘖誰  
言天載遙相去不以尺誰言羽族頑相依猶拊膈公方

低徊思斯理疑格格寶瓊貯丹漿玉鳥集蘭液上古神  
怪書未足相刻畫余言公精誠血淚漬巾幘乘風飄飄  
墮著樹成紺碧安知亡者魂不化沖天翮幻作蝴蝶飛  
逍遙歸宗福是宜爲歌詩千古光史冊吁嗟公數奇劍  
氣時霸霸世事如亂麻邊鄙競巾幘公心可結天世人  
胡莫莫有日排洪流書如巨靈擘

感恩詩

有鳥困蓬藿飛鳴止坐隅其鳴哀以悲似訴衷區區野  
田無鴈糧涸水無奴魚羽翮不自主卒卒爲創驅感君

意氣重於此傲物軀沐以蘭蒨湯蒙以珠玉襦非惟全  
我命且復憐其愚媿無雙環玉可以結相思秋風日以  
迫道路阻且紆常恐霜雪零不得少斯須飛鳴復飛鳴  
後會將安知

與柴集勳話別

歲之庚辰秋選材於鄧林維時得子卷寶氣盈我襟筆  
墨載心光散作庭樹陰驟若風雨至時作蛟龍吟秉燭  
讀數過遙遙贈知心一見驚道貌神宇猶以深此見不  
可見丹鳳翔高岑光彩煥陸離時發賀世音願言解纓

錄忠介公集

卷五

七十四明徵書

約圖刊本

佩與子友瑟瑟豈期曠三載霜露來相侵我既喪二親  
屢空突不黔遂以甲申杪撤撤來至崑聞君亦喪母嘔  
血枯骨存刲股弗能救恚獨仇乾坤攝心叩覺王徹達  
生死根精誠隨風發飄颻到九關曰資大乘力來寧母  
氏魂見我話悲辛痛心各自捫予方謀窳窳愁病生煩  
冤君爲我經營慘澹坐不言須臾羽書至四座來相援  
始知至性人舉事窮其源隱顯雖異域忠孝惟一門努  
力懷明發威儀訓子孫終當資事父以此報至尊相朋  
會有日惆悵勿復論

與徐民則論文

文章雖藝事國運之所藉憶昔全盛年名流相輩出其時豈乏才尺寸罔敢越宜探圖書祇洗心藏於密辨理數心髮窮源見水骨出爲股肱臣煌煌載史筆不知何年衰程朱遂遭刑邪說浸人心中洲見韎韞釣弋史漢才日以供俎竇宰夫未燂薪烹飪欠其節六經夫何辜固執競截制幕府翻上功金紫且旨掇以茲彌放恣搜捕無虛日及其遭變更衣冠媿逢華讀書不明道嶽嶽空做舌徐子起玉峯志入聖賢室讀破萬卷書下筆笑

錄忠介公集

卷五

七十四明崇禎

一約開刊本

綿絕揖氣於空濛迎神在渺忽筆精蕩妖祲心光掃蕪李遂令文章國重焉見日月秋風發幽音天府登英傑從此扶皇圖中興名第一

春行有感

并序

余以上巳日自婺州起行時天寒甚余擁二爐少解余體固羸或者寒實甚走風雨道中見桃李叢然綠鬢無僅存者一春勝事轉盼都空作客奄奄思酬他日又不禁爲桃李穿目也

天意夫如何風雨來今日是時方陽春其寒尙削骨桃

李競徵召聯翩芳悅憔悴當斯時命也復何說我亦  
失路人停車三歎息坐看溼花飛層榮委阡陌因便語  
落花臨風勿長憶花落復歸土人老同爲客割歡棄前  
榮弭節思後策明年還有春春風動顏色

謁睢陽協忠廟

中祀唐張巡許遠補

秋風肅廣陌古廟闢重門遺容儼千載耿耿弔忠魂孤  
城守且戰乞師曠無援燔奴復烹妾享士誰能餐側身  
問天地風捲胡沙昏臣力奈旣竭伏泣哀聲吞死願爲  
鬼雄殺賊報君恩睢陽雖已陷江淮固其根

攝許鄉社詩選補

錢忠介公集 卷五

十九四明叢書

約園刊本

### 孤雲悲時也凡四章

時屬世亂蘭茝失守託身崔嵬以孤自別

孤雲遠爲客悠然感我思與霞添作彩映水澹相宜不  
遇風雷險安知日月慈還當歸岫去前路蒼茫時

孤雲失羽翼纒繚起悲風明月不照地眾星浮蒼穹不  
恨已孤散所憂天蒙茸甘心守寂寞捲跡還虛空

秋山矧妙歇孤雲慘其巔生意今方落幽居亦自妍我  
思巢許士乃在揖讓年秋心不可化豈必感世緣

孤雲無意緒獨挂山之峯聖賢尙神化轍迹友蛇龍鳥



道八千甲關山一萬重吾其奈何哉洗耳空門鐘

錢忠介公集

卷五

三

四明叢書

約園刊本

錢忠介公集卷五

錢忠介公集卷六

契家後學全祖望編次

縣後學張壽鏞校補

正氣堂集六

七言古

苦旱行

吁嗟赤龍戲鱗鬣照耀山澤光  
赫曦炎帝主治佐祝融  
導以絳節乘朱旗紅雲團團羈四野  
焦枯若木扶桑枝  
羲和奉令不敢避血光四射穿重圍  
青空塵盪雲不膩

錢忠介公集卷六

一四明叢書

約園刊本

日車溜辇行遲遲電光虛發玉女笑雷聲失擊朱公椎  
雨師幽囚枯手足飛廉勃窣豎髮髭谿谷豁衍失氣勢  
草木淡澹無威儀豈惟枯河泣魴鱉且將乾海走蛟螭  
馮夷逼迫日削地呼我臣妾告玉墀丁王反目喪其妃  
箕畢高枕渴厥司魑爲戎首吐火牙紫霓蜿蜒彌天垂  
盜弄帝權無處所請下尺一令治之帝閭萬里若不聞  
紅裳紫焰翻騰麾四月不雨至七月農夫啜泣憂化僞  
郡縣奔走竝祈望剔髮剪爪爲牲犧東海豈有孝婦冤  
漢庭且奏弘羊欺濁醪已作金莖飲麥屑猶同玉饌炊

人生至此困已極天意未審將何爲於今金風正司律  
佇看秋潦盈滄池驕陽傲倪不肯讓葦收畏禍徒猶夷  
吁嗟平山無槎卉澤無鯤鮪人民逃死於山鶩鳥獸熾  
毛而灼肌曠蕩浩汗獨無偶高天蒼蒼豈不危

讀李長吉集

補

陰風倒捲吹寒屋夜半空庭鬼亂哭誰遺蠹粉怪作書  
囊翻古錦燃藜讀王孫詩思在驢背嘔肝欲死句偏屬  
調高絃絕驚早秋霹靂文招賦白玉豈堪騷骨老塵中  
煙冷南園草空綠千秋亦有弔奇者只今何處尋昌谷

錢忠介公集

卷六

一四明叢書

約園刊本

據萍鄉社  
詩選補

贈玄章小詩誤呂爲李復作短歌解嘲

先生坦坦來塵市蛟龍遊戲煙波裏觀者不測其爲神  
蒼松怪柏尋常視出沒弱水三千丈騰蹕崑崙八萬里  
烹煉陰陽取其液驅走風霆疾於駛公於靈祕無不窺  
獻酬羣心咸至理持此周流徧天下誓心不度無情子  
愛公神駿持贈公戲染翰糜拂箋紙驚公紫氣猶在闕  
落筆題作猶龍氏自悔公祖純陽翁公於孫行當作耳  
公謂神仙埋姓名呂李假設非恆指嘯風呼雨歸蓬萊

太清玉籍署爭履此人酣醉直到今名者耳兮姓者李  
與歸玄恭 丑 話別

君木上天之列仙偶然再摘來青蓮玉禾珠樹崑崙種  
移植玉峯山之巔筆鋒鑿碎龍門石豪氣驅凌秋水篇  
家故太僕公之後君能接武稱曾玄百家紛沍如重圍  
自君矢發城無堅有時縱飲酒數斗落筆滿紙生雲煙  
四座觀者歎奇絕君笑擲筆謂我此墨留千年有時感  
憤忽狂叫淋漓寄嘅乎幽燕或欲仗劍斬樓蘭下馬作  
頌銘燕然胸中浩汗支天地賦性亢激懷鷹鷂寸管非  
發忠介全集 卷六

三四明叢書  
約園刊本

有金鐵勢誅奸夷佞驅無前丈夫三十不得意放歌金  
石聲闐闐我欲椎破渾沌氏張目笑問今因緣鵬鷖有  
時翻屈折蠅蚊何事爭摩肩蒼天必有說與君飲  
酒且留連

### 有犬行

有犬有犬殷毛色碧瞳雙炯四蹄疾主人錫以盤飧餘  
夜夜呼來守門闕無何一旦賊闖入此犬逢迎舊相識  
投之一骨儼跳舞不念主人恩愛切主人委謝囊匣空  
搖頭擺尾他人室桀犬繇來解吠堯堯犬亦應知吠桀

何期斯言今不然大亦如人情義絕國家養士三百年  
黃金費盡羅英傑一榜臚傳甲第開杏花叢裏鳴玉勒  
至於先帝尤愛才一言中雋非常錫庚辰特召對螭頭  
拔爾掖垣橫牀側有君如此何忍負一死豈足酬罔極  
何圖今人不如古毒龍吐霧迷胸臆豺狼當道不復問  
睨眦微仇鬪鼠穴權門一顧百感生君恩萬千等撤撤  
大家誤國撒手散眼看君王死社稷我恨手無尚方劍  
呼工冶鑄六州鐵鑄就簇簇芙蓉鋒殺盡天下負心賊  
猶恐此賊不勝誅劍鋒有時遭屈折欲以純灰三百斛  
洗濯心腸光皎潔又恐生來點染成純灰雖多洗不得  
徘徊無計只自顛中夜血絲縷縷織叶天叫天重叫天  
願下疾雷狂風迅掃此輩須臾滅

漁家樂

綠水青山是我家有人把釣向天涯紫鱗釣出一何喜  
綠酒盛來不用賒買酒歸家且高臥門前明月在蘆花

做文文山六歌

我憶當年喪玉斗帝車失度東西走漁陽動地羯鼓吹  
京雒蒙塵花石藪古來亡國痛以悲豈有明明若我后

先帝不得正其終羣臣何以辭厥咎而方子于拜偽廷  
白馬金鞍腰紫綬嗚呼一歌兮天絕紐狂風吹野萬木  
吼

我痛心兮不忍言京城馮馮高似天王師奚管稱十萬  
倉廩猶堪支一年胡爲格鬪只兩日干戈逼脅至尊前  
豺虎張口食人肉宮殿流血汗爲川嗚呼再歌兮心如  
煎大地蕩蕩生寒煙

我朝忠厚立國只三百年來聖天子吾王憂亂乃有今  
璽工養賊至於此賊徒轉號黑帝來妖言煽動蒼天死

錢東介公集

卷六

五四明徵事

約國州志

百姓愚魯信爲然開門迎賊紛不已嗚呼三歌兮憤恨  
起眼決眦兮口嚼齒

我思百姓雖愚魯胡爲見賊歌且舞牧守縱橫恣吞噬  
猶如羔羊虎字乳堂上一怒羣卒趨千家萬家泣如雨  
小民湯火無如何忍呼盜賊爲吾父嗚呼四歌兮歌聲  
苦願下天耳與天語

豈惟牧守競饕餮更有大者不敢說明珠璀璨羅光輝  
黃金布地等一快以茲死黨滿要津國家大事盡捲去  
草野之臣知有今猶將天子稱明哲嗚呼五歌兮歌聲

朔風捲寒雲來浙浙

從來堅忍生志節心似寒冰面如鐵朝歌暮舞成底事  
骨脆不堪風雨折一朝地慘天無光蜂聲豺語遊宮闕  
鬼斧白日鏡虛空片片墮地化爲血嗚呼六歌兮歌將  
闕佇望我后重來掃妖孽

五言律

武林見都試有感

高天厲兵馬數里列貔貅雖曰將軍令猶如婢子流秋  
風鳴畫戟野火照危樓我有倚天劍爲君落旄頭

錢東谷集 卷六

六四明叢書

紛園刊本

夏日集聖月齋頭補

酒伴相將過高談竟日雄會追河朔遠人是竹林中藉  
蔭頻移樹披襟不待風紛紛涼月下未使綠尊空

據萍鄉社

詩選補

秋思

夫婿久離別邊關音信稀無心裁錦字有夢向金徽絕  
塞空吹笛寒砧自擣衣胡塵不學妾到處逐君飛

久雨四首

浮雲結空靄敢與白日爭竹暗蕭湘畫川疑剝啄聲月

光涵水淡山氣接雲平欲戰重陰退吾將厲甲兵  
霖雨連朝夕莓苔傍舍生荷衣搖不定螢火溼還明滴  
瀝中宵聽蒼茫水國行陰晴自天意不敢怨鳩鳴  
官舍晚無事虛堂涼吹生病中閒吏隱雨後想農耕山  
樹籠煙密沙禽掠浪平東歸憶思婦愁歎鷓鴣初鳴  
春秋紀災異是月恆相并地轉蟬丸驗風高鷓鴣輕樹  
枝垂蒿出沙濟嚙波平奉詔勤修省微臣負聖明

和友人感懷十首

興亡何代事生死百年中越鳥依鄉樹南琴寄土風與

蘇忠公集

卷六

七

四明叢書

約園刊本

時分醉醒涉世辨和同不媿山林士葦簾亦有功  
中原方寇盜饑饉又今年狐兔藏無穴蟲螟樂有天世  
途終泱泱主德自旬宣吾輩愆良策松蘿爲拂牽  
滿朝盡臣子何至歎才難巾幗遠可馬圍棋媿謝安渚  
江白口語蜀道鬼燐寒王鈇今安在吁嗟問冥官  
聖明方旰食臣子各身謀不盡山河恨無端鳥雀愁眉  
官事田宅吾道尙交遊狗鼠呼羣盜山東未足憂  
叔父遭家難天王輟視朝百年苗裔盡千里嗣廷遙明  
德贈神禹遺風溯帝堯猶然荆棘裏墮鼎問誰調



殺氣今方盛遺疽二十春白頭仍作賊赤地竟飛塵陣  
上誰橫槊營中但脫巾豈無虎頭將恩澤已沾身

羽書邊塞急朝議豈除戎且戰玄黃血毋言大小東諸  
公咸曰聖當事或予雄殿上猶矛戟空歌沛國風

不及南來鴈春深識故鄉菊蘭因我傲琴鶴笑人忙森  
殿披蓑笠泥途負鷓鴣遭時不相直顛倒恨何長

宰相安危繫絲來用讀書甘泉烽火亟宣室鬼神疏時

藩報聞天子悲慟執直道今難有纒囚或未如擬旨有

政有氣數使然之說除犯言不赦之句聖明方肆赦何惜齒牙餘

錢忠介公集 卷六

八四明叢書

約園刊本

遇合因時命交遊有弟兄幽巖堪賜隱奇石便題名長  
孺官階薄相如遊宦輕且吾從所好不敢望承明

感懷又續前韻四首

西北流離子相逢大道中關山泣夜雨戎馬動秋風鬼  
語松楸變人形溝壑同何時歸鄉井談笑卽田功

人言神廟在四十有八年聖德占遐曆皇恩沐普天漢  
朝推文景周室頌成宣貽厥今爲烈柔情昔匪牽

交道從來異人情自古難生平想季札意氣感任安月

意柴門靜秋深石貌寒孤貞甘自守憔悴聽微官

單于應悔禍稽首自來朝地復三韓舊威行萬里遙日  
邦還戴舜天外共遵堯異類何分種羣將錦瑟調

幽懷十五首

落日

落日歸山去山中別有天深林隔疏影紫蓋下晴川靜  
處誰牽拂危途暫息緣明朝復東望曙色入高軒

皓月

洗濯新秋鏡團圓上桂枝影垂龍燭避光落夜珠疑隔  
浦分平照高樓結遠思良宵如可再危魄藉扶持

蘇東坡全集

卷六

九

四明叢書

約園刊本

閒雲

斷續隨風勢虛空任往還水清知影淡天曠覺身閒出  
岫心無競歸巒性自頑卿雲方爛縵疏嬾共箕山

疏雨

誰家弄珠玉點點落風前高潔幽人致瀟疏物外緣尋  
香花徑輒著葉竹聲妍最是關情處輕寒不破煙

積雪

羣陰方用事雪影亂朝曦溪谷爲窟宅風霜藉護持飢  
寒鳥糞粒慘淡月經枝共是蒼天澤融和及爾時

清風

清韻發天籟悠然感我心吹香花入座掃徑月歸林自得靜中趣別來天外音雌雄誰復辯俗客莫披襟

空谷

藤蘿依谷口蹤跡隱塵喧虛靜雲穿室幽奇鳥漏言人行採藥處花落避秦村欲向山靈乞終朝好杜門

巉巖

龍門開鑿後削石亦成林一片語不盡孤峯留到今嶽崎文士骨寂寞道人心縱有燕然勒人工不敢侵

鐵嶽介全集

卷六

十四明叢書

約園刊本

長林

長條森百尺入徑便成秋得地雲偏護參天日上浮不才全性命孤骨託山邱此意誰人見蕭然麋鹿遊

石潭

蕭蕭紅葉下倒影入寒潭體靜緣知足辭餘性不貪殘星懸石甍秋潦映晴嵐此處風波少無人肯駐驂

石梁

迷津窮寶筏復此綴天門室迴圖書在崖深虎豹蹲掩關鳴騎少策杖古籐樊千載誰人到芒屨破月痕

飛瀑

似向山巔上，傾將三峽泉。惡聞人語近，散作落星懸。匹練斜分嶺，長虹倒注川。神功不可說，晴雨自年年。

敲橋

畫出剡川路，分明雲水間。山花誰解語，溪石自投閒。龍臥秦波冷，銅高漢柱刪。猶聽野渡處，坳折水潺湲。

鳴鳥

錦城春信至，小鳥亦乘時。喚起人窺鏡，啼殘月上枝。泥香歸燕晚，風細落花遲。遂結同心侶，雙柑往聽鶯。

錢忠介全集

卷六

十二四明叢書

約園刊本

風帆

帆影空中盡，舟行復幾灣。水聲瀟洞出，客意嘯歌閒。急箭浮奔浪，輕雲過遠山。天涯多少目，凝望難爲顏。

同錫九弟夜坐聽雨

急難子與汝，悲歡處處同。其驚殘月白，方怪晚霞紅。天意不終絕，吾儕敢自功。相看喜不寐，把臂坐宵中。

青陽詠四首

已畏出門苦，偏逢行路難。銜杯思壯士，敲枕泣狂瀾。月到重雲漏，風生落日寒。明朝還有雨，何處避驚湍。

飄泊孤江上，真如蜀道難。片山迷借羽，一葉怯乘瀾。壁  
激波濤險，鷗浮天地寒。古來當此日，應爾共奔湍。  
百年期未盡，五日約先寒。慘澹風前燭，蒼茫雨後瀾。  
漢高歌自壯，秦政緒猶寬。暫爾汀前宿，驚心歸夢難。  
前村歸路近，至夜轉生疑。雨積苔侵岸，風高鳥避枝。  
逢喧驚石隘，聽水覺舟移。假寐不成寢，憑添千載思。

儉齋夜集

古樹森千尺，高人坐其陰。清風振玉屑，寒月照冰心。  
舉網烹鱗細，疏泉汲井深。相看不厭冷，蟲語避前林。

錢忠介公集

卷八

十一

四明叢書

續編刊本

除夕二首

送臘千門靜，平看野色蒼。竹枝籠曉日，梅影帶餘霜。  
漏盡人行急，鳥啼客思忙。惟看小兒女，乘夜理衣裳。  
新故一朝變，因之感世情。竹聲喧四野，愁思滿空籬。  
日暮風靈急，林寒鳥雀爭。私心問天地，何以慰農耕。

詠雪

虛空淨如練，瀉影無昏晨。風際全霏玉，煙村半吐銀。  
望移雲樹合，色映嶺梅新。世界方蕭索，因君不患貧。

喜僧朗母舅自北歸，又逢南別，悵然傷懷，爲訂後

期

忽覩雲中旆旋從雪後歸寒梅客路瘦絲柳故園肥霜  
跡人行月眷情蝶舞衣相期良晤晚惜別更依依

送內弟歸四明

不是悲遷客頻頻賦夢歸全牛初試穎千跬不知肥落  
日隨征旆春雲綴綵衣憑君聊問訊花鳥幾相依

卽事

已覺癡成癖於今嬾更真梅花供坐隱山鹿拂行塵冠  
蓋誰家子田園幾度人長歌娛永日天地賜吾貧

錢忠介公集

卷六

三

四明叢書

約圖刊本

婺州道上

獨恨春光裏年年此路中飛泉爭石罅岩嶺倚雲宮綠  
嫩初酣雨紅殘故舞風子懷知曷日辛苦話無窮

錢忠介公集卷七

契家後學全祖望編次

縣後學張壽鏞校補

正氣堂集七

七言律

九日有感

此日登高興已違故人相見學忘機  
東籬秋老歸黃菊北闕恩深賜白衣  
孤鴈帶聲遶舊里輕風吹葉到寒扉  
莫辭潦倒尊前酒坐看楓林醉夕暉

錢忠介公集 卷七

一

四明叢書  
約園刊本

閒居二首

百年強半事浮名惟有山川不敢盟  
野色留將太古意谿雲涵卻四時情  
鳧衝急浪身偏穩鳥宿寒枝夜自驚  
世態安危了無定銜杯且學放歌行

世路悠悠雲雨翻難將肝膽向平原  
避時好學東山臥結客空勞北海樽  
九畹芳蘭思公子小山叢桂戀王孫  
招招我友今誰是蘿月松風自杜門

翁坦人馮玄度招遊畫溪不赴次韻

補

滿目離愁未可刪只憑清影共追攀  
舟移澗曲添新畫

月到溪頭媚遠山岸迴沙明魚自樂雲深樹密鳥應閒  
一秋狂興君偏勝載酒相期更往還

據萍鄉社  
詩選補

中州懷古

補

木落秋原萬里遙登樓徙倚逼層霄雲開嶽色臨中極  
岸圻河流導北條異代獨尋都會徧百年久見虜氛銷  
可憐賓客誰爲主蔓草平臺已寂寥

據萍鄉社  
詩選補

丹井樓

補

嵒岷樓閣嵌危峯涼樹蒼然入幕重雲護上方窺宿鳥  
風迴絕壑斷鳴鐘千秋白社應還在此日丹砂難再逢

鏡中不公集

卷七

一三四明叢書  
續編刊本

鶯底獨饒泉萬斛可堪借我濯塵蹤

據萍鄉社  
詩選補

初第自京師贈內

念爾離居尚食貧知余已醉雒陽春深閨正卜金錢喜  
御苑初看楊柳新一枕雞聲殘夢繞半簾紅雨落花頻  
樓頭爲有長相憶不遣羅敷問姓秦

和梁謹臺風起閣夜臥四首

虛閣濃雲蓋柳絲滿天膏雨漲陂池波光耀彩胸皆繡  
柏影凝寒鑑不私萬井波熬歸渾素三吳澤浸起衰疲  
聖朝若問東南苦移甌明光正爾時



方塘幽草積低窪風起輕寒拂絳紗圖繪窮巖原有筆  
鼓吹詩思不須蛙鷺啼密樹依高韻鳳吐清商息眾譁  
御史風流誰得似漢庭班馬舊名家

暫憩風亭夜正涼重雲漏處月穿牀阿那柳亦能起舞  
蝌蚪蟲知學報章溢地球璣傳樂府瞻天星斗近慈航  
新詩刻牘留池館墨妙千年護草塘

寒帷到處俯窮幽玉液波從天外流小閣風雲知永護  
明廷鐘鼓只今酬端居數上長沙策假寐猶防臥榻斃  
一自衮衣歸去後東方陰雨不勝憂

錢忠介公集

卷七

三四明叢書

約園刊本

題玉峯署

并序

余署玉峯雖數月事而憂患甚多感庭樹之依人  
歎浮生之無幾徘徊堂宇有扁額曰松柏卽取雙  
樹爲名蓋前令王公所題誠而今已邈乎遐矣感  
而賦詩便欲篆刻附綴其旁庶幾後之視今猶今  
之視昔云

庭閒雙樹影婆娑冷眼烏紗看最多銅幹參天風雨勢  
玉梁移暑鬼神呵一枝楊柳當年愛千樹玄都去後歌  
題識舊存人宛在武林流水昔經過

舟行苦熱二首

鹿鹿塵寰復涼我我袍帶爲誰忙一函冰雪難消暑  
六月號呼不降霜自是人間思宋玉祇愁天上寵張湯  
息陰我有深山在便署山中南面王

平沙明月照人顏遊子勞勞思杜關苦畏炎蒸逢熱客  
卻尋清冷怕冰山玉階珂佩一時盡石室茶鐺到處閒  
敢謂神仙真可得願留清醒在人間

霞舟吳夫子以夏日過婁先蒙題贈次韻二首

雉城三載繫思深乍覩猶龍喜不禁文麗日星光燦爛

錢忠介公集

卷七

四四明叢書  
約園刊本

靈分恆嶽氣蕭森著書不改玄亭樂戀闕長懷國士心  
事業相期吾黨在清風千古自於今

仙鶴遙傳到水濱又逢多難日紛紜未及庭草尋初服  
爲賦流鴻愧昔聞札賜十行局外得自區干品鏡中分  
空齋索寞無佳處杖履經過是吉雲

煮粥詩四首

流移東下盡如林昔歲非禋亦告禋升斗總歸仁者粟  
啜餽已飢野人心自天恩詔羣爲哺好我和聲鶴在陰  
安得四郊無餓孳庭餘彷彿古鳴琴

麥秋無信盼空林，漏地行糜補歲祲。試將鳩鵲可憐狀，  
提醒膏粱未履心。羊御杯羹殘宋社，王孫一飯報淮陰。  
方舟共濟人稽首，賴我羣賢友瑟琴。

長上門前骨似林，於今難繪徧災祲。誰令爲此臣知罪，  
何以禳之單厥心。回頭企踵望煙火，扶老攜兒息樹陰。  
寄語羣黎暫飽德，卽看絃急更調琴。

春雨瀰瀰徧樹林，溝中羸瘠不知禱。無聲器鉢瞿曇術，  
罔漏鎚錘桑孔心。里肉分均懸卜宰，庭槐種就憩成陰。  
諸君自試青州烈，匪爲侯門辱鼓琴。

錢忠介公集

卷七

五四明徵書

物類類本

哭張天如先生次原達韻十首

先生一去眾芳蕪，白日荒涼鬼魅徒。浩氣一時還太始，  
文章千古識真儒。亦知草露功名假，只歎芝莢善類孤。  
天道報施今若此，拌燒筆硯事耕屠。

此地津梁頃刻蕪，夜臺何處與誰徒。鯨騎采石歌豪士，  
鵬止長沙泣大儒。星漢斜傾一柱朽，秦華崩剝眾峯孤。  
嗟余未死將安仰，叫破蒼天痛若屠。

篋中遺稿未荒蕪，取次編摹尙有徒。小水遷流爭學海，  
眾家息喙盡宗儒。標題萬卷百城重，接引千金兩月孤。

身後周旋吾黨事莫令非類恣相屠

滿目蕭蕭徧地蕪相逢嗚咽舊生徒天人直接西京對  
氣節羞稱東漢儒流水洋洋雅引絕廣陵寂寂夜聲孤  
百年誰嗣歌黃鳥攜手名流入釣屠

往日風流墜地蕪漫漫長夜豈無徒玄文四百將興漢  
高弟三千不病儒鄴架遺書手澤存平原舊客履聲孤  
無情天地多翻覆梟鳥高翔鸞鳳屠

力闢文壇翦蔓蕪昌黎後起聖人徒應知慧業多成佛  
悟出前生是宿儒車馬悲號千里至人琴寂寞一庭孤

續東坡全集 卷七

六 四明叢書

續國朝本

風霜早晚能爲賊便縛羣魔手自屠

啼鴉將鳴秋草蕪一朝函丈棄生徒石碑初立鴻門學  
木鐸重鳴虎觀儒少府風流樽酒散竹林淒切笛聲孤  
悲歌山木吾儕恨亦有長號罷市屠

弓劍蕭條野草蕪生前未了屬吾徒珠沈碧碎千秋價  
霧鎖雲埋一代儒鶴返遼東鶴夢杳鳳歸丹穴鳳臺孤  
天涯涕淚思何極將恐中原人類屠

四郊多難徧荒蕪夢想經綸志不徒沛上酒酣思猛士  
長安米貴飽侏儒塵埋玉樹黃泉恨霜落金英秋夜孤

長吉賦成天上侶何煩借首向浮屠

千尺喬松豈遂葉崩鱗落甲草爲徒逢人岸幘忘機友  
急病纓冠救世儒燕羽差池歸路隔鴈聲嘹唳楚天孤  
人生早晚悲同盡學就屠龍何處屠

飛蝗二首

三旬涸澤漏焦枯浪說今年歲在庚野吳萬家驚赤羽  
軸空千室想青蚨我冠嚙盡民間血羽翼偏逃上帝誅  
臣罪已知應避位莫令他日歎鴉鵲

晴空飽食恣遊盤結隊斜陽羅網竟竊粟豈惟桑扈慣

錢忠介公集

卷七

七四明叢書

一約園刊本

張牙不畏隼鷹看飛飛影落蒹葭亂處處聲來禾黍殘  
猶有天乎寧縱汝莫邀朋類慶彈冠

送僧朗母舅歸四明次原達韻三首

仲尼猶自歎歸與況我孤羈三載餘那得便乘一葉艇  
只因不上萬言書新豐酒熟邀知己曲徑花迎識舊園  
數日秋風鄉國近寄吹清夢到前渠

恩恩行色早歸與倚馬躊躇話別餘此去好尋三尺劍  
將來莫讀五車書到江山色迎秋思隔岸籬煙夢故園  
宛在伊人天際想布帆應已過長梁

涇陽惜別意何與惆悵今宵玩月餘浩蕩水光涵几席  
蕭條山色亂琴書相期斗酒看新築預遣伊威出做閭  
我亦歸來早晚事好留明月待秋渠

送爾敬表弟歸四明二首

江流倒映數峯青江上歸帆未肯停倦聽夕陽蟬噪樹  
貪看前路鳥窺汀憐予夙夜勤三事知子聲名在六經  
他日絲綸歸世掌須將華土拭青萍

深處舟行夾岸青榜人倚棹看雲停竹竿箇箇添疏影  
菱葉翻翻亂遠汀此地饑荒不忍說故鄉風物幾時經

錢忠介公集 卷七

八四明叢書  
約國刊本

浮生何處堪回首把酒長吁問綠萍

買得新妾

昨夜銀河理素妝庭前堆落膩雲香膏被飄拂垂楊柳  
紅暈羞離睡海棠人倚玉簫從夢傷詞歌赤鳳踏情長  
浮心未定渾難繫又引無明到醉鄉

八日渡江

金山突兀俯中流遠水遙空掌上浮無限吏情歸炮影  
不勝愁思載扁舟傾天雪浪看奔馬震地雄聲聽鬪牛  
疊疊雲帆空際出滿江煙色畫中收

憑欄空閣說胸愁，浩淼乾坤眼際收。樹上新聲懷過客，汀前古月照行舟。鬱蔥曠代高陵寢，踴躍誰家牧馬牛。聞說滄桑昨日事，幾年此地亦山邱。別來江水渾無恙，載盡名航白頭幾處麒麟留。石豕且隨鷗鷺狎汀洲，二山好峙東南鎖一水。何分清濁流，我欲閉關高謝客。入林苔蘚自成秋。

錫九五弟之武林省試於其行也詩以勉之

江城百尺畫圖開，中有仙人鼓棹來。筆挾蛟龍走山岳，字飛珠玉下樓臺。室無斗粟嗟予吏，家有千金屬爾才。

鏡忠介公集

卷七

九四明叢書

約園刊本

天外桂香今折得，遲看湖月共徘徊。

秋日與王原達話別於虎邱寺

解組歸來腰帶寬，與君酌酒且盤桓。露溥野草蟬聲結，雲臥荒邱鶴澗寒。火宅息緣逢法雨，狂流吹沫見澄瀾。生公脫履今西去，留得慈泉冷洽看。

寄贈王原達

代

南國衣冠夙擅名，如君丰度幾回傾。慧光湛了西來案，寶笈雄專南面城。秋水芙蓉增別恨，楚天蘭蕙想芳盟。相期補劄今猶古，珍重婁江伐木聲。

詠雪和應宗海韻三首

一片瓊瑤下碧空，人行如在劍光中。  
小園茁茁梅枝綠，古寺淒淒佛火紅。  
飢鳥凍林餐玉粒，野人寒棹想樵風。  
袁安高臥深山冷，笑說羊裘退自公。

虛閣登臨一望空，千峯都在畫圖中。  
質同絲縞能移黑，片入鑪錘欲點紅。  
野棹孤吟開夜色，竹枝低舞待春風。  
莫愁積素今如許，會祝豐年雨我公。

凍雲飛雪濛晴空，似落瓊花萬樹中。  
勾與貧兒虛映白，墜來華屋影翻紅。  
整斜有態疑秋鴈，汗潔無心聽曉風。  
日覲欲消藏不得，卻留詩句問天公。

蘇東坡集卷七

十四明叢書

繪圖刊本

詠鶴

獨立看雲意自癡，迴風刷羽弄清姿。  
一聲嘹唳聞鐘後，空影翩跹入夢時。  
傾市無雙悲和寡，聞天有淚受人知。  
長鳴萬里家何在，白水青山向往之。

讀鄭所南心史詩并序

士君子不可一日遭心史之事，而不可一日不存  
心史之心。此心之失，則人而禽矣；中國而夷狄矣。  
白日而昏夜矣；文字召妖，口舌戰血矣；金鑠而石



穿矣此心之存則人而天矣仙矣佛矣一日而千古矣詩文而史矣亦經矣亦圖錄矣智井爲名山之藏石匣有甲子之護矣心之重於人也如是今聖天子在上政教翔洽士大夫皆崇尚節義歲戊寅而鄭所南先生心史見於承天寺井中撫軍張公梓以行世海內見先生之史者無不知先生之心矣然此心非獨先生有也余以暇日偶覽斯編成詩十律豈敢附吟詠之末亦以性情所鍾不能自絕世有覽者得位置希聲於行道乞人足矣

魏心齋公集

卷七

十四明叢書

一編圖附本

臣虜衣冠狗彘徒多情野草志吞胡叫呼日月狂偏甚  
痛哭英雄淚欲枯四海無王還戴宋一腔熱血肯爲奴  
緘題德祐年閒事鐵匣泥封永不渝

厓山舟覆已無徒四面江河盡屬胡井火沈劉煙欲斷  
隰苓思美望終枯衰年殘夢依吾主冷眼狂歌罵逆奴  
鏑鏑霜鋒出井底心光血字豈容渝

殷戈猶未倒前徒向日鷓行徧拜胡金策賜秦天尙醉  
銅人遷鄴水爲枯獻符蓋是稱功德卻帝何人罵婢奴  
獨有誓詞延萬劫石風金火不能渝

共向新亭憶舊徒，義師何日起平胡。  
魂號故國血應碧，淚灑西風鬢欲枯。  
有恨離騷託湘水，無情錦句覓奚奴。  
大仇未報君恩重，片石山靈誓不渝。  
時事知非夢亦徒，年來每飯不忘胡。  
十三門裏秋聲冷，百二關中上氣枯。  
欲逐龍興歸帝子，願清虎穴走匈奴。  
子山饒有江南賦，吟罷淒然不忍渝。  
我亦行吟澤畔徒，可能三戶兆亡胡。  
銜泥小燕爭歸暖，戢翼寒蟬獨集枯。  
筆續春秋書黜楚，匣開風雨勢驅奴。  
但留一點英靈在，桂月松濤共不渝。

靈峯齋集

卷七

十三四明叢書

續國朝本

被髮伊川非我徒，百年天運竟歸胡。  
西山探蕨歌猶壯，東魯悲麟筆幾枯。  
讖擬河清生聖主，印懸侯爵待人奴。  
皇天不鑒孤臣苦，兩鬢秋風歲月渝。

燕市長吟豈酒徒，筑聲欲借抵強胡。  
動人鐘鼓書猶在，拂地笙歌骨已枯。  
三輔道傍爭待漢，隴西門下恥降奴。  
烹魚誰是同心者，舊苑芝蘭應未渝。

嘯呼山澤與誰徒，短髮蕭蕭愧曼胡。  
錦里湖光風霧慘，帝城月色管絃枯。  
銅駝荆棘先悲汝，蟋蟀平章不鬪奴。  
坐使腥風汙草木，忽看龍劍匣中渝。

未忍煙波作釣徒獨攜一劍寶風胡馬嵬道上春雲暗  
凝碧池邊秋草枯七日申胥能復楚三年文種乞爲奴  
英雄自有陰符策不信夢夢天意渝

輓王原達尊公

共說泉臺路渺漫騎鯨人去不辭難諸君未識酒中趣  
此老已成鼎內丹仙闕琅玕遲唱和帝鄉鸞鶴共盤桓  
崩雲洩雨來何驟爲送王喬下玉棺

思親十詠

并序

時維九月寒飈聿起木葉漸脫錢子將之瑞安省

錢忠介公集

卷七

十三

四明叢書

約國刊本

親行平險厄之處山峻高以結陰泉涓流而增冽  
時或嚴霜戒且征馬長吁披荆榛而得路排沙石  
而下灘時或落日蔽暉煙光凝暮望孤村以戾止  
解征衣而爰息山來拱几戶直妨眉天慘慘而愁  
雲四起鳥淒淒而哀音百結况復行行兮若陟天  
關山山兮如橫地軸步騎相持繩索相引於斯時  
也行人唱而歎息僕夫嘸其流涕况我遊子能不  
傷心雖澗花幽草郁郁巖畔之閒怪石奇松蠹蠹  
尚巒之上天台現其前鴈蕩擬其側明發有懷未

遙遠盼心之思矣維其棘矣縱尋昔採藥不如贈  
嶺上之雲合怨鶴驚猿盡寫入中郎之操杼茲苑  
結成詩十章詞不盡情勞歌其事維作者之多哀  
響冀覽者之有怨辭

萬疊青山鎖白雲排空度脊鳥爲羣霧迷古岫天疑斷  
樹遶寒煙障不分策馬計程何日到迎風長嘯幾回聞  
獨憐白髮雙親眼引睇前途又夕曛

南山有鳥北山飛向日投羅相背違天各一方羽翮短  
心懸兩地夢魂歸聲聲絡緯啼秋夜燦燦星河映客扉  
此夕欲眠猶未穩誰將消息報慈闈

錢山外集 卷七

西四明叢書

約園刊本

嶽案高峯萬態齊半臨危壑半臨蹊平陵絕磴人如鳥  
遙指雄關天可梯紅葉班班爲我舞清流滴滴口兒啼  
宦遊五載真相憶望到桐巖倍覺迷

峭壁幽巖仙所都借君仙術引修途莫言鞭石神爲幻  
浪說移山公是愚驛路酒帘風送語閒亭茶館佛當爐  
誰憐遊子非飢渴祇爲思親貌日癯

行盡山程復有山苔紋鮮跡共躋攀鳴泉百道聲聲咽  
飛鳥千羣曲曲還無限歡情翻別恨不勝歸夢繞慈顏

登高絕處頻回首父曰猶來望正殷

岫嶺岩巖勢尚賒秋風颯颯夕陽斜鳴禽喚侶將巢樹  
野老呼兒共宿家謝令仙遊曾著屐張騫星使獨乘槎  
何如膝下雙檣首石上生枝鐵上花

昔時一步一相依今日那堪五載違喜度曉鐘山逕遠  
愁看落日夜光微思同石薜年年積淚結霜花片片飛  
駒隙易過樂事少膝前能得幾牽衣

赤城遙望瑞煙霏不爲尋遊度翠微澗口幽禽時戲舞  
洞中琪樹自芳菲平探諸弟情休戚細看雙親面瘦肥

錢東介公集卷七

十五四明叢書

約園刊本

所謂神仙宛在此石梁金闕更光輝

街頭每每混樵夫竟日逢君話故吾名圃有緣棲野鶴  
嶂山無計下飛鳧題花字竹多名姓立石排松作畫圖  
忽憶老親凝望處悲風千里到城隅

四面危巒線路開籃輿折折躡雲來浮觀渾漭天三尺  
下視滄浪水一杯怪石巉巖亂幽徑虬枝繚繞拂蒼苔  
不須瞻望空回首此日山行亦壯哉

月夜遊江心寺寄弔文信國三首

梵塔崔嵬江上浮月明今夜度扁舟祠前星斗靈光燦

地下山河鬼語愁墨浪千層鏡畫壁心旌一片射潮流  
登樓重憶蘆花句檻外風聲陣陣秋

登高極目倚闌干落日秋風江上寒金鐵縱橫古邊徼  
荆榛淒斷舊長安繪圖鬚戟絲絲戰浣濯心苗寸寸丹  
夢揖先生談往事疏星零落照汎瀾

正氣歌詞讀未殘愁雲慘月到江干秦庭泣雨難存楚  
博浪椎車未報韓青草可能消碧血腥塵何處到黃冠  
祇今惟有濤聲壯夜夜飛懸古殿寒

壽姊丈邵希文四旬初度

登忠介公集 卷七

六 四明叢書

約園刊本

櫛沐雲臺四十秋定看名籍注金甌前身故是李供奉  
現世重來馬少游光映玉壺清湛湛影搖天漢氣浮浮  
閉關別有長生術永向雲蹊號醉侯

和聞警杞吟十首

黃沙日暮結層陰鼓角城頭殺氣深玄女下符神廟略  
蒼頭授鉞剪戎心西風颯颯秋原恨野草芊芊臘騎侵  
爲問北平飛將在單于臺畔幾登臨

邊牆是處鞏枚枚干丈提封穴蟻開正擬十年吳作沼  
豈期三輔骨成堆采薇成土拌生去射鏞胡兒送死來

不爾聖明方盱食古來豈少濟川才

諸道援兵擁壘高逍遙河上戲旌旄秋風鈴柝征書急  
夜雨關山歸夢勞不慮甘泉盡烽火卻憂戎幕起波濤  
年來頗牧無長策辜負明廷十萬袍

二十年來未削平尙方屢賜卜師貞江南芻橐歸軍市  
直北車書半虜營悄悄旌旗摩虎穴遙遙劍履壯燕京  
不堪嫠婦方愁絕中夜哀吟雜雨聲

詔下淄青爲解衣萬方多難賦山薇未知白紵誰占勝  
會看蒼雲正合圍金甲雨拋麟閣冷南弓風勁雉膏肥

卷七

七四明叢書

約園刊本

何人敢死摧驕虜橫吹軍前聽凱歸

玉筍參參繞殿坡延英奏對幾揮戈紙爲人馬聞聲疾  
沙作資糧食氣多孤注且難安寇準千金容易老廉頗  
普天頌有同仇恨綴緝殘旗夜渡河

秋風畫角起邊愁兩度征人見火流塞外鯨鯢檣授首  
朝中牛李競持籌賦詩浪得千金價主爵虛懸萬戶侯  
祇有陳平奇策在防邊早爲築蘆溝

猶有人乎願執鞭方剛未許北山賢死聲早兆吹商律  
吉語遙聞慰細旒繚繞旗幢侵曉發參差劍戟與雲連

誓將異類膏齊斧盡洗中原草木癩

愍念流遺且賜餐聖朝豈肯用申韓鵠鵠需翼魚將盡  
蟲蠹凋心木乃殘西北已無樊圃限東南猶恃敵樓完  
於今不蚤更絃轍恐使他年笑蝨官

西郊戎馬餉師勤涕淚憂時到夜分吐胃更生終鼠輩  
峩冠能鬪亦難羣勝場別擬嶠函壘觀壁誰雄鉅鹿軍  
無限低徊不忍道九疑湘水亂煙雲

重遊招寶山

不到寶山幾十載重披苔蘚度雲關連天戈戟劍星落

饒忠介公集 卷七

六十四明叢書  
納園刊本

橫海樓船射日還梵閣平添新塚句石碑荒臥舊書顏  
老僧笑問客何處帶得風霜滿面頰

賀林令沖霄內召

民生何處不瘡痍金虎縱橫盡鹿麋獨向吾鄉稱鄭母  
更於今日字任兒飄飄履舄歸蘭宮涼浴身名到鳳池  
最是第檐驚又喜玉樓飛下御書時

與倪伯屏話別

少頃爲歡乍別離燭花頻翦莫嫌遲君鬢笑撚手中雪  
我髮愁添鏡裏絲鑄石況心天地老唾肝能語鬼神知



不堪今夜屋梁月又結他年萬種思

錢忠介公集 卷七

十九 四明叢書  
約園刊本

錢忠介公集卷七

錢忠介公集卷八

契家後學全祖望編次

縣後學張壽鏞校補

正氣堂集八

七言律

感懷時事

時事於今尙可爲滿朝安穩劍頭吹銅人立處非秦苑  
金馬班前半漢兒報國空餘精衛力逢人欲寄杜鵑詩  
何年甲洗天河水玉輦重迴舊帝基

錢忠介公集卷八

一四明叢書

約園刊本

贈李玄章

先生卓鑠挺神姿綱領英風下玉墀刈草吉雲幾度返  
采芝玄圃不經時梅花芍藥供行饌月姊仙娥作侍兒  
敬遣松風來問訊他年飄笠許相隨

寄弔謝宣子

子宣壽鏞案此三寶子也死李自成之難

此身一入承明殿便把綱常付此身魂到天邊猶捧日  
血侵飄影不飛塵笑看大吏爭迎賊恥以新妝別嫁人  
一曲鑑湖明似鏡鬚眉難與共爲鄰

蔣振華招飲西湖感懷時事寄慨

山色蕭條八月秋，主人招我醉扁舟。大江似隔汀蘆限，此地憑添簫管愁。仙吏殺身金馬適，漫郎釀酒石魚遊。囊封諫草誰人者，寄想宣公第一流。

漢殿秦宮秋草青，湖光不改舊清泠。一杯綠蟻臨風醉，萬里關山戰血腥。畫艦歌聲來細細，垂楊人影落亭亭。當年盛事今安在，日落空山倦倚舲。

別趙榮庵總戎

客館淒涼不任情，手提肝膽送君行。欲呼我友籌忠孝，自媿微軀負聖明。壁壘開時懸日月，旌旗迴處落欃槍。

錢忠介公集卷八

一四明叢書

約園刊本

中興四七誰爲首，苻勒雲臺千古名。

甲申杪過崑寓周徹其舍留連浹月春正話別賦

此志感

客路春風不禁寒，臨期頻話勸加餐。君歸自惜知心少，我去誰憐行路難。檻外履聲來夢寐，門前月色照悲酸。平原十日今三倍，莫作尋常旅況看。

見梅花落感而賦詩

二月春光鬪豔時，蜂聲猶自抱殘枝。伶俜瘦影乘風怯，憔悴香魂入夢遲。輒雨飄零陳樹玉，疏雲蹙就漢宮眉。

杖頭尙有芳菲意分付東皇好護持

悲憤詩三十首

十七年前事已空小臣無路籲高穹淒淒綠草生前殿  
黯黯愁雲鎖故宮北極朝廷風雨夜南天戎馬笑談中  
銀泉山下漸流咽夢裏分明淚血同

朝議紛紜正聚訟賊烽久已逼居庸

旄頭星象先占變

鷓尾雷聲蚤告凶

時雷震奉先殿鷓尾

應怒茂陵新礪劍忍聞長

樂舊鳴鐘痛心三月十九事夢想衣冠哭墮龍

數載憂勤翻喪邦六軍從此臥旗幟直飛流矢金墉闕

維宋介公集卷八

三四明張書  
約圖刊本

遂掛長弓玉女窗瞎賊無知兵犯順名流何故表修降  
漸臺指日應傳首報道爲龍已渡江

莫道成周遂不支萁弘死血未應黧徘徊故國悲禾黍  
俯仰今人負鷄驘赤伏已圖劉姓氏黃巾猶壞漢罽毼  
最憐風雨淒涼夕九廟神靈望祝釐

幾年膏雨滿皇畿一旦機槍射日暉北闕晴雲隨望改  
西山爽氣與心違塵生春殿花猶泣血灑南天鴈不飛  
聞道王師將薄伐願隨強弩殪封豨

大橫占兆代來初手握陽阿非種鋤共說投戈明主出

豈知謀箸具臣疏傷心雲散昭陽影慘月煙飛天祿書  
灑泣新亭殘月淚何時車劍走蒲胥

誰使先皇遂喪軀滿懷悲憤只長吁風高春燕巢何處  
雨泣銅駝夢不圖揖賊新宣大司馬除戎舊拜執金吾  
尙方屢遣廷臣出曾斬天驕一箇無

遙望長安草樹萋翠華臨幸望偏迷車中御豈逢丑父  
殿上人無金日磬好夢只疑蒲反魏癡心猶道汝歸齊  
聖明千古留遺恨莫箇人來挽日西

未央前殿雜風霾千里空來貢玉駟劍佩憧憧承七轡  
變輿穆穆禮燎柴卽云水旱艱天步亦有馨香慰帝懷  
佑順皇心原未爽降殃應是爲吾儕

賊烽一夜九門開爲問誰人稔禍胎官闕頓翻豺虎穴  
風雲重鎖鳳凰臺不教玉饌羞牛骨未有花鈿墮馬鬼  
傳說數行衣內詔北風猶帶鴈聲哀

憶得當年三月春幽燕烽火自西秦紫微帝座星光黯  
熒惑妖兒讖語眞傳道漢家曾避戍豈知明祚忽夷申  
大仇誰報憑回紇天地於今不復晨

昔日持麾入北軍呂劉興廢祖中分羽林宿衛誰勝甲

鉤盾巡宮亦備員天醉漫傳鶉首策壁還曾話瀉池君  
么魔會有天亡日只痛先皇宿草墳

歎息當時鹿豕奔更無人說報君恩臣工若箇能當道  
寇虜方傳蛇鬪門幾處秋風祠帝子不勝春草戀王孫

時聞永定  
二王尚在

愁來喜聽虛消息鼓舞心肝奉至尊

往事悲歌髮指冠水聲猶自哭燕丹三年去越能與越  
五世臣韓未報韓涿鹿城邊鬼語泣桑乾河畔水流寒  
帝城風景今安似慟哭行人淚鐵肝

小臣從未識天顏忽聽傳呼御榻還宮扇開時雲影動

錢忠介公集

卷八

五四明叢書

納閣刊本

鑪煙繞處珮聲閒從王無路隨青鳥報國空懷媿白鵬  
先帝時子  
爲五品官夢裏不知年歲改曉來依舊淚痕斑

上苑淒迷宮樹煙東風不是舊時妍庭中誰弄辟寒玉  
臺上猶懸輕影錢鼯鼠鬪殘河朔地杜鵑啼碎雒陽天  
隴頭流水聲聲急瀉向人間作憤泉

一枝無地寄鷓鴣夜月城頭照寂寥諸葛功名虛劍閣  
平原車騎散河橋三宮同日殉宗社四海齊聲淚碧霄  
盜弄潢池猶赤子忍於王室肆鷓鴣

猶然外吏貢菁茅兄豹連盟小弟鶴豆馬紙人欺聖主

銅頭鐵額護私交看他幾日絲成絡到底千秋鏡不消  
回首身名今在否空餘蟲語弔寒郊

宵旰難迴天聽高遂令臣子諱焦勞早知今日悲龍馭  
何不當時成虎牢鼎沒泗淵難曳引軫傾皇路共呼號  
沿邊將士多忠勇尙念先皇舊錦袍

今年春信是如何未見王師蚤渡河漳水漫勞汗白粉  
秋泉又見起蒼鴉恨隨春草年年長淚作滄江滾滾波  
翻怪蒼天容盜賊坐令燬肉飽干戈

狐兔縱橫落日斜悲筋淒切舊京華鶴歸雲裏幾聲淚

鐵忠介公集卷八

六四明叢書

約園刊本

鴈斷風中何處家秋壑門前怨青草武陵谿口贈桃花  
全祖望曰諷國首非  
棲武陵語有微意中原淪陷雖天意亦是清談種禍

芽

不應此地作尸鄉況復風枝汗聖王共佩兵符尋嶧孔  
誰將飛矢射天狼蝦蟆到處迷官廩鸚鵡從前說上皇  
二十七人殉義死劫灰中識魯靈光

小草於天亦有情枝枝葉葉向陽傾逢人怕說興亡事  
懷古如聞悲泣聲粉社歲時仍漢臘下泉陰雨念周京  
宮直寂寞歸來晚痛殺春風到雒城

山川崩徙不停停，誤盡蒼生是寧馨。  
戚里正歌三婦豔，豪門已散五侯鯖。  
頗憂穀雒妨王室，不道蚩尤掩帝星。  
盼殺南朝旌旆出，莫教長鎖限魚汀。

正疑此日賜烏羹，忽報皇都禍已仍。  
明月照人顏慘澹，北風吹鬢髮蕭蕭。  
幾行帛鴈歸蘇武，一曲胡笳泣李陵。  
今日人情忘漢大，敢云豐鎬不中興。

亦知身世是浮鷗，不耐閒情蚤白頭。  
一路雞聲催夢曉，數番鳥語換春愁。  
世情等是忘憂草，人面渾如不繫舟。  
惟有水痕依故國，涓涓日夜向東流。

懷忠介公集 卷八

七十四明叢書

約園刊本

北望園陵涕不禁，遙持明水薦清心。  
萬方聚泣酸成雨，到處吞聲怒結陰。  
地號柏人悲伏莽，城名冶父痛羈禽。  
小臣無力支天柱，一夜繁霜鬢髮侵。

刀鋸時嚴爲肅貪，其期從此翦虓虺。  
平臺屢對天顏穆，宣室時親聖澤湛。  
舞馬猶然依故主，客龜幾日夢江南。  
不堪指出傷心處，新歲重逢是月三。

天心藐藐竟難占，今日翻悲麥秀漸。  
未見鴻門脫劉季，浪傳石槨賜飛廉。

飛廉不與殷亂，兩京返旆唐靈武。  
五月乘龍

宋建炎全祖望曰弘光亦以五月卽位從此中興，新日月重修陵上水。



紋簾

玉象幽玄似錦緘擬懷椒糈下巫咸女珊瑚樹榮如割  
金鳳鳳車去若帆多病鏡中看白髮變時座上溼青衫  
二三君子勤王事望把胸中營壘劓

奉贈吳純祐使君

國杰

使君鳧鳥慰輿情三月中牟化大行一片慈雲甍道暘

滿泉玉乳發春榮

去縣治三里西山上  
有慈雲峰玉乳泉

芙蓉光豔連雲

水磬山縣有芙蓉山霹靂威名到鹿城

大羅山上  
有霹靂尖

會看徵書來鳳

闕建牙此地舊知名

縣有建牙鄉

錢忠介公集卷八

八四明叢書

約園刊本

七言絕句

山詠十三首

青門祖帳爲投閒賀監飄然東出關立定腳跟隨處穩  
雙湖不換四明山

巖陵灘下水潺潺諫議當年看等閒劉氏江河幾易主  
釣竿留得富春山

已向雲旂待玉顏便拌柯爛不須還天台深洞胡麻飯  
笑我劉郎誤出山

自號鴟夷辭故主五湖載出一身閒會稽鑄像君恩重

魂魄將毋登此山

此中無欲是真閒半榻蕭然足閉關屏卻利名風景肅不妨高臥終南山

蚩蚩營魄未曾閒秋月春花空往還千古功臣麟閣上一朝氣盡北邙山

宰相聲名爲出關山中詔使多殷殷於今無復陶弘景分付雲嵐護此山

結茅長向此中間爲愛峯巒作勢頑便欲芻袍端拜石何勞鐘鐸故驅山

錢忠介公集卷八

九四明叢書

約園刊本

澗草巖花處處閒林猿叢豹共追攀殷勤爲謝作歌者留得王孫是小山

白石清泉何等閒主人辭我出雲關若憐澗戶荒涼久遍寫移文孔北山

風塵吹半鬢毛班不悟浮生是世閒但見驅車懷北闕何人攜妓臥東山

大將旌旗出漢關貳師新幸詔書頒少君正獻帷中術方士爭言海上山

圮橋取履意閒閒一箇玄書佐入關萬戶侯封辭不受

到頭珍重穀城山

禪引十二首

一身枯骨裹黃皮風雨偏於憔悴枝解道是皮還是骨  
向來不怕孽風吹

伏劍橫行出大荒將軍闔外號無雙歸來細說東山事  
結網蜘蛛未肯降

日暮平原射獵歸將軍行處月穿衣入門解甲還尋月  
夜到身邊月到扉

窗前梅影瘦支離又見寒風撲面吹昨日落花紛紛款

錢忠介公集 卷八

十四明叢書

約園刊本

色香爭似未開時

一枝藜杖一爐煙老衲談禪未是禪放卻杖藜滅卻火

坐看明月到中天

初看紅葉籬邊落又見寒梅嶺上開楚漢興亡只如此  
蕭曹事業安在哉

天地無情幻結胎裹皮囊血向蒿萊紅塵滾滾大家裏  
不盡衣冠優孟來

牧童鐵笛一聲吹兩兩三三逐障陂  
宰地主人相叫喚  
等閒忘卻這牛兒

緊栓牢把任便宜透頂機關卻未知嚼草眠雲爭白便  
不妨吹笛月明時

春深二月桃李開日暮梁園羽蓋來祇今惟有悲風咽  
無復歌聲上吹臺

風裏殘妝不自持飄零如雪復如絲泥中別有色香在  
溟蜨遊蜂總未知

千載纏綿蠹盡百年墳豕盜椎開人生何處藏身窟  
辛雨酸風爲告哀

戲題西廂四絕踵韻

雙忠介公集 卷八

十二四明叢書

綉園刊本

情關點破遇慈王借出崔鶯作道場懺悔多情從此始  
滅除煩惱是紅娘

君爲絲蘿我爲君交情宛轉數行文負盟老嫗圍仍在  
今後修書與孰聞

花陰辜負月溶溶廝守殘燈恨倍鍾今夜天風吹意合  
琴心早已到臨邛

一天月色照人癡兩路茫茫未覺時譜出草橋魂未定  
蒲東幽夢更誰知

代賀知章逐客四首

壽鏡案謝山云爲甲申之難逐走諸人作

我亦當時避世人  
桃源雞犬尙知秦  
忽聞逋客思投餌  
一夜狂風戰水濱

歸去來兮誰與親  
田園羞見舊時人  
夷齊到處方招隱  
片石西山好結鄰

正欲邀君話旅懷  
恐滋騰拂到蒼苔  
大行皇帝如相問  
幾日青門祖餞來

芳草年年長自春  
未聞車馬到江濱  
他時叢桂能留客  
此日湖光嬾照人

寄懷聖月弟讀書錫山

補

續忠介公集 卷八

十二四明叢書

約園刊本

誰同海畔賦登樓  
抱病文園渴未休  
安得二泉酬遠望  
夢魂飛落錫山頭

據萍鄉社  
詩選補

壽鏞既於張伯岸處得忠介公集爰就孟顓編本

一一勘比如卷一兩試序演公制義序卷三與王

水功簡卷四誓詞祈雨疏文一命浮圖會冊勸詞

卷五西烏夜飛謁睢陽協忠廟卷六讀李長吉集

卷七中州懷古丹井樓卷八寄懷聖月弟讀書錫

山凡文六詩六謝山原編所遺均爲補入並於題

中註補字以別之又如代蛟關總兵王之仁恢復

檄爲越事原編入正氣集今移入越中集陳越中  
十弊疏之後謝山編斯集閒有註語亦均照刊孟  
顓并取續甬上耆舊詩精心勘校壽鏞以爲原編  
可仍者仍之其應改者悉取其長惟卷五詠史十  
三首嵇中散一首末二句長松舊遊處曾奏廣陵  
無當時爲之補入竟忘所從來矣壽鏞與孟顓醉  
心於忠介遺文思之思之鬼神通之往往如是爰  
誌於此後學張壽鏞

雜文

錢忠介公集

卷八

十三

四明叢書

約園刊本

六諭釋理

本州莅任二載見民間詬誶成風訟獄滋多自媿  
訓導不純而愚民陷焉議所以浣濯之使婁東比  
戶有士君子之行庶幾太祖高皇帝化民成俗之  
旨故率耆老於朔望日講解六諭更就自私自便  
之處動以良知良能之性附贅俚言詞無匿旨爾  
民其釋思毋忽

孝順父母釋

問你每有口體莫不要喫好食穿好衣麼迴頭一

想此口何來此體何來假無父母生我時如何得  
在世閒享用我今不教你別的只教你愛惜口體  
不當孝順父母麼你每有夫妻後來不做父母麼  
做父母不要兒子孝順麼假如生兒子有好衣好  
食只與妻子喫著或三朋四友飲酒宿娼任他老  
人家飢也不管寒也不管你夫妻不痛恨麼迴頭  
一想當日我待父母何如古人有言孝順須生孝  
順子忤逆還生忤逆兒孝順父母你每有甚麼喫  
虧不孝順父母你每有甚麼便宜思之思之

鏡堂外集

卷八

十四四明叢書

約圖刊本

### 尊敬長上釋

問你每做卑幼時好凌侮長上莫不做長上時反  
要人凌侮麼每見好凌侮人的還受人凌侮只一  
轉眼且長上不但家庭鄉黨凡朝廷設官分職以  
治爾等皆有長上之分爲你每勸課農桑疏通水  
利鋤戢強暴剖平獄訟使你每得養其父母長其  
子孫我尊敬他原是爲自家就是長上不稱其職  
朝廷自有法度處他你每百姓自當盡子弟之禮  
只看平日做歌謠刻圖畫誇誦長上長上便不十

分喫虧自家卻有甚麼受用思之思之

和睦鄉里釋

問你每鄉鄰相處原是拆不開的好友不是解不開的冤家有何大故便至相爭相訟夫人無兩是亦無兩非各認一半意氣自平他多罵我一句我便讓他一句不但他以後開口不得連前多罵的一句亦覺沒趣了以至兒童婦女傳述的只作不聞如此鄉鄰爭訟自少試看善處鄉鄰的生則歡樂之死則痛惜之不幸而遇水火盜賊疾病官司的事則相率救護若左右手如其不然見面便陽惜背後便陰笑又或離其所親助其所讎此皆絲不能和睦之故你每試看還是和睦的占得便宜多還是不和睦的占得便宜多思之思之

教訓子孫釋

人家不教訓子孫便是不孝順父母仔麼說人能教訓子孫後來上等的做秀才中舉人進士必道某人當日做好人其子孫有此好報就不然也說這是某人子孫豈不是榮親耀祖就是勤身苦體



做得一分人家一生不識府縣終身不受刑罰人皆說是好人家子孫這也是一句好話柄若乃生平不知教訓任他流浪胡爲或飲酒賭錢或嫖妓串戲甚至爲賊爲盜旁人皆說是某人子孫豈不辱沒了祖宗人於父母長上鄉里尙須委曲開導至於子孫誰不要好病不專在姑息只且繇他四字墮壞兒孫一生苟回想到父母面上如何使得如何使得

各安生理釋

蘇忠介公集 卷八

十六 四明叢書

約園刊本

凡人妄想邪心都只緣不安一念如種田的勞碌一年那得沒有荒歉做工賃的算計千萬那得沒有虧折這都你自家的命安常做去也自有好受用處假如你的命不好你就不安卻便有甚麼受用每見弄聰明的人朝農暮賈五馬六羊到底越窮越拙連自家本來生理都廢至乞食餓殍以終其身可不慎哉

毋作非爲釋

非爲事豈是父母生你時便帶下來的麼這是不

安本分平白地自己造作來的孽障譬如耕食織  
衣貨物交易男女婚嫁自有正經道理作非爲的  
他卻要便宜從邪路上走去不過一點貪私苟得  
的心做下迷天罪案你看下海通番聚眾打劫一  
時或者僥倖過去久久必至敗露及至敗露累及  
父母戮及子孫官府寬恕不得鄉里救護不得試  
看那安分守己的便或食不充口衣不蔽體卻有  
父母妻子的樂作非爲的或經年累歲幽囚囹圄  
之中或頭足異處棄屍草野兩者並觀究竟那一

簡便宜思之思之

已上六論百姓若能遵依便是盛世良民讀書  
有文學的便可以發科甲下至細民隨其所爲  
各得善報生爲盛世良民歿便是西方佛子鄉  
里都敬重他便官府也禮待不消爵位不消黨  
羽做甚麼糍團百子百鼻天罡地煞烏龍十龍  
的會不然任你做盡糍團救不得生前冤業任  
你做盡烏龍護不得你階前皮肉凡我百姓細

繹余言

錢忠介公集卷八

錢忠介公集卷八

九

四明叢書  
鈔本

錢忠介公集卷九

契家後學全祖望編次

縣 後學張壽鏞校補

越中集一

疏

瀝血辭銜疏

爲瀝血辭銜特懇收回成命用伸臣志用責臣實事臣  
於七月初六日撫湖山汛營恭聞令旨特加臣督理軍  
務兼管糧餉都察院右僉都御史新命臣驚悸無地憂

錢忠介公集 卷九

一

四明叢書

約園刊本

惶轉迫夫賞必當功罰必當罪此致治良法也故避罪  
邀功者憲章不貸而況無功有罪如臣反隆寵錫雖屬  
聖朝鼓勵作人臣寧不捫心增媿乎竊臣一介孱儒屢  
受國恩初中崇禎丙子科鄉試七十八名繼中丁丑科  
會試二百五十名復蒙先帝臨軒親策拔置二甲第十  
四名時用新例除臣太倉州知州不善催科連遭鐫罰  
會崇禎十六年大赦州郡積逋臣得浣濯自新陞受北  
京刑部山東司員外郎其冬遭虜入寇中道阻梗臣歸  
侍二親次春將戒行李恪共厥職忽慘母歿秋又旋慘

父艱號呼嘔血雞骨支牀者於今三載矣痛念國步瀕  
危中原左衽郡縣獻文冊而免禍士民奉牛酒而犒師  
八紘失御九曜摧芒臣同邑舉貢子衿慷慨憤激捐命  
同仇推臣主盟臣不自揣於閏六月十二日創舉義師  
猶幸國家恩澤在人人心未泯更喜祖宗英靈在帝帝  
眷有歸瞻望今日之赤城不異曩時之白水卽閏六月  
十八日遣使奉箋馳告師期又於閏六月二十八日再  
奉表箋恭請主上視師江干勸鼓士氣七月初三日復  
上推戴漚懇主上聯絡江上諸師飛渡恢勦因蒙傳敕

欽忠介公集 卷九

一四 明社書

約關刊本

勉臣忠義臣捧讀感泣誓竭死報今又蒙主上加臣新  
銜展轉思維愆深罪大不勝悚慙痛念臣自高曾以來  
至臣肅樂受皇恩者七世矣聞先帝變不能死罪一也  
南都失守乘輿播遷不能死罪二也虜入內地見納卽  
賣降者紛紛恐後臣空持正論相折不能力保孤城罪  
三也同鄉如臣劉宗周祁彪佳及衿士王毓蓍從容就  
義臣不能從諸君子後蒙面苟活延喘至今罪四也自  
揣一身罪不勝書功無足錄忽降特恩非分所擬主上  
或念臣舉義爲足赦前愆而鼓後效乎則許臣原官待

罪足矣倘因親提義旅集汎江干爲足賞耶是今日之  
舉譬如救溺溺未及救而一探淵者可功譬如拯焚火  
未及拯而往觀燄者可功也夫臣事君猶子事父時事  
及今奇慘異變苟有人心決無坐視乃若父母有難爲  
人子者呼號其鄰里宗族而力圖捍護父母果何所功  
而酬之如臣舉義誼同父子子實平常撫心熟想敢煩  
酬錫卽旌德報功自有常典然書庸車服必先明試臣  
自起兵來汝陽之地景風之賞无及臣復冒昧承受宇  
丙公議視臣爲何如人且名器者朝廷奔走天下豪傑  
之具也主上當草昧之初應運經綸尤宜慎惜名器語  
云限之爵爵加知榮威之法法加知懼今必綜覈名實  
使天下曉然知爵賞之可貴然後主上有與其功名有  
與其功名然後有與其患難有與其患難然後有與其  
安樂臣不敢遠稽竊舉南都近事主上所親見也當時  
爵賞四出天下皆受恩之人比至胡騎渡江誰爲國家  
死守者豈非恩濫無數人不勸之故與臣下愚無識交  
游又寡無能衡量天下士竊以當今老成雖云凋謝然  
名賢碩望遭難流徙寄寓旁國者有人懷奇抱異伏几

待時者有人至名將雄藩矢心報國或孤忠憤激阨於  
隱吏皆未蒙主上旌車之及書命之加獨臣愚陋首受  
恩渥揣分準情將何自解魏曹植有云功薄而受厚賞  
則使勞臣不勸又況臣無功而受賞乎倘曰寵銜爲勸  
臣也假臣渡江復土馘斬名酋主上將何如用寵乎臣  
實不敢無功倖恩使累開冒濫弊長營徇上汙主上維  
新之政治所繇激切辭還非尚懼辜恩造謗亦端本澄源  
稍始慮微務使一二才猷智能先事業而後功名之士  
奔走雀躍共佐主上中興恢復也伏乞主上察臣所請

錢忠介公集卷九

四十四 別錄書  
約圖刊本

悉赤心爲國受恩感激矣

奉旨憲臣錢肅樂首義誌防倚畀匪輕晉秩久宜後  
功未艾這所奏新銜不准辭着益加鼓勵部將早奏  
膚功佇膺殊眷該衙門知道

直陳痛哭流涕疏

爲直陳痛哭流涕之言仰祈睿鑒早賜裁決事竊惟醜  
虜肆虐神人共憤幸主上啓土上台諸臣奉箋迎駕不  
過爲宗社擇主耳爲臣生請命耳臣子何功而諸臣挾  
以爲市求官要爵紛紛不已臣竊恥之痛之夫觀一家

之貧富者不於其家於其門視一國之強弱者不於其國於其朝伏見先帝時闖賊渡河畿輔失守朝中諸臣方且議考選若干陞官若干相戒莫敢言寇事以致有三月十九之變南京草創弘光嗣起諸臣可以戒矣猶復不戒豈惟不戒且又甚焉至於監紀推官加銜職方徧地而是傳者以爲笑談會未幾時又有五月十一之變當時挾大權索重賂者皆棄天子而逃曾莫有負羈縻捍牧圉脫君父於危亡者臣言及此傷心泣血然則諸臣之心事主上詳察二年之閒大概可知矣今何時

鐵忠介公集 卷九

五四明叢書  
約園刊本

也此何地也而監紀推官諸稱又復四出在外則車馬喧闐歸寓則酒殺饜飫絕不知隔江之上烽煙馳突是何情形沿江之士風雨連宵是何困苦亦絕不言進取籌畫作何打算各路義師應何聯絡而徒以騙取一官爲得計越中光景臣不忍見聞矣主上試遣一人察訪各官每日出外持紅帖挾書帕滿街拜客是爲何狀主上亦以爲是耶非耶在諸臣誤主上罪不容死主上豈可不自爲計恐猝然有不可知之變諸臣行徑已熟非棄主上而逃則復叩頭求哀賣降歸順不患無富貴之



日主上不早自爲計將安歸乎伏乞速降手敕漉召樞臣張國維部臣章正宸熊汝霖諸正人入對令其條奏今日應用人才次第召用其江上急切布置星速舉行一切監紀推官爲前日陋政亟宜裁汰近日如舉義迎駕諸生或敕該部錄其名次待恢復郡邑之後殿下規模粗立然後將諸臣分別擢用才大者爲州縣正官次者爲佐貳如此設施庶天下事尙可爲也昔中國相司馬胡人相戒不敢犯境今慎選人才亦足資勦虜先聲幸陛下留意裁擇臣愚狂妄不識忌諱如以臣言爲當乞立賜施行如以臣言爲不當卽賜鈇鉞明正臣罪不忍祖宗三百年天下一壤再壞今甫有萌芽而此輩又從而蠹蝕之也臣不勝泣血待命之至

舉義情繇疏

爲實報舉義情繇并敘文武同事諸臣姓名仰祈睿鑒事竊臣肅樂甬上迂儒隻東拙吏邀倖刑曹未及赴任而雙親連背繼以先帝之變呼天搶地遂致療羸病廢三載今年春勉扶父柩從東甌歸里臣正在喪次中遂聞有南都之變臣世受國恩分應死報徒以先臣骸骨

未歸抔土覩顏忍死無何而胡騎且躡省會矣無何而  
獻冊納璽者舉國若狂無何而僞年號僞國號徧滿街  
衢寧郡之從醜虜者且率其士民盡去大阴所有字號  
矣臣不忍見聞遠避深山至閏六月初七日僞官孔聞  
語劉端起見貝勒歸傳聞欲逼縉紳往見又欲士民薙  
髮臣於是月初十日呼臣弟肅圖肅範肅祺肅遴等囑  
以後事自分必死至是晚忽報原任寧波府朱之葵載  
貯庫銀二萬三千兩解赴貝勒者緣原任兵部職方司  
郎中孫嘉績舉義路阻不通今復回矣臣喜不自勝又  
念臣家無儋石可募壯士身無寸長可從軍旅得臥深  
山復見大明日月死且不恨時臣外父董光遠移書謂  
臣曰城中朋友議起義兵臣自鄉抵家公議尙屬杳然  
臣匍匐入城路遇貢生董志寧等時茫無頭緒臣於是  
晚發單徧約鄉紳於次日公議城隍廟中寧中縉紳持  
重識體不若臣輕浮淺露終以事大難決未幾僞官朱  
之葵孔聞誥等突入廟中縉紳咸與施禮不勝忿恨攘  
臂大言曰我等明朝官彼清僞官其與我仇敵也何禮  
爲臣出而詭且誓之城隍曰神若有知願卽擊死此輩

不然臣願先死不忍與狗彘同生此時百姓觀者以億萬計過聽臣言謬以臣爲可任大事遂率數百人擁臣入輿舁至察院公署屬臣舉義以應姚江之後臣於是知太祖高皇帝德澤永久未艾而中興之事尙可爲也臣念士民未受一官未霑一命猶尙爾爾況臣世受國恩者乎遂不辭庸懦迎請龍亭率士民號哭誓師蓋十二日事也是日同臣入署者則有舉人臣張煌言恩貢生臣董志寧土家勤華夏生員臣董應默倪玄楷毛聚奎張夢錫管聖修李文纘李芳泰徐振奇李震元王應

錄忠介公集

卷九

八

四明叢書

約園刊本

斗李凱周元初董德欽倪懋熹駱國挺余志亨義士則有戴爾惠傅弘緒董光遠邵希文錢肅文俞九鼎忻熊其後相繼而來者生員臣則有金昌辰陸宇燁王玉書傅奇遇李文燿周元越姚孫楷紀五昌毛大遇原欽考中式特授誥敕房中書舍人何經何如晉義士臣王來成楊秉紘徐翼王志忠董應勳傅攀龍傅人龍錢肅度董京俞穎忠俞可明等臣知人心大振天意已回次日卽遣貢生董志寧等敦請鎮臣王之仁同盟舉義幸鎮臣忠貫天日義等秋霜投袂奮呼登舟灑泣以十五日

登壇誓師其邀太僕寺臣謝三賓總理餉務是臣舉義之始末也臣又念餉務殷繁轉運不繼時則有原任刑部奉差江南卹刑臣莊元辰舉人臣萬泰力任轉輸三軍待濟至臣統領義兵將士則有宣大標營總兵臣趙光祖原任閣部臣史可法題授參將臣鍾鼎新原任兵部戎政尙書臣張國維題授游擊臣呂宗忠統領義兵八百六十名原任兵道臣劉士璉劄委加銜守備臣陳應斌領兵四百名原任兵道臣盧若騰劄委守備臣柴雲龍領兵四百名詳委昌國守備俞國榮領兵四百名劄委守備臣路可通領兵三百六十名其原領東西兩營并臣募義兵二千三百名已歸鎮臣標應聽鎮臣另題外此數臣者雖當羹沸之秋不屈穹廬之膝匪直技勇超羣抑且忠節冠世懇乞敕下該部量行褒擢以作干城之氣至臣一家則有胞弟臣肅圖肅範肅祺肅遴嫡姪臣克恭並以十二日同臣入署朝夕協贊此則同爭諸臣姓名之大略也獨念臣庸陋天下共知首義者生員之議非臣有謀奮往者鎮臣之忠非臣有勇料理者餉臣之才非臣有術乞主上將鎮臣王之仁餉臣謝

三賓等非常寵拔首事貢矜除臣弟姪矢志報國殫力勤王不願承恩外餘名敕部量行優敘仍乞將臣特賜放黜以爲愚妄任事者之戒統候睿鑒分別施行

奉旨錢肅樂創義抗虜矢志無二深可嘉尙其閒任事文武諸臣嚮應奮勇俱著吏兵部分別加授謝三賓莊元辰張煌言已經超擢該衙門知道

陳孤臣心事本末疏

爲恭謝天恩并陳孤臣心事本末仰祈睿鑒事竊臣六月舉義輒蒙主上加臣僉都御史臣三拜辭疏未蒙賜

錢忠介公集 卷九

十四明崇禎書

一統圖刊本

允臣念江干事急一官辭受之間關係甚小且主上玉體違和一切兵馬錢糧事務概煩批答臣又以不急之章仰干睿覽爲罪滋大又蒙主上允原任大理寺臣章正宸之請概以原官署事遵依至今未敢隕越忽於本月初四日差官恭捧敕書至臣汛地王言粹藹驀來滿地陽春天語琳琅似散九天珠玉臣跪讀之餘感激無地一面設香案叩頭謝恩訖竊念興師爲國非敢媒官此敕降於起義之時或可褒錄以勸將來今頓兵三月杳無成功十二之戰雖曾擊殺數十騎然以日暮收兵

致士卒傷水臣不敢稱功止敢言罪今虜勢日橫恢復無期此應降敕切責之時豈襄寵前勞之日伏懇主上鑒臣微悃許臣仍書原銜所降明綸什襲藏之待恢復杭州然後恭對土民拜受恩典庶主上予之不濫恩臣受之非失節矣至臣前題敘舉義一疏不過望部覆以慰將士耳臣弟肅圖肅範肅祺肅遴姪克恭等原疏業言皆矢心報國不願承恩今部覆皆加監紀職銜夫監紀等官弘光之弊政也望主上痛切革除肅清朝政而臣一門先有五監紀名器之濫莫過於此臣若不激切

辭還使慕義戮力冒昧功名亦非臣弟姪之所願也伏乞敕部速行改正使天下知有少年好義不願居官者若而人則芳名自足千古何必與監紀諸人肩摩顴擊烜赫道左使越城中竟無投足之地哉緣恭謝天恩并陳孤臣心事爲此具奏臣無任激切待命之至

辭副都御史疏

爲微臣若再受官則惻隱羞惡辭讓是非四心並絕不可爲人懇乞主上立收加銜之命俾微臣量功可居主上亦憫慮可繼事竊惟東奴蹂躪中原浸淫兩浙夷狄

之禍至此而極雜髮徧於姓氏淫辱及於衣冠豈惟孝  
陵作踐主上實慘動慈顏哉有頭顱者誰不愛髮有妻  
孀者誰不顧家今日此舉正如火燒屋上寇至門庭挺  
者刃者瓦者石者汲水者負盜者持繩索者其家之父  
子兄弟奴婢僕妾罔不盡出以驅其一旦之急追夫寇  
去矣火息矣主人行觴以觴從者或慰之以話言或酬  
之以金帛未爲晚也今突如之燄方張臥榻之斲未息  
而主人且傾其盆盎壺漿以勞之一時解鬪之人羣起  
而爭其餘瀝杯盤狼籍寇有喜色卽或幸而得去而報

者倦矣施者未厭呼斗挹漿無救羸恥則臣恐加恩太  
濫之不可繼也臣前者四辭僉都新銜意大都以此今  
已覲顏拜受數月以來恢勦未效實惴厥心不意主上  
允閣臣張國維之請復有副都御史之命臣不敢套辭  
敢縷中心達之主上竊惟孟軻有云無惻隱之心非人  
也無羞惡之心非人也無辭讓之心非人也無是非之  
心非人也憶臣起義之時兒童婦女皆想望太平今者  
有正供矣有捐助矣又有意外之苛求矣又有客兵狎  
至東西驚竄富室係累迫脅之苦矣兩郡之中臣郡最

苦一郡之中臣邑又最苦臣坐視臣部之父老子弟流離顛沛冤苦呻吟之狀而曾莫之救猶復今日陞一官明日加一級是臣無惻隱之心一矣臣本科目庸流斗筲下器一時憤激遂統師旅數月以來碌碌無所短長之效可見於此矣臣見同事如新授僉院臣沈宸荃大理寺少卿臣陳潛夫皆才略淵凝機謀深祕而兵部職方司今太僕寺少卿臣方端士尤能陷堅突陣勇冠三軍登舟則索筆賦詩上岸則橫戈躍馬實占謝安石虞允文之流比之於臣層累而上而今官階並出臣下臣

復受之不以爲恥是臣無羞惡之心二矣卽臣前者少有斬級擒囚之事皆臣戰士奮不顧身深入巢穴所致也臣部將如鍾鼎新呂宗忠俞國榮等斯實俠骨超羣血心敢戰亦以未得入杭不敢過請殊擢其餘步校皆枵腹荷戈忍炊待戰臣亦無以慰勞之而臣願以無功之人先膺上賞戰士其謂臣何是臣無辭讓之心三矣古人有云論德而受官者成功之君也量能而受爵者畢命之臣也臣每覽古訓見冒榮苟祿則怵乎若墜諸淵見循階平進則嗔乎如登於天何至臣身遂顛倒



天淵蒼黃素豔臣若不激切辭還是臣無是非之心四  
矣竊念臣興師舉義不過爲名節二字今反以舉義喪  
其生平何以謝人言何以慰方寸伏乞主上念臣所辭  
非格套亦非飾情特允所請俾臣得少效尺寸之功再  
受非常之賞并欲主上少留不盡之恩以爲策勳之地  
亦未必非鼓舞人心恢復中興之一助也

先去致虜之媒害民之賊疏

爲欲滅虜先去致虜之媒欲安民必先去害民之賊  
謹合疏彙陳懇主上大奮乾斷力行振刷以肅朝廷紀

鑑忠介公集 卷九

十四四明鑑書

約國刊本

綱以救萬民湯火事竊國家喪敗以至今日九州之地  
僅得一隅如燭之將見其跋如木之甫有其肆可謂危  
矣微矣主上居越中雖不比前代人主乘輿荆棘之慘  
然百司未備百度未修可謂僻矣陋矣越城咫尺之地  
皇天之所付予祖宗之所寄託萬姓之所觀瞻皆萃於  
此可謂重矣大矣以至危至微之時至僻至陋之地而  
主上又處極重極大之任故所以望主上不容不備以  
周篤以司也宋臣袁燮謂人主必舉一二事可以聳動  
天下者發憤而力行之然後尊居九重而威震四夷今

數月以來可以聳動天下者未見行一二事也而可以  
駭走天下者行之且不止一二事矣如張國俊戚臣也  
而典禁兵客鳳儀涂文輔宦官也而一則典司城禁一  
則兼制錢糧祖制內戚不得典兵宦官不許預政今而  
若此是違祖訓也閣臣張國維引古證今剴切敷奏臣  
等讀其疏不覺泣數行下以爲老成人之忠愛其君如  
此其至也今相守數日未見收回成命書曰毋侮老成  
人今而若此是侮老成人也臺省相繼進言主上且賜  
召對矣謂國俊非戚臣乃功臣也主上雖以功諱戚而

天下萬世皆謂主上違祖訓拂人言以禁兵私戚臣則  
謂之何且國俊不過優游展几之間而謂之功臣將何  
以處夫二藩各鎮餐風宿露枕戈衽甲之將吏乎主上  
又語廷臣曰此可不必夫事之大者孰有過於內戚典  
兵宦官預政之事乎若率此不易雖全盛金湯猶恐覆  
失況於存亡呼吸之間乎枚乘有言曰馬方駭鼓而驚  
之繫方絕又重震之此之謂也夫國俊與鳳儀等自有  
應得之富貴臣等獨謂不應典禁旅司城禁核錢糧耳  
主上何憚而必違祖訓拂人言以重爲新政之累乎昔

李沆引燭焚詔曰但道臣沆以爲不可臣等雖遠慙李沆然以爲不可者不獨一沆矣主上何苦而重拒眾人之請以遂戚近之私乎使國俊等守其應得之富貴勸勉主上爲恢復大策則富貴可長久苟其不然徒以典兵司禁專理錢糧傲然侈大與主上以違祖訓拂人言之名於心忍乎且其所謂傲然侈大者一日絲能幾日絡乎以爲國計則不忠以爲身計則不安主上翻然改圖追正前失所以爲宗社計亦所以爲國俊等計也古語曰三人從眾今言者非獨三人恐眾論不宜重違也

錢安介公集

卷九

十六四明叢書

約圖刊本

屢歿前代人主所與其天下者人心而已屬當東奴肆虐之餘人心吁嗟思漢一聞舉義民氣百倍主上亦思所以致此者何爲乎太祖列聖深仁厚澤之所致也主上嗣起小民延頸企踵喁喁相望曰今而後吾爲大明赤子矣吾髮膚可保矣吾廬舍可保矣吾妻孥可保矣今則不然軍興以來維正之供旣不能免加之水潦爲災歲惡不入兩郡之稼十而減七責之輸納已自不忍又重以強兵悍卒地豪土霸相倚爲姦越城內外小民稍有寸藏銖積搜捕無遺傳聞一日之間鈔搶者數十

家係累相望掠奪迫恐或辱及衣冠或刑及婦女以民爲魚以兵爲網小民呼嗟莫必其命咸竊言曰吾前者望保室家保妻子耳今而若此吾獨奈何愛數莖之髮而子子怙怙爲無家無室之人乎獨恐小民卒然一旦有恬然棄髮之心主上將安所用之書曰毋弱孤有幼民困如此而主上不救非所以字氓也撫臣古者方伯連帥之職任至重也今得加刃其頸矣然猶曰在外也今者陳梧縱兵鈔王鎮之家兩相訐奏業命廷臣行鞠矣陳梧拔刃直入劫犯以去廷臣無一人敢正視者夫

禁城紀法之地廷臣救命之官而恣縱若此唐肅宗曰吾有李勉朝廷始尊李愬曰吾今日膽落於溫御史意者今日無李勉溫造其人乎將何以寒姦膽而尊朝廷也荆本徹業受總督蘇松浙西之命今飄然澣上月餘矣浙西殘害屢聞未見作何整頓惟於後海舟山之間搜索富人爲生涯耳而朝廷不聞一榻詰問一行督察悠悠忽忽縹緲無屬人主號令比於風雷以風有愷動之勢雷有嚴肅之威今玩忽如此非所以法天也人情懼則思患安則圖樂今中興事業未就東奴窺渡可虞

而書帕滿街請託盈路昔先帝憂勤十七載而不免於  
禍災者諸臣書帕害之也弘光立而猶不改今事至於  
此亦可憐極矣而猶不改禍本未去殃兆先見則是豈  
可不爲寒心哉昔買誼當文帝之時猶云厝火積薪今  
越城距江上不百里便息警恬峰諱言虜事惟見寬衣  
大袖殿呵煇赫蒼頭盧兒豪悍林立飲酒唱戲殆無虛  
日歐陽文忠以爲朝廷無憂虜之心而常有懼虜之色  
今并懼虜之色而無之將何以大建中興之業成不世  
之功乎臣等非敢故爲懸直以取時戾憂忱禍患介在  
呼吸有不敢不言不忍不言者伏乞主上詳覽臣言勉  
思至計收回戚近之命立救湯火之民使朝綱肅然一  
新臣工毅然不振宗社安危在此一舉臣等無任激切  
待命之至

先臣恩典疏

爲恭謝天恩并陳先臣官微不敢濫膺恩典乞主上量  
予應得誥命以慰人子無已之情事竊惟祭葬之典朝廷  
所以隆禮大臣者也臣何人斯亦得令先臣冒榮地下  
中夜猶省感深泣下竊念臣父在日不過教職耳六載

外吏催科無狀致臣父母不得生受榮封言念及此血  
淚幾枯肝腸萬裂矣夫人子事親雖死如生假如臣父  
在日以教職周旋殿陛之間當無住足處安望杯棲之  
餘牢醴之賜哉竊恐鬼神有知其踧踖無地更有甚於  
生前者臣爲人子追想儀容代爲踟躕思盛典旣已下  
頒辭之不敢小臣無路承恩受之又不敢兩念旁皇從  
昏達旦又思臣爲人子令父母望皇恩欲肝鬻而趨趨  
不進非孝也尊卑殊絕辜負明恩忍痛割情不以上告  
非忠也輒敢冒嫌再請伏乞敕下該部量贈先臣一級  
之榮庶得以新加之章服拜嘉貺於几筵老人結草故  
鬼能之今鬼豈或讓哉至於納封新例臣已知之獨苦  
家事無百金之產鄉里所共知他人起義皆云破家臣  
獨無家可破主上聞之亦必有惻然者臣一時不能上  
納或先給與誥命容臣設處陸續完納庶上全公務下  
盡私情兩得之矣曷勝伏地哀號待命之至

再辭新命疏

爲君恩難受臣志可原謹瀝血再辭必求天鑒許臣辭  
還事臣竊觀邇年以來格套用事大臣非不欲官也聞

命而趨起曰例應辭爾例應三辭爾及夫大臣有罪被  
劾奉表待命朝廷雖欲去此人然猶優詔答之曰待大  
臣之體如是也格套彌繁中心不存君臣之志各遜於  
膏肓之間而不可問嗟乎此故國所以禾黍世道所以  
江河也主上聖明中興在邇臣等實幾幾有泰交之望  
焉泰之象曰上下交而其志同也君父有志揭日月而  
行之臣下有志納戶牖而進之非志則失其所以相交  
之具矣今羣臣紛紛勸進主上必欲俟之恢復兩京之  
後是主上所以爲志也何獨微臣舉義至今寸土未復

寸功未酬歷級升階醜顏罔極使書之史冊又增一有  
君無臣之歎哉且臣於二十四日十道並舉冀虜勢已  
窮杭城可復聞主上起行中庭盼望捷音不能安坐而  
臣等猶然望岸而登循涯而返不知主上聞報何以爲  
心臣一想主上之心又不自解何以爲心臣言及此非  
但不敢受抑不忍受矣臣持一不入杭誓不再受一官  
之志竊欲上交於主乞主上矜憫臣愚特許辭還新命  
庶區區此衷得收之戶牖之中勿擯之日月之外伏候

敕旨

臣兵無餉疏

爲臣兵有餉而無餉則臣兵有兵而無兵懇主上大示  
畫一之法以救垂盡之兵以收恢勦之效事竊臣舉義  
至今六月不敢動支官帑皆賴臣郡鄉紳士庶割肉相  
啖分膏相續今又於將盡之日博求接濟之方則尙有  
漏派富戶按圖索籍可得三萬金然是三萬金者名耳  
其閒有未必納者有雖納而未必全者三萬之中僅可  
及半使其一心供軍無分撓旁出之令則亦可支三月  
今接邸報又見內臣李國輔一疏奉旨寧波樂助銀兩

准先納一半額收解進軍需方急有可便民裕國的李  
國輔不妨便宜奏行該衙門知道欽此臣捧讀之餘不  
勝驚悸竊臣前者多言觸忌雖蒙主上優容然劍實在  
頸矣連月以來以言爲戒又何敢復與內臣爭然事有  
不得不言者卽言之亦與內臣平氣徐商正未嘗爭也  
寧郡之赤子皆主上赤子則寧郡赤子之餉皆主上餉  
臣得而用之國輔亦得而用之今必曰專應與臣而不  
應與國輔是爭也但思臣首舉義旗止爲大明二字分  
應食官餉今者派地不及矣正供不及矣區區百方設



處之義餉又復目張腹動必欲分之奪之且聞糧米改折一項業奉旨解臣軍前李國輔又欲誘而致之是臣非無餉也以奪之者眾而致臣無餉臣非無兵也奪臣之餉則必散臣之兵臣不知所以爲計矣若曰國輔之餉與臣不相及則寧郡止此富戶富戶亦止此膏血不能兩及且臣郡又非桃源洞口別有一種世外人家可以供內臣之搜括者也懇乞主上明示畫一之法或令義餉專屬國輔容臣散兵而去利害緩急唯主上裁酌臣終始不敢與內臣爭也奉敕旨

下缺

錢忠介公集

卷九

三十四册叢書

約圖刊本

### 遵旨題敘疏

爲遵旨題敘勤勞各官懇敕部量加職級以示鼓舞事竊臣六月舉義至於冬盡醜虜尙遁天誅西北未頒正朔鈹枯骨以爲糜剜心肉而爲脯膏血徒乾恢勦罔效此則臣之奉命無狀非將士之不用命也痛念將士自六月以來江邊苦霧澤畔寒煙甲在身而蟣蝨戈枕夜而旁皇捫室家棄妻子與臣從事於波濤矢石之間雖其天性忠義哉其劬勞亦可憫已遠追前古采薇遺使則云靡室靡家出車勞軍則云豈不懷歸誠以室家之

念中材所不免懷歸之情良辰所尤切也頃奉上傳有  
勤勞將士各加一級之旨臣等方欲上請而明諭已先  
期下及恤隱人情無微不至此卽采薇出車之盛何以  
加茲行見將士彌效馳驅小醜不難剪滅矣謹列名冀  
敘伏乞敕部施行

錢忠介公集卷十

契家後學全祖望編次

縣後學張壽鏞校補

越中集二

疏

十七死疏

爲國有十亡而無一存民有十死而無一生禍在剝膚  
勢難緘默不禁涕泣直陳乞主上赦臣狂妄亟謀所以  
安國本甦民生事臣聞天陰欲雨則變象見於柱礎之

錢忠介公集卷十

一四明叢書

約園刊本

聞人病將危則怪氣見於眉宇之際今國統甫立不幸  
變豸怪氣層見疊出若畏懼禍患忍而不言恐死無以  
見先帝敢痛切爲主上陳之臣聞人才者國之元氣又  
曰國之楨幹人之生也氣衛之木之立也幹挺之今輶  
車徵帛非不四出而無一應命者賢者翱翔而往難覽  
鳳凰之輝不肖者翩翩而來不畏鸚鵡之刺可爲寒心  
者一也昔陽門哭介晉國寢兵句踐字孤越人輓死夫  
介夫非死難之官孤子非忠臣之後而致誠於此則食  
報於彼豈非志有先感理無或奪者乎今者憲臣劉宗

周一生正直臨難從容斯誠國之柱石不幸先殉謂宜  
遣重臣詣廬哭奠以獎忠魂而近聞謚贈蔭卹未協輿  
情雖敕部改正遲久未覆悠忽如此何以爲勸可爲寒  
心者二也張國俊憑藉寵靈坐得富貴外倚強藩之援  
內結腹心之助勢侔人主權傾中外主上雖英明獨斷  
而此輩因緣影現惑人聽指語曰縣縣不絕將尋斧柯  
易曰履霜堅冰至此言禍福之來必有其漸也可爲寒  
心者三也諫鼓謗木所以立國下瘖上聾厥禍乃叢輔  
臣爲張國俊等直諫臺省相繼進言主上明諭臣工以

爲不必夫導川猶虞或壅防口豈有盡言恐禁廷遂有  
寒蟬朝陽無復鳴鳳將何以杜絕羣枉之門廣開眾正  
之路可爲寒心者四也管子以爲經制不立如渡江河  
亡維楫中流遇風其覆也必今舊德名流裂裳裹足後  
生新進鼓舌搖脣罔識體統有累尊嚴遠方聽聞徒滋  
姍笑可爲寒心者五也長林豐草狐狸所居人不之怪  
及其假借鬚眉乞取嚙笑浸假而入人之堂皇浸假而  
入人之帷帳則人皆怪之矣今反覆之輩借推戴以呈  
身觀望之徒冒薦舉而入幕此亦妖狐借面諧聲登高

入陛之時矣可爲寒心者六也楚藩編素從軍雪國  
恥熱血濺衣孤忠感日可謂宗子維城卽江干開詔不  
過聯親親之誼息同姓之爭豈有他心致遭口實而李  
長祥便面加斥辱賈誼以文帝失體羣臣猶引堂陛之  
喻况楚藩與主上同憂均戚者乎而凌蔑至此堂無陛  
矣不咄咄逼人乎可爲寒心者七也易曰其亡其亡繫  
於苞桑而子曰危者安其位者也亡者有其存者也是  
以古之賢君或兩下城而不喜或三日穀而猶憂書稱  
君臣相敕惟是幾康而股肱不良萬事隳壞未嘗不流

涕也今咫尺江波烽煙不息而越中喪衣博帶滿目太  
平讌笑漏舟之中回翔焚棟之下可爲寒心者八也今  
何時乎陰雨覆車將伯呼號之日也謂宜倚仗得人員  
幅可恃竊見主上所與託國者強半弘光故臣臣知主  
上爲此亦有所不得已矣然而鳴鳥怪聲東徙猶惡飛  
蛾滅燭至死不改恐引類呼朋復作敗國亡家之事如  
佛祖心傳燈燈相續鬪獸泥塗趾趾相印可爲寒心者  
九也雖然猶枝葉也請言根本根本者民心是已今自  
七月雨水不時谿谷山澤之間漂民廬舍以千百計民

以水死一也東浙斥鹵之地風潮衝齧石埭俱壞海水  
湧入西成失望民以饑死二也且今之披堅執銳者皆農民  
也起義至今壯者殞於鋒鏑弱者疲於轉輸父子呻吟  
夫婦愁苦民以戰死三也越城無人不官害民不淺姑  
不論其他卽以心紅紙剗言之各衙門取行日不暇給  
貨已竭矣而猶借貸以應此輩獨無父母妻子乎柰何  
其重困之也民以供應死四也東南故水澤國舟子倚  
舟爲命今一舟之集士卒蜂蟻爭舟小民忿恨無可如  
何或棄舟而逃或繫舟以沈入口噉噉束手就斃民以

錢忠介公集 卷十

四四明叢書  
約園刊本

無藝死五也小民入口之家少有蓋藏地棍構串便來  
搜索藩鎮耳目既遠不及覺知今又有假藩鎮之兵入  
鄉鈔掠雞犬不遺寧紹城鄉少有贏餘之家幾於苗耨  
而髮櫛矣民以財死六也富民雖曰義應輸助然非有  
罪於官也今甚者拘繫矣小民幽拜囹圄之中號呼垂  
挺之下至有甘心維經者民以刑死七也大兵所聚沿  
門供億一或不應排闥直入莫敢誰何或折門榻爲爨  
具或叱妻女爲僕妾閒亦有淫汗者民以辱死八也今  
又有甚者劣衿惡棍無所事事羅織富民以爲生涯或

藉手爲羔鴈東西餽送或洩憾於睡眦匿名蠹害小民  
危疑奇命漏刻之下至以憂恐死九也始也竭小民之  
膏血不足供藩鎮之一吸恐繼也合藩鎮之兵馬不能  
衛小民之一髮虜未至則兵殺之虜既至則虜又殺之  
以不忍一髮之故無所逃罪民以髮死十也詩曰枝葉  
未有害本實先撥書曰天視自我民視天聽自我民聽  
民怨如此天不怒乎合天怒人怨以爲國其能國乎繇  
前九亡并此而十若不速圖變計臣不知所稅駕矣伏  
乞主上力救魚爛之民深思固本之義清明以滋君德  
嚴正以立朝綱爲師之上九開國承家小人弗用勿爲  
坤之上六龍戰於野其血玄黃使一詔出而羣工拜聖  
十行下而萬里稱明庶雒陽有再覩之天九廟有重新  
之日矣語曰狂夫之言聖人擇焉臣誠不敢辭狂妄之  
誅仍願主上受聖明之福區區孤忱天日共鑒惟主上  
裁察

鄧慈有兵無餉疏

爲鄧慈有兵無餉戶部派地獨遺謹瀝苦情懇乞嚴救  
補派以便進勦事本月十五日見戶部主事臣邵之詹

揭帖有畫地派餉之說具見餉臣苦心經畫井井有條但八郡之中官兵義兵俱蒙派及正如雨露滋培百草咸潤獨是以寧波之糧專給王藩與協鎮等官兵而紹興八邑各有義師專供本郡獨臣鄞慈兩邑現統義兵守汛杭州瓜瀝等處既不見分本郡之緒餘復不蒙借他郡之涓滴未知餉臣何說處此如以臣等不肖不應在舉義之列耶則宜明棄其人不肖陰奪其餉如以臣等不肖借舉義之名以虛伍冒餉耶則亦宜嚴核其實不宜全軼其名況主上親踐江干臣等恭叩榻前過蒙

天語獎勵則亦謬收臣等於菲葑之列矣且虜騎長驅人情披靡江干首事果屬何人餉臣獨未之聞乎卽兵科給事中臣祁熊佳奉命察核如臣兩邑竟無一人則亦咄咄怪事科臣應據實奏聞矣又況十二之戰臣等兩邑之師聯標深入亦曾首當強虜格殺數十騎則兩邑之有兵不獨浙之人知之虜人亦知之矣夫兵行糧從亙古不易欲驅飢寒之卒畢命鋒刃之間恐慈父不能得之於孝子況此蚩蚩之民哉今餉臣議餉獨見漏遺豈兩邑之兵獨能不炊而飽不續而溫乎抑臣等能



運變金石轉移黃白有神仙自然之功乎抑東浙八郡  
之外別有天施地生之處爲臣等繼奮續命之區乎終  
夜思維不得其解伏乞主上敕下該部如可補派則立  
行派定以便催糧接濟如以兩邑義兵無濟於用不必  
派糧望主上嚴敕臣等立行解散庶各兵得歸農鋤口  
不至餒斃江干則浩蕩之仁與天無極矣臣等原爲舉  
義而來醜虜未滅終不敢歸見廬墓散兵之日願率家  
丁數人隨諸臣從軍自效濟則君之靈也不濟則以死  
繼之太祖高皇帝有靈鑒臣此心哀臣此苦臣言至此

一字一血統祈主上速賜施行

乞假歸葬疏

爲天下第一苦臣臣心第一苦事謹涕泣陳情於聖明  
之前仰祈俯鑒苦衷特賜假歸葬少全人子之情少遂  
烏鳥之私事竊以謀國忘家者臣子之心推情及下者  
帝王之誼故四牡遣使則歌將母以送之藝莪失養則  
呼昊天以哀之凡以人子之情不容奪而終天之痛無  
時已也況臣父母非如他臣早膺恩典久遂甘旨得少  
追不孝罪萬分之一者乎憶臣生年五歲先母楊見背

伶仃孤苦迄於成立幸賴繼母傳天性慈和鞠育過於  
已出先臣益忠早餼於庠屢蹶不第每以忠孝訓勸臣  
等臣家世受國恩清白相傳不異寒素至臣之身而窮  
彌甚臣兄弟十人入無兼辰之食出多百結之衣臣母  
保抱之餘繼以炊爨炊爨之餘繼以針縷夏則暑汗浹  
衣冬則凍血盈指臣言及此痛心萬裂方幸邀榮科第  
少效菽水而臣父見臣清苦忍受寒氈之職司訓瑞安  
者五年瑞安人德之爲臣父造祠設祭至國變驟聞各  
處生祠十無一存而獨臣父祠爲魯靈光則公道正人

心而先臣勞績爲不容泯也臣任太倉六年並無劣狀  
上以催科不前屢遭鐫級致考成恩例不逮先臣臣猶  
自顧髮齒未衰他日戮力王事當可補請不意癸未之  
春而臣繼母又見背矣癸未之秋而臣父又見背矣臣  
號泣奔走嘔血如注命不絕者一髮三年病廢兩足跛  
蹇卽臣舉義時猶從牀席中投袂起也嗟乎如此苦狀  
鄉里所共見知誰謂其不然乎臣連遭大變毀衣銷帶  
竭廢喪事臣父骸骨尙不能返臣徧地行乞乃得於今  
年之四月歸里甫完喪次而南都之變聞矣擬於七月

初三日奉柩入窆則又以起義不能如願矣改期於十月廿四而又以恢復無日淹留江干不能歸矣萬不得已改於今月之十八日者皆云去年不葬則山向未利須俟之三年後痛念人命危淺朝不慮夕况臣又以多病之身遭逢多難萬一三年之中卒相從先臣生不能盡歡於前沒不能盡禮於後萬世罪人含恨入地矣今業定期於十八日伏乞主上念天下之臣惟臣最苦天下之苦惟臣最痛許以義師暫委營將統領假歸十日葬畢即趨江干共事李令伯云事陛下之日長報

蘇忠介公集卷十

九四 朔叢書 約圖刊本

劉之日短若臣臨壙哀號盡情於父母者不過一日自此以後犬馬餘年皆為主上效馳驅之日則又不僅於長短之閒較其低昂也謹瀝血悲鳴懇主上鑒天下無無父之國親喪有自致之情特允所請以全愚志以弘孝治臣肅樂曷勝稽顙向闕陳情之至

臣兵四十日無餉疏

為臣兵四十日無餉望絕不繼勢散可虞懇乞主上立賜裁酌以便進勦事竊惟民之所恃者天也奪民之天不可況奪兵之天乎奪民之天是去一生而得一死奪

兵之天且去一生而就二死矣憶臣六月起義相守至  
今六閱月雖無尺寸之功頗著斬馘之效所食錢糧皆  
動支義餉並不絲毫以煩官帑前此則督臣謝三賓主  
之後此則餉部主事臣吳元德王之源源相繼以至於  
今雖或半月或二十日曠隔不繼臣未敢以庚癸之呼  
仰瀆宸聽者臣知外解不至戶部點金無術亦知臣郡  
解雖愆期尙不至絕望也今四十日矣大聲疾呼而不  
應矣呼之督餉之吳元德而元德不應矣呼之協理之  
萬泰而萬泰不應矣臣郡來者皆言續派之富戶尙可  
支三月使其安心輸納當無不應者而臣郡風鶴之憂  
接踵而至矣富民恨不早窮窮民恨不早死如此光景  
安望輸納之日安望救濟之期哉臣若欲散兵而去則  
臣郡好友皆謂臣有名無實有始無終貽書誚責矣若  
欲擁兵而戰則是父母不能繫飢寒之子於膝下而臣  
反能驅飢寒之卒於刃前此必不得之理也前此各兵  
無食伏舟而泣不使臣知皆相顧言曰錢某遇我厚不  
忍去然其時尙猶有望或姑忍之耳今望絕矣不能忍  
矣彼猶然人也匪能飲野水食野草臣軍法又嚴所過

之地實賈秋毫無犯舍錢糧外別無奇贏可以供軍食者卽欲不舍臣而去尙能忍哉兵散之後醜虜未滅不敢歸臥家園躁動取咎臣又不敢優游侍從力怯膽枯素又無持弓挾矢之能不能充一卒之用則惟有一死而已主上豈忍見中興有期臣謬膺首義之人不死於虜而先死於餉哉前面對主上亦曾切言餉事主上諭以戶部挪解臣竊見臣同事太僕寺卿臣陳潛夫毀家供軍親戚朋友借貸都盡欲向戶部挪四百金至今未得臣兵每月支餉五千今不敢望一月或先支半月亦

須二千五百金不幾望戶部如西江水平臣言及此呼號無路矣伏乞敕下廷臣詳酌或容臣散兵而去或別施救濟之術或一面先挪移二千應年終之急一面敕撫臣蘇壯加意綏輯使臣郡不生他變則候至明年正月閒或尙有甦解之路也爲此激切具奏懇祈睿鑒

辭職辨餉疏

爲臣餉萬分難支臣兵萬分難聚臣身萬分難安臣苦萬分難盡據實奏聞仰祈睿鑒事竊惟六月興師義兵羣起他郡之兵皆資正餉臣兵獨資義餉使其相安毋

或訛奪目前猶可支吾適當時官兵食官餉今則官兵亦食義餉矣當時義兵食義餉今則義兵不許食官餉并不容食義餉矣嗟此兵也均屬王師何爲官則索取不禁爲義則求乞無門乎臣初焉奉旨至寧鎮夷藩卽遣一馬牌內云義師借名索餉擾害地方深可痛恨擬某日提兵嚴行杜絕臣謂藩臣所專者糧米改折也乃富民則以此爲護符矣臣一面委曲調停一面苦心勸諭富民迷心始開慳囊頗出不料藩臣復於初三日提兵入郡藩臣此來雖非絕臣義餉然怯者挈家而奔頑者

錢忠介公集

卷十

十二四朔書

約圖刊本

託名以拒不得已復至奉化縣坐催數日藩臣復遣兵至奉化收索正餉而富戶又以餉歸王藩觀望而去矣營將以糧餉久通請臣親追冀得少濟萬分之一今臣尙如此他復何望往時餉臣爲臣徵餉止任勞也今并任禍矣自今以往誰再爲臣徵解者是臣餉萬分難支也餉不可支兵將焉賴無米而炊巧婦炊復何籩剝肉以啖臣軍肉亦易盡彼譖之口謂臣兵無幾糜餉十萬夫臣餉始則餉臣謝三賓主之繼則通判吳元德主之今則署海防廳朱壽鏗主之每解必有官官必有批批

必有黏卷非臣可手攫而袖藏亦非臣可句塗而字抹  
臣兵實二千三百臣支過之餉除與武寧藩劃會外實  
支過三萬餘兩衣甲器械賞功卹死皆在焉主上試帑  
批迴驗視仍令善算者稽核八月之閒三萬餘金養三  
千三百之兵有餘不足瞭然可見矣且臣若支過十萬  
之糧臣兵耳目難掩知臣有餘糧在家不闕然思違則  
亦子然舍去何以臣兵至行乞於市而絕無怨言且尙  
不肯舍臣而去也今臣坐催一月止得三千兩臣未離  
汛業已缺餉五十日今八十八日矣各兵衣甲典盡稱貸

多金今日散銀明日依然赤手加以望救無門後解不  
繼此輩爲義而來豈忍令之餒死江上哉是臣兵萬分  
難聚也臣自起義以來便以一死自誓然死於虜臣之  
願也若以擁兵之故至於爭餉以爭餉之故至於殺身  
臣雖至愚萬不爲此然臣不散兵則有不散兵之死散  
兵則有散兵之死是臣身萬分難安也語云人窮則呼  
天疾痛則呼父母臣以爲窮能呼天非窮之至痛能呼  
父母非痛之至今臣滿腹窮愁渾身痛楚天則咫尺也父  
母則膝下也每欲發聲則喀喀而不能吐如患瘡啞見

其狀則疾痛也與之言則涕泗漣漣而不能道一字處  
臣今日之勢吞聲結氣何以異此伏念臣戎馬原非所  
長止爲義憤所激遂使支離攘臂今在朝則英賢布列  
在外則長城屹如况標立義名翻逢彼怒干戈起於肘  
腋蜂蠆發於懷袖臣今雖欲不退有萬不可得者臣惟  
有披髮入山祝主上萬壽無疆願大明八百再祀卽使  
天下清明亦不敢出山再提舉義二字仍邀非功名  
至臣蹤跡搜訪定多此行亦斷不敢入聞以應藩臣懷  
貳之口卽日拜表長行永與世辭謹差官齎敕拜還臣  
無功竊寵濫冒已多祖父恩榮非意所擬亦并從此拜  
還伏乞主上哀憫特許釋放收還前命使舉義之人不  
至無辜殄滅荷主上生成之恩世世無盡臣肅樂無任  
死罪死罪

錢忠介公集

卷十

十四四明叢書

續編刊本

四月初二日奉旨錢先生創義甬東身經百戰近以  
餉絀思尊予爲心惻念先生原以義始當竟初心後  
效可期前勞足惜著往懈上協同定吳藩定西鎮商  
權機宜規取三吳分道夾攻共收者定還加敕與他  
該衙門知道



陳越中十弊疏

全祖望曰此疏上唐王壽鏞案原有百無文今從乾坤正氣集補

爲虞無渡江之能越有招虜之漸謹陳大弊十端乞皇上以爲前車敕臣工實圖打算毋使風雨泥塗復呼將伯大家拍手莫救淪胥事臣竊惟同人刺厲引殷作鑒賈山規文借秦爲喻皆咨嗟近事冀相警曉然臣猶以爲遠也近如越中僂起僂敗目前急察皇上亦知過江之繇不在虜而仍在越乎夫越人禦虜者也監國主扶病視師居越一載實爲勞苦而臣謂之招虜毋乃太過警之聚羶於室而曰吾以驅蠅也揖賊於門而曰吾以

欽定四庫全書

卷十

十五 四明叢書

約圖附本

防寇也以招之之道禦之不謂之招其可哉越中招虜之事大約有十臣請數之願陛下留覽而垂誠焉一曰大臣之戾氣招之也皇上與魯王同根共枝叔姪之親不啻父子皇上之待魯王不爲不厚魯王之奉皇上不爲不恭而諸臣自作疑猜互生嫌構致廷臣進持重之說皇上愆親征之期古人有言曰和氣致祥乖氣致異越中滿城乖氣欲以驅虜可得乎事旣已敗諸臣拆人門戶毀人堂構於心大快如國事何皇上聖度如天斯廓決不以前事爲恨其繫念魯王料復變形於色但恐

朝臣仍執畸見以快前恨欲使浙人自救其頸而閩人自封其關事將大裂願皇上急發兵救浙毋爲羣議所搖也一曰大帥之驕氣招之也憶臣等起義時王之仁降虜之後同心向義臣等相與築壇以崇其禮羅拜以結其心行次紹興便謂重權在握莫我誰何忌鄭遵謙威名便欲陳兵襲殺臣等委曲勸解遂遷禍及臣既隨魯王至越王之仁遣牌突入語多不遜魯王含淚受之春秋書曰天王狩于河陽惡其威權之下移也皇上英明天挺諸臣亦恭謹奉法然願我皇上慎之於未然也

一曰文武內外大小諸臣之忿氣招之也自王之仁以凶詐狡訐開其端嗣後無一人一日不在構鬪中者或爭餉相殺或爭兵相仇或以閩浙玄黃或以戰守水火或挺劍於當朝或剗刃於公座或含沙於意見之偏或蜚蜮於議論之左滿朝葛藤盡人蜂蠱昔平勃交歡以安劉廉藺釋爭而存趙詩曰不告于訥在泮獻功今越已至此悔之何及閩中得毋亦有玄黃水火相訟相仇未克滌乃心肝以報國家者乎願我皇上以純灰三百斛頒賜諸臣令各洗心毋貽後悔也一曰文武之寐氣

招之也臣嘗從江上入城見諸臣候至晌午傳魯王坐  
朝諸臣端拱翔步履聲藎然近前行四拜禮絕無器邊  
妙算憂國遠謨殆詩所謂聽言則對誦言則退者比日  
朕罷朝諸臣交拜飲酒爲歡今日如是明日復然虜方  
眈眈我則晏晏虜方矯矯我則嘻嘻彼其心非不憂虜  
之至也視蔭待漏偷一日之安而已以爲夢則口耳聽  
說儼然醒也以爲醒而精神已駢駢游華胥之天矣夫  
虜陰類也陰物憑人乘寐而入今其徵矣皇上銳意發  
憤履易師期未免金柅之繫得毋諸臣中亦尚有寐而

未醒者乎今虜蹕寧紹矣長驅台溫則閩患剝膚願皇  
上急呼諸臣而大振之也一日閣臣之怪氣招之也憶  
臣起義時老成持重者多腹誹心謗甚有對妻子號泣  
者及魯王在越則又借舉義爲終南山口侏儒斯役莫  
不得官夫鬼見於庭犬言於寵則人皆怪之今此輩舉  
動如此何異鬼而豎見犬而人言哉皇上慎持名器決  
不令若輩倖當然臣竊見周晉昌憤臣起義至陰蔽王  
鳴謙來奪臣餉臣之散兵實繇於此今已聯翩取高位  
矣諸如此者復何可限又越之未敗諸人爭以拒闕得

官今既敗之後諸人將復飾面投身在皇上雖無所不容然而庸醫以毒藥殺人卽不償命亦當禁錮其身柰何使庸醫流毒無已也一曰武臣之淫氣招之也自王之仁安坐西陵娶妾爲樂此風一煽江上營官無不畜妾者奪人粉黛不顧門外蕭郎多負燕支豈恤軍中靈輒女子氣盛戰鼓聲衰回家則歌舞盈座出門則涕淚牽衣生趣太濃誰甘死關況虜所過奪妻妾爲淫樂我而效之其與淺何今皆鳥獸散矣起兵以來不畜妾下營私鞠躬盡瘁以武鄉自期者惟黃張耳乞皇上大加褒獎以風示諸臣天下事猶可爲也一曰諸臣之邪氣招之也堂堂天朝僻處一隅人心搖搖莫能自固所以一呼響應者絲正氣勝耳乃紹興諸臣性命在草露間亦復有書帕請託營求諸不法事刎喉而據天下之圖剖腹而藏夜光之璧人悲其愚也慮禍及身乃延於國罪可贖乎皇上釐飭法紀百度貞明萬萬無此然人之趨利如水赴壑保無有乘其罅而割之榮乎願卽申飭臣工毋使他人笑閩猶閩人笑浙也一曰諸臣之狂氣招之也虜禍隔江諸臣當以殺虜爲性命是故攫糶棘

矜皆戰器也益盎瓶鬯皆戰資也老弱妻女皆戰人也  
飲食夢思皆戰心也故其氣足以壯而事可以成今越  
中請舉經筵矣因經筵而置官遂無不爲經筵講官者  
請考童生矣因考試而講價遂使富家兒無非青錢選  
者究竟迂腐之利諸臣受之而迂腐之害還中朝廷可  
爲三歎息也夫越中去虜不咫尺猶尙如此聞中去虜  
遠又恃皇上威靈可幸無恐保無粉飾太平如若輩所  
爲乎願卽嚴飭六曹大小諸臣專心辦賊也一日朝中  
之濶氣招之也吏兵二部爲兩藩奴隸百請百諾朝奏

朝發更始初立羊胃與譏齊尙專朝狗尾盈坐識者固  
已病其不堪矣而誤國賊臣馬士英阮大鍼通國共知  
其姦百族思食其肉卽以方藩私誼免其誅夷爲幸已  
多而乃假之事權授以威柄豺聲嗥於都市鼠跡溷於  
圖書復倚以田仰爲其中窟連上六疏皆委罪於人引  
善自向而田仰稟擬翻謂傾陷乘輿覆亡宗祀皆繇門  
戶又云一片丹心千秋公論使虜聞之豈不掩口今者  
虜未渡江馬阮二賊拔營先避以致江干望風奔潰此  
二祖列宗之大罪人所宜亟行正法者也臣恐二賊挾

方兵自重復來投闕皇上赦而用之天下事萬萬不可  
支東南義士惟有蹈東海死耳乞皇上速令法司衙門  
先行蹤跡并將今日倡逃失守之罪彙入前日皇上欽  
定爰書得其人則寸斬以謝天下不得其人則存案以  
質萬世庶志士不至解體中興可圖也一曰百姓之怨  
氣招之也舊年虜騎至杭人心已非我有幸雉髮令下  
民心怨憤故可乘耳乃官兵所過搜掠無遺或據風聞  
牽連逮繫民間騷然如被大盜加以怨嗟之氣感傷天  
和旱魃爲災插蒔無望斗米至五錢餓殍盈野古人有

言曰鹿死不擇音又曰鋌而走險急何能擇民心蚩蚩  
特未敢明言耳其家人婦子曉夜私語則固有不忍聽  
聞者臣所以且暮望皇上之至冀得收剝劫之殘局撫  
和繹之新絃而王師又不至虜人入越豈待今日而知  
哉皇上以永勝馭兵失紀削其伯爵解其兵柄人心大  
悅然各處擁兵之將心齷手滑視打糧爲平常事保無  
離炤未及之地仍有如越中所爲者乎乞皇上於輦轂  
之下嚴飭紀律其在遠者則遣清廉威望大臣察核奏  
報必祈保全民命收服人心爲中興根本也越中招虜

之事臣略疏十端其餘不能徧舉乞皇上隨事簡察盡反其所爲乃赫然以出關爲志則湖廣有定興之兵太湖有白腰之旅海上黃口亦確可當一面虜雖渡江正是自趨死地不足慮也若聽羣臣之言退守福京我退一步彼進一步他日退至廣東更何退哉今日要著惟有魯仲連遺將書云將軍有死之心士卒無生之氣一語而已臣謂今日豈獨將軍宜爾凡爲臣子者各立死心以幹生業則身家可保身家可保則富貴亦可保苟不然越中諸人其榜樣也諸人死不足惜如皇上何如

先帝之仇何如太祖皇帝櫛風沐雨之天下何臣言及此滿紙血淚矣昔魯王初至越城臣上直陳痛哭流涕一疏謂諸臣事先帝則棄先帝事聖安皇帝則棄聖安皇帝途徑已熟心膽難期今日事殿下他日有事將復棄殿下而逃甚者轉頰求哀竄降歸順不患無富貴之日殿下將安歸乎今不幸臣言驗矣魯王出城果無一人扈從者諸臣心事可知矣乞皇上將臣此疏從容留覽刻戒諸臣痛洗積習他日臣受妄言之罪臣之願也雖肝腦塗地以謝諸臣有餘榮矣臣滿腹悲憤痛抑不

禁字格踰溢自知萬罪惟皇上鑒其愚心而曲宥之  
奉旨虜勢方熾而能首建義旗錢肅樂真血性男子  
太祖忠臣所陳越中十弊爲朕殷鑒覽之惕然在廷  
臣工大家洗濯肺肝宜各書一通痛加猛省錢肅樂  
已陞都察院右僉都御史著卽來行在陛見助朕親  
行恢復江楚之舉朕必不回福京必不退廣東朕之  
此心九廟已炤已遣國姓成功出師三關矣陛見之  
後另有簡擢該衙門知道

檄

錢忠介公集 卷十

三十四明叢書

欽定四庫全書

代蛟關總兵王之仁恢復檄

昊天不弔國祚中微蠶爾東奴乘機南犯插極殘之酷  
烈毒我黔黎假不殺之虛聲愚爾赤子父兄何罪坐受  
兇鋒妻子無辜徒滋淫掠嗟噫膺之無及問束手以何  
爲用告同心諒無右祖之志同驅異類應知左衽之羞  
天朝開必勝之機小醜兆決亡之勢八閩百越之雄師  
咸期效死兩浙三吳之傑士多切捐生進一尺則得一  
尺謝家之泐水可期退一步則失一步宋室之匡山可  
鑒之仁世受國恩誓死馬革身膺重寄義奮蛟關旣獲



錢進士之精忠事無不濟兼有張舉人之贊理功可立  
成凡爾縉紳或任戎行或司民籍各勵未死之人心共  
策將傾之天下

書

致閩輔黃跨干書

許鳴駿

天地幅裂日月弄紅南瞻鍾阜溯秋水以何從北望銅  
駝向春風而掩泣雖復夏亡玉斗漢委珠囊方斯慘酷  
未足爲喻猶齟齬自開然後薦延斯及又豈有列聖相  
承一朝傾覆撫言前載肝膽崩屠是以不暇寒暄直抒

錢忠介公集 卷十

三十四明叢書

續國朝本

哀憤念肅樂等六月起義半載防江詠無衣而就道賦  
匏葉以濟師婦女之簪珥俱空囊篋之冠裳俱盡凡我  
臣子均此同盟爲魯爲唐義先逐雀是聞是浙志切驅  
狼所謂返莒齊郊平戎王室霜戈雪戟齊會孟津龍甲  
犀渠俱來浙水並復國仇共討家怨而悠悠旌旆無日  
以幾又聞閣下之來欲料八府之糧不顧江干之卒肅  
樂等聞言實深哽懼竊以師旅兵餉兩者並須猶蚤駢  
相負脣齒相依齒尙知寒蚤亦念飢今日徹餉則必廢  
兵廢兵則必來虜是謂芟闕樊籬拱揖盜賊所未喻一

也閣下重關列障遠隔烽煙或以江上情形不過如此  
豈知鎗鎗曉漏的的宵烽聽胡馬之晨嘶對平原之夕  
照雖魯柝聞邾胡桑對蒞不殊於此而欲以凍餒之軍  
當驍張之騎斯所未喻二也今此義旅豈曰他人非閣  
下之舊子弟則舊部曲也此等枕戈待旦志梟逆虜泣  
血盈時思情王路驚跼跼而墮水雁嗷嗷而叫庭凡我  
人斯誰不下淚方冀明公式相扶獎豈期平時哺乳一  
旦乖分遂使慕義英夫翻爲餒鬼沿江戍壘盡結荒燐  
斯所未喻三也肅樂等與閣下並寐薪火俱坐危檐薪  
燃則頭足爛焦檐壓則身家齏粉同歸患府並入禍門  
若糧竭兵解胡馬渡江毒矢狂奔海水羣沸閩人之憂  
豈其遠而恐非遙遙滄海駕虹梁而莫從宛在桃源訊  
漁舟而莫入閩人卽不念我并州亦豈自忘梓里斯所  
未喻四也長江之險與我共之飲馬江流豈曰未暇實  
係舳艫浮南吳子之餘皇可恃殊非風濤限北魏丕之  
鐵騎空還恐執事信遠謀之虛傳忽近憂而莫悟奪我  
脂膏玩彼鱗介斯所未喻五也八閩之外非我版圖茫  
茫大澤豈非黍稷之鄉落落晨星徒照空虛之醫量沙

唱米選聲可呼煮芻爲糧虛腹難鼓即使沈舟破釜猶  
持三日之糧豈其木人石心不望一朝之饗斯所未喻  
六也若以肅樂等徒糜東郡之糧未掛西州之膽則亦  
須閣下致彼精甲易我羸師而今救焚之望徒積歲寒  
乞師之章空盈卷軸竟闕楚子蒲胥之駕徒多行人沃  
若之車若兩不相顧咎將誰諉斯所未喻七也昔秦人  
救晉濟其泛舟子反平宋憐其箝馬何意一家橫分彼  
此或明主將渾一區宇委關中以臥龍閣下親承付託  
運轉輸於流馬必須歸琮天府然後散粟方州旣以浙  
餉餉閩亦乞以閩餉餉浙轉移之間安危所繫是不得  
不大聲疾呼連名並牒稽首而望救者也迫切縷縷慨  
不展宣東望神馳但以號咽

答林繭菴書

海殿題

桑梓百千膏血銷付長江一帶第罪甚大豈敢言功執  
事千秋正氣百尺高標安石旣出東山夷吾復來江左  
此乃朝廷之瑞卽是恢復之機所願大抒讜言一清陰  
雲使臣子尊敬朝廷然後醜類畏憚中國此相制之勢  
亦相兼之理也至於爵賞一節似宜爲有餘之地毋行

立盡之術如釣者挾香餌以投重淵百仞之深可幸而出若香餌既竭空手臨流雖任公子無所施釣鼈之策矣今侯伯大封諸人志得意滿主上雖以鼓勵後效而諸人且以安坐而得之則亦可安坐而守之若我輩文臣未恢一寸土以報朝廷又復濫受陞賞此爲何名終夜思量豈不愧恨諸臣試思起義以來何所加於主上惟有一種詬評紛囂貽累主上耳猶且今日都憲明日侍郎臣子之爲君父固應如是耶乞執事先事爲弟輩杜止濫恩之路上以明君父之尊下以全朋友之義天下傳之萬世頌之弟輩亦拜且舞之矣若加銜之後弟自有辭疏而朝廷且疑爲格套弟前者四辭新銜且以爲懷貳今受爵矣無貳心矣加銜不可以已乎弟蒙知已深於骨肉故敢以牘言奉告惟賜裁示至執事改授掖垣此是滿朝公論亦是吾鄉彝好卽日當晤彤老公疏借重耳草泐不盡

再與林蘭菴書

補

江上窺渡仍是虛聲恐別有一路爲其陰平朝議專備江上正墮其謀耳時事日非正人解體盟翁不爲朝中

砥柱而徒問渡於盛嶺瓜瀝之間天下其可圖乎從來  
小人詆訾君子多設浮詞陷構未有如今日以美名相  
贈者盟翁得此自千古矣但恨盟翁受其名而國家不  
得受其福爲怏怏耳弟兩月無劄必闕然而散空手來  
募所恃惟義餉乃身未到家而惡言四起一事不可爲  
弟惟有削髮入山看江上大勢以決生死耳據愚見盟  
翁亦不必速行或以奉命監軍不宜濡滯則駕小艇至  
龍王堂一晤尊師仍至本地觀變未爲不可且聞尊師  
此行胸中亦別有成算非久駐龍王堂者管見如此可

龍王堂

五十四明堂書  
統圖刊本

否惟尊裁

據林時對  
補草堂集補

詩

仄韻詩八首

聖安帝初載倉皇以國送天子自出奔廷臣無一其方  
其廢薪時號索苞苴貢馴至胡馬來四郊烽火動亮繇  
人事值豈曰上帝夢回首望鍾山惻悵心脾痛

配天十六君世多穆皇領卜曆周過期又見大明統云  
胡遊陽季有天不可共平世多俊民濟蹇無適用羅兜  
內樹黨元暉外成訟元愨側未除東奴狡焉縱唾手誅

苗劉遐哉曰南宋

左良玉稱兵欲誅若側舉  
朝禦左而忘虜敗斯及也

嘗讀心史詩矯翼庶其企不謂身亂離舉世戒忠義我  
聞達者言容頭免身累國家錦繡圖今無立錫地貪亂  
絲羣司廉恥喪大義吁嗟我何辜逢天未平治明知忠  
義難且以身嘗試陋室數十椽拱手一朝棄

十載仕宦情六年辛苦味我已甘貧賤如何發斯喟干  
戈滿我前生民無一孽慙非經濟才首尾百千畏欲從  
冥飛鴻沈淪非所貴

哲人覩未形愚夫闇昭著桃蟲曾幾何翻然以翔翥亡

鐵忠介公集卷十

二六四明叢書  
續編刊本

國侈玉杯其兆在象箸銓衡亂名實朝鮮卽墨警浸淫  
成瘞痺草野多疑慮聖明非季主亡國一何遽舟楫委  
市兒中流蕩無據如彼羸瘵人與魅相寢處皮骨厖然  
存精神久已去

皇天方降凶趨禍競疾步國人曰盧杞天子倚裴度藩  
鎮自弄兵未遑禦外務胡馬方飲江厥罪不勝數晉車  
止泥濘黎臣辱中露泉亭又出降一誤且再誤

諸藩阻  
兵堅意

出降

立國先紀綱用兵貴氣勢諸公方鬪私春如鷹隼戾風

雨遂乘之孤舟渾無繫不憂國步艱所嗟人心逝滿目  
諸子衣幾日瞻漢製軀命付庸醫豈但苦踈整慟哭不  
成聲枯骨已無涕

有帝曰隆武憂勤起草昧三詔開羣心式瞻王言大聖  
度廓如天渾漭丕無外指日望中興羣情卜著蔡滿朝  
公孫弘緩急一無賴如彼涉川梁欲濟憂無帶憤激還  
呼天疾威亦已太

錢忠介公集卷十一

契家後學全祖望編次

縣後學張壽鏞校補

南征集一

詔

擬頒曆詔

自古帝王撫辰凝績必重曆數書曰天之曆數在爾躬是以鳳司龍紀馮相保章必察五部定四時參禘天地以爲民紀王者敬授人時若此其重也屬遭喪亂解國

錢忠介公集

卷十一

一

四開最甚

約園刊本

春秋曆數之承罔知攸寄予楹諸曩典祖宗盛時歲以十月袞冕聽朔闔闔門開衣冠拜舞今余一人猶在正統一綫敢不夙夜惕厲以毋墜我皇祖之緒用擇今日頒布監國三年大統曆日於天下文武將吏以下分授有差嗚呼曆者歷也五行以勝衰爲雌雄以承乘爲子母剝窮而復天地之心歷盡乃見又曆者律也武王伐紂吹律聽聲推孟春以至于季冬殺氣相併而音尙宮宮者黃鐘之律也應十一月其子明年日母爲戊場雄日戊癸爲宮其于十二子爲子子者滋也萬物滋于下



也以其日占其律以其聲處其氣然則士卒同心師出  
有功俾百姓休養生息合在于此繇是言之狼弧將滅  
翼軫重興必有貫珠聯璧以爲休徵者黃帝之得寶鼎  
有虞之符玉曆非余一人所可庶幾爾諸臣戮力有年  
曾謂高高弗回其聽爾諸臣尙念茲欽哉故勅

擬監國薦門詔

余從鷺門移蹕茲土賴天地祖宗之靈廷臣協謀將士  
戮力連江諸處漸次芟夷復我衣冠之舊爾百姓得脫  
湯火之中譬如赤子遠離將見慈父母爲慈父母者宜

錄忠介公集

卷十一

二一四明叢書

約園刊本

何如其嗶咻之顧余寡昧蒙蔽日深山林隱逸之士誰  
肯從余遊者典型未樹民多愁歎強敵在邊烽火不息  
百姓東西奔走不得保其室家皆余不德瘼此下民迫  
念往事痛憤無已僕宣帝有言士民無歎息愁恨之聲  
者其惟良二千石乎今余恪遵祖憲新復縣邑分設令  
長招集流遺俾斯民獲有幹止有撫綏稱職者余能尊  
顯之若其衰庸貪殘重爲民患爲父母如之何國有常  
典余弗敢貸布告中外咸使聞知

諭

擬諭高州道

余惟泮宮之詩有云翩彼飛鴉集于泮林食我桑椹懷我好音夫鴉鳥異類桑椹微植猶能感動豈有本朝三百年仁澤翔洽貫輸乃竟不能移根北枳變氣春鳩者哉此者滿洲屠裂種類流徙青兗楚豫江浙之間所在蠶起卽以聞論余與建國弭節三山旌旆凌雲舳艫噓水三山窮蹙縋城乞降上游則有王安建曹威武雄兵十萬踏翻秦岱蹴倒崑崙八閩則有陳德容汪碩德勁旅千軍鎔鐵爲關排雲作陣金衢諸處飛檄奏功福寧

錢忠介公集

卷十一

三

四明叢書

約圖刊本

一城稽首歸命余方決百川以流穢開三面以祝禽苟有來歸便與湔祓文則道臣潘映婁州守宋若蘇縣令錢階武則總兵涂登華方國慶李成虎艾元凱湯蘭或列五等之爵或賜將軍之號或仍其舊職或錫以崇班爾等未之知乎茲特遣冠軍將軍謝朋前往招諭爾高州道某身爲監司職司表率鎮將以下可臂指使牧守諸人咸呼吸通苟能率臂來歸還可不失富貴嗚呼忠臣嶺上名表垂珠俠骨墳邊香留紅草爾等讀書豈不羨慕何至一旦便爾乖離固知去夏而夷非心所使不

遠而復於義斯安今其時矣可以歸乎若其狐疑不早  
自擇後失徒悔羸角何施禍福之門於茲決矣爾等三  
思欽哉故諭

擬諭福寧州文武各官

屬天未悔禍胡馬猶嘶閉城壁險各競尋常城內之民  
惘惘然如鹿豕環城四外牛犢化兵維暮之春新畝弗  
問俾我民夫婦辛苦墊隘骨盡髓枯猶不得已聽鳴雁  
之哀歌不能寢食茲以天地之靈宗廟社稷之福遐邇  
易心福寧州一區已復冠帶斯民得出湯火之中余甚

錢忠介公集 卷十一

四國明徵書

鈔圖刊本

慰焉所恐拓邏已廣軍需孔亟蠲租復賦事平輕議其  
一切虜中虐政悉行除去與民更始知州朱若蘇已加  
部銜仍復原職卽著加意撫綏以稱爲民父母之意振  
威伯涂登華卽轄所部兵馬另聽調遣不得鹵掠爲民  
思苦所在義師著都督張時任王公哲等嚴加挑選可  
用用之不可用汰之毋以疲兵蠹餉重累吾民且使執  
戟者轉而之南畝民其有天乎鄭西各官當念天下一  
家不得互爭門戶語云天無二日民無二王諸人宜體  
此意諭到著御史吳明中徧行宣諭俾遠所谿谷山澤

之民咸諭朝廷德意毋忽

擬諭長樂百姓

自虜肆虐天怒人怨耘夫牧豎爭叫呼而起持白梃而擊者十室而十蓋甚於亡秦之世也長樂義士暴骨久而未下余甚憫焉茲以天之靈賴宗廟將士之力殘虜自逃得復舊邑肆太祖高皇帝德澤遠迄永永無疆虜焰內燁固自應爾今特飭官義將士務體余哀憫元元至意必使草木不驚市肆無改其虜中虐政一切蠲除與民更始事平之日別議免復其有將吏不約飭士卒

錢忠介公集

卷十一

五十四明叢書

約圖刊本

恣縱奸掠與民困苦者廉實以聞三尺具在余不敢私  
欽哉故勅

擬諭長樂城內百姓

余惟東奴肆虐蒸庶瘡痍親率六軍張皇撻伐鳴鐘入  
雒秣馬會睢無非欲出深熱之水火納百姓於休和明  
諭屢頒有如皎日近王師攻圍長樂義旅蜂起聲合響  
應環山踰嶺固不奔趨獨爾城內之人甘爲游釜之魚  
仍作負嵎之虎豈忠逆之分固不在遠一坏之隔遂以  
大別哉比諜者知城中望漢更切雲霓所恐將士修怨

屠戮生靈身家之念豈獲自己余聞斯言彌用怛悼若使該將罔顧王法惟念私仇是謂以暴易暴以燕伐燕豈稱王者不殺之仁大武止戈之義哉已特遣官齎勅馳諭開門之日不許妄殺一人其殺虜開城者賞格如前嗚呼順逆之分明於星日禍福之界判於毫釐慎勿令光光之下還疑荆棘蕩蕩之天自生雲霧也布告中外咸使聞知

擬招諭閩省文武官員檄

余聞朱鉞貝冑荆楚是繼玄甲絳旗穹廬爰掃魯頌著

鐵忠介公集

卷十一

六一四明叢書

約園刊本

其明徵漢史炯其前鑒矣若夫嶙頭鐵面或興暴於皇年鉤爪鋸牙猶流殃於夏甸昔搏擊驅除不遺餘力未聞蛟龍之屬反見辱於鯨鯢鸞鳳之羣反稱臣於梟獍乃如之人胡覩斯面今粗論事勢憬爾蒙心昔劉淵部落僭號漢年氏羌酋豪縱橫晉代然而司馬之業不亡正朔之歸猶在自此南北分天江淮割地雖島夷索虜彼此互讖而衣冠望族咸歸江左迨至蒙古入主中國然而雜髮之令元史無聞則知變夏而夷裔人而獸自書契以來強胡內戾未有若今日之恣者也我太祖高

皇帝驅除元孽被沐中原衣冠萬國禮樂吾民恢之以  
帝絃更之以化瑟其巍巍也如彼其光光也如此夫何  
傳世之統曾不半周翦焉傾覆一朝斯及始則賊氛喪  
我英君繼則胡塵蒙我嗣主嗟我人斯弗謀弗迪如彼  
流萍牽連而去芙蓉鏡下猶是舊日郎君荆棘樹邊不  
念故時宮闕言之悲矣心傷瘁矣此卽戮逆賊於咸陽  
執叛子於雲夢雕形鏤面醢骨糜肝碎首縣車燒臍照  
市固有常典豈曰淫刑余又體上天好生之德遵帝王  
宥罪之仁憐爾等同類并辜怛焉內疚用開一面薄示  
三章方今水師百萬浴日凌雲其餘義旅千羣剗荼奮  
鏹北則蔡將軍虎視於青齊西則李將軍鷹揚於關陝  
荆楚之地則何定興踞其上流吳越之墟則黃威虜承  
其半臂加以胡人慘夷之法毒於亡秦兇暴之心過於  
乳虎參之人事揆以天心胡人滅亡寧待再計而爾等  
猶魚游沸鼎之中燕巢飛幕之上稱爲明哲豈不悲哉  
爾等原非麋竹生不空桑聞城樓之長嘯咸有歸心聽  
老嫗之吹簫誰無去志故國旌旗異鄉風景對此悲悵  
如何可言所以鍾儀不忘楚奏廉頗思用趙人人之情

也寧不然乎爾等或先世名門或沿邊舊部或苟且以圖存或委蛇以紓禍寧無李陵報漢之心豈乏章子入秦之事又況非朱鮪之讒無張繡之痛何嫌何疑而甘爲犬羊之僕妾不念先人之髮膚哉爾等生長禮義之門漸漬詩書之教一旦口袍通踝胡靴過膝有髮如尾易冠而笠坐臥念之何以爲形若翻然內應斬賊圖功前諭所頒有如皎日策之上也解甲投戈剪辮受吏雖請灰釘終焚輿櫬策之次也變易姓名竄山棲谷勅令將吏勿復窮追又其次也若乃包藏禍心遷延去就鷹

魏忠介公集 卷十一

入 四明叢書  
約圖刊本

眼猶存鴛首不葦盡忠報胡死而後已恐白龍堆上不勒義士之碑鳴綠江邊難滿忠臣之血古人有云伊摯去夏不爲傷德飛廉死紂不可爲賢爾等生爲叛逆之人死作淫昏之鬼不亦惑乎余茲大垂矜恤開諭爾等若有迷而罔悟大兵一到玉石俱焚聽鶴之歎空踟躕於今茲牽犬之悲徒吁嗟於此日俱歸火樹同赴湯池詩云噉其泣矣何嗟及矣爾諸人等唯各三思余言不再布告中外咸使聞知

勅

擬勅瑞昌王

我國家不造東奴逼侵封豕長蛇薦食上國名藩大郡  
所在淩夷天潢散而無統玉牒紛其零亂其閒桐命猶  
存金符斯在三年薪膽一葉波濤矢不同天之載懷必  
滅此之誠惟余一人嗣聞上游伯叔兄弟亦有枕戈泣  
血志梟逆胡者而信使莫通隔閩異地省覽來啓良以慰  
藉昔朱虛非類之鋤悲歌中酒湘泉討賊之檄慷慨登  
壇茲以議功殉難卽命掌瑞昌王印錫之璽書嗚呼寶  
訓於昭介圭匪濫師東平之樂善蕭足庇根式河間之

錄忠介公集

卷十一

九十四明徵書

初國刑本

攻書草無滋蔓今油禾未雪均負愧於茅封而綿臆初  
生期永垂於苗裔尙其懋勉不替光昭爾其欽哉故勅  
封定西伯張名振勅

先生束髮從戎便有風雷之勢馳身陷陣更彰闕闕之  
勳屬河北之飛塵保江東而起義樓船十萬霧鎖雲連  
組練三千肉飛骨怒我將西歸胡已南來方謂一生俠  
骨擬旭口而東升豈意半載辛勤等流波而西逝先生  
復親率精銳迎於澗門朱宣子之抱刀入衛匹此非遠  
獨孤臣之單騎從王方斯未遠余發漳浦爾駐舟山眷



言前事我勞如何前聞先生與黃先生聯膽并肝聲震蛟龍之窟致胡人回心革面地連吳越之墟天未悔禍胡燼復燃擊龍鼓浪惡水傾舟弟委庖人之手甥葬江魚之腹先生寄一葉以問津濱十死而弗顧猶復聽北風而驪首託旅鴈以申心道里雖隔乎契良深茲特晉先生爲定西伯錫爾璽書方今關陝諸處人懷博浪之椎楚豫之間家奮陳吳之哭近則秦川已入版圖三山咸歸掌握建功立業今也其時先生西連太湖之義人東收四明之壯客折若木以拂日驅澗水以滌腥孟明報嶢函之辱范蠡雪會稽之恥先生之功可不偉哉余將掠定閩省旋軫舊都錫彤弓以覺報歌湛露以寫心相期有在行矣勉之欽哉故勅

封定西侯張名振勅

自函夏不靖神州陸沈豺狼當道奚止一人鴟音未懷忽然三載飛艦巨艦奚啻浮川鐵騎銀鞍差聞滿路而歲月道盡吉語無聞固知才非項羽莫辨沈舟忠不祖生虛言擊楫惟先生手回地軸身抗天羅提戈灑泣感彼行道之人齧血作書招我同心之客聽征馬之嘶不

能成寐對扶桑之影便欲西馳傅介子之誓斬樓蘭霍將軍之不治第宅昔聞古史今見先生茲特命先生以定西侯體統行事錫之璽書嗚呼精神所結魯陽挽照於榆桑忠義所開耿恭飛泉於疏勒況今胡運已窮義旗四起先生其與黃先生挺劍而前收吳越於襟帶長驅直上扼建業於咽喉俾地維絕而復紐王綱弛而更張楚人滿道爭望葉公漢老含悲俱歎司隸豈不休哉先申鐘鼓之貺徐昭帶礪之命欽哉故勅

起通政司吳鍾巒勅

錢忠介公集 卷十一

十二四明叢書

約圖刊本

自秦人入關奸臣邁禍國維絕貫王綱解紐生民陷塗炭之艱故國抱黍離之痛二三君子蜚遯居貞明夷養晦易曰天地閉賢人隱斯之謂矣今胡運已窮明德再造樓船之盛楊僕無聞於前跳盪之功潭城難專於後余惟內治不修而能張撻伐之聲者前古未聞思所以披荆剪棘以成朝廷者亦專賴之乎名碩也爾原任廣東糧道按察司副使吳鍾巒千秋臣鵠一代儒宗素心映蒼雪之流清風敢鬱林之石及受任議郎忠言讜論志恥內溝而直道同庸終遭淪喪飄零異地鄉信無憑

白髮猶存丹心空老撫言往事以增永歎茲特起爾爲  
通政司使畀以喉舌之司用彰出納之允屬時方草昧  
遠近獻言書盈闕下章滿公車進嘉言以導川澤祛蕪  
累以尊朝廷惟先生是望余聞諸格言賢者讓夷而急  
病貞士濡迹以匡時若使巢由洗耳於濁亂之時知章  
掛冠於播遷之日稱爲高尚不其遠而所以趙相

後缺

復原任監軍御史勅

爾乃風威霜厲氣概騰馳憤王室之不造橫劍漢廷痛  
故國之淪胥衝冠燕路旣而豺牙密噬蜂毒潛吹偷生

錢忠介公集

卷十一

十一四明叢書

約園刊本

鉞刃之下音影摧殘假息異類之中情膽崩絕今聞王  
帥至止杖策來歸擬士會還晉咸贈歸鞭忻蘇子來朝  
無煩射鴈是用復爾原官監軍御史卽令爾先往福寧  
州諸處招集僞官要知霜露所均不育異類京洛舊邦  
無取雜種爾其導揚王命焜煌國威務使食椹之鴟好  
音懷我弗令載車之鬼張弧自它州城旣下惟爾斯功  
至於櫜帷所過諮諏疾苦繡斧所臨驅除妖孽是爾巡  
方之原職亦余策遣之本懷報命還朝另爲殊眷欽哉  
故勅

擬封冠軍將軍謝朋勅

余惟自古師行必立前部所以整頓庶類呼動英概如  
人首之有冠焉冠軍之設自漢已然猶易稱長子詩號  
元戎皆標立嘉名用崇倡率之義爾將軍謝明忠能捧  
日氣可驅霆叱咤則山岳變形呼吸則風雲異狀連江  
之捷亦惟爾先登陷陣成此丕功茲命爾冠軍將軍印  
錫之璽書爾尙敵千敵甲粟馬厲兵埋長狄於彤門斬  
蚩尤於冀土匡復舊物旋軫故都青茅可葺旅矢在懸  
尙懋前勳敢聽後命欽哉故勅

錢忠介公集 卷十一

十三 四明叢書

影園刊本

擬封果毅將軍吳輝勅

自秦人不靖城邑邱墟士鮮貞心人無固志楚軍未列  
齊幕已空漢幟未懸趙旌先拔永懷前事可爲慨而乃  
者後將軍吳輝包涵三略呼吸六奇提劍負戈志清國  
難行號臥泣誓掃逆氛去病之不復顧家祖逖之憤然  
擊楫方於將軍可謂兼之茲以連江克捷特命爾掛果  
毅將軍印錫之璽書嗚呼春陵草木猶懷向漢之悲西  
洛銅人長掩亡秦之慟願將軍式弘遠志克樹奇勳挽  
鵠尾以窺皇畿登牛渚而望京邑旂常鐘鼓豈有吝焉

欽哉故勅

擬勅兵部主事錢階調章雲飛合勅

城虜奔亡困獸猶鬪淵魚未懸高鳥未弋徒使吾百姓  
外則斃於干戈內則踣於飢餓余甚痛焉余念城內皆  
我舊臣不忍淫夷特勅所在將吏緩其攻圍是致是附  
而乞乞崇墉公然抗命假稱援虜解散眾心不有以大  
創之其何以收一簣之功而振無前之烈乎茲特勅爾  
兵部主事錢階往福寧州調章雲飛統率所部前來合  
勅以桓武之才望蓄銳養威正欲一試是正忠臣義士

錢忠介公集

卷十一

十四 四明叢書

約圖刊本

締盟裘裳立功鐘鼓之日也爾等感恩圖報攜手同來  
使虜望見麾下而知歸命者膺厚賞負固者蒙顯戮亦  
將解甲投戈之不暇又何煩一矢加遺哉師到之日惟  
汝功欽哉故勅

錢忠介公集卷十一

錢忠介公集卷十二

契家後學全祖望編次

縣後學張壽鏞校補

南征集二

勅

擬封龍驤將軍涂順勅

昔漢武拓粵始有樓船之名王濬平吳遂拜龍驤之號皆因其地勢制彼偏師咸用恢一疆宇流聲無窮爾左將軍涂順勇冠三軍聲瀾八表白羽一揮風馳雨驟赤旗

錢忠介公集卷十二

一四明叢書

繪圖刊本

所指谷靜山空水陸擅其兼長戰守資其互運斂兵壁險便有撼岳之難乘勝長馳不暇沈舟之斷茲以連江之捷特命爾掛龍驤將軍印錫之璽書爾尙一乃心力期克有勳玩殘虜於掌中殺胡雛於腋下務使漢南以往盡復衣冠勿俾冀北之墟猶懸書朔賞格具在余不敢私欽哉故勅

擬封中權將軍林奇勅

余惟周書有云人道尙中耳目役心又云有中曰參無中曰兩兩爭則弱參和則強然則合謀比德先和造事

強兵之本莫尙於中如車之輻如戶之樞習嘗爲常與  
變而俱爾中鎮將軍林奇才號智囊忠懸心鏡曳格澤  
之飛旂掃句始之妖氛米聚帳前便有山川之勢謀成  
箸下卽同羹俎之心茲以連江之捷特命爾掛中權將  
軍印錫之璽書爾尙大展奇猷式遏寇虐餘勇可賈奚  
須介馬而馳朝氣宜乘務使隻輪毋返止悲音於帝瑟  
轉協氣於皇年還我京邑望此巍巍誓爾山河中其巨  
巨欽哉故勅

擬監軍兵備道丁正春勅

錢忠介公集 卷十二

二四明叢書  
約園刊本

余惟西歸有待匪風載其好音將伯空號繁霜戒其負  
輻是以獨絃不線諒有望於伊緡孤調難鳴實有資乎  
比竹魚合兩而相得車駕驅而載馳物誠有之人亦宜  
然爾丁正春蘊義風生聚徒雲台呼平時之僑胥編帶  
可締同心起子弟於田疇農書卽爲兵法平原之客三  
千空聞傳食毛遂之徒十九惟爾登壇是用授爾監軍  
兵備道并錫爾以勅印爾尙率如熊如虎之儔早奮室  
皇之劍驅同澤同衣之侶共邀麟閣之名宜乘時以建  
功尙釋思乎求定欽哉故勅

擬虎賁將軍勅

余惟天象既昭則參虎揚芒乎西嶽武功攸擢則貍虎  
殫力乎商郊營所以假彼雄名成茲勅勢三代以降靡  
不繇之爾右鎮將軍某身惟許國志切勤王英分包乎  
雄膽陽節佐以陰符經澥上者一年率水師而百戰澥  
宇效順人祇協心千軍霧集萬甲風興連膽爲雲噓氣  
成液此乃烈士投袂壯夫持節之秋也將軍豈無意乎  
今以連江之捷特命爾掛虎賁將軍印錫之璽書爾其  
式壯雄武之圖用彰搏擊之勢俾雷聲電目之禽咸歸  
迅掃銅頭鐵額之獸罔不披夷茂烈崇庸旂常千載分  
茅胙土鐘鼓一朝必不爾斬欽哉故勅

勅都督陳韜

爾頓兵城下親冒矢石諸士卒暴露勞苦未得休息余  
甚憫焉此城虜不滿百城中人口口相望顧未能卽下  
聞諸道路咸言以爾故欲修舊怨疑惑來者心是用遣  
官馳諭爾夫天道好生惡殺已降而殺之逆天道一也  
余頒有明諭王師所過草木不驚爾若虐殺無辜犯王  
章二也此城內之民皆我赤子陷於虜中未能自拔今



舉城來獻尙復其家戶勿算而爾反行稱戈失人心三也犯此三者何以自立且爾不聞古時有曹彬者乎師下江南城將克忽稱疾不視事諸將入問疾彬曰但願諸君克城之日不戮一人則病愈矣因焚香誓眾厥後子孫屢世通顯爾戮力勤王獨不爲子孫地乎論到之日其亟洗心誓眾仍募謀者齋誓書入城用釋累惑若得復城爾之勳名豈在曹彬下哉欽哉故勅

擬勅東閣大學士

昔苻堅負恃其眾芥視江左淝水之役風鶴晉兵金人

錢忠介公集 卷十二

四 四明叢書

約園刊本

用劉豫齟齬宋人徐水之舉喙兌宵奔此豈盡師武臣力良由廟堂有人處置得宜故也往者昊天不弔胡孽內曩憑陵我郊旬鬻禿我赤子茫茫國步倚海爲家是用使先生抱道居貞明夷養晦今賴建國鄭先生手扶日月力挽山河所在州縣漸復衣冠而朝班之上閣臣則熊先生汝霖部臣則錢先生肅樂將毋英哲匡時獨隆往古抑招徠之道尙有關焉今特晉先生東閣大學士用宏茲賁先生其勿以例辭差官致命力請來朝罔或後期謝安立功於晉代趙鼎策勳於宋朝余雖不德

庶幾遇焉欽哉故勅

擬勅遣都督劉廣運招撫虜兵

余聞邵武殘虜東西奔潰抵突閩清欲入省會漏網之魚猶思鼓浪絜羅之鳥尙冀翔雲一何其不自量也諸道義師鼓銳前驅便欲截殺余又聞主兵者爲于永壽係余舊臣已特勅招徠仍恐彼中將吏多是本朝部曲未能悉知憐彼失路無歸閔焉靡所戾止代馬越鳥能不悽然茲再命爾特勅招徠一應將士有窮辦來臨者悉宥前罪咸與維新如艾元凱湯蘭之封伯李成虎

欽定四庫全書

卷十二

五十四明教書

約圖刊本

方國慶之掛印近例昭然也漢高帝謂田橫曰橫來七者王小者侯今大者可望五等次亦不失將軍印孰與自蹈迷罔旋取灰滅哉若其頑梗自絕於天爾便可統督義旅扼守險隘必令隻輪不返匹馬無還功成歸來另有褒擢欽哉故勅

擬慰勞益藩鎮國將軍由拏勅

我國家不造遭此中葉地裂天崩靡所定止海內士大夫糜骨肉毀家室棄墳墓從余波濤之間豈有他故爲高皇也況爾由拏乃天家之苗裔爲臣爲子兼國兼家

情慨既深無煩噓鼓者哉近聞爾統精兵數千屯劄尤  
溪余甚壯之軍中勞苦道里遼遠無繇一伸情款余又  
慙焉茲特降勅遣官慰勞爾爾其速下三山其驅殘孽  
余亦鳴鐘鼓厲兵馬攬轡出關與爾掃除京洛之塵謁  
拜孝陵以明臣子之義此時國復故土爾拜新封豈不  
休哉若乃祖仇弗問而惘然自大毋論強對在前還爲  
笑語今日四顧河山茫茫誰是將毋翦桐示封竟成兒  
戲乎爾由拚當學漢朱虛之行酒非種必鋤弗如梁湘  
東之雙陸全無下意欽哉故勅

鑑忠介公集

卷十二

六十四明叢書

約圖刊本

擬勅陳永錫

蓋聞軒轅有四面之號漢帝有三傑之稱皆因材授任  
先成厥功明戰勝者非一劍之勇用威武者非一流之  
業也近虜運已窮釜魚待盡福寧歸命江浙合師行將  
掃狼山之霧照牛渚之妖故分遣多官廣收成旅冀得  
羅彼心城張我義市寧濫罟以取鱗欲張羅而得鳳爾  
陳永錫原兵部主事以爾聯絡寧陽之閒煩著勞績不  
辭寵命授爾臺員當念漢武除盜爰設直指之官子儀  
將兵乃拜御史之職罔或朝辭禁門情態卽異夕宿村

縣威福便行爾當效岳飛之期飲龍城勿效王恢之誕  
言馬邑汝往欽哉故勅

擬勅義興侯鄭遵謙

今余命先生巡行福清興化下訖廣之揭陽潮陽等處  
先生其無徵於宅亦曰如所以定越焉已矣先生之在  
越也恂恂書生耳身無尺籍伍符提劍而起目電聲雷  
天下奔動如呼麻秋名怖小兒帖帖蛾伏今稽帷所至  
有凶悍悞勃角爲尊者天降滔淫培克是力者聞先生  
名罔不憚憚又先生之守錢塘與虜大小百餘戰虜救

錢忠介公集

卷十二

七四明叢書

約圖刊本

死扶傷不暇昔劉琦順昌之捷夜殲辮髮後虜望見旗  
幟卽驚走李克用引兵攻黃巢眾望見驚曰鴉軍來矣  
遂潰散今未降城邑半是江浙流遺前驅忽至得毋有  
望而卻走者曩先生扼守小壘折節行仁克心履禮將  
軍不知尊士卒不知卑商旅攜貲而景從士女得比肩  
首嬪然成行今所在官義假署名號虐此下民怨咨  
之聲慘聞於天昔葉公入楚國人迎之曰公胡不入國  
人望公如望慈父母焉北上書陳請者咸作是想曰義  
興來吾事濟矣今何以弗違心寄并令顯顯者少獲蘇息

撫綏流遺禁戢暴相幾而行則於先生有厚望焉欽哉故勅

擬勅平原將軍湯蘭

往者三辰闕照四序乖期繫結禍盈窮年稔載周大夫之過都唯聞歌黍楚申胥之去國空復依牆淚盡波濤悲填潭壑爾原掛平江將軍印湯蘭膽大如箕心堅如鐵仗劍則妖壘盡開馳節而賊氛底定痛山河之非舊血灑新亭見旌旆之重來魂飛故國可謂身羈胡地心注南雲范士會之歸秦方茲爲烈蘇子卿之還漢匹此

錢公集卷十二

八十四明發書

一續國刊本

非遙今特改武定將軍印錫之璽書爾尙乘風破浪澄瀚漸之腥波躍馬關弓掃狼山之積霧使西京簪帶復見於都人東國威儀重歡於司隸分虎紐龜河山禾遠縱金鳴玉茅土非賒欽哉故勅

擬勅監軍兵備道

余聞賈誼上書願答中行之背終軍發憤欲纓南越之頭功未抒古語僅流今然而壯義抗聲猶光史冊豈若爾拔跡犬羊之羣先鹿城而窺足奮身戎馬之地指桐水以連衡左袒一呼風鶴助其聲唳渾身是膽飲博佐

其前籌加以家門被害廬舍無依馬識路以來歸燕傾巢而靡願方之古賢於今斯烈是用授爾監軍兵備道兼布政司參議錫爾聖書嗚呼滿地干戈生民愁苦馬文淵聚米爲山不聞山還作米陳張楚裂裳爲幟不聞幟反爲裳爾尙欲忠便醉類句踐之投醪噓氣成溫若鄒生之吹律漸兒儒生之經濟還看故國之威儀榮鏡千秋勦書三錫欽哉故勅

擬勅巡撫上游都察院右僉都御史

余因官人而知爾之能撫民也夫天下總總有若風草人情向背一日萬里意之所忻則槐栢一家情所乖反則糠粃堯舜竊名車以如馳假聲駟而其載有絲來矣近遭喪亂宦牒無憑署版日進爾飾筆式遏頽風軌訓巖俗簡鏡所歸人倫斯表被其意遇若狄公之藥籠矯乃風裁葑干木之紙尾僉于伏則嘉賢進嘉賢進則國祥昌慎斯道也何往不濟茲特命爾巡撫上游福建邵汀兼溫台等處提督軍務都察院右僉都御史爾尙愛良民苦善類也育芽煦萌鋤非種若敗類也攘苗屏孽兵則兵之必使馳風決雨民則民之務令弛柝捐鞞方

今虹見萍生野多與草穀乃不殖民何以秋爾尙試乃  
師干還我牛犢引見長年間民疾苦驅車所到如余親  
往咸知朝廷毋棄我民舉踵思慕戾夫垂涕虜中眇者  
願明痿者思步奔奔岌岌傾動城邑虜又誰與死守哉  
余又因撫民而知爾之能克敵也於釋思哉對揚休命  
往欽哉故勅

擬勅巡撫孫延齡

古中丞之職比於諸侯四境之內或懸耜在野越其國  
有黍稷則於撫臣是問或賢才攸伏俾莫適在王所  
則於撫臣是問其有不迪不吉顛越不恭殺越人於貨  
罔弗愍則亦於撫臣是問嗚呼寅哉寅哉余越鄙僻隅  
吾涉淵冰余惟往求攸濟余聞之古曰后降民害不惟  
民害害民乃非后惟其讐今新復縣邑暨未下旁側郊  
垌諸處胥爲民怨召敵仇不怠民心單率籲戚不其亂  
而天降滔德余多時溥愆悔曷追肆乃爾父勤勞我王  
家汝克有令聞亦惟不以我辟險於難余不掩爾善依  
爾籲懷茲新邑爾念茲其爲予旁求民獻番番良士尙  
克有之惟汝功乃其不率大戛好草竊奸究民罔生生

汝其率殺非余慙唯我皇祖汝其以余又民朝人寧人之保居嗚呼汝年少中丞哉允若茲畢桓於黎民般余則罔有戮命往欽哉故勅

擬勅監軍御史尤師魯

余惟醜虜內燹宗社蕩如中原有瞻顧之哀幽谷無遷喬之望向日我冠修劍或見辱於瓊鄉舊時繡轂朱旗罕能全乎漢節昔采石之師允文執旗而麾眾淝水之捷謝安賂墅而成功循覽前篇每用興歎古今相去天壤爲遙茲爾儒臣尤師魯坐朝不與侍宴無聞憫故國

錢忠介公集 卷十二

十一四明叢書  
續國朝本

之凌夷聽胡笳而淚下遂集義旅投袂前驅子房未逢黃石博浪虛雄中胥止有赤心泣秦徒血豈如爾亦手挽銀河洗濯大明日月精心繞斗極掃除旬始妖氛功邁前人聲高近代者哉茲特授爾監軍御史錫之璽書一應兵馬聽爾調遣一應糧餉聽爾權宜總以勦虜安民戰兵禁暴軍中之事余不中制爾尙長驅浙省則首尾之勢分直搗金陵則咽喉之路斷蚤清渭北之塵徐掃幕南之壘庸勳懋賞不靳于斯欽哉故勅

擬勅武靖伯蔡乃漢



余讀詩至還而歎齊俗之勇也讀春秋至齊桓公伐楚  
救邢而美齊人之義也蘇子有云臨淄之閒揮汗成雨  
人眾甲天下至田文矜食客招致天下喜遊子弟多在  
其中重氣節矜然諾豪俠爲天下先將軍用臨淄之健  
戶收田文之義客逐虜健於兩狼懲夷甚於荆楚琅琊  
解岱之閒重見洋洋大國風豈不偉哉茲特晉爾爲武  
靖伯錫爾璽書一切將吏兵馬聽爾調遣所至錢糧聽  
爾便宜料理其收復城邑隨才委署衣冠舊俗有不忘  
本朝保髮居貞者以禮聘請事平之日飛檄奏聞嗚呼

錢中丞公集

卷十二

十三四明叢書

約園刊本

泰山渤澥之閒其陰則齊其陽則魯魯之兗府爲余湯  
沐先王釣遊衣冠之地也將軍蚤掃除荆楚以待余歸  
闕里先聖人之遺猶有存者修仁義以易殘暴惟將軍  
是望若集水師由天津渡鴨綠搗奴巢穴則腹心壤招  
集上谷漁陽之眾還塹桑乾白馬之閒則奴之腰領絕  
從此東下咸我父老豈足煩鞭笞哉昔韓信破歷下以  
開基耿弇攻祝阿以發跡方今北道主人非將軍而誰  
傾耳好音還看露板欽哉故勅

擬勅曹大鎬

城虜奔固業已釜魚周賊鴟張公然嵎虎或託音乞降  
稽困師期或詭稱援兵脅散義旅遷延時日焦爛無期  
使吾百姓壯者死於鋒鏑老者死於溝壑幼者死於庖  
廚余甚痛焉前戢虜劉將軍肇震言先生帳下猛將如  
雲謀臣如雨摧鋒陷陣轉戰無前孤城斗絕便可一聲  
喝下百姓聞者皆延頸企踵謂曹兵遠來吾骨復肉戢  
虜行已踰月首路無聞虛遠近望失士民心茲再遣官  
敦趣望先生乘馬先驅敍甲就道先清腹心之寇徐救  
湯火之民然後分道出師長驅雲朔一尉侯於東西合

錢忠介公集 卷十二

十三 四明叢書  
約園刊本

車書於南北先生之功豈不偉哉昔漢高與項羽□□  
□□猶須彭越之來光武與王郎相守邯鄲喜得景丹  
之至余望先生不殊於此欽哉故勅

錢忠介公集卷十二

錢忠介公集卷十三

契家後學全祖望編次

縣後學張壽鏞校補

南征集三

疏

有權乃可集事疏

兵部尚書錢肅樂謹疏爲有權乃可集事敬遵明命有志乃可乘權請申臣說臣不忍言辭臣不知所任謹備瀝苦衷仰祈聖鑒事竊臣自舟山違離君父竄避棲山

錢忠介公集 卷十三

一四明散書

約圖刊本

罪愆莫贖子犯有云臣猶知之而况君乎昨臣陛見主上荷蒙聖慈曲垂矜宥賜坐賜茶天顏霽靄宛如家人父子臣感極涕零不知所報退復見建國藩臣鄭彩始知其力辭樞篆舉臣自代藩臣不知臣不肯謬相推許臣今日不言他日誤主上撻伐之師爲罪非細願今何時乎主上焦勞辦上一年所矣建國破家立事宵旰經營文臣止熊汝霖孫延齡二人蹇蹇匪躬不遑啓處臣獨何人尙思高臥臣之所謂不忍言辭者此也願主上待臣猶家人父子也臣敢以家人父子之情告臣六載

外吏從未一日立朝一切部中事體茫然未知責以擔當不有失體之咎必有稽誤之愆况樞務殷重必得一良司官庶可奉行無失今司官誰人乎臣所知者目前不可得臣不知者又不敢以謬舉臣蚤不言後將無及又臣既任中樞當朝夕左右萬無主上在舟而臣在陸之理今舟楫於何取給臣自流離以來止一小僕隨身今司部務履奏移會厥務繁多須得一二書役臣素性硜執斷不令若輩有所私請一概書掾廩食之費又於何取給臣雖欲苟且拜受正如茫茫大澗未知何從下手此臣所謂不知所任者也主上面諭臣云有權乃可集事大哉王言敢不佩服然臣以爲朝廷所以奔走天下者在乎權臣子所以報效朝廷者存乎志竊觀古來君臣相遇莫貴於使臣子得行其志臣中崇禎丁丑進士執性癡愚不慕榮進爾時便欲拂衣高蹈身遭亂離發憤起義飄泊至此豈其尙戀一官反違初志今日無人臣不敢辭他日恢復福京羣賢畢集臣當求遂初志臣欲於官銜書原任都察院副都御史今暫署兵部事可乎兵部之設所以統理羣帥歸其權於朝廷所謂

禮樂征伐自天子出也今雖未能盡復祖宗之法猶須  
稍存其意臣欲申明約束使臣得行其法不相凌辱可  
乎臣才識寡昧性又迂緩兼之多病稍加勞苦則血疾  
大作臣於一切會兵勦賊一切機密軍務斷不敢遲緩  
以誤公事至於各處題覆可稍緩者不能概從迫速臣  
在江上見各處題敘部覆稍遲便多怨詈或疑其私有  
厚薄否則便詆爲要挾索賄乞主上寬假病臣明諭諸  
將弗以爲罪可乎臣見國家多難以來大帥往往掩敗  
爲功飾長覆短以致國事敗壞臣在江干見王之仁報

捷諸疏傷惡習之未改也今漚上諸臣皆純忠純勇萬  
萬無此臣願爲未然之防交進藥言大家持勿欺兩字  
事我主上可乎兵部例得設標兵今無錢糧亦何從設  
然臣在化南地方有感臣忠義願攜資來投者或願要  
奪虜官家財以充餉者臣不之禁大約相聚可得百餘  
人臣亦不敢私以自衛藩臣入關當驅臣兵爲先鋒以  
當虜乞主上明諭各標將能稍存部臣體面一切爭兵  
併船不相加遺以爲朝廷羞可乎臣見敘功之舉往往  
及官而不及兵夫兵亦有勇敢當先以一人而殺數人

者一概抹殺誰肯致死臣願立法凡兵有能殺虜首數級奪虜馬一匹者兵得竟授守把等官乞主上明諭諸將於敘功時各持公道勿以所愛而私入勿以所惡而私出勿以兵士下流置而勿道可乎繇前所言任事之難難之淺者繇後所言任事之難所關非獨臣身亦係國體乞主上下臣此疏令廷臣詳加斟酌如使臣得行其志臣雖萬分庸劣萬分衰困敢不自勉若猶是人可亦可人否亦否終日止爲人題敘給劑而已無論非臣所以自慮恐亦非主上所以用臣之初意矣臣寧辭而

錢忠介公集

卷十三

四四明叢書

一約園刊本

得罪於今日又不敢不辭而重罪於他日謹瀝血陳情乞主上鑒臣愚悃臣無任激切待命之至

奉勅旨覽先生奏辭任兩難字字皆血大臣不得行志朝廷倚任謂何建國虛公各營有制無不交成之理先生但一力整頓自有可觀執憲秉樞原不相下署之一字亦覺無庸餘俱移會建國公酌議申飭該

部知道

### 第一急著疏

疏爲誼無可辭身將受事謹陳第一急著乞主上大加

整頓事竊臣惟易之離象曰明兩作書之康誥曰作新民要知日月得天而久照其道在作王者繼天而撫世其道亦在作況當乾坤傾圮日月薄蝕之時乎齊宣王好勇孟子告以一怒安天下太史公曰發憤爲天下雄安在無土不王今主上用澠水爲金湯以舟楫爲宮殿陵寢不得瞻拜荆棘不得掃除狐兔縱橫乎道左衣冠寥落乎班聯此亦主上明作有爲赫怒發憤之日矣臣以爲今日宜擇吉日除地爲壇備牲醴會集諸大帥主上登壇誓師身出玉聲涕泣慰勞其誰不感激者盟歃

之後隆禮建國命之總統元戎之任夫諸鎮之有異同也辟如鄰舍兒互相爭論猜嫌便起若一父之子或有詬誶稍以家法整齊之帖然齊矣古者九國合縱以攻秦連雞不俱棲識者已知其失算郭汾陽九節度之師亦咸取敗主上亦云江上之師不能成功病在不歸於一古語曰前事之不忘後事之師也則今日委任責成其可緩乎其次則莫如選擇將帥夫平夷闔安蕩胡諸鎮此建國之左右手此皆天生忠義同心一志不煩選擇而定者其他如偏裨以下或忠有餘而勇不足或力

有餘而膽不足令其本將自相差次分別選擇以聞古  
人有言曰將受命之日則忘其家援枹鼓之急則忘其  
身今海上諸將業已無家豈其愛身然臣之愚見反欲  
諸將重視身家蓋諸將有家然後主上有國諸將有身  
然後主上有體聯而爲一合不可分者也公孫杵曰告  
程嬰曰死易立孤難今諸將業爲其難當於死中求生  
豈可草草做去但曰濟則君靈不濟則以死繼哉或以  
爲諸人同事已久恐難一時易置則臣願簡別諸偏裨  
令敢勇有爲者將多兵爲先鋒而使稍次者殿後焉其  
可乎其次則莫如編定什伍今日而曰練兵時日迫矣  
不可幾矣然什伍之法所以約束士卒使進退有程而  
後軍法可行也若使雜然而進雜然而退而可以得志  
則是太公之法已糟粕而孫子之書可一炬也今旣選  
擇偏裨則偏裨亦自愛不肯孟浪一戰亦必選於眾人  
之中某可爲哨官某可爲隊長某可爲什長某可爲伍  
長然後什以什之伍以伍之此數日之間而可定者若  
曰此迂闊或則曰煩擾難行則臣恐雜然而進雜然而  
退賞罰不信號令不嚴勇健者鬪死於前怯懦者退走



於後未必可以得志幸而得志則可萬一不得志茫茫  
滄海將安究竟豈不辜負諸臣兩載抱冰履薪之苦勞  
哉臣一片癡腸罔識忌諱謹因受事之始謬陳一得之  
愚乞主上下臣此疏會建國與閣臣詳加看議如以爲  
可乞蚤賜睿裁

奉旨號令不一選練不精是今日受病根本先生所  
奏隆禮建國選擇將帥編定什伍宜作速舉行卽望  
受事竝觀整頓該部知道

再陳急著疏

錢忠介公集 卷十三

七四明廣書

約園刊本

疏爲再陳急著乞主上著實舉行事臣自聞命以來思  
所以不負主上任臣之意莫如恢復欲恢復莫如練兵  
然而練兵非旦夕之事也言此於今日不笑其狂則病  
其迂矣臣思一簡易可行之法敢續陳之主上旣允臣  
前疏所言委建國臣總統元戎之任則兵出於一矣主  
上復命建國合挑各營之兵選其勇健敢戰者多或千  
少或五百人主上請自今伊始一切封拜掛印暫行停  
止特懸一斗大之印令於眾曰有能將建國所挑之兵  
爲先鋒破虜立功者不論守把等官徑行超級卽與掛

印如此則奇傑有爲之人出矣夫易破者莫如今日之虜難破者亦莫如今日之虜何以言之虜勢孤援寡離析爲三首尾不能自救此天亡之日也故易破也然虜知其進無可據退無可活則必致死以與我戰故難破者亦莫如今日我兵知其勢弱則易生玩故宜選一銳卒以持重行之我兵知其致死又易生長又宜選一銳士以敢死當之部署既定然後分布告示除當陣格鬪必死無赦外其餘脅從聽其解散勿予窮追此間之虜半是本地奸民依附若望風解甲彼將誰與致死哉臣

曉夜思維竊以爲有當於恢復實著敢亟爲主上陳之奉旨選銳進攻勦虜要著衝鋒掛印循格卽非練必數月可幾挑則數日了事大舉在卽該部移會建國速議行

三陳急著疏

疏爲三陳急著乞主上明勅諸臣著實舉行事臣前上選將帥編什伍一疏繼又上合營挑選一疏並奉俞旨然而議者或曰各藩以各人之錢糧養各人之兵馬其勢必不能合之使一不能歸一則合挑之法亦不可行

也臣不得已再陳其說曰請自今毋言合挑而令各藩自挑其兵可乎各藩自建國以下其六大營每營挑五百人少或三百人主上賜與之恩原目不吝則懸六印於此曰有能將本營所挑之兵破虜立功者不論守把等官各佩將軍印如此尙可耶否耶臣以爲不選兵而冀倖萬一或有之事其不可有十虜兵雖衰彼見我三五百人乘城而敢以三五騎來衝者有輕我之心也若率此不變虜數輕我則彼雖一二百人猶將堅守以待援我難得志其不可一也我師之在海上已一年矣各

將士辛苦暴露遠父母棄妻子日夜望咫尺之功久而不圖人心日弛所謂操刀不割失利之期其不可二也義師之勢盛而氣亦易衰虜斂兵壁險久而不出久則生懈久則生變事之常也而我又無精銳之師可以爲義兵倚仗者萬一虜乘其懈而薄之鮮有幸矣其不可三也人心思漢到處皆然而八閩爲第一主上上爲皇天子下爲黎庶父母赤子念祖宗恩澤忘身破家至此主上可不思所以保全之乎其不可四也臣與諸藩臣語及錢糧無不攢眉相向今日已如此他日更何如若

欲速戰驅不任戰之人而徒膏草野仁者所不忍若曰  
遷延我不爲他人有爲之者再遲數月海上錢糧於何  
取給其不可五也又且釘油蔴灰一切修船器具俱無  
從取給豈惟師老船亦將老其不可六也或曰義兵四  
起我假義兵之力取福清取長樂則糧道已絕福州之  
虜可不攻自破其說是也夫以義兵取之能以義兵守  
之乎卽能使義兵守福州能使義兵守關隘乎關隘不  
守而福州能晏然乎其不可七也夫恢復之事與開創  
等必有天下之全局而後可以爭天下今志在於復幽

燕然後可以復金陵然後可以復福州若志在於復福  
州而已則雖有福州而不能守也今諸臣胸中各有恢  
復兩京之志然不選練兵馬而欲出江右出浙江四出  
以爭中原之土其將能乎其不可八也或又曰我以義  
兵之力取福州則四方嚮應江浙之間自有殺虜起義  
者則臣又有隱憂於此萬一強將大兵之中各擁一宗  
藩以號召天下恐江上閩浙之議又從茲而起非得精  
兵勁卒亦不足以自固其不可九也且夫天下未定豪  
傑並起惟擇強者而聽命焉及今不蚤爲計雖同爲大

明他日將有坐而自弱之勢其不可十也臣雖書生不足  
以知天下事願主上任臣以來曉夜思維涕泣橫流不  
忍不竭其愚衷乞主上將臣此疏字字披覽仍布告  
諸臣大家商酌著實舉行臣言盡於此矣臣不勝涕泣  
待命之至

奉旨挑選法行各營盡合爲一方便調度此著萬不  
可緩所陳十不可尤是和盤託出該部移會建國速  
議行

### 責言成信疏

錢忠介公集 卷十三

十二四明鐵書

約園刊本

疏爲謹因受事之始再陳敬慎之衷乞主上留置御前  
責言成信事臣自幼讀書認真勿欺二字事君交友恆  
必繇之故鄉里多笑臣爲迂今雖喪亂馬覆車奔勿敢  
失墜此臣清夜自盟可不必告之君父者然臣學問未  
融編更難化清畏人不知謗慮人多口敢縷述一二用  
塵睿覽禮曰先資其言拜自獻其身以成其信是亦先  
資成信之意也

一論功之典止據藩鎮臣題敘臣部不敢阿徇以滋罪  
戾其有遠來慕義或應授官以廣招徠臣當與閣臣及

建國藩公同商權應題則題臣斷不敢私題一人以開  
倖竇

一 本部例得給劄然其端一啓流不可止臣請自今以  
後應給劄鼓舞者必具題請旨而行臣部斷不敢私給  
一劄

一 臣未受事之前薪水之資盡得之知交餽遺蓋朋友  
有通財之誼交道接禮孔子受之聖賢之訓也今臣既  
受事後則一絲一粟皆是賄賂臣毅然屏絕況近日建  
國公知臣窮困餽臣二十四金臣付之妻孥可支十月

錢忠介公集 卷十三

十三四明叢書

一約圖刊本

終旬此後若有飢寒臣當明告主上若私題一官私給  
一劄以官爵御窮則斷不敢

一 忘人之恩非長者以國家官爵報私恩非忠臣臣自  
流離以來幾於朝不謀夕閩人好義每多善友知臣行  
李蕭然厚相賙恤此等臣皆欲於恢復之日以謝知己  
若在今日用人須當其才用才必求其效不敢橫私恩  
二字於胸中此臣所以忠主上之職分也區區此心天  
日是矢謹先縷述存之御前他日臣有負言願主上以  
此責之人或謗臣願主上以此謝之蓋主上以家人父

子之情待臣臣亦以家人父子之情告主上此也

奉旨先生清操雅望遐邇皆知覽奏彌見敬慎然亦止須信心行之用人集事總爲國家豈必慮茲多口需以異日拜獻先賢他人則爾先生不言余自有以信先生也

特舉實心任事之臣疏

疏爲特舉實心任事之臣乞主上並進五等之封以酬前功以鼓後效事臣聞封爵之典先王所以大公天下也一以成功爲斷若咸厥功則亦合咸厥賞夫然故功

錄忠介公集 卷十三

十三四明疏書

約圖刊本

賞當而天下大服臣觀鎮臣鄧良藩先朝舊臣歷任南都清聲惠政所在有聞今遭國變移家澥上則與諸臣同受風波之苦集卒備舟則與諸臣同受拮据之艱翼衛王躬則又與諸臣同著心膂之誼此成效之可覩者也況近日聯絡義旅圍困福清勞勩難混以臣愚見似應比照蕩胡平夷並得晉封雖良藩懃懃懇懇志在立功報主必不以封爵未加有噉進取然而主上公博之仁又豈可獨遺一良藩哉臣又見近日義師首領如玉鳳儀輩皆以義師未有統領難於安頓意欲給劄稍予

以權臣愚以爲此輩若概絕之則無以鼓舞任事之氣  
若概許之又恐墮奸人之計將血戰者不得尺寸賞而  
游談輩借起義之名以邀官爵者不可勝道矣臣以爲  
莫如卽令鄧良藩將其所聯絡義師爲陸地一隊此間  
義兵大抵鄉社臣前避難鄉閭見鄉民畏社長之法甚  
于軍令并令良藩疏其所聯絡義兵某社某社社長某  
人或其中有驍勇有才須給劄鼓勵者具疏題請如此  
則實實起義之人得荷恩榮彌深感奮而一切游談之  
徒無所容其假託矣臣一片癡腸於良藩無所私乞主  
望裁擇施行

錢忠介公集

卷十三

十四四明叢書

約圖刊本

上下臣此疏令建國公與閣臣公同商權如以爲可立  
奉旨鄧將軍良藩扈蹕起義勞苦功多循例晉封猥  
不爲過但貞臣原不責報予與征虜不比泛常俟福  
清既下方議頒爵義師給劄聽該部酌行

別選賢能疏

疏爲臣血雖止臣病日深謹再瀝苦情伏乞睿慈憐允  
別選賢能以毋誤恢勦大事事臣自長至日辭朝出關  
吐血至初五日纔止自此以後雖不欲食每食必強餐



雖不能行每日必強步亦望稍稍平和得人關懷職也  
不謂邇來徹夜咳嗽徧地痰涎心火不能自主乃移宿  
於肺而爲祟未食思食比食則不能下咽未寢思寢臨  
寢便不能成寐種種病狀難以殫述臣門有傳疾家罕  
壽人臣先母以嘔血死臣先兄以嘔血死臣患此症亦  
已二十餘年但所苦止是吐血血止之後便無他恙今  
怪證橫出不異母兄病革之時臣生帶薄相正逢主上  
恢復之日便有溝壑之虞此臣所以撫枕追牀涕泗橫  
流者也伏念孔子有云死生有命數定於天何容悲戚

錢忠介公集

卷十三

十五四明叢書

約圖刊本

但以奄奄待盡之身誤朝廷征討之事死目難瞑此所  
以叩首泣血願主上別委賢能以弗誤國家大事者也  
臣今移臥榻於堂前使遠近來者皆得見臣憔悴之狀  
聞臣咳嗽之聲可弗疑臣別有私心託病謝事況主上  
深恩如天如地不可名狀臣何忍卸擔辜負隆恩不料  
惡疾來纏不可勉強臣所以展轉思維不能不恨恨也  
今新閣臣馬思理既出則閣務稍分似亦可允臣前疏  
所請令熊閣臣暫攝樞篆不然則部臣沈宸荃聞其卽  
日趨朝此人忠勇膽識皆萬倍於臣前閣臣見臣病狀

亦面許相代則去一病臣而得一能臣諒亦主上所磨  
庶許可者也乞主上於此二臣中欽定一人則恢勦可  
以弗誤矣臣前初出時連江諸縣尙爲虜守臣此時尙  
不避難今主上威靈遐布建國聲望覃敷福省指日可  
下臣稍遲迴即不敢再邀恩典亦可附名史冊圖傳不  
朽而臣甘棄垂成之功自蹈枯槁之轍臣雖至愚當不  
爲此倘蒙主上憐臣諒臣特賜聽許臣從此獲沒於地  
得爲逍遙無累之鬼鼠肝蟲臂固可聽之萬一得邀主  
上洪覆未卽先朝露尙當扶支離之骨向主上乞一別

錢忠介公集

卷十三

十六四明叢書

約園刊本

部自效如刑工之類俾臣短才可以藏拙病體可以養  
閒朝夕追隨諸大老之閒與聞末議苟非主上定鼎有  
地侍從多員臣亦斷不敢向主上乞鑑湖一曲也

謹報入關日期疏

疏爲謹報入關日期恭慰睿懷事竊臣於諸臣中最爲  
庸劣過蒙主眷不敢不竭駑鈍勉效馳驅勞憤兼迫略  
血過多尙贏餘生不堪承任大事屢疏控辭未荷俞允  
顧臣所以控辭者非敢惜死也以死而有濟是謂死賢  
於生死而無濟是謂徒死徒死溝瀆之流也聖賢恥之

臣今名爲兵部而各藩鎮將吏之名臣不得而知各處兵馬之數臣不得而知近且封拜掛印諸大典皆徑奉明旨不由部覆唯生員守把諸人上疏乞官則令臣部察覆如此而欲臣竭其病骨爲若輩死是不可惜乎非徒然也福清之虜日就鴟張而臣無堵截之方福清之民日就屠戮而臣無挽回之法如此而猶曰兵部兵部是不可以已乎如此而竭其病骨爲覆奏嘔血而死天下之人弗惜之也而唾罵之矣此臣再三控辭之本懷也今主上不以臣不肖自臣得病以來賜藥者一遣官賜問者一遣官趣召者再主上之恩如天如地臣若再棲遲不出是於庸碌無補之中又添一重罪之案臣之所不敢也謹擬廿五日力疾入關緣欲製備一二藥味故須遲之廿五也臣今日而後惟有主上恭聽驅遣卽死於舟中臣不惜也更願主上出臣此疏存爲公案使臣死之日千秋萬世少有諒臣心者則臣萬萬無悔矣謹瀝血具陳臣無任激切待命之至

再陳練兵殺虜疏

疏爲再陳練兵殺虜乞留臣言以質千古事臣聞恢復

之事與開創同開創之君與其臣下馳驅戎馬之中握手若等夷及其功德日盛物望咸歸雖有奇才異謀不敢不俯首推戴此則淮陰侯所謂天授非人力馬伏波所謂帝王自有真也臣詳稽往牒中興之后惟夏少康漢光武可名爲恢復若晉元帝宋高宗只名爲保守不得爲恢復何者有窮弑相明遷夏社王莽擅朝陰移漢祚少康光武不階尺土祀夏興劉不失舊物此則二君恢復之明驗也琅琊渡江衣冠無恙苻堅負恃其眾飲馬長江淝水挫兵警情風鶴其時君臣上下狃於苟安

雖祖述誓清中原劉琨志梟淵勒終於齎志沒地高宗南渡兀朮亦遂長驅犯浙其時金人兵力不能經略江南委之而去而宋之君臣上下亦狃於苟安雖宗澤表還舊都岳飛期飲黃龍終亦齎志沒地此則二君不能恢復之明驗也繇此言之能恢復與不能恢復繇於能用兵與不能用兵也已事可知矣臣竊論天下大勢譬之於人形蹶者其生易復神旣者其氣難回如周家卜曆雖云八百河陽之狩縞葛之戰已非臣子所忍言而其中復有子頽子帶自相殘賊致天王自削其勢以高

諸侯之名延至赧王有逃債之臺被竊鈇之言膏燭燈  
殘奄奄而盡司馬亂始於八王禍烈於五胡懷愍之辱  
慘不忍言延至江表內有蘇峻王敦桓玄之難外有孫  
恩盧循之寇羣賢戮力僅而不亡亦復膏燭燈殘奄奄  
而盡宋徽欽之禍略與懷愍同迤至南渡西湖之歌吹  
暮樂朝娛亂賊之肺肝日新月盛循至匡山亦復膏燭  
燈殘奄奄而盡我國家今日時勢易於晉宋而難於夏  
漢何則太祖高皇帝驅逐胡元功德在商周之上非典  
午篡魏趙宋欺孤者比也毋論列聖相承深仁厚澤不  
可弭忘卽先帝英明強毅之氣猶閃閃在人耳目間不  
幸流寇之後繼以醜虜風捲雲除一朝掃地正如強梁  
之人忽中危疾蹶然顛仆苟導其脈絡理其血氣徐徐  
而斟酌之便可復故此臣所謂易於晉宋者此也夏漢  
之衰奸臣在朝忽焉中圯史臣所謂危自上起傷不及  
下者其言是矣我國家中葉上固受其危下亦未免見  
其傷往者遼事起而有遼餉臣讀詔書曰暫累吾民一  
年已而爲定額矣及勦流寇復有勦餉詔書如前已而  
又爲定額矣往者楊嗣昌請抽練九邊之兵以制奴滅

寇書復如前已而又爲定額矣加以催科之令毒於猛  
虎擣虜之吏剝民媚官民間思亂已非一日繇是言之  
傷不旣多乎然此猶正額也前年起義方國安王之仁  
日吸紹興民間之膏血而空之張國柱王鳴謙日吸寧  
波民間之膏血而空之谷文光朱嘗接李礎日吸天台  
民間之膏血而空之一時有此三空者傷不已甚乎今  
其餘毒猶未盡改此臣所謂難於夏漢者此也主上毅  
然恢復欲爲少康光武不屑爲晉元宋高然臣以爲能  
練兵殺虜則能爲夏漢否則且不得爲晉宋主上憫斯  
民之塗炭下明詔發德音然臣以爲能練兵則能安民  
否則詔書且爲具文矣臣請言其大略可乎方今人盡  
知建國忠義盡仰建國威望拜爲大將固宜主上若用  
臣前日之言調集各兵聽建國閱視精者留之羸者汰  
之分立十大營或五大營肅之以王命申之以盟誓勸  
之以山河忱之以斧鉞營將統於大帥偏裨統於營將  
哨隊統於偏裨什伍統於哨隊兵統於什伍雖千軍萬  
馬可使如一人然後成陣而出銃砲在前長戟在後正  
兵居中奇兵分翼出奇制勝卽八閩略定未可知也且

營制既定毋論兵不敢橫溢旁出爲崇民間彼爲將者  
封賞可忻軍法可畏彼日夜思所以拜爵免罪之不暇  
又何暇掠婦女辱衣冠鳴鑼喧赫犯民間之草木哉臣  
所謂能練兵卽能安民者此也臣今日亦知兵從何處  
練卽臣今日所言亦具文也臣明知具文而不敢不言  
者竊念國家養士三百年一旦禍患平日所稱爲豪傑  
者皆覩顏臣虜且爲虜謀則忠爲明謀則拙或乃保藏  
山林恐不深密使臣以庸愚無用之人忝竊大位受國  
厚恩敢竭愚腹以公質千秋萬世毋使人謂臣身其位  
不能行其事如醉如癡付國家大事於不論不議之閒  
也則臣死亦瞑目矣

薦劉吳二臣疏

疏爲請勅召端方有品之臣以壯朝廷神氣事臣惟賢  
才所在折衝萬里今澣上初立朝廷班聯寥落望而色  
沮故宜前途無崩角之勢醜虜無兇喙之日也方今賢  
人君子保全髮膚遁跡草野者固多其人臣未能徧識  
據臣所知則有甲戌進士劉沂春聞隆武皇上加太僕  
寺卿後又加都察院銜皆未嘗拜受此虜入境誓不薙

髮所居止一小樓妻子罕得見其面沂春筮仕茗中虜  
官閔度馮欽明持書來招沂春不發一書遺其子應之  
曰年老耳目已廢手足俱孿無所用此虜竟不能屈其  
抗節不辱有如此者又臣丙子房師甲戌進士吳鍾巒  
以粵西司理入覲隆武轉儀部郎又升粵東糧道以虜  
變不行避難城頭初入粵西時以流賊報急遣還家眷  
單車就道家信不通者已四年矣獨與僮僕數人起居  
著書自樂僮僕不堪其苦勸令薙髮歸去鍾巒笑曰吾  
見城中薙髮人如雞豕圍亦何可與其生活耶卒不  
去其三子福之以生員起義隨吳易於太湖有自湖中  
來者言其被執鍾巒大快曰此是可見其方直自持彌  
苦彌厲有如此者斯二臣者所謂太平之麟鳳亂世之  
松柏也伏乞主上特勅召二臣或司出納或司風紀必  
有以壯朝廷之氣而生樽俎之光如果臣言不謬立望  
聖慈採擇施行

奉旨中興恢復首在得人覽奏劉沂春吳鍾巒二臣  
抗節不屈足稱碩果劉沂春起都察院右副都御史吳  
鍾巒起通政司專勅敦趨竝光鼎鉉該部知道



辭銜疏

疏爲微臣辭銜不辭職懇乞睿慈垂鑒特允所請以安愚分以謝人言事今天下何等時乎爲臣子者只有練兵殺虜四字餘外皆閒事也臣手不能執戟胸不能運籌妻子流離不能助餉唯見人之能練兵殺虜者則跪之拜之鼓舞而稱道之臣本壞也主上初至琅琦不以臣不肖謬任中樞臣爾時連上三疏大概主於練兵殺虜雖奉俞旨而竟不行臣亦意奉主上威靈福京旦暮可下臣得保犬馬餘齒向山林邱壑閒大署其號曰人

錢忠介公集

卷十三

三四明發書

約圖刊本

臣願足矣毋論尙書尊秩萬不敢當卽郎吏末曹亦不敢任不意遷延三月叨冒日久終日皇皇不知所忙者何事捫心自想堪憐堪笑臣竊見近日上疏求官每日以十數此等皆庸流無足與論天下事向使諸葛孔明未出山時自上一疏曰乞假臣以微職乞假臣以重權未知劉先主視此爲何如人尙足與建三分之業否耶臣秉性拘執於此輩多所裁抑將來未免怨恨萬一指臣而笑曰爾何才爾何功而偃然此坐也則臣啞口無言以應矣昔桓宣武窺司馬門曰此中無人臣恐有識

來窺必有無人之請願退避旁側以謝人言臣今請以兵部侍郎署尙書事於樞務總無廢負乞主上特垂聽允如明旨不許臣亦只書兵部侍郎署尙書事之銜非敢抗違明旨實欲少全素尙不至冒濫一時貽笑千古伏乞睿慈察宥臣無任惶悚待命之至

請立史官疏

疏爲請立史官紀載德音以垂不朽事臣竊惟古有左右二史左史紀言右史紀動每視朝則史官立於螭頭簪筆紀注故人君一言一動不敢苟且本朝史官雖設

而紀注之職蔑如所謂實錄大抵綴拾邸報甚於言動之微多所遺忽其餘侍從之員或有紀載或有私史踳駁難行故史職不修莫本朝爲甚臣以爲有一日朝廷便須有一日史官史官者所以扶微善杜隱慝留日月於千載者也近者主上遣使訪求隆武與臣等商議將爲弘光先帝發喪此皆主上身出玉聲非臣等所能參贊末議又主上語臣曰長樂知縣鄭以佳恁是清苦近不迎春亦是小過既有科臣疏參且與降一級少消息之便與前雪臣以爲主上垂念外吏至此宜使外吏無

不墮膽抽肝以報主上之知遇也此三者皆係經國之  
謨體臣之誼是宜紀載以傳不朽方今班聯濟濟詞臣  
亦有其人乞主上擇品行端方文章爾雅者設立二員  
做古左右史之職隨日紀載庶堯言臚布眾聽樂聞反  
側之子咸投戈而慶明主之出或未必非鼓舞人心光  
贊中興之一助也

再乞放閒疏

疏爲臣死不敢徒臣出總無濟謹再瀝血情懇乞睿慈  
特允放閒以全衰命事臣竊攷祖宗定制設立六曹循

名責實各有司存如臣部主兵謂之中樞言其命將出  
師如戶之樞運動開闔罔不由之非如宰相佐天子理  
陰陽其任無所不統也臣不言兵所司何事昔人有好  
古碑者後得一碑字漫滅無一可識旁觀者謂曰此名  
何碑其人無以應旁觀者笑曰吾知之矣此名沒字碑  
臣不言兵當亦名沒字部臣言及此不幾令千古絕倒  
乎臣以劇病出關再三懇辭印務復蒙溫旨慰勉令臣  
力疾視事臣敢不遵但臣以爲今日軍機所繫安危呼  
吸介臣一身臣何惜犬馬餘年不以上慰君父而臣自

受事以來業四閱月外而兵馬之數臣不知也調遣之期臣不知也上功幕府各將姓名惟建國平夷兩藩略知梗概其餘茫然未知其人官爵何等臣終日所司惟覆疏給劄近且欽劄盛行亦不復更須部劄則闕外視臣一藐小豎子耳內而封拜掛印大事皆取自睿裁徑奉明旨不下部議臣不得與聞惟生員上疏乞官渺小瑣屑之事乃下部覆使千秋萬世謂兵部尙書所司如此不亦可羞可恥之甚哉臣前未病時猶能代作勅書臣雖不肖頗欲嘔強文字之閒每稿成便與同人語曰吾爲兵部尙書不足爲閣下中書頗有餘今以病故并此都廢欲臣僅以渺小瑣屑之事力疾奔趨畢命其中毋論臣死不甘卽主上亦豈忍爲此等閒事困臣至此哉此臣所以咨嗟太息感激高厚欲歸死於聖明之前而又未敢卽死者蓋爲此也伏乞睿慈特允放閒俾臣得少留殘喘見主上中興大事臣死有餘榮矣

辭入閣疏

疏爲微臣辭受兩難捫心自苦謹再剖愚誠懇乞睿慈詳鑒事本月廿六日又奉上傳一道云云欽此敬遵竊

臣自幼讀書至角弓之篇見受爵不讓至於已斯亡未嘗不歎冒昧苟且之人既以病國兼復喪身又讀晉臣羊祜辭表有云違命誠忤君恩曲從卽復若此夫羊祜身在襄陽有惠澤於民贊謀伐吳有大功於國猶復云爾臣獨何人躡躋大位將蹈晉臣曲從之愆犯詩人斯亡之戒且臣無才無德澥內共知不過賦性崛強不肯降虜清夜自許止此八字卽臣前受樞部非臣力能辦此也且戮力澥上止熊閣臣一人臣爾時勉慕忠義不忍言辭臣近日賦詩有云明知忠義難且以身嘗試則臣心可知矣今驟然閣下亦復何謂臣身已矣恐流傳遠邇驚此聲論有識者將爲朝廷惜此舉動也臣所苦者兵部一篆業奉旨令部臣沈宸荃管理臣不受閣命而朝夕部事握篆不送不知者將謂臣據兵部可以要利否則謂可以樹威是臣進則有冒恩之嫌退復有違命之罪此臣之所大懼也臣將欲不受閣銜并辭樞篆脫身事外豈不暇逸而主上且目臣爲推諉同列或疑臣爲觀望尤臣之所不敢也萬不得已從主上乞一別部自效俾臣跼蹐之中別有天地而樞部得人又可迅

速恢勲臣之大榮莫過於此臣聞仲尼有言匹夫不可  
奪志臣雖愚蒙志守一介福省未下臣誓不再進一官  
乞主上勿奪臣所守君臣相成尤爲千古美談也臣無  
任惶恐待命之至

奉旨覽先生三疏情辭愈懇前不辭樞衙今獨辭閣  
衙均之解上戮力斷宜惟命是從況樞象早已有人  
如先生在樞辭閣則沈先生亦必因閣辭樞今日何  
日作此謙讓幸卽刻入直慰余倚望該衙門知道

申明辭閣緣繇疏

錢忠介公集 卷十三

二天 四明叢書

訂園刊本

疏爲申明前不辭樞衙今獨辭閣緣繇乞睿慈詳鑒必求  
情允事臣三上辭衙疏本月廿六日奉旨云云欽此欽  
遵臣豈敢故違明旨屢瀆天聽但樞閣異務今昔異勢  
辭受異情有不容不剖明者臣聞事君軍旅不避難主  
上命臣以樞部軍旅之事臣雖未習敢不自勉是臣之  
不敢言辭者也主上初至鎮口熊閣臣辦閣事臣司樞  
事相對二人更何容諉若有三人臣亦辭之矣且臣豈  
獨樞篆不辭當駕在關外科臣舟在關內一切紅本盡  
下臣部科鈔之事臣亦兼之臣不辭也熊閣臣以人言

謝事一切稟事臣亦權之臣不辭也臣初出時職方無人職方之篆亦臣掌握臣不辭也詞林未設視草無人一切詔諭勅書皆出臣手臣不辭也何以不辭無人故也是臣之不可言辭者也樞部雖爲叨冒然臣在舟山已蒙主上授吏部兼戶部之銜此番改授猶爲平調是又臣可以不辭者也臣在解上久目覩情形又居閒無事追思江上義兵致敗之繇頗得要領意欲候主上駕至打成局面爲一鼓下城之策愚忠自獻癡心不死是又臣之不欲言辭者也今入閣矣無軍旅之寄矣臣雖

錢忠介公集 卷十三

二十九 國朝明徵書 新國刊本

辭之無避難之罪昔不敢言辭而今敢辭矣今日班聯濟濟名碩在望部臣沈宸荃新受樞命不敢再請其餘若部臣劉沂春吳鍾巒學識沈凝有李文靖之風裁而加以劉文饒之寬厚所謂正己物正斯其人也坐糜席之地不忠無人昔不可以言辭而今可以辭矣臣從樞部進而東閣是謂陞遷夫朝廷遷官必以功績試問臣八月樞部曾爲國家展一分疆土否曾爲百姓救一分死亡否前雖無功猶未有罪一官平調猶未凌越今以戴罪之身處亢極之地人惡其上鬼忌其盈臣恐壽命

亦將不保昔不可言辭而今不可不辭矣連上五疏終成畫餅文柔無用略見于斯優游歲月容頭過身昔不欲言辭而今欲言辭矣臣自拜命以來屢請主上慎惜名器東閣非名器乎孔子有云躬自厚而薄責於人則遠怨矣臣於他人頗能裁抑獨至臣身冒濫不禁躬自怨而苛責人大下其謂臣何又況各藩將士卒辛苦暴露臣未有慰安之而先躓躓六位恐行聞亦未免稍有挫阻矣謹將前不辭樞今日辭閣苦情 剖白若臣分義可安虛辭謙讓主上如天如父母或能寬其斧鉞

錢忠介公集 卷十三

十四 明徵書

約園川本

二祖列宗冥冥之中亦必陰矚臣魄矣臣無任云云

### 恭承嚴命疏

疏爲恭承嚴命不敢再辭謹陳二說懇乞俞允乃敢就列事臣蒙主上首臣東閣大學士兼吏部尚書臣疏辭者四面辭者三未荷見憐不蒙垂允臣遠巡無計欲受不可欲辭不敢謹再陳兩說少露愚誠臣本庸庸下器芟芟小儒側足戎馬之間躋身清禁之列乘亂忝蒙殊榮極寵鼯鼠飲河橫而飲解鷓鴣巢林進而巢棟是亦不可以已乎今日城中之民饑萃盈途虜兵望煙爭門



奪食地非楚俗便類禁煙家不若放同爲餒鬼生民愴  
呼遭亂堪憫而臣悠悠坐日獵得美官不仁不智無禮  
無義莫甚於此矣主上命臣曰均之澥上戮力臣敢不  
遵今後請書銜曰東閣辦事臣使臣於進越之中少存  
退讓之義且使前階未盡梯榮有路臣得策鞭駑鈍以  
爲再拜隆恩之地可乎本朝制度彷彿周官六官分職  
綱紀大備不立丞相祖訓甚嚴卽學士一官秩居五品  
厥後沿習類帶部銜始成極品今主上毅然法祖臣得  
躬逢其盛使臣得以五品章服委蛇殿陛之間可乎主

上之恩如天如地兼父兼師滋以雨露材以霜雪養以  
飲食篤以教誨若從臣所請法祖之制美名也成人之  
材大慈也教臣以讓大義也一舉而三善想主上必有  
忻然聽許者矣若恐馬閣臣熊閣臣援臣以爲例是又  
不同馬閣臣英名碩望天下傾仰熊閣臣敷歷中外老  
成練達今姑置勿言卽以二臣齒齡先臣十餘年皆與  
臣叔父爲同年友臣一旦比肩入閣不亦過乎且二臣  
原帶部銜削之不可臣初奉閣命行之允宜其爲可否  
尤較然可見者也主上許臣臣則飛帆就道恭拜新恩

如其不然臣惟候命琅琦寧死於主上之斧鉞不死於天下後世之清議臣無任戰慄待命之至

奉旨先生因閣銜屢疏退讓余豈不體悉但先生勞苦諸臣獨早何云進越入閣辦事見諸舊章豈使書銜若必以己歷二品之階反受降五品之服於制更爲未順余考內閣兼銜相沿已久不獨先生也先生其祇遵成命飛帆就道余日望之

恭報恢勦福京情繇疏

覆爲恭報恢勦福京情繇奉表待罪仰祈聖鑒事奉旨

錢忠介公集 卷十三

三十四 明徵書  
約圖刊本

云云隨該臣部看得七月初五之戰兵非不前也氣非不銳也格鬪非不勇也斬獲非不時有也內應之士非不蠢蠢動也然不能收功而反以挫衄者非但勢孤援寡也以步當騎以水擬陸一勇而眾怯百奔而一鬪一時名將盡遭殞滅呼嗟傷矣察葉輔高儀王建昌歐英林大壯等英風挺挺誓掃逆虜每戰當先願得一死以報朝廷而宗臣統鑄慈鯛以家國重仇不忍坐視輕身督戰不避死亡可謂貞臣盡節烈士捐軀得其所矣然而膏塗平原骨填山谷妻子設祭而想魂父母聞風而

殞涕或子幼兮誰撫或母老兮誰依朝夕悲號行道酸  
痛臣以恤死之典斷宜從厚使下知主上厚於恤死而  
後人肯輕於捐生輕於捐生則人人敢死人人敢死而  
虜不難滅矣夫爲惜名器之說者爲生者言也生者之  
名器不慎而濫予非人則烜赫橫恣反爲人患且相緣  
而起延蔓無已故宜裁抑若死者而旣已矣死而有知  
泉下感恩而已矣奚有不肖之患哉葉輔等似應徑加  
總兵職銜宗臣統鑑等似應徑加太僕寺少卿者也抑  
臣更有請者與其加恩於死魄不如垂念其後人臣請  
自今以後行令各營凡死事之家察其家道貧富子孫  
有無如有父母年老妻子伶仃不能自活者彙報臣部  
存案待主上恢復福京之日稍判從虜宦產以調恤之  
人知主上厚於卹死如此將父教其子兄勸其弟妻勉  
其夫殺虜以自效豈惟城下多報葛之人夢中有抗回  
之老哉臣因議恤而并及之

奉旨死難各官自應優卹葉輔等俱如議行

乞策免疏

疏爲首失以此致敗今略其有功當封四字而但曰卹

列致敗重瞳勿服也夫翰銓科道等官此朝廷之所甚貴也今予之不問其人有生員而得之則孝廉便以爲愧曰某某得之吾孝廉反不稱耶有生員而得之而生員之居部曹者則以爲望曰舊例三月部曹則應陞吾居部曹久不耐也東西奔走奇見駭聞臣痛之臣中人也雖明知其弊欲澄汰之而無繇竊以今日天旱修省願主上進法成湯六事自責之文明詔中外自三月以往吏部所授者彙爲一帙兵部所授者彙爲一帙所授之官皆作試官事平之日嚴行考核必有實功纔與實授非是一概裁革至於在朝之官奔走後先亦已成備今斷自閏三月某日止概不除授概不陞遷總俟恢城論功拜爵遷秩其有上疏而詞義可採者勅部紀錄姓名事平擢用其有遠方上疏諸人則如陸贄所陳以勳散等官權示招徠文如科道六曹武如封拜掛印願主上慎持之非才不與非功不與使天下渙然一新其耳目而奇傑有爲之人使之以才自奮以功自勉將災異可消而恢復可致主上可以得爲而臣區區勸主上以有爲者此也若臣今日所居相位也臣聞古之爲相如

李鄴侯寇萊公調停宮府之間決策危疑之際何等力量而臣偃然受任業已三月爲伴食宰相耶則讓其清爲不解事之僕射耶則遜其德問臣以兵兵不知問臣以餉餉不知問臣以謀畫謀畫無有危而不持顛而不扶焉用彼相哉臣承主上嚴諭入朝不敢不書閣銜至在外有聞閣部二字則面赧語結蓋羞惡之心猶有存者昔陳平以宰相當上佐天子理陰陽而以錢穀治獄各有司存此語遂爲後來空疏無用者所藉口臣既庸虛無所事事不得不言變理陰陽考之漢書有以災異

策免三公有以詔條詰問宰相今天時不和旱魃爲災則臣變理無狀可見於此矣是獨不可策免以謝天變乎乞主上俯從臣請先行策免或容臣讓還兼銜少存咎罰之意仍下詔書痛懲往習如此而災異不除人心不勸者未之有也臣無任隕越待罪之至

再請寬假疏

疏爲恭謝天恩再請寬假事臣於本月十三日面請主上以臣妻董氏病亟求假歸蒙恩許假并以御營總兵夏符明於醫理發來診視天恩隆重刻骨知感緣臣妻

病勢十分沈重臣幼男翹恭感復重發熱如火燃肌膚燥迫兩鼻血湧臣以砥礪之愛未忍暫離此等苦狀合境知之卽差官夏符所目擊非臣故作飾說欲爲數日偷安之計也臣思傷寒一證乃邪風團結於五臟之內日有傳經苟精於醫理者審其受病之處在於何經直搗其巢穴則客邪無所宿而根本不至受傷其次則業已傳染苟明其所至之經急用藥以固其未傷之經絡則邪氣亦不敢以深入可以徐徐解散否則漫用寒涼徒燦元氣又恐誤投補劑或用反攻之藥則助邪弱本

錢忠介公集 卷十三

三六 四明叢書 一初刻本

未有不受其害者也此生死之關故臣不敢不慎欲寬半月之限容臣靜看稍有生機卽星馳入侍斷不敢苟偷以速戾也古來忠臣義士爲國忘家如蘇子卿之考母終堂顏真卿之幼男出質富鄭公出使得家書以投之火曰徒亂人意臣獨何人能不景仰但念古人處此皆身繫朝廷安危實實有濟故不敢以家累嬰懷臣自八月以來雖有拮据無當機要今數日間莽坐臥每爲憤歎使苟軍務倥偬日有

下缺

奉旨覽先生奏不忍言去只明不得不假之情余心

惻然特准寬假五日方今建川秦川大費綢繆貯莖  
先生入直矣籌勝算萬勿再有陳請該衙門知道

錢忠介公集卷十四

契家後學全祖望編次

縣後學張壽鏞校補

南征集四

論

伯夷叔齊

問曰以兵定天下弑其君而代之位始于周武乎曰前此有之黃帝戰于阪泉之野三戰而得志則固奪炎祚也而其時無死義者豈其時分義未明君臣之閒根蒂

錢忠介公集 卷十四

一四明叢書

物園刊本

尚淺與條放代夏與周比世伊摯臣夏而去之亦未聞有死義者以六百年之久六七賢君所孕嬪委而去之曾無有惘焉懲焉其心疑當時史臣之失其傳也若非史臣失其傳則伯夷叔齊者忠義之祖也夷齊爲忠義之祖然則後世覲顏事仇行若狗彘者固炎帝諸臣之遺教與或曰夷齊聚其父而非其子其闕矣乎曰文王三分有二以服事殷區殷粟也狝則婦之仇則背之奚其闕或又曰太公爾銜佐周夷齊弗式厥其始同起海濱俱歸西伯前後之閒何其夔與曰太公功利之祖也



海哉海哉清濁攸分矣且齊之後爲田常所篡首陽一片石人馬篋帶礪萬年義也夫

### 荀息肥義

奚齊與子何皆立不以正者也晉獻信讒而害甲生主父昵嬖而廢長子二子不能杜私情扶正統使君死非命而國亂者數世猶曰吾不負先君肥義亦引荀息之言曰死者返生生者不愧是不過矣乎二臣賽裳濁亂之波入乎涇淫之會抗節自引破首無悔太史公所謂輕命鴻毛者然而胤母致命于一餐匹夫要死於一諾非有大故感慨從之二子忠于所事各盡心焉要其風概自足千秋矣

### 召忽

君子曰召忽死賢其生管仲生賢其死此二言者足以爲定論然而繫生於死撰然齊等後之君子忽乎仲乎余以爲忽之賢也我爲政者也仲之賢也我與天參爲政者也仲負不世之才不忍以溝瀆死成一匡功輔君至霸後世美桓公者曰能用仇難乎爲仲矣漢高使使持節赦賈高高曰人臣有篡弒之名何面目復事上哉

扼吭而死仲弗若也卽曰堂阜脫桔三釁三沐釋仇而定交則亦婦人洗面更妝別牽巾櫛之日也蔡琰詩云託命於新人竭心自勸厲流離成鄙賤嘗恐復捐棄假使管仲不遇桓公不能成一匡九合之功流離鄙賤復何足道管仲之能致其功以蓋其恥則亦有天幸焉故曰我與天參爲政者也繇斯以觀召忽尙矣我朝靖難之際骨肉遭禍亦猶夫二子也方正學先生具王佐之才則亦猶管仲也文皇南下姚廣孝首以爲言恐絕讀書種則亦猶叔牙之薦也而方正學乃至湛十族而不悔

錢忠介公集

卷十四

三四明叢書

約園刊本

視管仲何如哉余謂正學諸君子皆召忽之血胤也遷延至今日寇則寇之虜則虜之如倡優女子惟利所在不擇老少而奔之嗟乎管仲留一死以攘夷今且留一死而辮髮胡服爲天下先嗚呼此又管仲之罪人也

主屨者莠

主屨者耳不以賤賤不以怨怨袒臂而示信伏公而出鬪嗚呼主屨者哉

說

人說

人之爲言大概而人之猶大概而禽之獸之云爾人之  
聖者爲聖人之賢者爲賢猶鳥則有鳳獸則有麟其他  
具體而微如羔羊跪乳慈烏反哺之類是也餘恆禽凡  
獸不可殫計若渾敦窮奇破鏡黃腰則亦禽獸中之亂  
臣賊子也禽獸猶知惡之而況人乎禽獸于人猶中國  
之于夷狄各有君長自成氣類人者尊稱禽獸者卑稱  
此自然而尊卑之也非所以尊卑也猶夷狄之自爲禽  
獸其本稱也未有暴惡之著而已禽獸矣春秋之法夷  
狄而中國則進之不絕其善也如鳥之有鸚鵡白鵲獸

之有舞象孫供奉亦如忠臣義士低徊宛轉以殉其君  
父而不辭禽獸而忠義則亦忠義之矣今去中原之教  
而從左衽之俗既以其身入于禽獸而又行禽獸所不  
忍爲之事禽獸云乎哉故禽獸庸近之鄰也亂賊禽獸  
之墜也聖人憐人之庸近其後將至于禽獸故激而呼  
之曰可以人而不如鳥乎此救庸近之詞也若亂臣賊  
子聖人不得已作春秋以誅其心孔子成春秋亂臣賊  
子懼筆舌之口與烈山之火並著孟子曰人之所以異  
于禽獸者幾希庶民去之君子存之歷舜禹湯至于孔

子而人之位始竟人之局始苦故繇人而登之至于舜禹湯周公孔子而後止繇人而崩之卽至于禽獸而猶不止嗚呼戒之哉人者崩登之界也居今之世旣不能稱引春秋之意以懾亂賊之心滔滔者吾將安放惟師禽獸而已矣念念恐入于禽獸而後可進于聖賢故禽獸者聖賢之師也亂臣賊子其初亦自命爲聖賢而其後乃不得爲禽獸嗚呼戒之哉跬步之足不勤而榛蕪千里睨齟之隙未塞而江河天下吾人一日未死則崔峯未巔泮渙未岸也伏義畫八卦初二爲地三四爲人

錢忠介公集

卷十四

五

四明叢書

約園刊本

五上爲天置人于中者萬事之所起也所以支天而柱地也故乾九三曰君子終日乾乾夕惕若厲無咎欲致其登以防其崩舍乾惕何道哉聖人慮人之放逸設刀鋸以治其血肉設易詩書禮樂春秋以治其魂魄而人猶有入於禽獸展轉崩墜而不止者吁可悲乎其可悲也二三君子曰毋但悲人人乎人禽乎禽吾尙未有所宿也盍勵諸曰在立志匠者得木尋之尺之必先度爲何等用吾先乎千百年後乎千百年而爲人不想尺寸其身自度爲何等入可乎文信國見廬陵祠歐陽文忠

諸君子便思俎豆其旁是所以成名也曰在達識今人所以甘受惡名而不避者不過畏死則問千古有不死者乎死之日涕泣宛轉獨非畏乎然而竟死則畏死無救于死也陸士衡云愛有甚而必去惡有甚而必得畏何爲歟則又曰畏刀鋸死夫刀鋸殺其軀耳不能殺其心也卽洞胸刺心及其實際耳不能及其空際也居于空際皇皇刻能抱靈而嬪于天故爲忠義而死則爲明神或入星辰或遊河漢夫何故惟心之故惟心不能殺之故若背天道逆人倫伏歐刀而死悠悠長夜矣或乃

辱父母體忘君父仇以一家物與一家如沈休文夢齊和帝刀斷其舌呼道士奏赤章求免豈真有和帝爲之祟哉夢中則見本相心中自爲獄具也而世人方且甘醜醒濃以悅其口佳冶窈窕以悅其體一遇有事行狗彘不顧畏刀鋸之殺其身不畏聲色之殺其心畏人之殺其身不畏心之殺其心畏一時之死不畏千秋之死然則人直未嘗畏死也畏死則必思所以不死思所以不死則莫如死曰在耐久太史公云怯夫慕義何處不勉古人又言忼慷就死易從容赴義難我輩意氣相期

便判軻沈七族要離燔妻子未容多讓及神氣稍問思  
量一起便有千萬死不得之事故或能絕脛于俄頃之  
閒而不能保節于白首之際士窮乃見蓋棺始定也孔  
子云朝聞道夕死可矣道者何也忠孝是也聞道而死  
機會相湊朝夕也苟不其然文文山在獄四年而死於  
柴市猶朝夕也趙程嬰立孤十五年而死猶朝夕也君  
子以道爲萬年其視生死朝夕而已嗚呼斯三說者言  
黨所以自勵也持針而砭人不能治其瘡持鏡而照人  
不能見其背又奚取焉詩不云乎凡百君子各敬爾身  
敬身以立人敬身以答天吾黨之志也不然阿戎以死  
勸人彼其叔父猶癡之而況散焉者乎

子釗字說

禮曰幼名冠字五十以伯仲又曰冠而字之成人之道  
也又曰丈夫之冠也父命之汝幼而孤不聞父命崩心  
腐骨痛實難處汝逮事王父母王父母之名推情訖愛  
字亦如之汝冠之年王父又蚤世詔告之責余豈敢辭  
適丁國難亦未暇選第四叔以師命命之字汝曰帝讓  
取堯典之文也讓者美稱繫讓於帝其名震震爾小子

其弗敢安余於是爲更其字曰子釗仍呼而語之曰汝知所以字子乎汝名曰克恭克之爲言能也今夫坐如尸立如齊恭之義也汝能之乎朝廷之咨師師翼翼祭祀之容遂遂粥粥賓客之容蹒蹒濟濟恭之別也汝能之乎子貢稱夫子之德溫良恭儉讓恭之友也汝能之乎不能則當勉孔子曰勉強而行成功一也可勿勉乎邱山不移而勤行者至江河靡就而泳游者登言勉也夫鳥矯翼而高飛以翼勉也鹿銜草而嗚呼以聲勉也夫以無情之物尚猶如此有知之人其弗勉乎故爲字汝

錄忠介公集 卷十四

八四明叢書

一約園刊本

曰子釗者勉也能勉然後知不足知不足然後有所立嗛乎其如不能已也企乎其如將有得也詩曰夙夜匪懈書曰懋哉懋哉皆是物也鄙吝消於心道義接於貌其爲人也過人遠矣釗者遠也夫釗於文爲金爲刀金之爲物精氣也烹液之從而割削之匠者厲氣致力然後成器金以致其鑿刀以致其果懸文書訓取義斯在尙釋思哉

序

序陳默公落花詩三十韻

落花木之壯也非衰也士君子退則立志進則建功  
於此時花不落則生氣不全士君子不遇次壞則英幹  
不傑太史公贊虞卿云非窮愁不能著書自見其贊子  
胥云纔令子胥同奢俱死何異螻蟻棄小義雪大恥名  
垂後世顏之推家訓亦云梁朝子弟處全盛時駕長轡  
車踞高齒屐坐棋枰方褥冠斑絲隱囊傲然侈大及遭  
亂離兀若枯木投足無所豈非繁華乃蹶痿之機冰雪  
有堅凝之性也哉吾友陳默公抱異才奇節出入鋒刃  
中辛風酸雨淋漓備至似與落花真稱知己其咏詩也

錢忠介公集

卷十四

九十四明嚴書

約園刊十

豈直惜豔憐香矜遲怨早正似壯夫慕義烈士酬知捐  
妻棄子誓不返顧又如丈夫功名遂鐘鼎在列姬妾  
滿前一朝解脫破衲芒鞋雲餐水宿默公在情見於斯  
矣昔人疑宋廣平何以作暉梅花余謂惟梅花賦乃見  
宋廣平嗟乎士不孤不可不高不韻

陳聖謀詩經治亂始末序

詩者春秋之祖也詩亡然後春秋作知春秋得統於詩  
則知詩爲春秋權輿矣書至秦誓而書亦亡不言書亡  
春秋作者雖以編年相次然春秋系詩正如父子祖孫



音影流傳自有鑑治不可以貌而襲也或曰春秋史也  
史以直詩以曲義各有取夫春秋之作所見異所聞異  
所傳聞亦異定哀之間多微詞是不亦婉乎詩載盛周  
之世政教禮樂纖悉備舉至其衰危則家父究誦繁霜  
憂亂皇父衷妣之禍皆顯切言之不以爲諱是不亦直  
乎詩與春秋是有其派之名不受江沱之目矣惟詩之  
爲教用之房中用之朝廷用之郊廟用之鄉黨邦國俾  
其祖父創業之艱難流連浸淫於子孫之耳故曰詩可  
以興以聲教者以耳治有神行者也陳子之治詩也以

春秋之意錯而編之始於后稷生民公劉太王造周文  
武周召戮力致治后妃恪修內職治蠶豆蘋蘩之事暨  
乎幽厲之後宣王中興車攻吉日之篇淮夷命將之什  
首爛然有第下而列國諸風莫不採其芝蘭擊其蕭蕞  
亂有興爲亂治有與爲治若擊紛而髮髮自動也綠蘭  
而絲絲自貫也俾夫以耳治者兼目爲功以聲教者因  
文見質豈與夫舉學一先生之言暖曖姝姝無聞乎治  
亂之數者哉抑更何說焉周南王化之首也其繫風何  
也曰其周文王之德乎江漢汝墳之間感歸心焉文王

不有而自夷於侯國之列周之有風商之有頌首尾相  
呼和也孝子之志忠臣之行也列國皆有風也蜀無外  
之也秦亦夷狄其不外何也曰是其繼周者乎五德之  
運天之不得已也閻豎之禍伏於車轄二世之亡萌於  
黃鳥然而不刪者以示戒也秦襄公攻戎救周始列諸  
侯賜岐西之地授人以柄不得收其芒君子之所大恐  
也降此古曹操平黃巾之難而漢魏矣劉裕剗桓玄盧  
循之亂而警宋矣下而彌猜變而加厲陳隋以往大抵  
皆然奸雄舉事莫不因隙於人樹恩於己易曰履霜堅  
冰至防其漸也降王於風何也曰體弱而韻促其衰世  
之思乎行靡心搖不自知其感也以宗周之大一日凌  
夷傾墜天下其獨無共主之戴乎抑斯憤憤斯激激斯  
起抑之所以扶之也當時強大之國爭欲帝制思周之  
詠僅傾於曹檜之口此忠臣義士之所隱也周之始基  
分陝而治則稱周召宣王中興召穆公能世其職作廟  
考成常世榮之至召旻而衰矣召旻之思召猶曹檜之  
思王也解岱之閒齊爲強國能與周者莫如齊木瓜美  
齊桓之存衛也聖人立說先其近者引而進之若曰衛

支胤猶尙存之況本宗乎此所以引之也故孔子曰齊  
一變至於魯魯周公之胤也能與周者宜莫如魯能用  
孔子以興周者又莫如魯故孔子曰如有用我者吾其  
爲東周乎魯不風而頌系魯於周所以綴之也猶有望  
之之意焉望之而不得退而自歎曰鳳鳥不至河不出  
圖吾已矣夫自傷可致此物而身微賤不得致也作春  
秋終孔子之無如何也嗚呼孔子身爲周人王轍雖東  
空名猶存眷念宗國繫心天王序詩之中猶致意焉後  
之君子處人家國廢興之際者宜何如哉因序及此且

錢忠介公集

卷十四

十二四明叢書

翰園刊本

欲與陳子商之

贊

松鶴圖贊

并序

嘗以爲有畫者像不僞者神苟以像求之則人身一像  
也假蓋于天假履于地假華藻于衣裳譬彼松青青者  
其正色歟譬彼鶴采采者其美觀歟宗濟應先生少時  
博治羣書解內多師事之所著述極舉蘇牽引自成古  
義交遊多長者好爲讜論以相磨切其大概也會初度  
諸友舉觴以松鶴圖獻余與宗濟把臂數載欲徵詞爲

壽頤白以矯情曲說駢連附贅罔能覃思玄渺昭茲天  
符竊石惡焉宗澥體純固不營慧於名利一畦之宮必  
樹芳草數種修竹數箇焚香啜茗陶然樂也故自號曰  
茗臞窺其意豈與連嘍列埒役神無閒者等乎此余所  
以壽宗澥也若夫松鶴之義別自有取余將挾筆玄庭  
執簡金闕儀圖其不可傳者遂作贊曰

瞻彼松兮天矯挺特兮以象君之正直兮瞻彼鶴兮翩  
躚軒翥兮以象君之文章兮惟宗澥兮湛純德兮湫澗  
寂寥宅虛而馭平兮竇茲眞宰以永年兮雲氣龍從雨  
必盛兮水澤決滌既必豐兮天道人事理其貫兮以壽  
宗澥其在不可爲象之間兮

題李象雲表兄小像 并序

嗟乎大丈夫當如此矣始余與象雲相見時貌文柔耳  
家困甚肘腋閒蜂蠆時有象雲拂衣客遊燕慷慨折節  
所交遊多賢豪長者以故克自樹立非獨壯志遂也跡  
其隆姿偉幹頓異巖觀令熟識者眴目良久乃後得之  
假令象雲局守卑棲不蚤自奮拔對兒女子老牖下卽  
其狀貌或不異是撫鏡窺形不大負我鬚眉哉因題小

像表筆於此并系之以贊

州之光也而埋於豐城醫之良也三折肱而後成物不  
激則不鳴淮陰以乞武襄以黥然後知生於憂患而死  
於安樂觀古賢其若斯又何訝於吾兄或曰豐頤隆準  
侷儻瑰奇必將圖麟閣而景鐘銘余以爲此有類於許  
負唐舉之所爲而爲有識之所輕觀其守義敦篤然諾  
不侵排公卿而發難指山河而立盟爲善最樂劓豎腰  
腹此乃建功之標而招福之旌警鼓宮商適應其聲

三賢贊

魏忠介公集 卷十四

十四 四州藏書

初編 下

萬物之生生於軋茁聖道之明明於鬱蒨物匪待軋道  
匪待鬱蒨氣黃泉蟄心玄闕發我之光借其斧鑿身隱  
道彰千秋也必緬維夫子爲世津梁爲道丞弼整心匡  
物與之隆理有宋之季奸臣升膝顛倒衣裳播遷名實  
謂鹿爲馬實鴻而亂夫子泰然於尸斯卽二公從之林  
莽是剌泥山昂昂泗水滴滴有闕其堂有奧其室洗心  
退藏苗薊髮櫛時臨滄海以觀日出湛然中存天日與  
一時坐然阿當前卒釋太虛未動履邪屏黜當期之時  
朝命嚴密及門之士懷軻戰慄先生勿畏維天陰臨當

斯之時投榮餌秋人有倖心削其初峽先生弗懷躬秉  
圭紱先生遺像清風明月先生姓名山湧水沸先生子  
孫威儀必似道在壽陽休光裔裔曰萬斯年有香斯苾  
余遭國難場號弗恤登斯堂也秋風凜栗似呼譖人厲  
聲呵叱誰知蔓草荒煙其人與骨嗟乎勢燄恆存聖賢  
勿易況其否者曷不自決惟朱夫子與道爲暱師劉友  
劉天贊之匹天子白鹿亦多英哲約而能堅先生膠漆  
晦而能親先生密勿於皇閭士二劉師帥誰其三哉空  
山音闕士勉所難乃見豪傑生涉亂世靡敢焚逸先生

錢忠介公集 卷十四

十五 四明叢書

約園刊本

往乎道炳雲日□□高山特心爲質

碧居上人法相贊 并序

今夫相者是名法舍亦曰道與眾生無相執幻成幻諸  
佛具相真空不空吾師法相包裹太虛眾生蓮蓬於此  
一宿欲因咫尺仰測根蒂見斯畫也假而贊之

眉目軒列蒼龍卷舒口耳層削谿谷洞虛法味充滿內  
潤外瘞于子其體珊瑚其裾兜前芟草林下觀書山閒  
鳥語洞口雲鋤潮來灑曲月上林初眾妙斯在真體如  
如一相非相是曰碧居師起下座亟掩予口是未畫者

碧居在石扯作紙條亦復奚有此法不說爲獅子吼喝  
破虛空天長地久

松石圖贊 并序

今使遊目於巖岫之窟壘石雲舉長條霄貢彌望甃甃  
狀若圖繡倚杖逍遙躡躡乎欲仙豈必叩琅玕而得音  
韻如何而得味然後爲登假於道哉夫意非象不律象  
非言不顯尊白先生今世所謂有道仁人也於其六句  
爲作松石圖寄意而係之以贊曰

飲氣霄霓結根太簇奎星散精不蟠靈木虬枝捎雲龍

錢忠介公集 卷十四

十六 四明叢書

刻圖刊本

幹挺谷是故觀其青蔥秀舉辭繁擺捩若絳衣大冠長  
者之服鱗甲萬裏風雨壓逐若舊戈躍馬戰夫之目色  
正東方奧陰鬱郁蒼蒸慈薰鶴仁人之腹爾乃明月延  
光涼風散燄集鳳儀鸞其羽翩翩仙人王母時來博陸  
新香五粒碧珠一掬仙人耕耘載腴入屋雨露浸淫冰  
雪榴沐下視桃李公等碌碌與石爲兄紆軫結曲樸心  
並獻媚其幽獨配李則榮封秦斯辱松哉松哉壽我良  
淑

題霞舟夫子桂林讀書圖

大道中圮馳車毀壁紛淪骸骸松嶽謀集眾神議語篤  
生夫子夫子誕生爲道胤嗣昇單厚只其昇維何智波  
澄澹學峯傑峙夫子之貌蒼松古柏虬龍怒起夫子之  
度紆餘委蛇赤舄几几夫子之學窮水得源剖石得埋  
伊洛道微弗仔弗肩余瘝余恥孝先經笥發鑰振囊爲  
我衣被任公書倉散有廩無迪進芬旨夫子之文規矩  
匠心輦帔爰褫日月經天江河行地夫子是似虛室之  
內拱揖聖賢張磔綱紀孔顏爲母管樂爲子苞孕疑疑  
修母致子爲神明宰民受福祉驅車始安無水不嚴石

鐘忠介全集 卷十四

十七 四明叢書

約園刊本

狀西粵山水之奇云有山皆鴈蕩無水不嚴灘

有山仍雉

粵中亦有雉山夫子爲作雉山行

服

官於朝蹇蹇匪躬正直是矢逢時不祥翩然來遊婆娑  
道履手持一編六十四卦得易之髓夫子猶龍進退存  
亡不失其軌夫子不言言爲天口咳唾經史夫子發蒙  
爲人作目刻剡天咫舒之彌宇卷之一掬澗槩之襄志  
在春秋行在孝經交在山水夫子笑曰千駟萬鍾不以  
易此維樂小子遭黥被劓十年瘡痍今願息心執經問  
藝庶知臧否夫子許我爲置下坐於涯之埃

題霞舟夫子讀易圖贊

并序



傳曰物生而後有象象而後有滋滋而後有數數者所以先理也數者其邪邪也理者其醞釀也吾師晚而好易深悟易理所以匡廓運邪俾之不耘墜也夢寐精誠託之圖象矣

贊曰窮理斯實徇數斯假識緯繁興易道喑啞京房馳驅爰喪其馬夫子闢理幽光散寫用舍行藏與易相把會爻象於無言迴護文而上下夫子有志在斯圖也

封蕩胡八十翁贊

天有時而圯山有時而崩互天而包山唯忠義也能我

鍾東谷全集 卷十四

十一四明叢書 約圖刊本

公有子左手挾日丸右手持月輪載雲旗而掃檣槍日月浸淫而成歲日月爲公手中物何難錫翁以遐齡吾聞仙人食鴻脯採英華不如公心內丹其氣魄魄其光熒熒曰飲此者壽億萬歲葦宜民旌下爲忠臣鶴上爲南極星

題金剛經手卷

悟則水泡電光見了如來不悟則金屑玉屑害了眾生悟則如來眾生塵沙世界總入化臺不悟則阿耨多羅三藐三菩提都成粘兩悟則以舌聒舌以耳聽耳胸中

波靜雲平不見一字金剛經都是初相九年遺意不悟  
則執火乞火騎驢覓驢反不如始皇一炬焚之緣何一  
部金剛經就分下二重公案請試高明拽開腳步

錢忠介公集

卷十四

十九  
四明叢書  
約園刊本

錢忠介公集卷十四

錢忠介公集卷十五

契家後學全祖望編次

縣後學張壽鏞校補

南征果五

書

與朱統鎬書

樂邑之民弊劫極矣往者溝壑甫臨百姓蓬髮以求免  
諸獲不逞之徒竄入其中與虜爲市煽動虜威逼虐下  
戶小民攜妻子走山澤室廬蓋藏已不知誰氏矣及義

錢忠介公集 卷十五

四明叢書  
約四刊本

師起屨資餽餉而民不怨曰庶或撫我今虜迫而官兵  
人諸猾不逞之徒復有竄兵而倚官爲市者綁縛敲剝  
靡所不爲虜曰敵我又新之嗚呼何奸頑之幸而忠  
良之不幸耶□□□□□□取充位功不塵埃罪已山  
岳然尙有可原者□□□□□□呼號尙欲救其萬一  
竊意貴鄉賢達如劉魯菴馬還初兩先生名德重望暨  
諸紳士各負才名處父母之邦見瘡痍之狀忠義子弟  
相從而據恐非仁人君子坐視之日也不佞意欲煩兩  
先生領袖矜士擇公所會議或令各耆老明開富戶姓

名量行動助并以公議達之建國令其嚴緝兵士有犯  
鄉村者地方公拿解建國正法庶兵民兩便而某亦得  
解如焚之苦乎校筆絮陳以當面請

答原總戎涂登華書

赤縣陸沈神州淪喪凡我臣子誰不崩心況門下效力  
屢朝受恩列聖者平捧讀來教肅曾悽但昔宣主連呼  
筆來致其隱語朱序大呼陣後漣彼堅師古人有志將  
軍同之想無俟僕一一談也來教以為灑上豈有天子  
船中安有國公將軍獨不聞有宋末年二王尙在文陸

鍾忠介公集

卷十五

二一四明叢書

鈔圖刊本

諸公猶扶帝昴建號改元而文文山亦封信國公當時  
不聞有非議之者況我主上乃帝室之貴以天意則五  
馬山鳴以人心則萬夫嚮應實爲恢復之始基不啻  
宋之亡轍者平將軍試將宋元相提而論元朝之君臣  
何如今日元朝之兵馬何如今日元朝之人心何如今  
日而張洪範爲其首惡傾陷閩廣萬世而下猶爲唾罵  
況在今日滿州則爲黃台吉所襲巢穴都傾東克則爲  
蔡乃漢所復咽喉已斷何定興之師直出九江南都累  
卵張冢王之眾並集廣州兩粵風靡掃萬平騰揚於江

右黃威虜虎視於浙東其餘山澤之豪署大明旗號以望王師之至者不可勝數而將軍苦心戮力死守孤城欲誰爲乎以言乎忠義則非其人也以言乎保身則又非算也將軍又云四十八鎮家眷皆羈杭土此等至情夫豈不念但僕愚見以爲將軍翻然來歸愈屢朝之舊恩拜主土之新寵直率所部長驅浙省此時家人相見可保無他萬一遲疑他省勁旅先下武林則將軍心事恐不得見白於天下矣主上自紹興失守卽走舟山舊年九月僕輩扶至廈門思以成旅光復舊物亦見濟內

錢忠介公集

卷十五

三

四明叢書

約園刊本

豪傑隱忍圖存如將軍者不少故奉主上聲靈一呼羣起卽省中張黃諸人咸有降志手書往來不絕於道將軍獨未之聞乎而乃依沸鼎以稱爰巢危林而自得則將軍之計左也僕與將軍共事錢江一載知將軍精忠可表天日前書倉卒未及布懷茲特剖露腹心并賚主上勅書一道極知將軍吞漆之苦敬獻丹水一盃爲將軍洗濯再獻神針一砭爲將軍扶剔將軍若肯來歸則勳名書之史冊福祚流於子孫孰與名編兇頑之條身陷犬羊之俗哉幸將軍清夜思之書不盡言臨風哽結

與劉魯菴書

葦維閣下昂宿垂芒山雲降祉清風兩袖猶滿茗雪之  
流亮節千尋獨冠壽陽之頂心乎愛矣寧自今矣屬遭  
國難泛海南來妖火照野怪星侵闕相率迎降開闕掛  
賊遂使忠義之鄉遠作腥膻之俗言之悲痛骨挫心摧  
嗟我兄弟同朝諸友見逼以威罕能全節把臂入關裝  
裳履虎名編兇頑之條身墮詩書之澤嗣聞抗節玉立  
不報偽書袁閣土室匹此非高彭澤東籬方茲未遠歲  
寒松柏一人而已方今胡虜已窮義師四起東南海上

錢忠介公集 卷十五

四明叢書

約園刊本

之師揭旗蔽日西北陸地之隊浴鐵成雲豈惟陳牧野  
者三千會孟津者八百此皆閣下之所知不假僕一一  
談也主上枕戈飲膽叩心泣血思扶墜緒再造丕基倚  
人爲材策賢成勳憂勤諮訪中宵不寐是用推轂其司  
舟楫主上欣然持勅敦請想必當幡然命駕慰此飢渴  
者矣僕流連沙島棲息汀洲仰視鸞鶴之羣府觀鳧雁  
之侶猶十五五相得其飛而我輩王臣曾莫倏比伯  
儻仲篋向洽道契一朝分袂山暝雲深此亦閣下之所  
其悲不獨僕輩爲之淒絕也若曰時未可知且須消息

則深厲淺揭孔子以爲果哉慮敗國成魏公付之天也  
且僕輩飄零澗上以春以秋心頑質堅不可變化雖復  
飄魂流骨血祀丹宗誓於此生斃而後已若必得絳螭  
驟首翠虬撫翼然後與僚友而端威共簪紳而數折此  
則平流之所託又非閣下之所樂聞也若曰逸志依山  
素心盟水苟潔其身矣奚理亂之足云凡我人斯豈耽  
榮進誰不願結軌姑射之阿祝駕汾陽之野哉恐砥柱  
無人橫流斯酷他日吳市之門未容仙尉桃源之磬難  
棲晉人玉碎蘭摧嗟哉同及若曰臥病已久心云不逮  
則我輩遭亂以來吸露餐風吞煙齧瘴神則是而形已  
非心雖丹而髮已白哀我舟中誰非病子又況風紀之  
地端芴樹儀所謂魏徵之來始爲人重李綱之出乃成  
朝廷亦可無朝隱不廢優遊者也廣條數列用啓執心  
伏望翩然以增勝勢嗟乎寒風拂面冷露沾衣望帝城  
之阡陌想故國之威儀維彼異類尙可感乎矧我同人  
豈其翫置情殷望切不任號呼

與上游各鎮解和書

強對在前堅城未下困獸猶鬪淵魚弗懸我萬人一心

猶虞疏隙而自尋干戈互爲戎首是謂授人以柄還自  
嬰芒僕聞此信坐立恟恍邑邑短氣竊歎將軍以蓋世  
英名掀天事業功將垂就而不一少忍也今日同氣之  
中有何嫌疑遂成營壘事之小者自可理遣若其大者  
姑與回咨使事平之日與天下共評其枉直下亦可乎  
昔廉藹息爭所以存趙寇賈解忿乃以興劉史册美之  
袁譚兄弟相攻終喪父業同室之不和敵人之利也願  
將軍深維僕言翻然回指上以雪朝廷之恥下以全生  
靈之命則將軍功德將與天壤相敝孰與處鼠穴之中  
其作蝸角之鬪哉僕甬東豎儒行能不足以比數竊慕  
將軍願執鞭而不可得今聞以小忿相爭恐致誤事故  
特致其區區雖不敢比劉弘之一紙書竊自附魯連之  
三寸舌敬遣都督某齎解願賜聽從言歸于好仍望聯  
兵趣下直搗腹心異時與將軍相見於行闕之下把臂  
道心何快如之如執迷不悟覺自內出國事已矣將軍  
身名將何以自立萬全之地乎捧書告心臨風流涕

答鄭忠孝伯書

恭維執事英聲妙譽蚤馳方寓貞心勁節復冠今茲尊



大人委蛇以舒國難太夫人節烈而殉家難忠孝一門  
儼型百世肅樂瞻依匪朝伊夕而髮起倉卒道阻山川  
結心空殷有願不畢道之云遠我勞如何斯之謂矣嗣  
聞樓船蔽空舳艫銜尾精甲贍仗悉取宮中雲土雨臣  
並羅幕下以此眾戰誰能禦之以此攻城何城不克又  
況驅義聲以鐸路載忠標而樹幟者哉樂目遭變以來  
妻子流離僕夫屏竄履厚地而如墜仰辰星而失明忽  
拜瑤函翩翩雲表遂使幽阱之中重來天日且喜且誦  
欲泣欲歌便宜奮羽相從杖策言邁蒼蠅託驥尾而絕

羣飛蓬附秋風而霄上樂雖不才敢忘斯志所以猶棲  
遲不前者豈敢以選奕之實襲高讓之名乎時平則高  
洗耳世亂則美蹇裳急病讓夷前哲之訓也昔司徒女  
子猶知君父東海婦人猶切報仇況樂忝鬚眉之列奉  
聖賢之訓者哉夫偉人傑士遁跡草莽主公大人寤寐  
求之者以其匡世之略定國之謀也今樂樸遯之材無  
當大厦執事若以曩昔舉義心焉可取則兵散下邳身  
遁珂里舉事不效可見於前矣襲麒麟之皮以當郊天  
之用虛聲可采實事無聞他日不效負慚知已斯乃將

行而佗僚擬步而趨趨者也又妻子數口奇命解隅依  
人爲活并日而食若子身相就鴟鴞毀室貽之戚也若  
載室以從三星在醫可得食乎況載必需船船必需人  
人必需餉他日於執事無分寸之效而有什百之累然  
後歎毛錐子之不可與圖功也豈有及攻樂筋鴛肉緩  
與病爲生自遭奔迫重其困頓骨痿心枯形銷貌瘁一  
聞台召心脾爲動其如束筋補骨不能復起何但願執  
事敦策集謀訓兵厲卒弗以虜爲難而遲發亦願勿以  
虜爲易而輕動勿以勢弱而生獨弦孤掌之虞亦願勿

錢忠介公集

卷十五

八四明叢書

補遺本

以勢盛而成百與九牧之患同力則謀者勝同謀則奇  
者勝使漳浦之涯重搏日月扶杖之老再見威儀則樂  
死之日生之年也

傳

吳霞舟夫子小傳

小子樂奔難於福州之化南時夫子亦奔難城頭音問  
曠絕一日得達喜甚掉小艇見師於城頭師亦以後三  
日過化南相見畢坐定手出一編曰吾生平大概盡此  
矣及門士惟子在其爲我敘之小子踟躕屏立弗敢應

自念才非班馬學不徐庾操筆稟談塵汗長者正如蝦蟆向天跪拜尸祝人將笑其不知量也退復自思人臣以直上德爲忠人子以顯親名爲孝弟之於師猶子之事父臣之事君也雖不文鳥可以已乎謹齋心蠲慮者數日撰次成篇後有覽者毋以文苛我

夫子諱鍾巒號巒稚別號霞舟自泰伯之適吳子孫以國爲氏所居曰泰伯鄉洪武時有以徵聘爲御史臺者避靖難兵抗節不仕徙居毘陵遂家焉祖懷堂公甲午鄉薦仕英德令聲跡甚著父秋宇公篤行君子爲鄉里

懷忠介公集 卷十五

九四期藏書

約園刊本

師帥檣輿未售以壽終夫子生而穎異精神端審少時試舉子業能成閒架多巧構識者以大器期之比長博涉經史多玄解爲文取機致不取餽釘常應童子試輒瞑坐作坐無一人想弱冠補邑弟子員夫子元配劉氏少宰柏潭孫公甥女也少時奇夫子許字焉及授室意悶然似不欲婚娶者不幸早喪夫子曰是以德婚舍是非吾耦也夫子師事顧涇陽先生於涇上時先生望重龍門四方登陟者甚眾秋宇公遺業焉爲涇陽先生所器重大中命二程於濂溪韋齋託晦菴於白水時論成

以相輩云夫子既從涇陽先生遊又得與高先生復七  
會知伊洛淵源已從涇陽先生講學於九龍之麓及東  
林書院成得聞諸名公議論聆耳晚心浩乎有得如坐  
春風中豈復知世間有富貴利達足以纓紉人哉夫子性行  
矜飭無諸矜辰少年佻薄態嘗館一巨族具優觴屏簾  
閒婦女喧集笑語爲垂睫下視其篤行如此比受知歐  
陽宜諸韓岑嶺毛孺初蔡虛臺楊淇園諸公恥媿媿爲干謁  
事曰彼以文交耳不宜出私及羅山劉公聘修毘陵志  
立字王公延入幕府訓其子方直自業恥干謁如故先

錢忠介公癸 卷十五

十四明叢書  
續閱邦本

是王撫發牒至郡太守何公問禮曹掾對曰是故前府  
主所聘修郡志者太守亟命掾致刺道意始一入謁報  
謝而已時邑令亦雅相推重然卒無所干請夫子性不  
喜治家人生產作業諸姻親聞與臺使令長交歡而不  
能致千金則病之家人以告夫子曰吾見諸時輩持文  
字作緣奔走郡朝邑邑無生人氣吾豈效之耶而以千  
金爲樂吾以無累爲樂行休矣人有其寶耳夫子性淡  
泊不尙名然每一文出墨藩未乾脛走千里四方耳熱  
如沸爭持脯脔延致負笈來者戶外履滿正如蔡邕石

經初成四方摹寫者車日數十乘填街塞陌時也夫子  
慨然以斯道爲己任雖落魄闕戰然不恨惟以不得聞  
道負名教爲恐嗟乎觀夫子隱居詩廣士不遇賦謝客  
問山中與劉彥和書彼其胸中浩浩落落別有天地豈  
肯與持梁齒肥輩輩者流共泛名航於洪濤十丈之中  
者乎壬申貢於京廷試天子親擢第一謁選得光州學  
正癸酉抵光州秋就試開封榜發得雋中外知與不知  
咸額手賀得人云時州守爲治裝具夫子報謝之一無  
所受不事干謁如諸生時甲戌聯第殿試得三甲授長

興令故事甲第上下悉內閣裁定夫子厭苦簿書欲因  
房師爲請可得二甲念進身之始不可私干遂聽之長  
興俗剽悍號難治多盜寢湖而穴山夫子至於湖盜殲  
滅之無遺種於山盜搜剔之誅巨散黨民賴以安又修  
城闕濬奸細興學校緩征輸諸事美不絕書而是時勦  
練兩餉功令嚴急考成及臺司臺司望風爭持新格峻  
繩下長吏移過百姓督責及耄穉繫閉敲撲追呼徧郡  
邑矣而夫子獨否嗟乎陽城不作兒寬已往孰有知負  
租之爲最下考之爲上哉夫子治邑恆如匡坐讀書時

恥爲一切叫沽博名之事與時不合數欲引退會覃恩  
及格得贈父母如其官而已卯歲中使崔璘以嵯差出  
體同撫按夫子抗體伸志不爲回撓爲時忌以蜚語中  
直指邑人色然駭夫子笑曰吾今者抱我而歸來時不  
增去亦不減何嗒焉喪哉遂拂衣去去而與舊時諸君  
子遊始志學易口占有老至光陰莫虛度還須三絕韋  
編書之句嘗載舟往來於梁溪雲水廣陵之間嘯歌自  
適若將終身會周挹齋再召宅揆招之補選夫子慨然  
曰吾行爲聖君出爲賢相出豈爲執政之汲引出哉謝

之見蠲逋詔爲幡然起作聖政詩而是時諸君子多勸  
駕者遂北行人或謂夫子若以疏請內補當可夫子毅  
然曰古人上封事爲君國豈區區一官哉且君子恥受  
恩於人吾守吾拙而已補紹興府照磨朗吟謫仙此行  
不爲鱸魚膾自愛名山入剡中之句至署詰姦盜省冤  
滯民向化如在雉時暇日與諸生講學一之王文成公  
祠一之尹和靖古小學退則箋易自娛不減明道先生  
謫涪時也癸未移粵西司理行次梧州聞賊突桂林甚  
急或謂宜且盤桓以觀變夫子叱之去曰人生死王事

職也促家眷歸而自以單車疾行入境則士民安堵如故向所言賊信妄也至輒攝府篆其地簡隘民甃說多貧少機智夫子抱書臥治其閒作桂林讀書說復進諸生講論六藝士喟然嘆興于學其察梧士屬多以講學教化人其折獄亦以此則又文翁之化蜀也在粵中間先帝變痛不欲生其明年陞禮曹念得至南都痛陳時弊與君相拯楫亂波死不恨乃行至南雄又聞留都失守老臣羈旅盼望聖明萬憤千愁迴織中夜每形歌詠讀其詩如讀村少陵諸什墨液未乾也先是入粵道過

英德以懷堂公名宦事屬金令君比歸復過英德成禮而還蓋秋字公所未竟者乃今日竟之夫子可以無憾矣今上卽位改元隆武夫子復聞關抵行在授儀曹郎數上書所以言國計民生指畫甚悉至援易卦敷陳忠愛又不減敬輿封事也書上爲時宰所忌夫子嘆曰吾以此行吾學耳豈以此媒官哉往吾令長興時假能縮取膏血走聲名都下倩一二有氣力人扶引之不患不得美官卽補選時稍委蛇亦可不外出卽外出亦可得近地何至垂老孤臣崎嶇作萬里行哉吾一副硬骨天

植之一腔熱血親與之兩字忠孝師傅之吾不敢負且  
公等看今日何等時如某者更說一句不得耶夫子知  
事不濟欲乞外自效得粵東糧道會虜騎入不果行夫  
子性好山水宅心醞粹不以世事嬰懷未第時與岳石  
帆先生遊惠山絕頂高談盪胸人地雙絕旣官長興遊  
烏瞻山及方丈觀梅西湖四時遊覽清興絕俗入越遊  
禹陵蘭亭柯山諸處過新昌遊南明山禮石佛遂入天  
台歷萬年石梁高明國清赤城桐柏瓊樓雙闕之勝入  
西粵道過南昌登滕王閣比還至柳州登立魚山拜子  
厚祠還桂林復遊六洞巾隱石屏諸勝至端州遊五羊  
登五層樓泛泝珠寺夫子嘗曰吾生平無魚須之歡仕  
宦無姑臧之潤惟於山水有宿緣今雖亂語及山水眼  
饒沫出不自知其貪也昔太史公涉沅湘渡會稽徧遊  
名山大川因得盡收文章之美邵康節走吳迺楚過齊  
魯客梁晉歸而曰道在是矣仁者樂山智者樂水仁者  
見仁智者見智夫子遊歷僅作水山觀哉夫子知交最  
莫逆者爲孫奭生秦水菴顧虞工郡先達則有唐凝菴  
錢啓新繆西溪諸先生學道之侶則有張治生張二無



兩君子自少才名籍甚受知當道志行介然不苟恥干  
謁與夫子同深結意分則有馬素修先生少被推獎得  
第後猶以讀書相期者爲孫文介公貢入京得見黃石  
齋太史及章羽侯令長興得與劉念臺先生周旋先生  
越產也遇於茗爲奇觀云補選得交倪鴻寶太史入越  
得交王季重先生其他官跡所至僚友往還風期亢爽  
亦自有人以非風教所關故不著夫子立教每以清真  
法脈領袖後進被其延納擬登龍門及門之士若李仲  
達黃贊伯其稱首也丙子分闈得士六人曰盧鳴玉翁  
明瑛吳夢白馮文偉金漸皋小子肅樂亦與焉而李仲  
達死於璫難夫子語樂等曰吾曩者語仲達稱高先生  
以厲之今爲諸君稱仲達猶前志也勸之哉會盧馮二  
子蚤世虜入浙翁坦人明瑛殺虜使扶魯主於天台吳  
可黃夢白亦棄妻子閒道走行在尹京縣虜入鄭芝龍  
斂兵不戰不得已遁去小子肅樂於師門最下劣然曰  
褰旗四明率邑義子弟搏戰江皋者十閱月雖散兵入  
閩志亦可憐矣若夫子平日把臂如繆西溪高景逸之  
死於璫馬素修倪鴻寶之死於賊劉念臺徐九一之死

於虜此皆犖犖大者而夫子麟鳳四人長祐之公求次  
禧之公疑次福之公介次裔之公及皆費序有聲公介  
尤挺挺弘光時貢於京虜入誓不屈走太湖與吳日生  
合而其婦亦抗慨不惜死有古烈女風有自湖中來者  
傳公介陷虜中夫子聞之喜曰公介可見可見嗟乎父  
子之間劉向不能得之於劉歆交遊之間摯恂不能得  
之於馬融師弟之門王通不能得之於魏徵而夫子獨  
全之肅樂私謂五倫之中兼有其四所不足者君臣耳  
然而貢於廷御擢第一隆武時數上書天子心憐其忠  
時降褒獎兼之碩果猶存傾否斯在夫子他日出而居  
論道之列發明義蘊正人心以挽頽波天下不尙有救  
今夫天下之壞非虜也理學不明而人心邪積邪生闇  
積闇生蠱積蠱生壞積壞生亡人心亡矣天下安支乎  
喪心之人彼以爲富貴吾自有君父過客焉耳一旦有  
敗鋌而走耳立而觀之耳理學者所以抑其矜上勝長  
之心而使之俯首而歸本也故理學明而人知君父人  
知君父而君父始尊事有急一人致其心術以衛天子  
故理學者君父之城郭也夫子一出上以扶本朝之樞

統下以開拓壇宇振未墜之宗風必將有太史起而紀其事者小子喋喋何當哉

肅樂私議曰富貴福澤命於天者也忠孝節義全於身者也古之君子求於天也寧求於身求於身天者備矣身之不修而乞靈於天天或聽之一旦時移勢謝悲坐窮廬兀無一物啜其泣矣何嗟及矣若夫子所稱修其身而天自備焉者非耶或曰備之中亦有不備巒稚少時文名走天下落實取材歲云秋矣及爲吏宦不能回容投轄去隆武時以口舌得官朝而布衣夕而樞府巒稚白首郎署如故豈不命耶余曰子見夫爲文者乎脂其鞞轉而東西之淫文麗采奔追時好然亦有終身不一遇者其爲官也徵斂財賄交歡當途已無目惟人之睇眄已無氣惟人之欠呵然亦有顛倒抑頓踣墜而不振者彼之不備不備孰大焉夫欲刀之銛以舌爲砥欲身之修以人爲砥觀夫子生平所自述亦可以自砥矣

### 翁尊白傳

公諱某字尊白別號蕤甫聞之萬安人也所居地曰綏江故望族公承先世餘緒足自業以故不事家人產得

埋首拾經於橫舍中稱名博士公性孝友兄弟四人蚤世者三公撫其遺孤意愛篤洽不令鄂韡笑人公物躬必嚴細大必飭幅幅域毋俾瑣於爾身若水之流也聖人以為澥坦心白意昭質於天罔或幽徑仄軼什襲重扁韜鏤之為故人目之者若日月公雖拾經生言於民俗莠好政事得失聆聆通曉使得抗眉朝廷之上抒忠躍質天下或尙有救公亦將書庸鼎鐘流聲竹帛不僅僅陟釐長價也庚午歲業得雋矣卒下之鄉里咸為歎息公曰安之命也夫返敦素業不少懈會屬有神州

錢忠介公集 卷十五

十八 四明叢書

約園刊本

之禍聖安初造詔天下三科以上副賢書者得與計考並貢京師公與焉初至金陵慷慨弔古形諸歎詠時適有先帝東宮一事事下朝者雜訊之喋喋黨人回心曲語專阿邑人主意其餘皆戀棧唯唯無堅喙而京師內外臚言流布公喟然曰吾所以策蹇至此者豈為一官哉今式乾之禍已成吾庸何為去東歸耳不忍親見荆棘生銅駝矣掩袂而去之不旋踵而難作識者以為文子先見公似之乙酉秋今上卽位於三山改元隆武分十二科取士復詔中外舉高材生充纂修官禮部以公

名上請授翰林博士公謝勿應曹公諱學佺者官秩宗  
纂修其職也知公深特疏請公迄弗應一二知交勸之  
應命公笑曰子不見夫朝乎修劍拄頤大冠若箕侍寵  
姻慙鏡威介私膝其媚夫墜其傑士睇盼隨目辨說台  
心萬人雷同百辭一諾如此者吾能與之周旋乎翱翔  
治步偃蹇作態搔頭弄姿道仁語福火薪於寢櫝珠於  
腹如此者吾能與之周旋乎傲倪矜懷門鬼主帝介強  
摧柔避羣擊單流言飛雨白論結空如此者吾能與之  
周旋乎其人曰固勿能公曰休矣吾有先人敝廬可以  
蔽風雨有田可以供饘粥彈琴逍遙詠歌先王吾志有  
在矣掛冠神武謝聘安陽彼何人哉繇是言之公英挺  
明識蚤晰亂源不忍以其身爲垢府若此其又肯昧昧  
然不自戒於濡尾哉公丈夫子四皆篤行君子彬彬質  
有其文者其立教必以忠孝爲先抑遠權勢謙下爲務  
及大義所在則抵掌掀髯勸成之常命其子曰昔蒼崖  
有義鷹鷹出蛇搏其子而食之鷹還呼羣數十捕蛇殺  
之穴其腹夫鳥猶以義動而況人乎若義也割而類破  
吾家弗恤矣里中恆怪之謂尊白長者恂恂若不勝衣

及折衷大義意概雷動乃若此人固不可測哉方秋時  
余遭難至止公心手爲瘁瘡方之魯國男子未應多讓  
公性平淡不喜與貴人作緣雖其平昔交遊一往興盡  
嘗曰吾與希聲遊似可者是時公行年六十矣威公行  
誼每欲一言爲壽復因令嗣之請也爲傳其大略云

野史氏曰古未有立傳以壽其親者也立傳之以壽親  
也何說壽親莫大於令名令名也者萬年之祝也且夫  
天爲夫仁義道德之無所附統故爰始誕人淪之以心  
慮恢之以膺革孔子曰人能弘道也然則人壽之以令

錢忠介公集 卷十五

二十一 四明叢書

約園刊本

名者天壽之以福履天在人心也夫祈年保名二尤一  
致是固孝子之所求也傳不亦宜乎余言蕪累不足以  
傳然頗足以備他日史官風采則余如獻食先得膏粱  
焉耳

### 葉純卿傳

昔太史公傳貨殖云山深而獸歸之淵深而魚生之人  
富而仁義附焉然而叔葉以降巧詐蠶起富人囊錢自  
封意欲無厭夫妻執牙籌會計晝夜刺刺不休又如陶  
朱公大兒重千金以殺其弟彼於骨肉閒尙爾他則何

望故乃貧士多慷慨之名富家獲守錢之誚矣以余所聞純卿葉君誼至高入其里兒童嬉戲自馬鞭以上咸能道公賢要知公至性有過人者余以爲其人計假使箕裘祖父能不學鮮衣怒馬豪侈弋獵及一切陸博蹋踞蕩治之爲獨恤宗族子弟捐餘補損此固大難暇日獲從公子仕蘭遊問公起家狀知公先世不饒賴奴嬴馬僅足充給而公自置產好施子公固高人一等矣方公幼治博士家言爲臺山宗尊所器重會公之父樂山公勿祿公愴然抱書而泣曰大丈夫要當知消息夫種

穀者以一歲計種木者以十歲計種書者其期不可知也吾守吾視田既耘既耔其尚亦有秋是無如母寡何季氏稚何家殖落何先人骨肉之未卽土何於是復泣與母別棄家陳揅吳越齊楚之閒凡十年歸歸而營先人窀穸事季氏幼且壯未有室公曰吾婚之仍分其餘於伯季公復慨然曰吾遭大故廢書治生產非吾好也吾聞樹德者獲百年吾今知樹德矣於是宗人鄰戚乞貸于錢公給之返其券或強之公受之退則焚之曰毋令若輩鬱鬱自苦貧而莫殮爲之棺具孤而莫養爲之

襁哺時有窮人以屋市既成價矣復盜瓦拆戶別市之  
公知而不問鄉里咸歸德焉居無何伯氏盲季氏病且  
天公呼二三子謂之曰吾猶子也吾子之母以貧故墮  
乃業臺山聞而歎曰上古之世貧富不相耀以和其心  
自富有篋囊而貧始有胼探欲木而不得生斧柯欲鳥  
而不得生網羅使如吾家純卿者何生哉推此志以概  
天下盜賊不生人民和樂煙火萬里卽天下且大治不  
幸以五十有七謝世不得疏公事於朝喪顯以風天下  
諒用恤焉余推臺山公之意爲傳其大略云謹案公諱

錢忠介公集

卷十五

三十四明叢書

約園刊本

某字純卿號愛山樂山中子也公文夫子長某次某  
隆武朝仕蘭以妙才爲儲賢館貢士六副充滿將騰驤  
天路凡公之子姓或崢嶸頭角具而未飛或玉種銀英  
苞孕而嗣起者將來不知幾何也嗚呼此公所謂百年  
種德者非耶

吳叔子傳

嗚呼叔子而竟死耶嗚呼我輩不死而叔子先我輩死  
耶叔子先我輩死我輩不愧而返爲作傳耶猶憶乙酉  
王正與叔子相見於吳門慷慨悲歌泣數行下不勝蘇



臺糜鹿之感今竟以是死耶叔子之尊人爲巒稚先生所至多惠政如春風煦物盎盎然也識者謂遺澤可十世今乃不能庇其子太史公所謂天道者耶嗚呼此乃所謂天道也假而叔子從閭巷僿促小兒輩剃髮變服麤粲然曳其短袖禿頸來見吾師卽吾師不有叔子嗚呼叔子死矣且假而叔子從閭巷僿促小兒輩剃髮變服麤粲然曳其短袖禿頸稱名士得不死一旦陰陽之寇疹而攻心臥五日不汗亦死其視今日死何如耶叔子好奇書搜亦文緣字之祕下筆不肯作向聲常恨蒼頡作書了不異人意容膝之地環列異書遇有得意輒潑墨狂叫灑灑數千言邑中問奇者屢滿然而叔子恆粥粥若無能者恥俯眉斂頤結貴人歎然從來天最好奇見下方奇士恆攝召使珥筆金闕從容備顧問玉樓一召李長吉其顯者也然則叔子不以義死亦當以奇死天若曰使叔子以奇死壽一世耳不足傳值虜南下縉紳士狂走雜髮恐後或乃遂予于犬羊間爲其廝養卒恬不之恥叔子聞之悲則別家人走太湖起義與虜抗三月小涓之戰力盡被執虜欲降之叔子曰吾不可以

負轡稚教遂死此不乃千萬世耶奚一世十世之閒哉  
故曰此乃所謂天道者也先是夫子自粵西移聞道弗  
不得歸絕家信者四年矣有自湖中來者得叔子起義  
被執又聞其婦烈烈相許以死夫子聞之喜曰佳兒佳  
婦吾俱得之吾不恨惟朝夕望死虜確信以爲快今果  
然矣叔子性亢爽敦大誼居家孝友嘗上箋轡稚謂天  
下事無一非兵理至處亂世非將略兵法不能處事馭  
人其言如此叔子爲文章卽奇士使處治世第甲科卽  
名進士受百里之寄爲民官卽賢有司處邊郡將十萬

錢忠介公集

卷十五

孟四明叢書

荆園刊本

之眾以備胡卽名將帥文人何所不可然余歷觀史冊  
處治世而聲靈燧者一化之中不下數十人若亂世伏  
節而死縉紳先生難言之靖康之亂金人歎曰南朝惟  
李侍郎一人嗟乎叔子班位已在一二人之閒夫復何  
憾焉叔子諱福之字公介別號叔子侍轡稚於光州試  
州爲州庠生已復返縣試爲縣庠生未幾餽於庠弘光  
改元選貢入京爲貢士

錢忠介公集卷十五

錢忠介公集卷十六

契家後學全祖望編次

縣後學張壽鏞校補

南征集六

壽文 祭文 雜著

壽薛衡升五旬初度

躔縣治而東氏龍田迤靡陂衍三十里而遙其里曰化南比至憩房舍望城上壹壹登登非煙非霧余睇目久之曰是所謂五色具而不雨者其下將有賢人隱乎既

錢忠介公集 卷十六

一四明後書  
約園刊本

舍焉問之曰薛氏也環境內無別籍矣或曰薛著姓也俗多顯者其人大抵矜氣重義惇確有古風余曰是固然矣然古者比閭族黨與方伯連帥相爲臂指迨德下衰猶有偉人俶又區邑若漢季之陳太邱隋時之王河汾餘風所扇振恥救弊是故家有型而族有底也或又告余曰子之言太邱河汾其誰與輩意者其衡升乎請言衡升之爲人也少時爲博士家言埋首揣摩結縉經稔會公大人陳掾江泚勇低徊慕思嘗嘆曰遇不遇命也且從阿父遊矣舍而從之遊鵠乎如有得也其治家

劫愆尊卑大小鱗鱗但次僮僕便程以時罔不率下其  
遇人也振穹廩無若晏火鄒律待而爲政有稱貸者度  
其家不能償往往折券棄負人有小過正容訓誠咸稽  
首謝願自覺沐毋宿奸以故鄉黨歸仁焉余曰是誠賢  
者哉余疇昔望氣知之矣適某年月日爲公五旬初度  
公之令嗣請余一言介壽余曰夫壽者氣之聚也陰陽  
敷吸僭僭以春湫湫以秋其不能筐篚乎人也人者取  
之是故坎險之家峻爲谿谷谿谷衍衍寒冰之室封殖  
之家聚爲部婁部婁馳馳贅旒之徵譬之如鐘大則槲  
而不咸微則縮而不越凡有所增損於其間者皆元氣  
之賊也以余所聞公盛德如是是公以義正身以仁治  
物也以義正身者欲穿堙竅氣爲內幕膚幕堅慎勿或  
滲溢以仁治物者襟雲岳雨氣爲外鍵扃鍵緘鑄勿或  
穿穴而公又休乎天鈞審乎鯢淵遊意梵夾精通西教  
公其全人哉攷之禮曰五十曰艾服官政劉氏釋名曰  
艾治也治事能斷割芟刈無所疑也公以全者治身出  
其餘者治天下非惟壽身且壽國矣卽不然公之子姓  
皆圭璋異器彰彰陸離他日公龐眉皓齒爲山中隱侯

坐見簪笏滿牀車馬塞路于公之門摩谿王氏之槐扶  
狩摩娑曼衍樂未央哉春秋繁露曰壽者酬也余謂公  
於天今方肆筵設席時耳若觥爵交橫賓主回互則不  
知重玄之上傾碧霞而爲漿聚英雲而作液闐闐絡繹  
者其又何如也夫儒者之言舉理以察驗犖然獨見其  
裏余雖不文其猶儒者之志也夫薛子退而書其言以  
爲左券

薛石生尊人壽

今有人於此上採日月之芒中食麒麟之脯素蓮黑棗

錢忠介公集

卷十六

三四明發書

初園刊本

常陳乎前雲草玄波不乏於供其人可以得壽乎余曰  
是可以得仙而不可以得壽或曰久視之稱也壽與仙  
有二說乎余曰仙者外物之談也以肝脾爲父母以坎  
離爲子女法玄溝以呼吸築靈株以鞏存自爲而已矣  
奚關理亂之數乎若使晁旒之主逸志崆峒黎庶之夫  
覃精山澤大地將顛天豈獨立故詩書所稱頌禱之說  
言壽而不及仙孔子曰仁者壽是其驗也仁者生理壽  
者生氣理與氣合歸然中柱原厥初生人與天地相爲  
胎息自攻心之鼓伐性之斤相漸相劇而天始絕其蒂

是故與天地合德與日月合明聖者之壽也因世合變  
經緯時俗世治則揚鴻烈於春秋世亂則委身命於鋒  
刃賢者之壽也其他貞婦介夫崩城隕臺苟得其一亦  
足以傲視羽流厭稱鴻客莊子曰殤子爲壽彭祖爲天  
不其然歟或曰儒者亦言保乂頤養然則服食亦有方  
乎曰有其根種於靈池其華曄於丹府其光如火其色  
如朱日須三斗血養之其字忠義服此者壽億萬年與  
天地無極其味苦而不飴世人初羨慕之後以其嚴苦  
中道捐棄是故殤子相望於路也今薛君幼而習儒長  
而聞道與陳眉公諸君子遊往返倡和多性情之什至  
老而遭國難余見其日屑忠義爲丸而服之又以其餘  
瀝分諸子其子相從戎幕咸有勒石銘鐘之志然則薛  
氏一門且將世以壽顯奚獨公一人進難老之觴哉

建國太夫人壽文

太極者日月之母也天地塊然日月不麗人生其間雖  
瞳子限限而出正與盲瞶同科故凡人弗目日月眼之  
日月有功於人人莫報焉自其工氏以頭觸不周之山  
天柱折地維缺女媧氏始煉五色石以補天斷鼇足以

立四維而日月之位始正假使遇災不生異人天跼跼  
欲墮日月雙丸安放安繫女媧氏有功於日月是其所  
以爲報也與太極同功則亦與太極同壽自是以降靡  
得而稱蒙古亂華使斯民煢魄曠枯者八十餘年我太  
祖高皇帝掃氛滌祲精出曜布徐常諸公奠植天地搏  
抗日月厥功爛焉不意二百八十年而復有伊川之禍  
禽情獸行互相襟帶折柱崩天幾於其工氏再出民生  
之不目日月者二年於茲矣閩海之陬實生異人維我  
同盟鄭羽長先生投袂而起大聲叱呼九日並落一時

英人傑士雲雨幕下皆曰羽長之功而公謙讓弗遑曰  
吾母氏之教也故其破金錢百萬入白母母曰而再造  
王國吾尸喪弗恤丙戌之冬岌岌業業流言布恐公扶  
主上於鷲門桐疑虛喝嚙嚙並至公又入告母母曰安  
之此不朽事雖血祀丹宗夫復何恨公故決然起手曰  
月而還之八閩有公日月重生眾水之流也星宿以爲  
母岌山之崩也嵩華以爲母推沂所自母之功又烏知  
其津級哉況公扶日月而天下重有其明是公分目贈  
人戴目之徒口誦心維則亦分算壽公又將推公孝思

以壽公之母然則母之壽又烏知其津級哉往者姜伯奕之母呼其子責以大義爲刺史韋康報仇史稱之曰賢母此猶一郡之主也王孫賈之母以倚閭規諷卒能復潛王之位史又稱之曰賢母此猶一國之主也豈若鄭母篤生我公恢大明之丕基與徐常諸公後先輝映者乎若母閨範教當鏤之彤管不能殫述余爲推本日月之所以生知太極靜存終古不做女媧氏繼之畢天不朽母今其再且哉

誅風伯文

蘇忠介全集 卷十六

六

四明叢書

約園刊本

涉春二十日眾花激灑欲發連朝風雨幽閉太陽使眾花悒悒不得志或乃墮辱泥塗誠可傷也又麥者五穀之長諸生所待濟也重寒冒土麥乃不舒夫花事敗遊子怨也麥事傷農夫懼哉爲文誅之

爾系出封氏名號飛廉腹胎窟穴聚族土囊小而柔和大而跋扈氣格邁往性行闊疏結沙石而爲友扶塵埃而上升雲霧何德而誕敷之日月何妒而掩抑之蓬勃一狀調刁合音揚沙噎陰天爲之瞽吼潮傲浪天爲之聾如彼佞臣揚聲帝庭天口噏張失其常度如彼乳虎



張口頓怒據地一呼山川震怖如彼武夫喑啞嚙啮千  
軍萬馬縱金錚鐵虛聲張皇中空鮮實且爾亦曾以禾  
偃周室臺隕齊郊花信則二十四番仙行則旬有五日  
滕王閣下送王子以芳名萬里浪中申宗生之高志解  
煩疏醒散幽達滯曷嘗不藉爾神功同資鼓蕩者哉爾  
乃散髮樹威磨牙作怒簸蕩山陵沸騰谿谷沖孔動捷  
僵體裂膚飲醇醪而失醉御狐貉而猶寒農夫悲吟於  
田畔遊子佳僚於路衢豈其麥秀漸兮不思殷箕子之  
歌抑口木耳誠兮庶幾大將軍之戰況爾吹寒冰水不  
能結解厲聲拔木不能穿紙力有所屈威有所窮而爾  
乃以委蛇無骨之身作魚然向人之狀竊雷霆之厲音  
掉狂車而奔會爾聲實宏爾面安在亂天之綱佚帝之  
紀宜移傲風山椎輪破穴塞兌守門以附於古者汚宮  
儲室之義

擬十月朔日祭太廟文

嗚呼有宋末造天地回遙棄人用犬毀冠升笠天胡斯  
醉人罔是疾惟我太祖應期首出羣雄睚眦提劍勃宰  
我武維揚雲飛電滅移兵北指莫我敢遏落彼欃槍迎

茲鷲鸞煌煌剡中天日月聲教所敷日域月窟穀我  
士女嬪然眉列皇我人斯禮樂四訖謫也漢唐裔周匪  
匹億萬斯年金甌靡缺養士膠庠三年升膝歿而有勞  
念其遺笏恩斯勤斯窮際塊北云何玄黃邁逢中葉棄  
我冠裳相從而翰匪虜之能我則自鬻何辜於天降此  
大孽嗚呼皇祖朝夕天闕藐藐昊天有呼必徹前烈惟  
何而勿迪吉今人思漢義旗雲集祖德式憑中興四七  
時值玄冬香靄抑密陟降於庭時間髣髴幸挽陽春啓  
佑來哲恭修大祀於澥之卽慘慘悽悽空中雨血哀我  
嗣孫東南播越瞻望陵園心摧脾裂夙夜勤止憂浮大  
宅誓帥臣工親翦荆棘灑血告心居歆也必尙饗

祭阮將軍死難文

嗚呼胡塵肆飛茫茫慘黷妖星犯垣守龜違卜國祚贅  
旒有如衰髮公之尊人馳舟南麓呼城上人我拮爾角  
執戟不誰野盧弗叱生民吁吁猶髮而哭臺空金紫道  
擁羔鷺獨公一門忠義櫛沐公柰何哉回師澥曲眾方  
僥巧公心如木較射山堂旁觀嘖嘖發矢其腹翻落九  
日敵千敕甲觀燮聲伐維春之季腥聞磅礴鼯鼠晝飛

青燐夜旭公曰可矣先登獻誠矯矯虎臣英英家督貫  
弓執矢伺虎於穴櫪上馬鳴杯中水血人曰豈宜敵強  
弗克孰呼鬼伯制彼狂獠公麾弗顧索戰彌疾壯氣屏  
衛免胄撤賊虜礮如雷空中雨鐵天不祚明公身其厄  
中厥要害貫胸腋豫州隕星太陰掩畢胡虜未夷喪  
我英傑人百其身如何斯贖嗚呼哀哉公身雲霄公名  
日月亂曰春草萋兮故國非兮杜鵑啼兮蕙帳空兮如  
何弗悲蘭玉摧兮公無差次身一个兮爲國則忠家則  
那兮豈伊不懷全者大兮庭有幼婦含酸辛兮有光刻  
刻孕石麟兮豈伊不疇呼天旻兮心靈英挺訴上帝兮  
託天報仇魂魄毅兮死而圖孝捐妖彗兮余聞公名永  
歎愾兮生不見公死而淚兮壁心爲脯血爲醑兮吁嗟  
我公翩其戾兮嗚呼

疑獄

王茂弘曰亂臣賊子何代無之予觀史冊亂臣賊子多  
矣未有若今日之甚者也天道西行陰雄爲戾壽杌再  
變世而加厲將毋前息後胎在再成形以至今日乎讀  
史之際不勝情慨偶摘數條以當執訊往者抱才之士

不得登用出門多室人之悲擊壺有伏櫪之嘆一旦風塵颺起驤首先驅今縉紳大夫通列要津銅符代綰銀艾腰懸亦復喪君有君若去今日有明日泛然過之曾不芥蒂此不可解也往者功名震主門地見疑國隙已開家冤將報若伍員避楚樂毅辭燕稱情而言原非得已今縉紳之家父兄弟褕衣甘食歌鐘在懸蘭綺未徹一時跼蹐別是侯門轉盼白雲須臾蒼狗此又不可解也李陵降虜漢先殺其母妻以故自絕終無反顧之心今國家戀戀賊臣勤勤逆子田宅妻孥依然無恙未有風影尙冀褻裳一遇歸誠便思升膝而必欲立信於虜誓不肯德此又不可解也或曰身家念迫計無復之試問今日域內竟是誰家姑婦勃僂兄弟詬誶不過數日還便歡然今結怨連兵居然敵國清夜自思將以爲誰此又不可解也啓民可汗入隋請襲中國衣冠煬帝不許固請乃許之彼固夷種尙慕冠裳我乃漢兒不羞鱗介此又不可解也然猶曰中國方強蠻夷款服也契丹入寇擄晉少帝盡有幽并乃冠通天冠服絳紗袍朝見羣臣昔何所畏而襲華風今胡斯忌而甘胡服此又

不可解也馮道洗面事五代干職燈檝及契丹北行邢  
州變後馮道亦與李榮奉表歸漢今北兵遊行相對義  
故而日尋干戈橫生肝肺馮道而在豈與爲伍此又不  
可解也契丹南侵逃律太后謂契丹曰漢人可爲胡主  
否契丹曰不可后曰然則汝何故欲爲漢主華夷之分  
女主猶知今以中國之大臣不如胡虜之婢妾此又不  
可解也劉氏之亂漸準殺劉榮謂安定胡嵩曰自古無  
胡人爲天子者今以璽綬付汝還於晉家今新室多稽  
顛之夫舊家罕涕泣之老以中國之名流不如胡虜之

亂賊此又不可解也劉琨結代公猗盧邵續依段匹磾  
而匹磾爲石勒所得嘗胡服持酒節夷狄之性猶懷忠  
孝詩書之子曾是弗如此又不可解也龔壯一處士耳  
與李壽謀報父母之仇勸其通使建康屢表切至及壽  
僭逆遂與壽絕身還成都今世荷國恩曾無匹夫豈漿  
之報終鮮杜鵑啼血之誠此又不可解也人之行事誰  
能無失及其抵歸要於無憾懷帝之難買正等已送任  
子於漢及遇索琳邀還臨涇勸其興復晉至便能集合  
義旅軍聲大振朱序被執襄陽業受度又尚書爲堅致

命及見謝安遂申衷語今一入虜廷便復鐵石難移雖  
手書騰告剖膽露心曾莫能動其睇盼此又不可解也  
陳敏作亂猶爲中國顧榮甘卓偶受僞命華譚一言翻  
焉歸正且恐西兵討賊函首建康題曰顧榮甘卓之首  
今義兵四起胡運已窮必欲傳首行在題曰附虜逆賊  
某人之首君親已矣身名謂何此又不可解也王景略  
身爲秦用臨死表曰晉雖僻處江左正朔相承君臣和  
安臣死之後願勿以晉爲圖陽平公融亦謂中華正統  
天意必不絕之今反面事仇必欲碎卵傾巢燬鳳烹麟  
此又不可解也慕容紀年於永和之初至孝武太元九  
年中間相距不過四十餘年非有深仁厚澤翔洽人心  
付堅滅燕慕容冠軍因隙北歸其故臣王騰段延聞翟  
斌起兵率部曲歸之今本朝德澤葉潤根濡已二百八  
十年長安市空泣故國遺黎咸陽布衣無復思歸公  
子率旅言歸杳然空谷此又不可解也漢壽亭歸漢曹  
操弗追曰各爲其主卽文山柴市待盡歐刀今仇視忠  
義獍狎作軌鑿鋤推燒罔遺餘力犬羊爲此亦何足怪  
高堂偃坐汝乃何人此又不可解也周虓陷身秦中每

對必稱夷狄或曰犬羊氏羌之暴猶云遺晉舉亭出降  
只書亡宋今呼彼爲恩呼我則賊不顧中原共主猶在  
波濤舊日臣鄰悽然澤畔昔桀犬吠堯今堯犬吠堯此  
又不可解也宋亡四年之後建寧總管王華聚眾十萬  
稱宋祥興年號今版圖雖析統系未寒而紫色蛙聲翻  
居正位此又不可解也今之辯者輒例宋元不知元之  
世祖雖是夷俗政教粗存紀綱未替未聞皇天斯醉鶉  
首乃賜童孩女主將昌曆數竟移淫化而竝肩側足焦  
爛爲期嗜痴雖癖逐臭何甘此又不可解也於是大聲  
而斥之曰此爲禽獸嗟乎玄宗之馬暝目祿山昭宗之  
猿碎衣朱氏唐之鸚鵡口念上皇宋之白鷗身殉帝昀  
以此相較禽獸冤矣嗟乎嗟乎今之亂臣賊子吾將口  
所歸獄哉

錢忠介公集卷十七

契家後學全祖望編次

縣後學張壽鏞校補

南征集七

五言古

迎陽詠

并序

余泛海入閩適遇羹甫傾蓋交也亂孔亟余又將攜  
妻子客海島公止余毋往中夜秉燭曳履叩余舍數  
四唯恐余之去也夫人情誰不顧家余自欲海耳勿

錢忠介公集卷十七

四明張壽鏞  
約園刊本

聽公而去之卽湛妻淪子余自左計公勿爲薄然而  
公如此又其時公之家亦卒卒未有寧宇也棄勿顧  
而愁留余以爲累翼余險扶余顛寧余婦襁余子董  
余僕夫廬余廬室余室爲余謀者萬乃全焉嘆息之  
聲恆續也公古人哉余嘗讀杜子美詩云諸家憶所  
歷一飯跡便掃蘇公得數過歡喜每傾倒亂世人情  
千載如見夫以子美之才猶尙如此況余沈沈者哉  
然子美之遇蘇侯之德繇詩而傳不感不詩不詩不  
傳也余才謝曩賢不忍使公之德隱而不傳故於冬



至暇日爲作迎陽詠喻亂如陰亂世而迪吉人喻陰  
盡而陽儼也余詩固不足傳要使後世知有夔甫者  
鳳曆初窮紀麟書又泣時寒泚侵坤軸日車凌岬夷蕪  
城風沙削智井陰火熳積幽生夜氣貧鬼相給咎黃泉  
種碩果拂鬱不得施如彼旅失次顛倒爲孤羈是日日  
長至軒軒生羽儀漸達塊北際雷昱蘆管吹始知天地  
德不令衰者衰我生逢瘴怒載家繇海湄鯨鯢張翅舞  
蛟龍挾舟馳皇天降割汝呼號若何其更逢綠林客猱  
猱樹髮毳強者故嘆喑弱者伴吁噫其語若飛屑嚙杏

不可知怯篋細訶視清風難贈持多謝諸少年爲余解  
繩淄百死脫虎口恐懼呼妻兒顧瞻道路長惻悵中心  
悲哀俗較衡曠慷慨施者誰漂母不復作王孫空自飢  
豈知仁者心盎盎春露滋百草腓道旁斤斤之所遺一  
莖不被霜玄雲滲漉之渾忘神功大翻謂覆載私嗟余  
遺世士斷尾同雞犧於公復何利而乃軫念爲愧非蓬  
萊鶴白玉紛威蕤又無子美賦文采燦陸離越鳥中夜  
鳴感彼仁者慈羽音何足數芳名千古垂

題翁德五小像爲流觴曲水

并序

凡小像之設皆所以寫情散意假景調身厥類匪一  
故或搢笏垂紳雍容廟堂之上或鹿裘筇杖逍遙山  
林之下二者靜飾不同然而山林尙矣良辰吉日嘯  
侶命儔匪公匪侯我璞我寶花無情而嫣然鳥有韻  
而笙歌尋芳選勝以山水爲鼎鐘坐褥憑茵以天地  
爲帷帳清風發發不須錢買流水湯湯豈爲勢來斯  
乃竹林所以稱賢蘭亭所以載蹟者也又況德五以  
英妙之才具曠達之識者哉德五曰夫將自其異者  
視之一我非我也將自其同者視之四我一我也適

錢忠介公集

卷十七

三四明徵書

約園刊本

已而已奚問幻哉余曰凡人有遐志廣度者皆古人  
所託以寄其形容者也含情種智道集來今競秀追  
歡風餘曩古借永和之故事修昔代之衣冠風流不  
墜發曲水之英談陋塾生之僻說音響如新是曰逸  
少重生可謂廣微復出傲淵明之舉杯抱獨笑太白  
之對影成三一堂之上今昔昔主主寶寶一我所  
化豈有盡哉於是希聲復進曰是其中當有希聲在  
吮毫濡墨佐之以詩

右軍不復作蘭亭暮春者蘭亭荒荒春曲水潺潺瀉土

女渺昔歡荆榛覆古瓦春爲蘭亭乎曰爲右軍也翁子  
曠達士玉屑恆霏灑妙契蘭亭心豈必坐其下因作曲  
水圖呼工爲我寫一身寄四座誰者辨真假但覺古人  
手軒軒來相把林香釀百花流水浮三雅奉觴觴吉祥  
歸來醉純嘏恨不呼希聲其結飛英社

贈萌菴道人

東來有奇士肝腸白如雪遺我一端綺文采懸雙蜺中  
有迴文詩千行萬行血飲酒不甚多酒酣歌一闕我聽  
河上歌欲縮同心結蒼天生窮奇忠信遭抵批舉世無  
宓如爾焉所遺玦君言榮味甜謂有苦於榮有川廣廣  
流有山蟲蠶列寒行則履冰暑行則觸熱惜哉曲躬難  
豈謂地無穴

七夕擬古二首

上天本欲界牛女能無情不知始何歲亦復無終經秋  
風稍稍起秋雲冉冉盈弦月澹澹發天河耿耿橫士女  
乞巧思瓜果陳中庭彷彿本無覩意象參窈冥頓覺鵲  
橋上飄飄雙桂旌繇其離恨各遂此幽歡并從來望夫  
石能變貞女形亦有陽臺女雲雨感精靈宇宙甚寥廓

情想縱橫生況乃精氣結上天爲列星斯理不可說曠  
然歸太清民今方喪亂田園不得耕高樓多怨婦丈夫  
從軍行各有今夕意悲嘆何時平

中庭有桂樹擘擘飛華英條風初變煖秋氣遂凋榮傳  
聞此月夕牛女相爲情天河不可渡靈鵲煩經營天河  
淡欲沒蕭蕭儼晨征明朝機杼上軋軋送怨聲姮娥老  
璇室婺女儷天經二物感在天何以酬孤貞

七言古

紀夢 并序

鍾忠介公集 卷十七

五

四明叢書

約園刊本

余夢五弟錫九宛然相對時久不見書以爲行矣不  
數日而書到夢固有使之者哉

萬峯峯裏萬重雲煙霞溼處愁人立春風不散離愁  
雨聲無賴推窗入簷前靈鵲絕好音暝色堆來百愁集  
雨聲愁聲渾織成織成愁字難收拾抱愁歸臥不成眠  
棗花有路空堅澀昨宵夢汝來我前兩褶結束短衣褶  
爲言歸去道路難一聲嘆息天地泣此嘆隔離千萬重  
乘風直度通呼吸明朝星星見所夢書裏重封淚痕溼  
開幃見爾憔悴容彷彿還與夢時同

四歌

悲士民將吏也長歌之言慘於痛哭矣

吁嗟爾民一何愚髡髮胡服滿交衢老者曰非不愛髮  
不尙無以守田廬壯者曰非不愛髮不爾無以保妻孥  
喏然一整斂手立塊若腐肉委庖廚一旦禍發不自保  
骨肉纍纍填鳶鳥問爾室家今在否問爾田園今有無  
男兒寧當格鬪死人誰不死爾死徒地下若教逢故鬼  
笑爾爾非吾吾弱子叫他父幼妻哭壯夫沙塵白日  
鼠盡舞陰雨青燐鬼夜呼死者已矣復何說冤魂億萬  
號天誅還有未死十萬戶漸次漁獵將安逋譬如牛羊  
齧草飲水在欄檻而曾不知豢汝飼汝之爲屠吁嗟爾  
民一何愚

吁嗟爾士一何愚缺袴作袖同馳驅讀聖賢書學何事  
棄我章服翻從胡胡兒法令嚴且酷小者鞭笞大者誅  
爲爾謀義喪億萬爲爾謀利無錙銖何不少忍須臾待  
日出甘抱明月投泥塗其中乞憐與丐伍朝夕部邑冕  
鷲趨候呵裏息風雨疾脅肩側足紛庭除稱功頌德大  
文字千金自寶口中珠旁觀見者咸欲嘔彼人是哉子

曰迂此等偃促不堪道漱口洗齒毋令污載以小車送  
之去合令小鬼乞作奴復有一種大豪傑朝立程門暮  
待朱筆鋒瀾翻變天地能令肉者立骨骨復腴一聞犬  
羊方試士心搖技癢難斯須少婦銜嫁不得坐理我筐  
篋整我襦分明入苙謂入穀蜣娘抱糞生死俱猶自揚  
揚鳴得意今也孝廉前巨儒紅纓葳蕤光照地摩拂斗  
笠來于于里中小兒不解事耳熱新貴避路衢惟有倚  
門舊犬怪非主睨柱熟祝鳴嗚嗚吁嗟爾士一何愚

吁嗟爾官一何愚昔爲麟鳳今爲驅獵師張弓欲射虎

蘇忠介全集

卷十七

七 四明叢書

約園刊本

爲虎拂拭佞先驅當時射策明光宮聲價颺然照乘珠  
久歷仕宦老商賈計較子息籌錙銖赭山鼓橐鍊金錫  
乾海張網羅珊瑚心中百城戰不下顏上千鎧生來俱  
忽然玄黃東戰西庭中流血大吏誅西人迴戈復東戰  
麒麟刀俎鸞鳳斂兩番報復快私怨坐見宮闕成荒蕪  
君王自抱鼎湖痛臣子誰持龍髯呼側聞賊庭方唱名  
鑿跚階前盡日晡須臾虜來十萬騎賊戰不勝中夜迫  
殘膏賸粉更整飾賊之下陳奴之奴不知羞耻是何物  
笑指公等胡拘拘辨髮胡服先意迎坐以盤膝拜以膜

馬上威儀青絲絡堂前歌舞紅氍毹如公爲計則得矣  
天下獨無清議乎且置名節勿復道與爾指畫身家圖  
從來冰山不可恃况復虜性影忽張之弧君不見毘陵  
一大姓樞衣屏息偃僕趨忽然反覆生狼心摔抑階下  
如孤雛備受楚毒至於死沒其家產羈其孥兢兢業業  
抱虎臥猛虎於我何葭莩雖當相狎似相信正如罨捕  
豕鹿歸庖廚向爲身家棄名義今知身家不足保名義  
亦何辜何不還爲忠義鬼扶搖三千里與日星川嶽而  
爲徒吁嗟爾官一何愚

吁爾大將何其愚關門迢迢不可踰積石盤互如爪牙  
雖然解柝還躑躅虜人笑謂吾無人使以百騎守關口  
吾雖十萬能馳驅我卽未能北向而爭帝固吾厄塞繕  
吾營壘下之不失爲刼句奈何斂兵壁閒處椎牛擊鼓  
迎封疆北人誇耀銀篋韞南人珍重金僕姑抱頭鼠竄  
亦足矣面縛輿櫬胡爲乎此如猛虎搏噬愛其餘力  
憐其劬蛇行匍匐入虎穴再拜稽首呈微軀勝負兵家  
自常事迴環往復如構藉越王棲會稽種蠡沈泥塗二  
子還羈越聲名何天衢卽無鐵象走沙漠還有金翅飛

菰蘆朝潮夕汐滄溟際日月高懸乎飛盧東眺扶桑南  
交趾島峙錯出如攢圖何不須臾待時變集合成旅收  
桑榆況復虜運不久滅檢惡盈稽天誅不聽江邊歌

渡馬會看門闕榜還珠

福京有還珠門

本朝待爾自不薄朝挂

黃金替剖符胡兒不比肉翅虎將軍胡爲委尾狐吾聞  
古來有義士拔虜歸國百口屠爾爲百口翻從虜愚智  
相越天淵殊君不見金陵忻城伯以國爲市輸之奴亦  
復檻車送燕市俄然沒命於黃墟又不見鎮夷方氏子  
挾輶奪纛無時無一朝兵散桐花嶺白髮不死爲羈孤

錢忠介公集

卷十七

九十四明徵書

約園刊本

猛安謀克各分部巢傾卵碎無完雛如公此行復何道  
白日黃泉鬼伯呼惜君自棄如斗印惜君空負如戟鬚  
衣裳車馬爲誰有惜君爲君歌山樞吁爾大將何其愚

春日同諸弟觀葉思雲新舟因宴舟次樂工有爲

阮聲者呼歌一闕傲白香山潯陽之事戲作琵琶

琴行紀之

大明移宮海上宅枕潮臥汐海神泣胡馬春來猶慣嘶  
八月南天戰荆棘故人葉氏多奇才卷軸乾坤向舟楫  
初登爵室敞以高以手量天僅三尺征旆幢幢曉口遊



朝帆曾稽暮碣石俄觀深處閒且清不讓瑤臺與璇室  
岑牀周密扇重雲四座盤飧隨意設旋命歌者三四人  
紫槽橫根撥明月大絃小絃次第陳繁柱促絲風雨集  
我欲聞之不忍聞一似潯陽江上客江州有客悲謫遷  
豈若予身墜網國曼聲短引何流連荻花寒對青衫溼  
況我遭逢天再崩志欲扶天鼎鼎立海濤澎湃猶怒號  
妖星弗河犯紫極對此如何不淚垂春風花底杜鵑血  
我爲髮時血未乾歌者一人長太息自言身是宦家子  
少年結客盈樽壘襄陽街上白銅鞮油壁香車豔桃李

錢忠介公集卷十七

十四明徵書

約園刊本

對酒高歌花欲嫣當場選勝呼翻雉有時明月照樽前  
長笛一聲落秋水忽然世亂遭此離妻子零丁計無埋  
今年寒食半飢魂一盂麥飯東風裏公子王孫甌亦塵  
況其下者疇不死綠楊枯井啼飢鴉寒沙陰風鬼畫市  
白骨猶應屑作糜僵尸未暇餐蟲蝨嗟哉十室九空然  
我亦棄捐勿復擬我聞此言重涕零輟箸呼嗟爲之起  
蒼天仁愛豈無心刀俎萬物胡至此大廈原非一木支  
泣麟西狩孔亦已焚香祝天生聖人蚤爲斯民息瘡清

苦吟

血浪崩騰泣百川，萬鬼瓦聚生寒烟。狐狸跳盪擲平地，  
猿狖哀吟嘯樹巔。我遭此世慘不樂，欲奮身兮匪鴉鳶。  
仰看青天猶昨日，日月星辰正斗躔。胡爲下土冤號若，  
弗聞天門重局高。且玄爾縱虎豹虐下民，些抱虎寢蛟  
勢不得眠。生民莖髮化草木，豺虎磨牙猶研研。我恐其  
工再觸柱，再折東南岌岌天。將顛自古豈有五色石，忠  
義煅煉石匪堅。忠義糜碎不復種，隻手支天豈獨全。小  
臣萬苦萬萬苦，積憂凝膏中夜煎。小臣死耳復何說，未  
審蒼天何以天。

錢忠介公集 卷十七

十一四明叢書  
約園刊本

五言律

風雨航海和石生韻

攜家來海曲，竟日畏山臊。酸雨隨行旆，癡心逐去刀。死  
生自有命，君父敢求高。拭目碯溪叟，垂綸坐釣鼈。

喜肇一錫九兼三協虞諸弟到用肇一原韻

愁心不知處，飄泊似懸旌。不是雲霞路，誰知鳧鴈情。郤  
憂思令草，葢草謂之令草垂老愛山精。吾有長生訣，千秋此弟

兄

繇海壇到龍山寺與肇一錫九兼三諸弟會佛前

一宿明日遂別一時悲喜有筆不能盡者  
鴻鴈不自遠飛飛彌復情因風還接羽乘月載聯聲今  
夜孤蘆影明朝雲水程欲知離別恨沙渚暮煙橫

舟中宴集簡席上諸公

同爲泛舟客各抱故園愁南北何天地烟波不夏秋有  
懷長對酒無事但盟鷗話到吞聲處相看淚暗流

登羅星塔

今日登臨地披蘿只一痕海波流日月塔影樹乾坤鳥  
語空中碎禽情世外論皖公山色好何日慰愁魂

錢忠介公集卷十七

三四明鏡書  
約園刊本

與錫九弟同登羅星塔

不知何所事今日始登臨孤影千家隊堅鋼一片心入  
雲天可問拔地水難侵佇立岩巖上輕風送好音

錢忠介公集卷十八

契家後學全祖望編次

縣後學張壽鏞校補

南征集八

七言律

贈碧居禪師并序

碧居大師爲金粟上座退修於龍峯巖布衲一牀蒲團一具眞樂在中蕭然物外客至則喜盡出所有爲供具不問明日師以爲迷悟雖殊物性則一不廣延

錢忠介公集卷十八

一四明叢書

約園刊本

納後生何繇聞道哉所交遊多知名士夫名之爲天下病久矣師因病發藥哀而求之非樂而收之也謝永嘉之慧業文人應生天上不遇名師填坑落塹亦豈有極乎余入閩來遊龍峯巖喜遇名師因次壁間韻一律

下方猶見氣蕭森峭壁凌空結地陰古樹千盤垂法雨  
海天三月洗清音門前青鶴歸雲市洞口蒼苔護石心  
一自吾師飛錫後芒屨踏破月痕深

登德成巖贈省言虛白二上人

手持禪杖赤騰騰直上高原第一層洗鉢安盂今日也  
騎牛穿鼻幾時曾會須一把開山斧便斬千年繞膝膝  
且說上人垂正眼黑雲堆裏撥明燈

石磴幽崖結道林高人於此濯塵襟一閒茅屋能棲性  
數畝荒田可種心豈是香山先有約故於玄度得相尋  
他年撒手同歸去蘿月松風送好音

諜虜以十六日入福州鄭平虜率舟師退還安海  
卻在十一日也感而賦詩

樓船十萬號稱雄旆旌煙霧中胡虜還嗤城是紙

鏡忠介公集卷十八

二四明叢書  
約園刊本

將軍無復氣吞虹鐵衣夢斷關山曉銀漏聲催海日紅

斗膽厓山猶一戰祇今空憶郢州公

郢州謂張公世傑

威名赫赫震關東駕海人疑百丈虹大將已無長揖客  
天王惟有降心公忍聽代馬嘶秋月那見飢鷹漾曉風  
喪亂孤臣消受慣不堪風鶴到皇躬

福州一都會也人物錯列甲兵駢羅虜人延平載  
水可守背城可戰萬一不幸棄之未晚今虜未  
入境而棄城以待待者半月矣而虜卒不入其  
愛我乎其畏我乎元次山云幸蒙其哀憐而已

觀虜之勢與其用心恐亦無哀憐之日也碧居  
師自長樂歸言省城齊公諱異者鄉貢士復散  
家財招義勇爲城守計余聞其言而壯之因作  
詩以紀其事西歸好首亦猶匪風之志也

三山浪說帝王州

識有三山出天子之句

十騎飛來散楚謳

虜到延平

傳止

十騎雪窖未聞歸漢節

洪承疇閩人為虜所用

桃源爭有避秦舟

空城月色寒征旆夜柝潮聲泣戍樓爲說齊公還鞠旅  
一枝松柏壯高秋

贈富平伯張侯服

全祖望曰此公由溫州入海時作

錢忠介公集 卷十八

三國明叢書

約園刊本

駸駸驍騎羽林軍百戰聲名天下聞知有麟書埋血淚  
定看龜紐印波紋心依漢使猶瞻斗手把天弓欲鎖雲  
故國山川荆棘裏雙攜日月掛江濱

贈威虜侯黃虎癡

拜劍承恩雨露閒軒車目送出雲關一肩日月千秋擔  
百戰威名萬仞山叔子遺風垂帶緩征南餘業著書閒  
聖恩能許臣能報句當江南公事還

山居岑寂勉學玄曠然而風穴所在草不生焉其  
爲優齧者多矣子私念世情似若可了惟聞聖

駕所在則引緣穿穴不可禁止碧居上人自長  
樂歸傳聖駕已至贛州其說自確又云皇上與  
聖母單騎至一村後騎追急猝投蔣姓之家須  
臾虜至詰問再三終不洩虜搜捕此人則呼鄉  
勇與戰虜敗而還聖駕得出嗚呼此人真義士  
哉惜傳者之逸其名也

虜騎星馳下劍川王師十萬散寒煙荒村未解百金劍  
遠道誰遺七寶鞭野老無心雲閣畫奇功自足錦囊傳  
人情爲結河冰合此日滹沱可卜天

錢忠介公集

卷十八

四四明叢書

約園刊本

宿東林寺聞舟中歌聲曰此飛幕也其能久乎賦

詩名曰泣燕

猶堪澤國小邾句其奈諸公盡作道瀚海波連山勢壯  
樓船曲度夜聲孤歌來上堵人猶爾淚落江州我獨吾  
鐘歇香殘古寺裏愁深還有未棲鳥

留別碧居虛白二上人

一雙黃鶴別斯須拂拭慈悲任卷舒廣柳車中能脫季

滴蘆舟上獨憐胥芭蕉種綠書猶溼

上人愛我書  
留數幅

桐葉

飄聲語未疏此後月明山有夢夜深還到遠公廬

答語石山人贈別原韻

水水山山到處逢，知交零落幾相從。  
悲絃欲起池中鐵，哀調如聲洛下鐘。  
燕子東風昨夜恨，蘆花明月舊時蹤。  
因君未識三閭面，爲畫瀟湘憔悴容。

憶西湖六首

一入西湖水面齊，長隄連卷臥虹霓。  
畫樓語燕聲聲暖，繡陌閒雲片片低。  
幽吹別來孤峙曲，小舟橫處六橋西。  
行人日暮都歸去，花影參差誤馬蹄。

夢折垂楊踏舊隄，數聲簫管著人迷。  
湖光不散風波浪，

錢忠介公集 卷十八

五四明叢書

約圃刊本

山色猶含煙雨淒，幾處高樓歌白紵。  
誰家別業嘯黃鸝，江南景物都歸北。  
只有西湖尙姓西。

西湖誰似浣花溪，禍水沈吳報會稽。  
闔門前荆棘亂，姑蘇臺下鷓鴣啼。  
傍隄柳色嬌蘆管，隔岸潮聲壯鼓鼙。  
一道迴波流恨處，花紅草綠不堪題。

西湖誰似武陵溪，載隱沈名入陜蹊。  
水面流花迎客至，山中飛鳥近人棲。  
月明自照秦關古，酒坐誰傷晉祚西。  
爲問浙江潮對處，至今還有義烏啼。

一從帝子散風流，湖上年年發棹謳。  
石笏驚呼三仗曉，



妝臺雲映六宮秋。龍舟微動香煙遶。玉輦初迴花夢柔。  
莫笑宋人歌舞地。汴州拌得有杭州。

門外清波波未清。綠羞紅泣鼓鼙聲。羶風夜度千羣立。  
落日潮生一艇橫。戴笠鏡看新達魯。奉符人是漢公卿。  
西湖汝亦無情子。不載吾王入鳳城。

紀夢二首 并序

隆武皇帝卽位閩中。肘掣於鄭氏。彌年不出兵。安坐  
稔敗。未免爲將來識人所悲。歎然其宸章電灑。聖度  
軒豁。得一言如霹靂。在心目閒。一種混混漚漚。持大

鏡忠介公集 卷十八

六十四明抄書

約圖刊本

體不拘細故。卓犖英絕。酷似我太祖小臣私謂此帝  
不中興。不中興矣。舊秋巡幸車駕。未必何所。至今耿  
耿天祚大明。聖曆萬萬年。天下忠義士。往往而有明  
皇返蜀。琅琊渡江。重整基業。再振聲緒。其然必也。近  
又聞聖駕在大帽山。語涉不諱。酸楚聽聞。咄咄作怪。  
嗟呼小臣萬死不死。而今日者何也。越兩日夢至大  
廷。如哭臨狀。須臾兩人昇竹籥。至一幼子爲喪主。拜  
且哭。余素衣冠。曳苴杖。呼弟輩四五人往哭之。胸門  
醞釀血淚。若斗斛許。楚極嗚嗚。不能聲。卒大恸。妻子

驚怖起抱持再三呼乃醒然牀頭枕席已溼盡矣豈  
王符所云人有憂卽夢其事固紀想之夢耶抑夢哭  
泣者且而獄吉凶之來固以相反耶得是夢後遂不  
履起作二詩紀其事昔杜子美夢太白詩云故人入  
我夢明我長相憶父子君臣朋友別則思久則憶望  
而不至則夢則哭情之至也竄余詩者其知余心全  
望曰先贈公有云此夢乃赧王北來討

音之先兆也足以見公之忠誠格天

萬斛愁心不可量風前珠淚灑千行節旄臥漢人誰是  
海島悲田客未亡定有江萍迎帝子會看紫蓋入荆揚

蘇忠介公集 卷十八

七十四明叢書  
約園刊本

小臣帶有申胥哭無地呼秦夢自傷

故國山河擲逝波海潮書恨不勝多一番花信憑誰逗  
幾度麟書只自哦處處春風摧玉樹年年秋草泣銅駝  
浮生爲客憂爲主夢亦悲哀曉柰何

與門人洪伯玉總戎

豪氣翩翩裘馬閒天河手挽洗時艱誰呼夸父來爭日  
獨有愚公欲走山劍隱豐城動牛斗酒遊燕市狎塵寰  
雙鬢日月征帆上藉爾英風滿載還

海上聞信

湖來枕畔泣潺湲盡是孤臣淚血灣雲外山河難著眼  
愁中花鳥亦無顏傳聞帝子開靈武復道胡兒出玉關  
不謂皇天真欲殺一番虛信也還慳

醉茶齋步辭子熙韻

有序

衡升長者也相對道風穆然謾謾如長松下坐爾傳  
少年蘊藉勇於爲義皆以淡味交者古人稱人每云  
如飲醇醪不覺自醉余謂醇醪膩物猶有俗態請以  
淡味一澆濯之時衡升方戰茗而肥名其齋曰醉茶  
夫茶豈能醉人知其味者且暮遇之衡升復扃門掃  
徑曰毋令俗客漫嘗此味而時揖希聲入坐希聲乃  
作驕語曰世人皆醒我獨醉

高齋選句句功驚次第春風散玉英檻外新栽麩菓種  
竹閒虛引轆轤聲雲根裹液仙芽嫩玉盃浮香病肺清  
更愛君家無俗客素心潦倒不辭醒

和鄔萌菴道人招隱用烏字韻詩十首

陰雲漠漠覆平途寂歷長空下白鳥風煖林香藏媚蝶  
月明夜靜宿檣烏空中世界誰與語高處天心不可圖  
卻笑海潮渾底事明朝走馬爲誰愚

世事亡羊盡泣途羨看沙際濛晴鬼盈虛客散門前雀  
浮薄人憎屋上烏下馬賦詩無壯仗當車橫劍乏良圖  
樽中有酒堪同醉彭澤何人爲酒愚

蕭蕭風雨下危途世亂於今見海島晨歷晉軍徒穴鼠  
夜空齊幕有城烏難書婢子啁啾語欲畫將軍劄劄圖  
可惜青天好雷電也還啞啞學癡愚

誰言天外更無途我欲乘舟逐泛鳧共報長安星化肉  
幾時王屋火流烏舊家燕子新門第故國山河慘畫圖  
愚谷愚溪名字古海濱有我會應愚

錢忠介公集卷十八

九四明叢書

約園刊本

人世悲歡自兩途波平波起任雙鳧一畦宿草耘耘烏  
萬縷愁絲織織烏浩渺山川煙作障蒼茫雲水淚成圖  
汨羅江上香千載肯向凡夫量智愚

與人同世不同途跼跼甘隨水上鳧投老已無十畝地  
談玄誰是九齡烏洗心預擬平淮頌翹首重瞻王會圖  
此願不隨蜃蛤化蒼天何以慰庸愚

故園歸夢已無途一擔離愁伴海鳧世事紛紛還逐鹿  
中原擾擾盡瞻烏既渝宋氏河隍約又獻燕丹督亢圖  
關塞極天惟積恨今人曾笑古人愚

大地荒荒盡畏途，願隨深處隱松鳧。鳥知狷潔羞臣鳳，  
隼爲貪庸不繫烏。愁到欲呼八陣壘，春深空鎖十眉圖。  
魯陽返日心還慙，何必移山便是愚。

巖隄一入盡夷途，誤國何人化野鳧。舊主深情春乳燕，  
故園殘夢夜驚烏。半鉤斜月山河影，一幅滄州輿地圖。  
若使千秋無史筆，北邙纍纍定誰愚。

壯懷何事哭窮途，有志難飛葉令鳧。逋客狂歌朝拂劍，  
孤臣浪跡夜啼烏。愁城自熱無明火，疑窟難推太極圖。  
忠義於人原不負，此生何必諱癡愚。

鏡中集卷十八

十四明堂書

約圖河本

留別薛子熙

海上文光十丈高，憂時灑淚共綈袍。樽前歌舞能留月，  
筆底春秋不讓刀。此去無緣伴猿鶴，從今有恨付波濤。  
陽關愁結飛千疊，一曲滲漓白鬢毛。

贈薛爾傳

征馬蕭蕭此重聞，臨歧把手不能分。自憐蜀道鵑啼血，  
又痛衡陽鴈失羣。悽切雨聲飛竹淚，氤氳愁思亂桐雲。  
預期後會知何地，我欲剗心持贈君。

留別薛衡升

氣節如君得未多，猶懸短髮自摩挲。  
嬾於愁日舒青眼，喜向明時捲白波。  
竹裏風聲亂琴瑟，門前月色醉藤蘿。  
嗟予生少風波債，不及同來泛穆沱。

留別翁尊白

已從蘿薛訂山盟，又作風波海上行。  
每對池塘夢尊白，可能杯酒憶希聲。  
花因醉客枝枝舞，潮爲催人處處迎。  
把手不須頻悵望，煙光紫處待天明。

和鄔萌蒞移居原韻

盤空張網笑蜘蛛，兀自逍遙雲水居。  
文旆載還金鳳子，

錄忠介公集 卷十八

十一 四明叢書

約園刑本

墨花飲徧玉腰奴，囊來熱血何妨灑。  
袖得清風不禁道，半夜焚香祝聖主。  
菱衣抖擻學山呼。

又和烏字韻海壇山後十日作十首

田園歷歷隱歸途，望遠難憑短頸鳧。  
山色兼秋迷燕燕，海波翻日浴烏烏。  
孤舟吟載五噫句，竹影人成三笑圖。  
載國歸來終有路，水枯石爛不知愚。

海國飄零自慣途，不堪霖雨送晨晷。  
一生白面憂讒虎，此日清光待渴烏。  
泣盡故宮秋夜怨，寒生前殿北風圖。  
孤臣隻手成何濟，留得真心伴石愚。

披草依萊又一途癡兒還自想羹臯帝楮未下雙頭鳥  
越棘寧棲三足鳥石鼓風濤猶有句秦陵山水不成圖  
於今世界真如市爲問虛中可市愚

難從愁處覓歡途朝夕縈迴伴尺鳧影神名尺鳧坐對長天

飛白鷺望穿靈海下蒼烏人閒奄忽蝸牛舍世事輕狂  
蛺蝶圖此日拂衣何太晚松風幾度笑人愚

誤穿芒履踏荒途不及沙堤一睡鳧斗酒無心聽楚雀  
玉盤何日薦梁烏還依故主看歸市不信胡兒遂負圖  
江左衣冠粗定鼎箇中人自不凡愚

錢忠介公集 卷十八

十二四明叢書

約園刊本

新亭有淚灑何途慣見山頭人面鳧蠢欲射天終是蜮  
鳴非仇水竟成鳥遙看煙樹雲中景背指斜陽世外圖  
若使此中堪地隱不妨野叟共侗愚

可奈神州作穢途坐看塵起亂飛鳧夜深不斷司更雀  
月靜偏多繞樹烏鏡裏還應添蒜髮門前何處覓椒圖  
十朝霖雨無人問春草王孫只自愚

崢嶸宮闕隱蓬塗夢享鈞天奏白鳧願借神兵驅鐵騎  
爲鞭羲轡借金烏小魚擲浪鬚爲纜枯石舒光錦作圖  
春夏已過天欲老嗟余谿友未應愚

曉光林際未分途  
吳自飛鴻楚自鳧  
物態因風搖醉草  
禽心隨水變寒鳥  
汀沙月上孤帆影  
島峙煙橫秋水圖  
只恐漁樵相問訊  
新栽葵笠學癡愚  
飛蛾猶以燭爲途  
不羨雲端避七鳧  
故苑已無歸帛馬  
上林偏有借枝烏  
豔陽不照移春檻  
韻客慵題倦繡圖  
歸死病中緇舊史  
爲尋前代幾人愚



錢忠介公集卷十九

契家後學全祖望編次

縣後學張壽鏞校補

南征集九

七言律

和五弟錫九原韻

天際孤鴻帶雨飛，哀鳴淅瀝到空幃。  
披來芒屨塵迎面，渡入溪雲水濺衣。  
病骨祇應爲詩瘦，愁魂猶欲傍帆歸。  
天涯諸弟今零落，梨棗庭前事已非。

錢忠介公集卷十九

一四明叢書

約園刊本

肇一錫九兼三協虞弟自文石來又復言別悲喜

交集爲賦七言四韻

只道相逢是舊秋，別來日月苦中休。  
萬千珍重從前語，一霎歡呼無限愁。  
破屋曉光蛛喜集，聯牀夜雨暗泉流。  
寸心淒絕渾無似，夜夜燈前檝石尤。

朝雲忽破鬱愁天，墮落瓊珠到眼前。  
酌酒欲酬昨夜夢，孤燈還對寸心懸。  
衣看漸漬非關雨，坐有潺湲不是泉。  
爲祝愁心休倦嬾，海天憑仗一絲牽。

題黃巖寺

法乳垂垂第一宗，深山深處白雲封。  
慧珠散浪三千界，意蕊飛懸十二峯。  
天際花光分法相，門前潭影落疏鐘。  
生平槩味嘗難盡，不及登臨謁瑞容。

送別肇一錫九弟

欲別不別牽弟衣，千愁萬愁相送歸。  
別如歸路常行慣，愁似孤雲不共飛。  
衣色背人花影泣，潮聲送客曉光微。  
一道風帆去如鳥，不堪回首望空幃。

兼三弟海上有感戲爲續韻

萬山慘落雨聲中，收拾繁華一枕空。  
故國蒼茫衣帶水，

錢忠介公集卷十九

二四明叢書

稱園刊本

滿船歌吹大江東，布帆籠盡峯峯曉。  
羅袖涼生浦浦風，一曲伊州無限恨。  
不堪悲淚灑衣紅。

帝子江頭望不歸，瀟湘夜雨哭江妃。  
竹邊紫萼苔錢重，篷裏清商怨字飛。  
思與谿雲聊習靜，未能鷗鳥共忘機。  
書生無用談兵法，相傍樓船坐日暉。

飛將爭傳海上威，千橈路進識兵機。  
荻爲長劍銛於鐵，潮作重關高似圍。  
金印光搖滄海國，銀笙寒炙錦筵輝。  
朝廷近日輕封拜，爲築沙壇聽指揮。

與徐闡公

字遠

舟中宴坐闡公有五湖之行贈別

總爲安危繫此身一梭海上織愁頻  
龍蛇未定功名賤山水誰聽珠玉貧  
已棄鄉關萬里夢又看霖雨五湖春  
相期今日樽前酒談笑平胡第一人

贈戴棐臣

從胥裏淚向秦關一望洞庭血  
雨殷罵賊英聲懸日角  
莫戎壯節動天顏陣前麾扇身  
皆膽帳下論兵米作山  
莫以時艱不得意便思拂袖枕潺湲

贈張日永

幕府多才未易儔布衣長揖傲公侯  
姓名不落庸人齒

錢忠介公集卷十九

三四明叢書

一約園刊介

肝膽狂呼大白浮長劍倚天能割曉  
悲歌滿座自飛秋知君不是功名客  
一片丹心射海□

贈董承之

思白先生孫

虜騎奔騰萬竈寒幾隨飛鳥度雲端  
舊時客夢鶻啼血此夜臣心月照灘  
只爲先人五世澤敢辭行路一身難  
中原聞道多豪傑博浪誰如君報韓

詠茉莉花

一枝薄薄小樓妝雅韻隨風度短牆  
月樹遙臨初破蕊星光低壓乍凝霜  
素馨高謝胭脂雨密葉微分薜荔香

若其梅花稱玉友逢人應說小南強宋使至南漢不識茉莉劉錕給之日  
此小南強也

### 詠石榴花

野徑尋花花夢慳春歸去也幾時還獨留名字浮杯酒

有酒名爲惜風流掛指環吳潘夫人火齊指環掛石榴樹上因起環留臺相得

一枝緣國媚贏來五月散春閒何當纂入神仙譜賈耽以海

棠爲花中神仙化作紅雲護聖顏

### 移居海壇山時方競渡寄慨

紆迴山勢抱荒村草作藩籬席作門崇嶺猿啼家萬里

饒忠介公集卷十九

四四明叢書

約園刊本

碧天雲靜月初痕榴花似蘸心中血棟葉猶香水底魂

郢路淒涼誰似此年年海上望中原

### 海上有感

滿樹流鶯不耐聞閉門甘老蠶魚羣已羞獻納臣他姓

忍抱鬚眉待聖君夜月機絲愁織字深山煙火客樵雲

徘徊四顧身何在 一半華夷海上分

### 客中愁蓮

雲際沙邊自渺茫故鄉今已作羶鄉其張肉爪隨蠅虎

更覓魚蟹餽鼠王我自飢羞煙上月人誰寒臥劍頭霜

中山一醉真難得好向希夷乞睡方

秋薦

粒粒芬芳出土時經風耐雨老農知禾因地德猶如此  
人不空桑尙念茲故國離離成舊恨荒庭草薦新桑  
先人爲卜居歆速應喜衣冠是漢儀

續悲憤詩

長安樹色曉雲封夢繞春明一萬重玉燭希微亂寒暑  
翠霓縹緲散圭琮小臣涕泣存荆楚女子歌詩復邯鄲  
天下男兒寧獨我癡心應有護神龍

鍾忠介公集卷十九

五四明鏡書

約園刊本

病中戲和秋史韻

四序消沈賸一秋秋聲秋影不勝憂島浮宮闕鼃移柱  
海現衣冠蜃化樓斗酒青天呼月上一帆煙水載書遊  
蒼蒼幸有吞胡志雨戟霜戈會報仇

只疑白帝未經秋每對風霜孱孱憂幕府論兵祇未厭

無用兵謂  
之未厭

帳前陳策半何樓

今人稱虛僞  
者爲何樓

報韓一擊書

生事去國三年孟浪遊片片血心誰共語怪呼聲影壯

同仇

寂寂長天一字秋從空碎作百年憂憑添昨夜春江水

更憶他年燕子樓風雨陵園猶薦恨衣冠原廟幾經遊  
孤臣北望徒悲哽何日長驅大復仇

當時已自不堪秋况復經今幾度憂滿眼風霜猶涕涕  
互天戈戟鬱樓樓飄零楓葉人俱醉啄損梧枝鳳不遊  
草木兵威前代事無端羅拜望同仇

又來此地賦悲秋喚起錢江舊日憂貧似馬周難獻策  
才非王粲也登樓雷霆失勢蛟龍懶城市吞聲虎豹遊  
天醉至今還未醒何時解釋萬方仇

孤心橫結一天秋笑語無端總是憂故國淒然風過水

錢忠介公集

卷十九

六國明報書

約園刊本

主人何在月明樓傷心吳井難沈字望眼嚴陵可共遊  
采未謝皋羽隱嚴陵哭文丞相滄海恩深忘敵愾安知恩處不成仇

夢肇一弟仍用秋史韻一抒哀感

夢裏相逢夢亦秋酸酸楚楚不勝憂渡來愁影雲千疊  
照破離顏月一樓槐國暗連鄉國近角聲寒帶鴈聲遊  
一家散碎天南北屈指神潮爲報仇

和秋史韻卻寄黃嵩公銓部

斜日西飛一晌秋餘暉不散杞人憂久推子是千金鑿  
欲臥君於百尺樓帶水孤光相上下坳堂杯血共遨遊

定交縞帶云何事風月今宵話復仇

和秋史韻寄弔林子野先生

丞

墮落瓊瑰滿地秋殘箋裏淚寫離憂龍梭擲掉三千丈  
俠骨飛騰十二樓地下寒風吹不散日中金魄快哉遊  
先生有友能成事白馬前來已雪仇

白露橫江是月秋先生死也更添憂逝將乾海摧鯨翼  
便欲排空碎玉樓騰鬼於今還不戴夜臺何處可同遊  
醉來若過經行路酸雨辛風訴舊仇

遊天竺寺

蘇忠介公集 卷十九

七四明叢書

新刊本

浮生傀儡線兒牽浪把春秋一擲還暫拂塵緣芳屐齒  
何煩鐘鼓動諸天風聲弄竹閒成韻石罅穿雲暗吐泉  
戶外干戈方滿地數篷青偕老生眠

壽建國鄭羽公

彩

十指尖開曉日遊威名走馬警幽州營依細柳春光近  
帳坐河魁紫氣浮如彌盟山山紀曆投醪飲海海添籌  
懸知忠孝長生訣浪說蓬壺在十洲

贈劉洞山

中葉

愁倚蒼天天欲敲晉王何狩未歸期痛看血國三千里

恨織詩人十二時西夏始驚胸有甲荊州不藉紙爲師  
大明恩澤深如土種得丹心一漢兒

十二日立春

淡淡輕風海上來天回生意卽今纔難消舊恨花枝嬾  
不耐新詩燕語催日色昏黃初上柳遊絲飄拂乍經苔  
已拌顚顚經年眼爲爾春光著意開

元宵初度

城邑荒荒世界孤人生生也不如無千秋事業空霜鬢  
十載繁華只老儒鞦鼓動來春色暗家山入破旅葵枯

錢忠介公集 卷十九

八四明叢書

約園刊本

江州一夜琵琶淚溼盡青衫幾箇吾

聖安皇帝發喪 弘光廟號

哭君無路只荒村昨夜春江漲水痕難向黃沙覓龍種  
不堪青冢伴王孫陽臺神女行雲晚蜀道淋鈴怨雨存  
五國城邊千載骨月明應照未歸魂

翩翩哀旆繞城端故國遺黎夾道看楊柳隋隄飛絮盡  
鷓鴣越殿曉聲殘雲尖蹙得山眉皺石骨鑿令水帶寬  
麥飯一盂何處灑春來寒食不勝寒

遊百洞詩 并序



洞者何山石相負如屋之玄料料然雲氣出納其中  
故名之曰洞也百洞者因閒抵巇通劣得步迤乎以  
陰訝然以陽盡態極妍不可一狀故名之曰百洞也  
董忠介公之所構也或曰前此不著名乎曰猶之摩  
詰不生鞦韆川不出右軍不禊蘭亭不韻德行立己名  
譽成人山水資人而得名也抑又論之摩詰之於鞦  
韆右軍之於蘭亭姤而有合知己也朋友之道也忠  
介公之於百洞拂舊裁蕪穿雲引月若天資既美猶  
須淘汰累惑乃成令器師也父兄也今者董公往矣

逸少有言情隨事遷感慨係之吾師遊黃檗見葉文  
忠題詠留連不已曰公罷相後瑞禍矣捐館後今日  
矣先生生於神廟之年文章事業炳炳宇宙猶以其  
餘力締構泉阿逍遙引年今其何如茲遊也不同茲  
慨乎余竊意今日先生在者必飛長斧以鏡狼狐扇  
仁風以救刀俎決不至如我輩潚潚下新亭淚也或  
曰先生往矣安得起九京而事之余曰子不見夫茲  
山乎孤峯矗起峭壁削成斗上斗下不可諦視颺馳  
不敢遊其巔穀籜不敢犯其下是公所以居身也

豁下開傑傑柱立天施其斧公引其針天雕其樸公  
丹之腰從斜得整從暗得明從斷得續張理天綱補  
綴漏目是公所以居業也四阿無險平徹中繩蒼藤  
漫交怪石虛倚以爲徑盡及乎側身旁眺咫尺之內  
別一壺天意匠冥運心杼旁通經緯天地刀斧山川  
是公所以行文也百洞以公爲師余又以百洞爲師  
茲遊也目擊而道存矣先一日余欲遊百洞意甚健  
決孝兼語余曰往昔遼瀋之變董先生閉齋閣坐涕  
泣聞葉文忠公將遊鼓山移書謂賈余聞斯言毛髮  
竦豎遲明戒毋往董生強再乃行今得此遊也董公  
有知當不孰何我且爲連客語山靈其勿勞峯巖壑  
訕哉一時同遊者爲巒稚吳夫子魯菴劉先生陳君  
孝兼薛君明馨董生時登暨余弟錫九見石上題葉  
臺山句咸起屬和余爲序其大都云臺山先生福清  
人諡文忠文章事業彷彿公同喜遊名山所至題詠  
或曰福廬臺山手筆也亦奇秀

直上中峯路欲迷手褰蒙氣弄晴霓線天側側雲根瘦  
危壁鱗鱗石齒齊苔蘚蒼寒凝素乳薜蘿香細度前溪

子真谷口今安在入徑平蕪鳥亂啼  
爲迎幽客啓雙扉卻放鐘聲下翠微暫借石支滄海骨  
不將心共嶺雲飛山腰刷玉天工斧仄道連虹巧匠機  
移此精誠補天日愜心何必在漁磯

和水居詩

誰將玉斧構雲宮手琢山腰片片紅地脈暗移辰自北  
天門重闕帝居東滄浪水帶甘泉液拖櫓聲來石曰風  
想望中原經歲眼只看煙水繫孤舂

水上關如百二重樓船高臥一丸封九重行旆隨飛鳥

錢忠介公集

卷十九

十一四明叢書

一約園刊本

午夜潮聲報曉鐘山色翠連青雀舫海雲晴護絳紗籠  
太平笑語無多日坐看山頭又舉烽

恰如無事泛春江柔櫓輕橈漾急瀧行向沙洲疑地盡  
試將杯酒喚愁降貧兒辛苦餘霜履戰士呼庚急月春  
自笑海鷗渾似我閒來閒往只雙雙

九日

暮笳淒切動江流景物逢人憶舊遊帽落風前猶見髮  
菊迎籬下獨悲秋浮生詩酒百年債故國風霜一擔收  
極目煙波無限恨蒹葭兩岸使人愁

朝朝擊楫向中流一片蘆花綴遠遊此日樓船江上渡  
誰家簫笛曲中秋荒陬銅柱名猶在仙掌金莖露未收  
偏是登高窮望處暮雲晦靄不勝愁

江水渾如天際流布帆何事此遨遊扁舟載病身如髮  
翦燭憂時話是秋南北舊朝生後事宋元遺恨眼中收  
孤臣多少中原夢夜夜狂風不散愁

人自傷心水自流無端猶憶少年遊胡笳吹破南朝夢  
鴻鴈飛來塞外秋樹色初昏嚴鼓動星河欲墮夜帆收  
高天渺渺何繇訴雲闕徘徊只獨愁

錢忠介公集

卷十九

十二四明叢書

約園刊本

長安消息付東流悔不當初秉燭遊客子偏逢九日雨  
高天只隔一山秋鏡臺寂寞芙蓉冷玉粒摧殘烏鼠收  
自是孤臣容易苦漫言茱菊爲心愁

昨夜黃昏星火流又看九日客中遊舊時花鳥逢人醉  
深處雲山護我秋玉帳曉寒霜正落金風夜散菊全收  
百年心事不忍說猶道長江未是愁

年華滾滾逐江流幾日相從馬少遊戶半灰塵三月火  
夢回風雨二陵秋蒼茫燕雀歸何處冷落胭脂漫不收  
一部史中說未盡墨光迸出萬重愁

新亭客淚咽江流相對淒其舊日遊燕子樓前胡地月  
琵琶聲裏漢宮秋無端節序經年別不盡關山一望收  
荻岸紛紛非有恨向人無語亦含愁

已自傷心水北流尙餘鴻鴈向南遊幾回夜月移帆影  
一道鄉心入夢秋荒草坡前煙未斷白蘋原上骨誰收  
他時若箇龍眠筆畫出長江一幅愁

北來鼙鼓震江流戎馬場中作浪遊水色溼濛寒月靜  
山光蕭瑟暮煙秋千年王氣衣冠改一卷蘭亭風雨收  
偏是生來逢喪亂滿林紅葉徧書愁

錢忠介公集 卷十九

十三四明叢書

約園刊本

一生心事對寒流有志無成媿俠遊涕淚關山杜陵句  
蒼茫煙水洞庭秋風生樹杪萼初壯露滴空階桂未收  
白髮數莖無奈老不應愁處更添愁

風塵轉眼葬風流負國諸公地下遊月白霜疑寒色嫩  
燐青露溼鬼聲秋水光迴合朱旗繞劍氣橫空玉壘收  
天意卽今方有待滹沱河畔不須愁

錢忠介公集卷十九

錢忠介公集卷二十

契家後學全祖望編次

縣後學張壽鏞校補

南征集十

七言絕句

與碧居省言二上人坐月戲作偈問

水在虛空月在林水光月相自然心水月印心心不著  
師於何處下金針

送虛白上人至德成巖漫賦二首

錢忠介公集卷二十

四明叢書  
約開列本

隔溪山路自氤氳山色溪聲此送君卻到前峯屢回首

一行行處萬重雲

寂寞愁中自惜羣秋聲送客不堪聞漫隨杖履看生意

覓得鋤頭種白雲

山居偶成四首

一片秋山入畫迷幽人來往畫橋西爲誰畫出傷心處

前路溪雲似會稽

世事浮雲不復論煙霞一擔餉王孫函關任把泥封卻

不遣松風度石門

又唱陽關第四聲滿筵秋色不勝情別來驛路知多少  
客夢猶能繞渭城

故國風塵只涕零他鄉巖谷作居停欲騎石馬東歸去  
踏盡桑田草不青

題畫七首

蕭瑟寒窗展畫圖夜來風雨護愁株長安多少傷秋客  
不及江南一鷓鴣

遠樹參差暮色侵亭亭裏宿秋心雖然搖落寒江影  
獨抱霜柯傲夕陰

饒忠介公集

卷二十

二一四明叢書

一荷園刊本

木葉經秋不待風便逢晴日也麤氈止應留取寸心在  
灑落枝頭片片紅

天下癡心誰似余秃枝憐我我憐渠亭邊若畫癡心子  
開卷應聞有歎歎

筆底誰傳澹寫容墨痕飛濺曉雲濃晴空坐對心如洗  
夢繞瑤臺十二重

故人何處心來遲三匝驚飛未定時一片寒心爲持贈  
瀟瀟秋浦話新知

平不侵尋發舊醅芳菲誰識箇中裁主人茂德猶瓊樹

手植梧桐待鳳來

雲歌別諸弟十首

濃雲繚繞又重圍怯怯風吹愁不飛應似相憐憔悴影  
一函玉鏡閉光輝

濃雲不共人俱別密雨猶將淚共飛只恐中途風力輟  
一天隔斷兩霏微

憶昔庭前花正肥一輪明月弄光輝於今無復當時景  
故使溪聲夜夜飛

天邊孤鴈羽聲遠獨有浮雲相伴歸更把愁心託雲去

錢忠介公集 卷二十

三四明破書

約園刊本

泥他懷袖莫輕飛

棣鄂庭前花未雨茶逢秋老北風寒愁心無限佻佻出

正似山頭雲未乾

潮水何如雲有情榜人齊槳夜潮聲一從帆影離南去

今日雲頭向北生

海樣離憂一半分共將好語慰離羣沈沈夜路無窮已

界破青天望白雲

只爲雲多隔鴈飛萬重煙靄使心違故鄉我自風塵裏

笑問浮雲胡不歸



方穿野徑草淒淒又逐浮雲過水西更是雲深無盡處  
夜添猿鳥一牀啼

蜃氣吹空自結陰白頭悲喜幻相尋人生不改淩霜節  
便洗雲根見石心

偶和吳霞舟夫子十吟

干戈徧地彌山谷剝肉爲瘡瘡不肉我師不遺斷洪橋

虜兵又報燒聞讀

福清  
鄉名

只見殘屍枕山谷待死提筐割殘肉窮儒閉戶不忍爲  
抱書欲賣無人讀

錢忠介公集 卷二十

四四明叢書

鈔國刊本

秦鹿縱橫逸荒谷中原彎弓爭逐肉幾時射鹿還解弓  
陸賈新書馬前讀

手提刀斧刷山谷山崩血流天墮肉英雄那日起戰場  
血眼橫披漢書讀

將軍驅人出山谷縱金鳴鼓餉人肉行逢山谷還有人  
自此兵書不須讀

胡牀愁坐坐不眠孤舟夜吟吟不歇生憎天地不如前

推出丹心作日月

作讀  
做

參虎揚芒氣魄魄玉牀搖動天爲客有人問我輿地圖

遙指滄洲一片石

呢喃燕子巢無主  
足下紅絲猶舊縷  
一輪明月照空梁  
落花陣陣黃昏雨

年華道盡冬復春  
西山日落崦嵫暈  
過嶄嶄白晝愁  
坐生二月東風又寒食

有酒難共彭澤杯  
有船難發剡溪興  
高山無人深處行  
松聲徐來倚石聽

塵戰經年誰舞纛  
盤旋蟻走空局局  
城上寒雲亂鼓裊  
城中煙火炊珠玉

錢忠介公集 卷二十

五十四明樓書

約園刊本

楚弓原自楚人失  
收拾歸來正無缺  
如何我友勿回思  
忍膏城野生靈血

解天烽火方未息  
髮婦哀吟廢宵織  
孤舟沈沈夜漏長  
雞聲欲曙不能刻

昔年已歎薄命薄  
今日空悲落花落  
何時斗出日月來  
百萬妖氛咸退卻

題文昌閣壁

桃李吁嗟上徹雲  
文昌何日更昌文  
毛錐無力支天壤  
熱膽爲香一訴君

哭內十怨

情死情生辜地波老天何苦造情魔花開費盡春風力  
及到飄殘也是他  
曉道情情總逝波癡心只是結成魔月光西墜明山上  
人事如何得及他  
滾滾長江無限波大家生受一場魔香窩終老燕歸去  
來歲重來慙是他  
方寸橫開萬丈波蒼天明是小么魔一團恩愛平分手  
我自吾吾他自他

卷二十一

六四明叢書

約園刊本

怨怨恩恩萬疊波別來無計斬妖魔黃泉路上如何苦  
夢也無繇得到他

高岸撒手自波波割斷從來十丈魔玉環隱起重生會  
此事如何望得他

三十餘年苦澀波道心何事惹成魔一爐佛火紅於昔  
不遣慈光護著他

胸前血淚瀉春波欲遣魔心又是魔種得情根深兩地  
瞥來風雨奈何他

常時別淚損黃波到得歸終不受魔春花解悟虛消息

蜂蝶多情一任他

湛湛虛空本不波無端冤業眼前魔雙鸞擬宿梧桐老

一夜霜風折了他

十恨

秋水蓮花不染塵分明香國再來身蚤知香色本無住  
錯嫁盧生夢裏人

昔年官舍病如絲叫出蓮花大導師媿我無緣能救汝  
夜深挑淚獨垂垂

誤作香溪隊裏人十年官誥未經身黃齏債盡還歸去

錢忠介公集 卷二十

七

四明叢書

約園刊本

敗絮殘機贖苦辛

一航同載解天來怯怯驚魂幾自裁留得一絲薄命在

怪風盲雨又相催

解上遇盜婦  
欲日投海水

解天渺渺路修長何不相攜共一航卽未並棲珠樹鶴

或能乞得返魂香

似汝清修也促年難將算子卜前緣始知天上渾如黑

日月絲來不照天

擬脫朝衫掛水田相期攜手禮金仙於今喪亂空回首

如此光陰亦杳然

聞道明山虜騎橫故家重復闢刀兵阿翁已死不忍說  
流水嗟嗟作怨聲

妻父爲虜逼自盡恐  
婦悲傷至死不忍言

天際孤鴻向北飛看從雲外報平安一行書信千行淚  
未到家鄉肉已寒

病中猶遣老僕問其家信  
計死時家人猶未到也

真訣分明護色身靈丹口許現奇因無端幻出悲歡相  
佛子原來解弄人

廿七之夕病已不救忽得一佛  
方服之遂大減然卒不可救

### 十憶

憶汝當年來嬾時燭花茜發紅枝里中婦女爭誇口

盡道兒家瑞應奇

余娶時花燭燼上忽見雙  
荷花枝葉分明見者歎異

鐵忠介公集 卷二十

八四明叢書

約圖刊本

憶汝于歸正食貧朝炊寒水暮烹薪閒時向日縫針綫  
十指絲絲盡是皴

蛾眉命薄古來歎汝不蛾眉命亦單風雨無情渾作惡  
春深何處不摧殘

手寫紅箋託素鱗寄來還自帝陵春殷勤爲道長相憶

不遣春風幹富人

余初第自京師贈內詩有樓頭  
爲有長相憶不遣羅敷問姓秦

梧桐影裏立朝班八月京華未得還便使三年猶見汝

鏡前何事惱春山

余初第候選  
留京八月

少年離別在他州百日光陰九十愁便我承恩新拜寵

何年不是皺眉頭

日吉辰良宅兆成絲絲皆是汝經營卽今原上松楸列

不使勞人一遍行

婦經營余先人奄多遭亂不及送葬今又客死不得一視

爲我憂危不忍云勉將好語慰離羣只今一鴈橫秋影

叫破霜天汝不聞

婦欲囑後事恐余傷心而止每聞余哭輒大言曰我不死

北堂護草歎伶仃其此辛酸五歲丁汝更遭逢不堪處

背人無語淚偷零

余與婦同以五歲喪母余遺母鬻婦未免單衣之恨

余將蹈澗訪蓬瀛汝見余書不欲生隔汝雲程幾萬里

誰憐余後海波行

錢忠介公集 卷二十

九十四 附叢書

約圖刊本

擣衣聲裏百千情風急天高送遠聽今夜月明人靜後  
風來別處擣衣聲

十願

當把菱花手自親菱花猶在已生塵願將明鏡催爲兩  
鏡取中間啼笑人

百年離別泣空樓聞道魂能下月遊願吐心光流作月

照君憔悴上雙眸

不能割肉隨君化豈復流心度歲華願把余心先化土

種君石上放蓮花

玉帳空疑半榻塵，抱愁無語自吟呻。  
願分我影爲爾影，合作燈前一箇人。

繡戶無人夜不扃，起看天上斗初橫。  
願將□氣隨風落，吹動君身環珮聲。

暗澹難從琢石靈，孤燈無奈抱愁暝。  
夢中若有靡蕪贈，一枕遊仙誓不醒。

空山日落斷雲橫，短笛吹愁向月明。  
願把情根還化草，叢叢繞卻暮傍生。

箇是傷心月，墜樓妝臺人去暗。  
飛秋不辭杜宇聲，聲淚

錢忠介公集 卷十

十四明故書

約園刊本

啼得殘花上樹頭

鶯膠續絃不續心，縱然續得非初音。  
所以鍾期一朝死

伯牙千載無鳴琴

萬劫情苗向汝栽，寸心堅許不成灰。  
陽臺雲雨從來穢，不許將他入夢來。

十穢

與汝期爲連理枝，狂風之下有差池。  
要知別有栽培種，帶土和泥總不支。

與汝期爲比翼鳥，惡風吹散好因緣。  
要知鳥翼何從比

鐵綫金針也會穿

與汝期爲天上星雙懸永夜照雲駟要知天上浮浮影  
便是池中泛泛萍

與汝期爲百歲娛一垣長護此情株試看上古鸞鴛冢  
尙有鴛鴦出現無

入世疑團非一朝蕉還覆鹿鹿疑蕉玉環了結前生恨  
此後環痕到底銷

與汝期爲天上雲虛空來往任氤氳豈惟雙劍神終化  
合得雙時到底分

鍾忠介公集 卷二十

十一 四明叢書

約園刊本

與汝期爲木上花離離結子足成家誰知子熟經人採  
骨肉拋開別放芽

從來千佛結成胎劫劫生生度世來認取多情原是僕  
拈香呪水總塵灰

與汝相期在辟蘿一爐香篆供維摩有心佞佛都成業  
月自流天水自波

雖然閨秀可齊僧學道參禪汝也能莫把如來當牆壁  
踢翻蓮座任騰騰

十期



與汝期兮水之湄  
高天曠曠雲爲帷  
出雲入雲不見汝  
寒蘆一夜聲悲悲

與汝期兮燈之下  
青光炯炯垂空野  
漏聲欲盡可奈何  
空庭露濕梧桐也

與汝期兮花之陰  
明月昭昭當我心  
明月西沈花影寂  
羅衣空受曉風侵

與汝期兮山之阿  
四壁鬼聲哀怨多  
重泉初合無邊際  
一帶香雲覆薜蘿

與汝期兮在國門  
香車油壁去如奔  
入門各有相歡處

鏡忠介公集卷二十

十二四明叢書

約園刊本

豔李穠桃非我存

與汝期兮在鏡中  
鏡緣已盡各西東  
人言破鏡能重合  
我鏡飛光到日宮

與汝期兮在夢中  
柔情不斷藕絲風  
睡鄉路折峯峯鎖  
一夜離魂逐斷鴻

與汝期兮在蛟宮  
擘水分流一徑通  
拾得扶桑繭如甕  
織成愁字掛帆紅

與汝期兮在閩苑  
欲往從之路蹇蹇  
織女黃姑歲一逢  
莫怨銀河相隔遠

千期萬期總弗如百歲之後歸其居白骨深山秋草沒  
雙雙永夜月明初

詩餘

謁金門

秋風

天正碧葉落枝頭無色昨夜簾前戰聲急羽書飛報捷  
掃斷妖雲千尺捧出一輪紅日山外青青松耶柏慣  
風前獨立

又

秋雁

鋒正急割斷江南江北惟爾依然飛不隔起秋風羽翮

錢忠介公集 卷二十

十三 四明叢書

約園刊本

來宿寒林月色驚起愁人脈脈欲寄征書問消息去

長安幾日

唐多令

和文文山旅懷

舊恨指蘆花新愁結暮笳織興亡寒雲一梭千古淒涼  
輪到我挑冰雪賣誰家 曉日上窗紗輕禽散晚衙木  
蘭舟有客咨嗟不道江南渾似水愁帆指夕陽斜

又

往事總堪嗟歸心逐暮鴉二十年南北天涯破屋半閒  
還未許浮雲外旅人家 白眼看繁華風流安在耶同

奔走幾兩麻屨欲借東風重拾取蚤蹴損牡丹芽

沁園春

東甌有文文山先生祠吾父典教瑞安率余登堂瞻拜投詩弔今身遭亂家國茫然追念斯事又感先生過睢陽曾賦沁園春一闕戲做此詞仍用原韻

潮聲送客月影依欄是日登堂見綠草萋萋半含煙雨  
霜林撼撼盡寫悲涼四壁虬龍夜深呵護如見先生鬚  
髯張斯時也吾先人評論杯酒興亡曾裁詩句冰霜  
弔檻外蘆花秋自傷痛先人萎謝家乎何處胡塵肆起  
國也其亡風掃殘雲雨催行潦燕子秋來別畫梁空回  
首憶舊時登眺目斷斜陽

錢忠介公集 卷二十

十四 四明叢書

詩園刊本

又

屑義爲糜粉忠作膾此味同嘗況秋風約恨遙聯袂帶  
汗青傳語共嚼冰霜家在滄洲人隨鷗鷺願向廬陵認  
故鄉前此者有先生心事古廟睢陽傷心先哲云亡  
又古廟黃昏月滿牆歎茫茫煙際與天上下漸漸石裏  
煎水封疆背地伶仃對人皇恐風雨重過舊日洋夫何  
故說先生姓氏嗅也還香

又

金甌已飛石犬不吠遮莫神仙但萬里光皦眼前金隄

一壺秋水心上嬋娟銀闕長春玉樓不夜刀劍場中足  
引年君不信問夢炎留氏鬼哭荒煙 賢愚豈有判焉  
只怖死貪生一綫天看轟轟烈烈男兒一箇哀哀怨怨  
血淚千篇取義成仁而今無媿了得詩書兩字緣應還  
恨恨江心抔土又渡腥羶

賀新郎

本意爲張子任

偶向池塘下見藕花深處鴛鴦雙雙睡者對此情懷何  
能已倩取風媒月嫁蚤則並鳳鸞流亞寵得一牀花似  
玉趁香風燕子歸亭樹爲報道春來也 涼陰綠樹黃  
鶯要正紗窗宮樣新妝眉兒淺畫香汗鮫綃都溼透紅  
雨胭脂乍灑好安頓鳳樓鸞社綰結同心天欲老酹天  
公還乞今宵假夏之日冬之夜

又

憶華一錫九兩弟

寄與秋鴻說所苦是一番歡會一番離別心上轆轤牽  
急綆悲喜無端雙匣好一似鼎中熬汁愁裏關山一點  
小破不開幾重門闕癡著眼風前立 沙漲潮平流  
水疾□□□□□□□□□□□□□□□□□□□□  
溜帆過明月牽不住愁絲千尺夢逐浮雲魂渡水有雨

人慘慘聲淒切吾弟也寸腸結

滿江紅

海上奇觀

何處吾家撐不破一篙煙碧人道是遨遊雲漢嘯歌赤  
壁我怪青山籠日月解波新浴雙丸色便移家相近水  
雲中天三尺何曾學萬人敵耽一卷成陳迹算今來  
無用不如錢癖明月照來塵一甌春風釀得愁千盞問  
解鷗何故更窺人曾相識

又

和王昭儀驛壁韻

上廣寒宮問嫦娥爲誰顏色滿世界胡風腥草邊塵迷

饒忠介公集

卷二十

十六四明叢書

約園刊本

闕一嫗狂奔城帖墮六齧翻動天敲側願將人裹在邪  
黃中從今歇香爐殘蘭膏滅鬼嗚咽窗前說吹不盡  
西風人閒怨血團扇空舍秋夜怨雀臺蚤墜西陵月歎  
天邊剛只一宵圓圓隨缺

又

長信宮中留不住一枝春色何處覓風臺月榭玉樓金  
闕樹底鶯聲花夢懶簾前燕語春寒冽恨紅酣綠醉也  
年年偏今歇蠟炬紅青蛾滅隋隄柳無人識看胭脂  
淚落玉壺疑血青冢不生胡地草綠珠拌碎高樓月頰

千秋留取驛中詞應無缺

又軍人有伐松爲爨者

百尺枝頭空搖落半江秋水看南北龍樓鳳閣金鋪玉  
蕊幾日笙歌鶯語韻一朝憔悴花魂甌况深山不用棟  
梁材吾休矣斧斤劓蒼龍髓鱗甲墮春苔紫便梧桐  
爨下猶然半死豈有休徵移合浦也無嘉樹名君子但  
逢人爲說歲寒心應留耳

又病中寄慨

滿世瘡痍何獨我藜牀支骨應堪笑新來病鬼伴他貧

錢忠介公集 卷二十一

十七 四明叢書  
約園刊本

客一抹孤燵天外冷數縷香篆空中結問年來祠禱是  
何方心頭血春風起幽禽說秋草罷聽鷓鴣歎幾何  
生世繁華頓歇京洛魚書千里浪故園蝶夢三更月怪  
陰陽無故又欺人淒涼絕

又

墮地爲兒渾則是風梳雪沐只借他溪邊流水雲邊茅  
屋愁捲汀蘆波上下醉看沙鳥天毫末便些些受用不  
爲多天還勿古人說禍兮福如寒暑相迴復吾豈向  
紛紛疑蕉訟鹿家裏兒童癡更好腸中蠶菜綠應熟有

一朝晚晚駕龍行神爲僕

如夢令

舟中感懷

道是漁郎不是道是泉翁不是雨雨又風風嘗盡水中滋味全未全未還向煙波沈醉

思帝鄉

本意

思之玉階鳴仗時天闕初開新日射罽毼簪履如雲齊入袖香歸步遲猶記長安車馬亂遊絲

又

難禁帝城春思深紫燕紅妝嘶入落花陰隋苑秦宮還

錢忠介公集卷二十

十八四明叢書

約園刊本

又斷碑風雨侵只有杜鵑三月哭春心

又

悼亡

愁愁曉雲飛鏡秋簾燕初歸香雨落空樓寂寞闌干無語月明江上浮添箇離魂憑水向東流

烏夜啼

悼亡

曉來一事如鉤貼心頭恰似青山高插數峯秋雲度水風穿紙不堪憂一夜西風吹老白蘋州

錢忠介公集卷二十

錢忠介公集卷五十一

附錄一

葬錄上文

錢虞孫先生葬錄序

同縣 董劍鈞 孟威

始翁洲之敗績也華亭張相公以其家二十七人殉時則有僧無凡者從南海來拾諸骸骨聚族而墓焉蓋吾黨每津津樂道之茲讀錢先生葬錄而後乃知天下士固有懷仁抱義奮不顧軀如葉君子器暨獨耀諸上人者作之先也雖然無凡故張公部下將事公久葬公事宜若葉君之於先生一浙一閩千里而遙非素有聞聲之思與謀面之雅而一旦舉已枯之骨重致其殷勤難矣至隱元獨耀實方以外士俛俛焉竭其股肱之力不敢告勞抑又何爲者耶嗚呼自乙酉義旅之興四明之從先生起者夥矣吾見有藉先生以肥家而反面辱身顧乃詆非先生怨詈先生者至今存也試以是錄授之有不汗流浹背逃死末由者乎予恨不能一造槩山中顧瞻邱隴肅拜諸君子下風而猶幸從是錄想見其人彼以仁人長者之心而建烈丈夫事又申之以烈丈夫之言則古稱三不朽舉備是也聞得而差次之葉君功



上上隱元慨然捐土獨耀歷試諸艱次之又次則藉居  
上人之勞瘁菊潭劉公之碑銘並至性激發者矣他若  
闔公諫行之詳何君自責之擊諸禪人弔哭之殷咸有  
足多焉雖然方諸君子之爲是舉也則固了了生死之  
外而後克底於成事詎任受功而吾願以庸豎之見爲  
之差次焉吾過矣蓋聞故多異人如所南舉羽輩至今  
未墜也冬青紀陵事頗類此而儉德滋深卽慷慨疾怨  
無痛快心史一書者然尙需鐵函之固久而始啓卒未  
有毅然申大義於天地之剛氣不少訕言不少諱若是

錢忠介公集

卷二十一

一二四明叢書

續圖形本

錄者也豈非先生至誠昭假信能然耶初先生登鄉書  
爲吳巒稚公所取吳公則與華亭張公同盡節翁洲者  
也師弟子之立身固若合符節哉

東閣大學士兵部尙書贈太保吏部尙書忠介錢

公神道碑

長樂

劉沂春 曾輩

君臣大義今昔爲昭凡我有心同倫其貫時平則酌其  
可時艱則竭其誠事之成敗身之存亡身後之收棄皆  
所不計也值夫不可爲之時委於無可如何之數一折  
卽挫計無復之高尙不事志可則也蹇而有躬能無尤

乎故凡死而無聞士所不取皆於名義或虧焉者也若  
忠介錢公蓋知此義矣公諱肅樂字希聲別號虞孫浙  
東鄞人也曾祖諱鳳午封承德郎禮部主事祖諱若廣  
隆慶辛未進士江西臨江府知府父諱益忠以明經任  
甌東瑞安學博累代簪纓承家詩禮忠孝之教匪一日  
矣公娶夫人董氏生子二長曰兆恭次曰翹恭公穎悟  
敏求學問該博十七歲補弟子員踰年食餼廩崇禎丙  
子舉於鄉丁丑成進士試牘膾炙人口觀政都察院授  
太倉州守慈斷廉明庶民懷之考成晉北京比部員外  
郎以丁外艱未任甲申烈皇帝賓天弘光改元乙酉公  
家居舉義旗將踰浙以北應援者少乃停旅江干浙東  
得保暮年皆公與同事諸公之力也易月移時鼓壯奪  
人之魄九月隆武起公都察院右僉都御史大獎其才  
力云丙戌秋勤王之師不濟糧匱天竭振旅而圖更舉  
時會稽熊公汝霖護監國主揚帆入閩舟次鷺門與建  
國公鄭彩協謀興復公不知也公以舉事不成故鄉難  
處亦挈家破浪而南寄居福唐人亦不知公也久之未  
聞有倡義者公潛行至龍峯巖從僧碧居祝髮殆將隱

矣因題壁云一下猛想時身世不知何處數聲鐘磬裏  
歸途還在這邊公豈願終老緇流耶居八閱月則丁亥  
初秋時也監國主移舟琅江聞之起公大司馬公幡然  
從之紆策運籌日辟國百里宵旦經營心血俱枯謂大  
事可立就以水陸不相能費盡調停城府猶未破憤恚  
欲絕誓不獨生其家人知之相對無怡色蓋以公心爲  
心也越戊子春正月熊公歿於變揆席乏弼拜公東閣  
大學士兼兵部尚書與馬公思理皆贊密勿公參政握  
樞肩任實繁形容憔悴日嘔血數升至六月五日而台

星殞矣天不我將哲人其萎卒年四十有二上聞之輟  
朝三日遠近心惻素車白馬絡繹琅江余時從公後遇  
病歸留束芻哭之眾爲之請卹典遣官致祭贈太保兼  
吏部尚書諡忠介生榮死哀幾有如公者乎惟時臨公  
喪者長子兆恭弟侍御肅圖簡討肅鉅兵曹肅遵居兩  
月時事多難不留不處或渡翁洲或入長水或出秦川  
承公意也公未卒時嫂陳氏姪克恭夫人董氏內兄董  
酉皆以憂勞相繼淪胥幼子翹恭亦隨以殤聚族死忠  
可哀也已迨今甲午六改春秋矣天不雨錢人不惠麥

諸棺骸猶頓荒邱余不能爲力抱疚殊甚舊年公子弟  
奇聲欲昇棺骸歸道之云遠今猶未也豈措賞艱也亦  
行路難也福唐葉太史子器杜門數年矣頃聞公之忠  
義一門盡瘁以死大爲歛歔毅然爲之營葬從黃檗寺  
隱元禪師乞地師忻然許之遂命其徒獨耀走運琅江  
棺骸往來三百里跋涉艱辛而碧屨與其徒法可不忘  
前誼執紼偕行以甲午二月二十六日卜葬黃檗山麓  
屬余繕碑余年七十久病眼矇偃臥巖阿於外事無聞  
見頗能言公心跡憶公恆與余言吾食本朝三百年厚

錢忠介公集 卷二十一

五十四則 敬書

約園州木

恩世受光寵身膺華袞欲報之德九京難泯茲甲申以  
來三年三易吾主攀髯莫及何處依光天難籲也地難  
控也秦庭之師難乞髮膚不敢自愛也有形之詠云萬  
山慘綠雨聲中收拾繁華一枕空又云一曲伊川無限  
恨不勝悲淚灑衣紅公之處心行事可貫金石而泣鬼  
神天有不爲動人有漠然不相關者乎事未成也天未  
定也久而葬也人方醒也公伯仲伊傅而莫展其訓命  
上下方召而未竟其戰伐徒存萬死不屈之概自靖自  
獻而已初非坐朝與燕之榮繼非專閭重關之寄事危

而隱其誰說之一舉而返可以已矣再圖而藏可自安矣踰險歷辛不甘自廢呼卽起而蹶猶張有幸其敗忌其存迫窮相棄不恤也使公值變苟全老死牖下聲義塞責屬纊里門蓋棺抔土周親拜葬於事畢矣又不然遠道深山攜家種粟爲桃源之避彼此不調甘毀前蹟不交南北之歡引身以退卸任之他亦泯泯死矣子器於公非一面之識非莫逆之交非世誼之雅不介而孚不謀而合爲之哀築佳城廣覆族類立田延祀豎碣表旌不啻若其親戚何哉怒蛙宜式駿骨亟收公之誠未

有不動者也京杲救死汪童不殤公之族殊令人思也大義相縮白骨可肉萬古如生果待脛而馳待翼而飛待聯而契耶公感子器之眞子器計公之終永公之譽兩無遺憾非苟然也今後臣貳其君家戾其主薄其親而棄其友者視此刻文愧矣愧矣人心不死分義長存公蓋有造於風教也僅一時爲烈哉銘曰

槩山之麓宏敞騰雄乾坤留此以待名公地闢公越馬牛其風踰險盡瘁琅水匪躬夜臺未築雲護玄宮文忠有後慕義無窮爲度寢所大小相從千秋兩祀載勸精

忠見者嗟異聞者惕中霄壤悠久公與俱終始知公忠無貳志決不殊奏功從古死者非一超異孰與公同前已伸其顯節後可勸乎臣工兆域後開斯土魂游南北西東尙亦利公嗣世川原環拱鬱蔥

附碑陰識語

釋性日

葬有貞珉志不朽也是役也始於甲午二月廿三日竣於乙未九月十七日歷月十九日五百有八十厥惟艱哉書此以見成事之難昔人云功不浪施信然信然

貞羣按康熙鄞志云運樞者海寧姚翼明後爲僧名

錢忠介公集

卷二十一

七

四明叢書

約園刊本

性日稱獨耀上人

錢希聲先生誄

并序

華亭

徐孚遠

閩公

戊子六月五日錢希聲先生卒於閩之琅琦蓋客寓也居無何義師潰敗方事之殷門故咸奔幼孤北歸不及奉襯以行停柩逆旅六年於茲矣歲在癸巳厲禁稍解道有行人玉融葉君子器聞風愴悼謀於姚君興公將爲先生卜安魄之區旣得吉於槩山之東爰姚君則徒步數百里致先生之柩三喪從焉甲午臘月始克竟厥事以余與先生有誥言之誓又俱作旅人義無愧詞授

之素旗用志不朽乃爲誄云

先生名肅樂浙之鄞人不詳其先世父益忠司鐸瑞安先生登丁丑進士第知太倉州事潔修惠政遐邇流聞召爲比部員外郎未上以司鐸訃至守制歸里會國變與同志起義未及抵行在聞已陷變名姓避地福清之前薛居期年魯監國師至先生來朝行本兵事兵柄有屬具官而已先生知大業難濟發憤嘔血而卒始先生在浙時隆武已晉秩都憲及監國承制復晉秩大司馬輔政先生疾革以無功而貴匪榮伊戚遺命止稱先朝本秩故銘幽之文不敘官列從素志也其辭曰

運周而圯天步其蹙洪濤孰湮奔曦難逐嗚呼先生罹此不穀退無安林進有折軸憶昔藝苑家擅芳蓀探瓊味腴乃尋於根藹藹吉詞要而不繁登乎明堂比德璵璠剖竹於婁以雨以霜野有馴雉庭有神羊庶績旣熙其政馨香天子召我高步文昌奉辭於廬乃返初服在疚幾幾蠲茲魚菽莽莽胡塵覆我邦族投袂用壘不還卒哭神明有主奠此宗支豈曰當璧以揚國威釋位而勤前輝是儀綱紀初布前茅已披余方持節公亦攜家

樓船之會實惟永嘉自越徂閩其行孔遐襄野之迷遙  
遙日車休駕嚴阿爰更厥姓混於樵牧交遊是屏魚生  
在釜菽粟斯罄大命不猶以俟其正哀此遺黎劉氏是  
思舳艫諸帥乘胡之罷讎乎山谷咸拳赤旗有赫其聲  
荷矣惟時羣后再揚孰秉黃鉞熏穴而求奉冕紆紱外  
倚勳藩內備卿月先生至止言朝行闕分命六官民望  
攸宜被我繡裳脫我薜衣爰治戎律喉舌是司匪嘉其  
舉急病攘夷邦政紛囂九伐誰啓一瓢眾輿其能汔濟  
騏驥弗乘臺隸旌棨廷爭則危署尾匪體鼠鬪於穴謀

臧勿從柱弱勢分曷克其功夙夜以思厥心忡忡莫適  
剛柔殷憂以終雖以正斃目則不瞑舟無壑移草以風  
勁車書未同銜恤靡竟哲人云亡琅琅其命其命伊何  
爰飭冠裳不衷之寵美而弗良生勤其事沒辭其章還  
我初秩君子之藏嗚呼哀哉余之北歸再過閩海促公  
同舟保茲蘭蒞公方徘徊曰將有侍山澤之豪奮戈斯  
在余曰不然道貴知幾矯翼則飛弭耳則羈謀夫孔多  
孰從孰違人犧之悔其悔曷追訣別而行南望予美素  
書來告竟如夙擬公方悵然余豈巫史掩袂興哀時乎



何歟先生之歿不朽者存令音在袖永懷弗諉殄瘁之  
酷舊德曷論茫茫江左逃矣中原嗚呼哀哉遺魄飄搖  
何阡何陌溫夢不歸古今同宅維葉維姚營此窀穸恩  
異吳章義等田客央央素旄槃山之東襟帶巨壑寂歷  
晨鐘鶴羽之來憩彼高峯千秋萬禩仰止遺風

告錢相國遷柩文

福清葉進晟霞臣

福清葉進晟蒙恥苟生抱病杜門竊在下風聞有大賢  
君子曰錢公希聲相公鞠躬盡瘁於海上雖愚不自猶  
知樂德慕義私心嚮往之念欲經營一抔土奉安窀穸

錢忠介公集

卷二十一

十四明叢書

衍岡刊本

懷此有年莫或可語歲癸巳冬見何君寵而告之慷慨  
見許既閱月復不果至公之舊同事海寧姚君翼明聞  
而嘉歎誘掖焉且力促其決毅然身任勞苦爲遠致公  
之喪進晟乃囑其所親何君爲輔行而使齋辦香束芻  
至於瓊琦錢公靈柩之前而告之曰古今忠臣義士不  
忘本朝與天爭鼎當其舉事之日身家軀命業非已有  
雖肝腦塗地未嘗有悔況茲遺魄盍所願戀然而天地  
英靈之氣寶鍾於是若使零落蔓草碧血不藏後死之  
責其何所逃進晟惡焉是用與姚君謀謹擇敝邑黃巖

山中一片乾淨地上將爲公負土庶名山正氣兩俱不  
磨夫人公即諸樞皆以禮祔今當靈輅就道瀝酒告公  
惟公神靈冀所昭鑒

是文以初四日作瀕行潦草語不寬心越十有三日  
興公先生以公之喪至於山中復索前稿因剔鐙錄  
此時闕達敦牂之二月也進屐識

告錢相國文

海寧

姚翼明 興公

甲午二月初八日同鄉姚翼明再拜告某不德竊欲自  
附於大賢君子之後自胡躡吾浙避亂於閩者閱九年

錄忠介公集

卷二十一

十二

四明叢書

約園刊本

所言乎地則與公稱同鄉言乎時則與公稱同仇言乎  
行事則又與公同患難矣公今卒於此義也正也公學  
家來閩多歷艱瘁維跋且涉困頓於風波者爲最久琅  
琦之役奉職討胡可不謂忠歟而事機未諧所爲艱瘁  
者日益甚嗣而公之嫂孺人歿公之姪歿公之夫人董  
氏與公之次公即相繼卒暨公之卒則爲戊子六月初  
五日也皇皇冠冕戴髮遊地下可謂死得其正矣公既  
卒靈骨之暴於江湄者又六載賢士大夫聞或過而拜  
祀焉然江流慘淡雲物淒涼使死者有知終非所以安

英爽也癸巳冬十二月葉相國文忠公冢曾孫諱進晟者素好義既以慕公之爲人而悲其暴骨於江湄慨然思有以安之爰假地於槩山之東坂謀窆焉甲午二月屬某率其所親來琅江將扶柩以去念公之香魂如結碧血猶存松蘿祕鬼神之窟巖壑增日月之光公固正氣地亦名山用歸宅焉相爲不朽若夫人若嫂若姪若公郎各以禮祔蘇子瞻云有以葬之不必其里有以祭之不必其親公賢達想能同此也某同鄉至誼禮當效奔趨執紼以從有弔公者則拜之不敢告勞惟公鑒饗

再告錢相國文

姚翼明

二月初十日同鄉某再拜告昨自琅琦移柩渡至斗門登陸矣次日擬啓行以長樂虜至文石工眾各散去晚復移頓於菊潭劉氏亭園前適大雨令劉葉二家僕以竹篷覆蓋畢次晨天稍霽乃命工人速行自菊潭至東坂計程百三十里柩有四每部用工人八名共三十二人或輕或重更番迭運日行四十五里約以三日不至不驢不弛公在前夫人次之公之嫂孺人又次之公姪最後雖造次序不以亂旣行工之力有不至者公助之途

之次有險仄者公維之惟魂魄是安毋至顛躓前行護  
喪者爲僧書居法可皆公之故人也惟公陰佑之速歸  
於山乃善謹再告

三告錢相國文

姚翼明

三告我公公柩十三日至古縣翼明以公之次公郎柩  
尚留琅琦淺土未獲同歸心是用愴斯晨屬同行何君  
爲照理某先馳融邑與葉君商所以火而負骨歸瘞之  
事業君曰不忍爲此也可零作護棺運歸與公同葬庶  
父子相依有以安死者之心吾當無惜費次早某急走

鍾忠介公集

卷二十一

十三四明叢書

約園刊本

入山預爲停柩東坂計途中攘攘竄奔者勿之顧是晚  
復同寺僧六七人攜銘旌香果迎候於陳白久不至回  
山詰朝亂兵雲布於巖谷乃知公柩蓋爲兵阻未遽進  
也數時以來中心惻惻靡有寧息十九日致書訊葉君  
信久滯思愈搖搖廿一日始得一葉上人書云公柩尚  
懸頓宏路葉君子器甚不忍也某讀畢心如刀刺旁皇  
寢食間次早同一僧直抵宏路見公柩暴於葉氏倉垣  
不覺汗流泚頰草覆其上而歸與黃檗和尚語明晨遂  
令土工十人僧二人復宏路運回今則英爽儼然在東

坂矣公有知必我諒不我罪嗚呼我公魂旣歸山卽安  
伊邇惟無伺謹再拜以告

告土神文

釋性曰

敬告土神地無不載得以託於名賢者爲貴故相國希  
聲錢公今之名賢也卒於琅江其親屬還四明相距千  
餘里又家貧未能遠致喪歸融邑相國文忠公家曾孫  
子器好義輸金爲助假地於嵯山和尚將營葬焉謀之  
旣臧於某日託同鄉衲僧曜菴自琅江運柩至如夫人  
董氏嫂孀人陳氏姪子釗次公郎翹恭暨相國凡五柩  
擇本月廿三日卯時破土開曠五芟草闢地前廣袤一  
丈八尺深六尺卜吉安葬焉惟神是司惟神是佑或衝  
或煞毋俾有犯不吉之祟悉除蟻水之患永絕死者安  
生者利山有靈應藉是以不朽浙僧性日謹告

錢相國下窆祭文

葉進晟

惟公川岳英靈古今正氣忠義奮發國爾忘家卒乃崎  
嶇海上死而後已信夫烈士之弘標貞臣之亮節者矣  
大勢旣去誰不獨存憤氣雲湧碧血泉飛而公竟以身  
殉社稷焉等之一死不負所天豈必蹈刀鋸膏鼎鑊而

後爲烈哉傾覆以來迄無成算飄搖水溢還葬未期進  
屍久茲悲愴中更多故莫可殫述今春藉手姚君翼明  
乃得奉公靈輜暨夫人諸柩至於黃巖山中爲公負土  
營築將半值師旅張皇未克終事延及三時越在草莽  
雖時局在屯無可措手屍實日夜疚懷而其畏懦遲緩  
之罪則固無以自逭於公矣茲幸玄宮告竣卜以今晨  
之吉奉安窀穸夫人董氏合焉而以公嫂陳氏從子子  
釗二柩附於左右室用順公志雖地非故壤感或首邱  
然同此大塊之中空山幽寂儼然邃古川原拱護茂柏

長松可以永藏弓劍於此徜徉閩與浙接壤道里匪遙  
魂氣往來可無不之而名山毅魄人地相宜公慷慨義  
烈生同忠武之志必能死等延陵之達矣公家人阻隔  
未相聞知屍未死餘生則公烝嘗之主仍規創主祠田  
以垂永久姚君始終公事備歷艱瘁曾無倦色可謂貞  
信之士矣嗚呼壯猷未竟幽室長扃少陵滿巾之淚此  
進屍所以爲公雪涕者也薄醊敘心維公鑒饗

爲四明錢相國營葬巖山募祭田疏

釋隱元琦

黃檗自唐裴相國休問法於斷際禪師而宗風始大顯  
得其傳者代多有人至吾明神宗朝以葉相國文忠公  
之請特賜藏經數十年以來草木麗發山川渙然人之  
過斯地者咸謂是可與有唐相先後云亡何而中州多  
故荆杞徧原野所幸闔土不盡淪陷以命世者之力屏  
翰我名山黃檗雖荒僻竊擬自附於首陽片坂之遺丁  
亥四月錢相國希聲避地棲海濱聞而樂思不以山僧  
之耄且憤慨然投以詩爲致不忘茲山意今且卒暴骨  
於江湄者復六載甲午春正月葉相國家曾孫霞臣太

史念忠魂之未卽安圖以葬之從山僧假片穴山僧惻  
然曰私心存此久矣遂令徒獨耀自琅江遠致喪歸且  
勸厥事卜擇營窆多雖歷辛勤毋卽廢弛維山有靈大  
賢是宅嗚呼纍纍五棺皆相國涕淚之所遺注英爽之  
所繫思能使在天無恫焉善矣然山僧以爲此固非一  
手一足之烈也文章者名山之俎豆忠義者佛國之干  
城千古事非千古心莫與其非千古人莫與成葬有其  
地不可使祭無其田螭頭豕鬣封旣拭目可俟春薦  
麥秋獻黍將藉手何人山僧雖耄且憤忍以白骨爲市

乎命世諸賢有能念相國之遺蛻廣麥舟之義助置田  
爲香供世祀不衰黃檗一邱亦應藉是以增色此事此  
心不亦垂千萬禩永永不磨哉爰請

祭錢忠介公文

補

劉沂春

甲午春二月壬戌朔越九日庚午福唐葉子器慕義好  
德遙舉忠介大師相錢公暨其夫人董氏嫂姪四柩營  
葬於黃檗山道經菊潭而南適家盟弟劉沂春向同事  
江干謬蒙推重今老而矇艱於移步命男元台姪元蔚  
謹備果酒百拜於靈柩前爲文而告之曰先生忠義奮

錢忠介公集

卷二十一

十七 四明叢書

約園刊本

不顧身挈家爲國可泣鬼神大小踰險積憤多辛舊業  
待復駢化水濱昊天不弔殲我良人窀穸未卽已經六  
春余貧而病愧友愧臣葉公高誼正氣用伸坊封世祝  
萬古長新葬不必卑祭不必親徧之魂氣誰主誰賓賢  
胤聞此喜德有鄰先生如在自慰無嘆溪毛魯酒幸弗  
吐馨尙饗

祭錢相國文

釋性日

嗚呼生死之際交情之所爲見也先生生於浙死於閩  
其生於浙也人咸趨之其死於閩也人咸去之噫世情



見矣與先生交者不啻千萬輩也先生舉進士則有交  
爲州郡守則有交爲部郎則有交所交者又不僅浙與  
閩也至不得已而舉義舉而蹶蹶而閒關入閩復再振  
於是焉繇都憲遷司馬繇司馬入政府其官益榮其交  
益廣然此豈皆先生之所樂與爲死友者哉先生旣已  
不得志於權豪而戚戚然抱憤惋以卒卒於江汭頓於  
荒邱嗚呼蓋自是而弔於庭者幾無人矣哭於野者幾  
無人矣執雞酒生芻望頽隴敗屋而拜者蓋寥寥無人  
矣其人已逝其交漸疏噫世情見矣玉融葉君子器有  
道君子也慕先生之爲人旣久未得謀面於先生之生  
顧獨痛心於先生之死慨然捐貲毅然乞地謀於三山  
何子謀於黃檗老人何子於先生生前號最知受託以  
行久而棄去置不論乃喜黃檗老人之有同心也一諾  
無難辭且屬不肖日促葉君慷慨速斯舉曰徒步從之  
役甲午春仲自瓊琦江汭扶柩至檗山東坂塗百數十  
里遇虜遇寇者再蓋旬日始得達云因歎先生生而顛  
連死復坎壞之可爲惻惻也旣擇穴卜吉工方營作而  
海上兵卒至不得繕事者閱八月黃檗老人適有扶桑

之行日從送至鷲門遂以營葬先生事布告同人定西  
侯張君侯服儀節紀君石青孝廉涂君虞卿同有是心  
者也虞卿遂致八金爲炬帛資而石青侯服則委曲達  
於當事諸勳貴之前欲其襄爲理稍稍有緒未幾而彼  
中列紳亦素所號正人君子者起而妒之由妒生閒事  
漸以瘖嗚呼先生已矣使先生未死時以貧相國抵鷲  
抗揖公侯之列周旋士大夫之間列紳縱不能爲義先乎  
吾知其未必生閒也而惜乎先生之已死也嗚呼世情  
見矣日厭聞若說冬之仲乃浩然歸棹山海上兵亦適

於是時去卽作書促葉君了器速厥功葉君躬詣山中  
者再事始竣季冬二十有六日乃安葬焉日從山中詣  
衲後持蔬果香茗再拜於先生之墓哭而告之曰嗚呼  
先生生死之際交情之所爲見也生友之有不如死  
友之有六六年旅殯一旦歸所而今而後名山樂土敬  
推葉君其謂千古彼餘之子又曷足數

祭錢相國文

釋隱元琦

歲甲午春仲廿四日我明故相國裕陵錢先生偕夫人  
董氏自瓊瑤移柩至將營葬於槩山之東坂山僧隆琦

老矣慕先生素謹扶杖往慰其甕陳蔬茗命監寺奠而告之曰無情之情情之正也不識之識識之真也真正乃乾坤之間氣人道之根本也天地不真正不成天地人物不真正不成人物故真正之氣萬古不昧豈偶然哉余與先生未嘗識面敘款先生乃寄予詩有生平傑味嘗難盡不及登臨謁瑞容之句其詞氣愍愍懇懇若數十年相知之深者其情正而識真復何疑乎嗟乎君子道消小人道長人心國體喪滅殆盡不可救療矣先生以海外孤臣呼天柰何矢死不回憤激而逝一門五棺纍纍可悲可傷雖魂歸天上而骸暴草莽非正人君子烏能憐此數堆白骨以慰忠魂耶一死一生交情乃見余廁空門愧有心無力不能展肅乃敝邑葉君子器同九玄周公毅然輸金營葬槩山爲近於佛地以遂先生茹素戒殺之志且神宗皇帝之賜藏在焉漢官威儀死猶不忘先生素心天日如見得不於此愉且快乎夫生爲帝股肱死爲佛弟子真正閒氣與名山並不朽此真夙世一大奇緣也誰謂余與先生未識面敘款哉蓋其神交已在千百劫之上矣潦草一奠先生其格之

哭錢虞孫先生文

何寵

虞孫先生之歿於今七年矣一家五柩廢於琅琦荒山破屋之後先生故人門士徧海內莫有炬帛一尺醪酒一杯來哭先生者而符卿霞臣葉先生獨辟瘠黃蘗山采首陽之薇酌娥江之水葬公祭公符卿初與不肖寵言時不肖寵慨然期董其事頃之寵以病故緩且羈於俗末繇報命遲期閱月而符卿竟葬公矣嗚呼公之身許國而公之靈在天區區血肉形骸公其置之久矣而符卿以爲公厭世已極即使公之遺衣敝履猶在豈宜復落人閒亦當置之萬仞峯頭仰天府地爭日月光耳況公之真形體真髮膚乎且如熊雨般鄭履公兩先生者雖欲收其衣冠而瘞之豈可得乎寵旣感符卿之言而媿不能終公之事不得已滅燭屏人對天稽首呼公之靈而哭曰公昔日教寵信寵警寵當此時豈不以寵爲天下士哉而寵今竟負公矣嗚呼寵卽益公邱壘祭公哭公公亦吐之矣

葬錄下 詩

送忠介錢公葬黃蘗山

劉沂春

中天寥朗倏塵蒙國士號風欲掃空自任不辭名世後  
同人未克大師終幽憂賈志歸南土碧血留丹戀故宮  
從古興亡多反覆乘箕浩氣待圖功

本師和尚捐地葬錢相國敬偈

釋如一

願力存千古乾坤屬一人惟餘坐具地分取葬孤臣

爲錢相國營葬偈

釋隱元琦

聖賢佛祖一身扶見義爭爲真丈夫萬古同明肝膽赤  
可封忠骨壯皇圖

霞臣葉公爲錢相國營葬偈志其事

錢忠介公集 卷二十一

三四明叢書  
約園刊本

釋如一

太史惠蒼生親埋漢國寶味茲仁者心日月不能老

送忠介錢公卜葬黃檗山

馬文琦

當年清切白雲曹大廈扶顛一木勞帝子不成非虎兆  
先生甘作臥龍張豹文五色名原重駿骨千金價自高  
灑涕酬恩惟有劍掛將荒冢其蕭騷

祭錢相國墓

釋超弘

倉皇膺揆命辛苦鄞江來銜木心猶在揮戈日不同精  
靈歸嶽瀆緇素翦蒿萊老我芒屨客招魂一訴哀

前題

釋智瑩

一作超智

一望牛眠百草離亂餘得地卽便宜山前日月勤王印  
野外松杉斬虜旗九死靡他光宇宙半箋孤憤泣鬚眉  
千年石勒先生姓不讓當時墮淚碑

弔錢相國希聲

釋如沛

曾從標節後名譽四方尊氣岸高齊漢文章達紫垣身  
全維世苦膽赤報君恩誰道先生歿貞忠萬古存

臘月二十日過琅江拜忠介錢公息廬

補

陳仲寶

鑑忠介公集

卷二十一

三

四明叢書

初四刊本

一掬梅花作瓣香五年如夢變滄桑大旗鼓裏人如雪  
遠火舟中月似霜曠野可憐多虎兇老天不肯匿文章  
清風江上餘瞻仰山自高高水自長

和獨耀師贈葉子器爲忠介錢公營葬黃檗山

補

劉沂春

文人得意出風塵豈憶今宵適際秦才試兩州兼將相  
心懸梅岳獨君臣何人共鼓同仇事爲主應知野葬因  
生未報君寧死快千秋景仰漢臣春

前題

補

陳仲寶

生平矢志掃紅塵，忍入桃源苟避秦。赤膽渾身誰爲主，青燐半野孰憐臣。千金營葬非要譽，百里招魂自有因。忠義惟知忠義客，文忠忠介欲同春。

中天倏暗滿天塵，付隕台星不帝秦。六載琅江難洗恨，一朝福地獨憐臣。老僧有意欽忠義，太史何心善果因。惟是相門還重相，閩南添得隴頭春。

贈葉子器營葬錢忠介公

劉沂春

振振公姓挽風澆，企德揮金嗣世標。爲國名公甘壑棄，無交懿好啓山招。封成夏屋長眠穩，情薄秋雲一望消。陵谷可翻聲不腐，何分後代與今朝。

錢忠介公集 卷二十一

十四明藏書

初園刊本

碧居上人護錢相國喪自琅琦至黃檗山於其歸也詩以送之兼呈隱大師獨耀上人

葉進晟

酸風刮地飛冰雪，媧皇走死蒼天坼。山嶽倒峙江海翻，蘭玉摧頽梁棟折。鳳凰有羽不肯翔，卻學文鸞映水絕。波沲瀕洞日冥冥，白骨成霜肝化鐵。鶴歸未計定何時，子規夜夜啼殘月。我聞黃檗生深山，味苦氣寒比高節。山中老人聲氣同，我也從之乞一穴。惜哉道遠不可將。

欲自扶攜傷薄劣與公姚子何爲者揚眉杖劍稱人傑  
一旦滄桑變市朝發憤空門晦其跡聞此不避行路難  
崎嶇爲裏棖弘血碧居師徒亦能賢辛苦護持跋復涉  
遂使蕭森山寺傍千載孤臣存毅魄且聞當公未死前  
居停曾館經年客從來方外寄英豪未家義俠今猶昔  
乃知一時雄雋人無數沈埋在草澤乾坤正氣苦不留  
人類吾憂有時滅嗚呼碧居兮且歸去世間萬事難重  
說

葉太史子器爲錢相國營葬黃槩山詩以頌之次

錢忠介公集

卷二十一

五十四册藏書

約園刊本

原韻

姚翼明

琅江怨濤白如雪巨鼇鼓顙蛟門坼陰雲叢叢慘不開  
月窟無光龍角折有美伊人宛在中縹緲香魂真怪絕  
五六年來秋氣多寒煙幾墜纏金鐵無人爲詠大招吟  
山鬼呼風梟嘯月融城子器相公孫爲憐錢公抱素節  
以茲忠骨無所歸黃槩山中假片穴此君人倫冰鑑同  
眼底青白分優劣卓哉名教夙所持文章意氣皆英傑  
牀頭黃金擲百千慨然欲妥羈魂跡酌酒呼余執紼歸  
鶻聲一路空啼血春半荒岡草亂青離愁縷縷嗟深涉



交道於今久替陵誰爲念及孤臣魄海內慷慨亦有人  
樹頭掛劍須豪客麥舟之助仁者心義聲不得專疇昔  
吁嗟兮戎馬滿郊原萬古終留君子澤中州白骨青冢  
鄰宵來痛哭燐火滅名山義事兩不刊千年碑碣從頭  
說

前題 補

前人

琅江白骨迴無塵作鬼猶然不帝秦相國有孫憐相國  
孤臣乞地葬孤臣大文氣合千秋事奇節心同宿世因  
墓表得君生死快峯頭盡吐漢家春

錢忠介公集 卷二十一

王夫四明叢書  
約園別本

獨耀浙西義俠也逃禪黃檗葉太史子器營葬忠  
介錢公諸柩於黃檗山謀於獨耀時有戒心獨  
耀不辭跋涉走琅江運柩以葬偶會龍峯惠余  
茶與詩卽別寄聲以答 劉沂春

遁跡龍峯似出家拋書聞偈吸朝霞高人走巖涓金骨  
病叟坐巒趙圍茶載讀瑤篇驚白雪敢將綺語混黃花  
相逢不禁同聲好爲致殷勤備鼓笳

碧居禪師護忠介公諸柩葬於槩山歸遇豪客瘞  
剗其衣因詰之而反其半作此慰之

前人

爲憐忠義奮相依不憚馳驅護骨歸風雨淒其行力倦  
精魂得所放心飛無端豪客搜窮谷遂使勞禪失戒衣  
猶幸瞿曇慈教徹春寒尙可煖冰肌

貞羣案忠介之葬張名振周崔芝紀許國皆有撰述  
今均亡佚

錢忠介公葬錄題詞

補

全祖望

予少時讀漢人平陵黃犢之誥以爲此一時義士生不  
能救死而謀葬之之作也若王子珩死諸義士有請尸

錢忠介公集

卷二十一

二十七四册藏書

初圖刊本

之書有竊尸之舉溫公皆紀之通鑑文宋瑞死而張毅  
夫亦以此垂名嗚呼是所謂附青雲而顯者矣錢忠介  
公之葬也諸義士合力營之其時閩南未盡底定海師  
尙在島中故豐碑幽誅以及啓攢祭告哀輓之作極盛  
亡國之大夫所未有也公既葬之數年間之制府陳經  
征海道出黃檗營親往祭於墓下是非人心是非之公  
有脫略於忌諱者歟葬錄中人物之著者大學士劉公  
沂春忠介所薦同升相位者也都御史徐公孚遠忠介  
舊交也定西侯張名振平夷侯周崔芝儀部紀許國忠

介舊同事也尙賈葉進晟文忠公之孫海上曾改官翰林姚翼明曾官職方而是時爲僧卽所稱獨耀上人也葬事出於葉姚二公之手最力閩僧預其勞者亦多俱詳錄中予嘗讀故都御史林公蘭菴集載甲午莊烈皇帝忽降神於浙所降之家驚問帝從何來則曰吾往臨故大學士錢肅樂之葬其家訝之已而聞公果以是日葬其事頗怪抑或忠臣所感信有之乎初公之卒也同里紀侍御衷文故公弟子江上從公幕下丙戌以後隱太白山中鍵戶久矣至是忽失所在閱十旬始歸叩之

則曾公之喪也時侍御意欲爲公謀葬而不克公弟侍御肅圖官翁洲時亦嘗乞墓銘於大學士張肯堂未及作而翁洲陷閩中道梗至甲午而尙寶諸公卒成之吾聞紀侍御之集家藏無恙其會喪之作有足以附之此錄者行當訪而補之康熙丙子吾鄉陳公汝咸令漳浦聞忠介墓田多被人據貽書古田令清釐之繪圖以歸錢氏子謂潛恭使皆附入葬錄中而併紀其顛末焉

貞羣案續甬上耆舊傳云董允懌遠齋於順治間知古田縣事曾訪忠介墓親爲致祭斬蓬蘽而封之

貞羣又案忠介墓在福清黃檗山見葉進晟告錢相  
國遷枢文錢肅圖忠介公前傳自康熙鄞志誤爲古  
田厥後府縣志乘多仍之而謝山亦承其誤

壽鏞案謝山所述陳汝咸令漳浦事見蔣樗菴鄞志  
稿陳汝咸傳云同邑錢忠節墓在古田縣黃檗山爲  
修其埏道而清其界

壽鏞又案葬錄爲葉進晟編見續甬上耆舊詩今互  
勘字句略有出入此據馮君孟顓所編凡耆舊詩未  
錄者加補字以別之

錢忠介公集卷二十二

附錄二

騎箕集

先忠介時傳爲郡城隍廟神屢於黃靜涵儀部家

降乩示異賦此展謁丁未同縣錢光緒鰲菴

黃檗山頭骨化丹琅琦島外朔風酸拌將兩載窮桑餓

博得千秋廟食歡海上往往絕食後終以餓死潮打孤城嚴鎖鑰霜

摧古殿肅衣冠生平寤寐皆濂洛莊語猶看懍筆端公降

此多  
格言

追弔錢忠介公集唐六首

同縣李鄴嗣臬堂

錢忠介公集卷二十二

一四明叢書初周刊本

人傳公近爲郡神

首唱恢大義甫如公有幾人甫力侔分社稷謂二藩也甫

道在有明神吳融翊戴歸先主甫中原憶舊臣甫十年不

解甲甫歐血事酸辛甫

再有朝廷亂甫扶持在數公甫依然七廟略甫共倚一

征蓬盧照鄰骨肉黃塵外盧照鄰主人孤島中王維槎斷消

息甫留恨與東風李白

樓船方習戰願况天意颯風颭甫血浪疑猶沸韓愈寒松竟

後凋甫蒙塵清露急甫奇葬與萍漂甫欲挂劉徐劍甫

何山是沃焦顧況

世亂忠臣死李端丹心已作灰宋之問渚蘋行客薦杜甫墳木

路人栽陶中諸君爲公栽墳野祭杜甫有弟皆分散公兄弟十二人死者八人杜甫

無人遂卻迴杜甫颶風晴白起盧象胥怒浪崔嵬韓愈

疊鼓鯨聲隱顧況兵殘將自疑杜甫血流紛在眼杜甫鬢髮白

成絲杜甫入邑豺狼鬪杜甫還舟日月遲杜甫神明依正直杜甫

長對漢威儀杜甫

入廟神如在趙彥昭涼生松栝圍張九齡徒聞滄海變宋之問

侶有故園歸杜甫日月還相闕杜甫雷霆可震威杜甫田家宜

錢忠介公集卷二十一 一 四明叢書 約園刊本

伏臘盧象歌舞散靈衣杜甫

弔錢虔孫先生 宜興 徐堯章 唐山

國士應流百世芳先生端不愧文章島夷異地容田客

妻子同心固首陽天上有身騎箕尾人間賴此植綱常

要知滄海桑田後浩氣還爭日月光

拜忠介公和螿菴韻 同縣 王玉書 水功

海微傳將一寸丹靈旗鬼馬倍增酸人間無復撐持事

帝命權依里井謹故國山河有香火九天英爽降衣冠

故知根觸當年夢百感茫茫到筆端

謁錢忠介公祠

同縣 萬言真一

結得先生三世緣不堪重溯涕淪漣門庭積雪陪危坐  
家君受業忠介京洛看花讓著鞭先王父丙子同籍滄海忍枯遺恨在  
雲旗遙束壯心懸難將蠲吉酬明德好共池塘說惠連  
謂螿菴先生也

錢忠介公時傳作城隍廟神螿菴賦詩展謁和韻

同縣 汪濤高源

竹樓高處表心丹大海長風砥骨酸廿載成仁甘自苦  
一生取義任人歡江湖尚湧孤臣淚廟貌猶瞻前代冠

錢忠介公集 卷二十一

三四明黃真  
約圖刊本

乂語鴻文提後學先生彩筆落雲端

前題

同縣 陸銓鈔侯

揮戈莫爲挽乘鑿孤島寒流帶影酸賣國終成五楸計  
捐軀且盡一生歡魚龍浪舞迎新像風雨聲傳襯正冠  
東村家尚在子規啼血滿林端

舊社成墟那得觀騎箕天上話辛酸定知廟食心難慰  
猶識居鄉意自歡腰臘千年存漢祀柏松幾樹肅神冠  
多因憂世情無已格詒還着寄筆端

忠介爲城隍或夢寐見之或病甦傳之此理之不

無者也昔先王父齊莊甫逝之夕給事贊府者  
夢鼓吹迎楊高唐爲土地神且而親友數輩各  
賫辦香肅拜祠下夢悉相符焉沈竊疑忠介之  
與王父以道德則修文之選以氣節則箕尾之  
歸而尙煩簿書之役役與是皆不可知而亦理  
之所必有者也因和詩而及之

同縣

楊文沆

濯先

悠悠何處弔忠魂古木陰森透石根官舍清甘月俸薄  
荒祠冷著瓣香存兩州廟古聞明誓

忠介並仕太倉卽  
州城隍誓不名

錢忠介公集卷二十一

四四明叢書

約園刊本

一錢不飽一情王父  
之於古田高唐亦然異代人過拭淚痕氣骨文章原不  
二分符應其涓陽論

忠介於王  
父爲甥

拜希聲錢夫子書像

崑山

歸

莊

玄菟

義旅如雲起甬東墨綬仗劍效孤忠射潮齊發三千弩  
可奈東南王氣終

西狩鑿輿何處邊東巡龍種驚樓船琅江何必非綸邑  
日落揮戈或勝天

孤臣力盡歎零丁絕島軍中隕大星留守終懷渡河志  
心丹血碧儻編青



自是神仙冰雪姿輕搖羽扇事驅馳書生不讓虞忠肅  
國運嗟非南渡時

布置鬚眉絕勝人可憐不畫漢麒麟孤臣毅魄藏何處  
黃檗山頭大海濱

昔日廉平著太倉更懸冰鑑校文章自慚無計酬知己  
卻曲遊行一楚狂

追哭母舅錢忠介公

時傳忠介爲郡神賦此展詞

海寧

張英仲張

孤軍方轉戰半壁已成塵竟以西山餓而捐東海身

錢忠介公集卷二十二

五十四明叢書

荆園刊本

絕食終衣冠留正氣俎豆肅明神青史他年事寥寥更幾  
人

君死復何怨千秋遺恨深艱危亡國事痛哭老臣心天  
意嗟難問行人淚不禁摳衣還肅拜古廟柏森森

歎息吾生晚斯人不可期藏書秦甲子遺像漢威儀總  
是君臣際偏逢喪亂時琅琦何處所忍讀大招辭

異代還祠廟

閩中有忠介祠

殘僧哭墓門

海寧獨巖上人爲忠介營葬

未消

春陣血不死夜歸魂落日寒鴟亂陰風石獸蹲椒漿遙

一奠往事總難論

遺業臨江口東風草又青交游非夙昔弟姪半凋零公  
弟十二人存者無幾姪止一人苔徑人稀到松門畫亦扁生平故人在  
雙鬢已星星余父與忠介  
向稱莫逆

各鄧江甲錢忠介公四首

泰州鄧漢儀孝威

河山已改易忠孝性難磨獨望閭天路猶傳正氣歌一  
軍埋鐵甲萬淚灑凋戈忍復餐薇飯貞魂已逝波  
天意終難問臣心苦未灰殘師誰島嶼大駕已塵埃百  
戰身何補孤魂土一堆至今黃燐路風雨夜猿哀

已騎箕尾去猶整珮環歸故里喧神樂明公豈戰衣夕

錢忠介公集 卷二十一

六十四明讀書

約園刊本

陽村酒盛陰雨廟旗飛且役郊原鬼朝朝守畫幃  
廉吏裏東著英風海上傳凋零爭骨肉戰鬪已山川巖  
傲墳誰奠江村像自懸直疑文謝後重此續殘編

再弔忠介公次聖月韻

前人

瀚海湖流戰血丹宮車路繞朔風酸一身但抱君臣痛  
萬里曾無弟姪歡死去瘞鄉埋白璧歸來祠廟擁黃冠  
只今故里紛衰角對此愁心應百端

時危瀝取寸心丹絕鳥孤墳眼盡酸何處靈旗千隊降  
祇今饗奠萬人歡潮迴夜月驚強弩廟門初陽綠大冠

豈獨握蘭頰悵望忠魂時隱白雲端

郡廟在握蘭坊

又次楊濯仙韻

前人

懷懷衣冠繞夢魂誰云忠孝盡無根  
戰歸旗纛蠹星全沒劫到龍蛇淚  
半存靈佑賜書邀血食琅琦燹火  
徹潮痕應廣楚些題崖徧蕭瑟人閒孰可論

又次萬貞一韻

前人

故鄉棠蔭自因緣一望無諸涕淚連  
慘澹孤臣甘絕粒飛騰請將任先鞭  
龍旗殊錫鬚眉壯蛛網重開劍履懸  
猶有同時田橫在茫茫風雨暗成連

錢忠介公集

卷二十一

七

四明叢書

錢忠介公降神記

同縣

全祖望 紹衣

城隍之祀始於六朝而唐以後徧天下其詳見於宋趙氏賓退錄中然必求其人以實之則吾未之能信也且相傳以爲神有代謝故前代忠節諸公如靖難時之王觀察嘉靖間楊員外魏奄所殺前後七子中則李黃兩御史皆世所指以爲確有可據者也嗚呼日星在天河嶽在地忠節之魂魄發揚昭明何所不之亦豈必以司城隍而重與鄞江城隍之神里黨莫稱其爲誰氏余考之開慶四明志則以爲漢初之紀將軍信吾不曉紀將

軍之何以得祀於吾鄉也其殆當宋高航海之役如奉國軍譙樓祀唐唯陽六忠之例乎近忽傳故太保閣學忠介錢公嗣其任一時遺民皆爲歌詩以記之曰騎箕集其果有所徵與雖然忠介初倡義時六狂生擁之而至在斯廟也余每徘徊神宇秀皇追朔當日力疾誓師墨衰指麾光景如或遇之則其降神於斯也亦宜謝山承學全祖望

貞羣案是記及後畫像記與影堂畫像全氏手書墨蹟相合而較集本詞句微有異同

錢忠介公集

卷二十一

八

四明叢書

約園刊本

### 崇祀鄉賢錄

府鄞兩學廩增附生員陳錫貞陸整練鎔方培英董道權方名英沈光定萬善鮑天麒史義昭洪薇萼孫奎璧邱肇敏張鐘毛坤元等呈文

呈爲理學堪維聖道忠貞尤係倫常仰冀憲批光千秋之俎豆俯憑輿論風百世之廉頑事竊惟稱先則古兩翼恃在後人崇德錄賢彰表關乎盛事故粵稽周禮載先生祭祀之文而歷考前朝尚往哲祠鄉之例謹按明故刑部員外郎錢希聲先生諱肅樂長庚精孕卓然一

代之宗工箕尾長騎屹矣千秋之砥柱學者望爲山斗  
瞻仰匪朝後人奉若神明步趨恐後蓋天理民彝之極  
公能蹈其故常此忠臣孝子之宗誼不動其威慕原夫  
之無解指其推白傅之姿宇宙深思競奉陵公之譽日  
數行而俱下覽百氏以兼該視聖賢爲必可師四勿事  
如顏子以道義力任諸己一介志在伊衡金石成聲貧  
似原曾而不恤揣摩有素道非堯舜而不違余泮藻而  
卓立雞羣人誇領袖探苑花而高題雁塔世擬樞輔之  
字起袁在當時已遵爲科律篇章問古至今日猶奉爲

楷模洵有德而有言亦以文而以行燈傳續微微詮衍  
佛程宋地脈鍾靈開氣後先熙曆謹物恆於宗黨其仰  
圭璋新堂構於巖宮快瞻輪奐暨乎筮仕以迄登朝兩  
袖清風能凜孤操於冰檠一盂餞水得邀輿頌於甘棠  
異績曾致肥親執法無慚強項循吏自堪立傳羨黃霸  
之聲名廉吏其不可爲歎叔敖之後嗣念詩書之垂裕  
先澤長存捧硯墨以銜悲貽謀如綫典型在望宜深憫  
恤乎仁人閭墓堪懷未禁樵蘇乎聖世欲勵將來之德  
業必追既往之風流幸逢憲天大宗師文瑒歐韓道宗

孔孟矢天矢日空冀北之馬羣公是公非法魯邦之麟  
史象山崇正脈既以斯道覺斯民潛德發幽光瞻之在  
前復在後伏乞俯聆眾籲特表遺模批入鄉賢用輝國  
祀庶禮門義路庠序樂君子之率由行表言坊郡邑奉  
先賢爲矩矱爲此連名上呈康熙二十四年七月

學院王掞批語

查得故宦錢刑部希聲先生一代鴻儒千秋正氣蚤  
歲游登甲第人推走筆如泉初仕卽領方州親見居  
官似水泊乎晉階秋署益著廉平文章則韓吏部之

錢忠介公集

卷二十一

十四明讀書  
綉園刊本

積理以起衰氣節則林主客之持忠而入地志旣光  
於揭日名尤炳乎汗青文舉引虎賁以貌中郎曾聞  
斯語伯通旁要離而埋烈士竊有同心本院素切景  
行無煩覆核仰寧波府亟行諷吉奉主崇祀學宮庶  
因俎豆之無疆得奉典型於不朽毋得遲誤仍具由  
報查繳

宗族生監錢潞恭錢渭恭呈文

呈爲先德可傳內舉不避仰批崇祀以光大典事竊思  
家有宗衮舉族之榮國有貴珍多士之則所當奉儀型

於圖畫配俎三於學育者也從伯前進士任太倉州知州陞刑部員外郎希聲公諱肅樂者生而岐嶷長則孝友論品行與廟廟爲比肩論文章以王唐爲法服首事而舉廢墮功在下庠筮仕而號循良績留劇部既昔日三吳之廉吏亦有明一代之儒宗國史見收已藉北堂直筆家聲不振井無東里敝帚其胞弟生員錢肅圖託妻子而遠依瓊幕惟從姪儒童錢潛恭兼耕讀而代奉烝嘗所可傳諸不朽者千秋殆將絕而復續者一錢非藉提携於大君子寧發幽潛於此一時伏望憲天大宗

錢忠介公集

卷二十一

十一四明嚴書

約圖刊本

師垂恤先賢附之祀典俯聆賔論錫以彩批幸千載之一朝佩殊恩於奕世矣爲此激切具呈須至呈者康熙二十四年七月

學院王揆批語

查得本宦名炳日星身歸河嶽文章經國既同經史載籍之傳思慕在人非止桑梓敬其之義已準府郵兩學生員陳錫宙等公呈批行本府仰一體遵行繳

跋錢忠介公崇祀錄

全相望

顧菴先生視浙學行部至寧首祀錢忠介公於學宮井

及丙戌殉國秀才趙景麟可謂以忠孝訓世者矣顧謝  
三賓亦以是年同得祀何其不加攷核一至此耶予年  
十四爲諸生謁先司空宗伯公於祠見三賓主憤甚擊  
之不碎投之泔水并故提督張杰主亦投之忽忽二十  
六年矣展閱忠介祀錄記之於後



錢忠介公集卷二十三

附錄三

原編上文

太倉守署崑山縣去思碑

崑山 顧錫疇九疇  
瑞屏

今皇帝嗣統之十一年鄞縣錢侯以進士來知太倉州  
十三年吾崑山令免侯以知州權管吾邑事八越月邑  
大治諸生謀肖像祠侯之東門侯勿許侯守太倉又二  
年天子最侯勤稍遷刑部員外郎崑士大夫謀曰侯有  
大功於崑山不刻石頌其事何以勸來者因徵余言爲  
信余思侯來莅崑崑媮媮甚平時如遭兵燹民相聚誨

錢忠介公集卷二十三

一四明叢書

續圖刑本

曰此邑不復有良吏維吏崑者亦曰崑其畏塗至者無  
完聲侯在事則知斯言盡誕亥初民搆一訟曲者賂金  
則得直直者不能賂多枉死豪貴紀綱百人及縣之門  
胥表裏稱姻婭一訟牒進輒報所知所知以報其主兩  
家角勝負視門第更懸官牒爲市鬻於隸之豪者隸懷  
牒叩民戶家且立盡又里中巨猾部養羣不逞白晝格  
殺無忌每獄具輒摩其黨布道左張拳若向人者得金  
錢迺免侯摘發一二皆斂跡民得肩戶寢侯又罕與士  
紳接接無苛禮士紳曰侯輕我既士紳家再失藏名家

子眾燒死侯誅其渠魁無少道士紳喜則曰侯非輕我者崑賦劇他邑弊孔百舊例十人領出納號數官每較賦十人翼而立口唱籌數多不核賄集其門遂不思輸賦侯廉得奸狀銖粒盡親覽民知無援乃爭輸又不遣人責逋賦卽責甚逋者一人領其牒次逋者次之甚逋者輸及格則脫去牒責次逋者民急求脫罪又爭輸縣屬興獄臺司屬侯侯庭鞫率中要領是年六月民大饑巨室乘時閉糴縣故多姦人乃鳩其類煽飢民至數千揭竿犯副使某家次日復擁眾數千掠木買某又府掠

徽商侯時在太倉聞警飛艇至趨駕抵徽商門眾方洶洶呼壯丁擒之擒數十人斃二人眾乃散又身督壯丁夜察非常穿達隘巷仍勸人出米平其直活者十餘萬同時太倉亦告變侯一身置兩地又病喀而神氣陽陽兩地獲安當是時吳中震動不遇侯兩邑其殆然則侯之功不在祝侯乾壽下祝侯者嘉靖中令崑山捍倭難完我城郭崑之人至今廟祀

史氏曰於鑠錢侯既強且清人不能欺以法以刑西門治鄴國僑治鄭孔明景略牽豈以聽築之城域樓季絕

脈火烈炎炎萑苻盜息薳彼稂莠稼穡滋殖窮民頌侯  
歎我來暮我寒侯衣我飢侯哺富民頌侯侯如懷露下  
膏百物物以繁庶諸士頌侯自侯下車士不銜鬻挾筴  
爲娛胥徒頌侯今始遠禍我不舞文前吏誤我囚亦頌  
侯謂侯皋蘇別者守門子羔以逋辛巳以後侯雖在婁  
崑有疑獄必讞於侯遠近畏愛謂侯循吏侯名肅樂希  
聲其字鑣此貞石壽之干禩

送錢侯入刑曹序

太倉張采受先

錢侯治婁五載適天子矜慎庶獄擇天下廉明吏填司

錢忠介公集

卷二十三

三十四明徵書

約園刊本

寇曹冢宰首以侯應序資曰可員外郎於是侯且去婁  
侯律已嚴孤行一意應事通敏有源固宜給事中御史  
常調誠失當然外吏轉京曹朝官勞逸什伯禮數亦什  
伯且婁難調風愆時告以此謝牙啄奚弗適迺父老奔  
走泣田舍輟耕歛邑曰侯去羣宵復結稱罍會禍蔓誰  
則鋤博徒復熾取我子弟破家業誰遏勢家郎若僕復  
橫權在尺一誰裂眦抗青衣策騎墮膝句檄復旁午誰  
禁絕猾吏舞徭賦錢神上下誰與平其中產以上則曰  
歲荒雖苦稅畢事且寧今保無他侵害孤接向隅曰族

緇憐侯得不動今保無魚肉捆屨與菜備號曰無賴方  
息今行持入市保無徒手奪諸眷侯多端難悉指似得  
侯終滄婁者辟諸慈母乳兒上堂問舅姑且置乳則兒  
啞啞啼兒知失乳曷知母所享以此相形厥情篤矣然  
不但婁往歲庚辰侯兼治崑崑西距婁餘一舍閒五日  
往凡六閱月積廢聿舉渠路易聽時米價驟貴兩地奸  
乘劫大室侯停岸擒劇立置法亟返婁亦得劇懲不三  
日兩地亂遄已旣解署士民百千頂香盆擁車立祠生  
祝六閱月中以閒日計所視事不及三月得如此者體

用清裕之應也辛巳崇邑令缺盜四起邑誠號海中蠹  
司復委侯篆侯驅浪前至卽率兵卽勦擒獲三盜魁肆  
諸徇哭我兵死殺敵者裂國帶分卹丁壯益厲盜黨各  
驚遠復計擒盤踞害馬者二人值朔日集生耆講高皇  
帝六諭曰爾俗海外習行麗辟幾見養賊私販鹽得傳  
富子孫幾見罍曾予雄及陰孽人纏宛得脯下死盡窟聖  
諭否則柱後惠文小卽從三尺爾擇利其亦擇禍眾豈  
忱柔善有出涕者侯往返九日約途次治崇可五日又  
半行閒凡詰奸保良諸水陸興革咸飭頓行士民復百

千擁車呼曰侯奈何舍我侯曰我駐婁控崇興革且亟  
舉邑固我屬曷舍爾於是百千跪河干曰幸必無舍我  
望帆檣不見揮淚散侯極慈獨執法亡借初以名進士  
來四方友聲同籍故人不能無所干謁侯心厭輒難詭  
訛拒越歲且操誓詞盟神曰我決毋以民予客又刊詞  
布梓里各指婁怪鳥迄無趾錯遂嚴保甲飭鄉約朔望  
會紳矜庶老講六諭婁城郭舊分二十四舖合境舊分  
二十九都侯舖設約正副都如之各授善惡冊曰得實  
持以報講六諭畢則出朱榜書善人姓名行事奏樂導

送惡人則標白榜銀鐙扭階下受大杖乃立十禁定鄉  
約事宜復請諸紳分講城郭鄉約正分講村鎮侯則以  
時會講行賞罰且親聞解反覆孝弟興廉獎讓冀革心  
一時婁遂丕變侯鑑庚辰亂日夜思常平法是冬幸有  
年合羣議畝出米升總萬石次年果大旱民饑乃蓋廠  
四隅迄鄉都凡十三所自三月至五月煮糜振濟列貧  
戶自六月至九月上貧振米次減價糶視他邑差濟  
當旱甚侯百万禱既徒步拜赤日下又食同監門荒政  
介心路海寇引饑民出沒撲復起侯素弱時益齧瘠士

民環泣曰侯姑返解劄巷拜如憊極何侯語士民無  
歲將無民又安用我相對泣積瘁至今年春日咯血數  
升幾危乃甦侯視裏一身矣得比部報多士向余述晉  
侯者狀因嗾侯視裏一身矣得比部報多士向余述晉  
問斷游閑聲譽失貴人歡狡童且譎訛几席尚安望清  
要今得內轉助邦禁匡時明政一可幸冀則宜慶儻仇  
百姓行金輦上卽得給事中御史曷貴況非必得或官  
下要顯達頌郊遂內外怨汝詈汝可沒身辱侯清白吏  
子孫所獲最勝則宜慶固毋輕司寇曹周禮秋官帥屬  
登下生死書曰刑期無刑又曰惟良折獄皇上尙德緩  
刑篤念殊死以下付元宰受中侯行效職所平反當上  
心如漢張釋之于定國以廷尉遇主將大用則宜慶多  
士聞之意解曰其然終不得戀慈及淹侯矣侯且行子  
當有言余維侯每談義利甚辨方山所學見天下何我  
阿好然余州人也識不越百里詞乃稔卽占諸不律旣  
喻多士并慰攀臥以開侯轅轍

錢忠介公傳

陳皇士

公諱肅樂字希聲號虞孫寧波鄞人崇禎丁丑進士授

太倉知州政聲大著嘗兼攝崑山崇明兩邑事壬午入  
為刑部員外郎尋丁內外艱乙酉南京破江左兩浙郡  
縣皆風靡公在籍集士民懸高皇帝像慟哭遂與鄭遵  
謙孫嘉績陳爾輝等會師江干浙東歷授公僉院副院  
少司馬皆歷疏辭戮力軍中者一年丙戌錢塘失守公  
攜家入海閩中復授公副院公至則延平已破復遺跡  
海島中丁亥鄭彩治兵海上福州起兵公復以掌邦政  
召乃與熊汝霖馬思理沈宸荃林奎吳鍾巒等協力任  
事戊子加閣銜公見國勢日蹙藩鎮驕悍憂憤成疾卒

錢忠介公集

卷二十三

七十四明張普

梅園刑本

於海外之瓊琦山遺命以先朝時員外官服殮故仍稱  
員外云公以氣節終而始則以文章吏治顯制舉業數  
十年來競尚浮靡甚且離經叛道二三名士欲以經學  
振起之而所業不售人莫信從自公以湛深理學規矩  
先正之文聯取科第而世之為舉業者乃稍稍入於格  
居官潔己愛民吏事精敏而不擾不長強禦時以德化  
人在太倉卻公例之金振饑捕蝗措置皆有條理朝望  
集講高皇六諭賞善罰惡有父子相獄兄弟爭訟者諭  
令退而自思卒皆感悔謝罪在崑山時年荒貧民相聚

掠富家公捕得倡亂者杖殺之邑賴以安試士皆糊名所拔多奇士跡公之吏治蓋一代之能臣遭遇世變而不盡其用卒乃竄徙顛頓至九死而不移抱痛伏恨而死於海外其可悲也已公生平不多作詩從其弟肅圖首錄之

東閣大學士太保兵部尙書忠介錢公傳

同縣

林時對 藹菴

人惟介節硜硜牆宇高峻不隨人口吻不傍人腳跟斯能卓然自樹不惑於流俗苟且然氣誼所投自有緇衣

錢忠介公集

卷二十三

八四明叢書

約園刊本

之好所謂同聲相應同道爲朋非與余性孤鶩少可多怪與人恆落落而平生謬辱知己者同邑有三人焉一爲侍御陳公賓日一爲太常莊公漢曉一爲相國錢公希聲陳公按蜀歸始與余訂交公年倍余而忘分下接然性長厚於流品清濁茫然余偶及武陵公何疏獎則愕然問所以因言其欺君誤國狀始悔其前之誤也時時過余虛心延問余罹先子之感喪次惻惻謂如將伯助子何未幾復命而遽攀龍髯矣莊公直節嶙峋每見余奏疏歎不容口領袖天垣同持清議唱子和汝壘篋



協鳴篤愛余倍深每以言孫二字勸余作白圭三復北  
兵渡江鬱鬱病歿至錢公則賞識尤奇契誼尤厚當其  
東解組歸從眾中一見輒握手傾倒余詢公何暱我之  
甚則言君清望滿寰區素履孚鄉黨所不必言余最服  
膺者更在不師虞山一節耳渠好要結名流一時風靡  
惟余崛強而不謂卓識勁操有君稱同心也姚江倡義  
後孫師以書抵余令爲後繼余自顧綿薄偕郡中諸公  
謀推曾歷戎行者而堅拒不承會公自東湖至枉顧余  
詞氣慷慨因以主盟推之唯唯遂傳檄會議合郡士民

樹幟鳴鉦鼓譟動地余昌言何不奉錢公羣擁至公署  
羅拜推戴公亦直任不辭墨纒從戎募子弟兵禡師鼓  
幟分防瓜瀝江口監國至藍城晉公僉都御史控辭不  
受以原銜臨戎又加兵部右侍郎再疏力辭余時協贊  
孫師戎幕而姚江竊柄者彙緣戚畹結黨招搖猶襲金  
陵故智鬻官騙錢公聞之憤憤同章公格菴沈公彤菴  
合疏題授余兵垣同吏科都給事中莊公漢曉司封駁  
以清朝政又致書余云桑梓百千膏血銷付長江一帶  
弟罪甚大豈敢言功盟翁千秋正氣百尺高標所願大

據謠言一清陰孽使臣子竭忠朝廷然後醜類畏憚中國此相制之勢亦相兼之理也至於爵賞一項宜爲有餘之地毋行立盡之術如釣者挾香餌以投重淵百仞之深可牽而出若香餌既絕空手臨流雖任公子無所施釣繫之策矣今侯伯大封諸人志得意滿在朝廷雖以鼓勵後效而諸人既以安坐而得之則亦可安坐而守之若我輩文臣未恢一寸土以報朝廷又復濫受陞賞此爲何名終夜思量豈不愧恨試思舉義以來何所加於主上惟有一種諾許紛紛貽累主上耳猶且今日

都察明日侍即臣子之爲君父固應若是耶望盟翁先事爲弟輩杜止濫恩之路上以明君父之尊下以全明友之義天下傳之萬世頌之卽弟輩亦拜且舞之矣弟前者四辭新銜不蒙辨允至且以辭職爲懷貳今受職矣無貳心矣加銜不可以已乎弟感盟翁知己深於骨肉故敢以膈言奉告惟賜裁察幸甚余又因孫師題請監督西征給勅印同往商之於公復書云江上窺渡仍是虛聲恐別有一路爲其陰平胡議專備江上正墮其謀耳時事日非正人解體盟翁不爲朝中砥柱而徒問

渡於盛嶺瓜瀝之間天下其可圖乎從來小人詆訾君子多設浮詞陷構未有如今日以美名相贈者盟翁得此自千古矣但恨盟翁受其名而國家不得受其福爲快快耳弟兩月無餉必闕然而散空手來募所恃惟義餉乃身未到家而惡言四起一事不可爲弟惟有削髮入山看江上大勢以決生死耳據愚見盟翁亦不必速行或以奉命監軍不宜濡滯則駕小艇至龍王堂一瞻尊師仍至本地觀變未爲不可且聞尊師此行胸中亦別有成算非久駐龍王堂者管見如此可否惟尊裁丙

欽定四庫全書 卷二十三

二十四 明故上

刑部刑本

戊五月望後方兵一時奔潰義兵不能獨留公與孫師洎熊沈諸公浮海至翁洲又攜家人闖變姓名寓福清潛至龍峯巖從僧碧居祝髮營題壁云一下猛省時身世不知何處數聲鐘磬裏歸途還在這邊將終隱矣丁亥熊公汝霖魁監國至鷺門公往朝覲復拜大司馬戊子公同監國在閩安鎮熊公舟次瓊江漉港族之變晉公東閣大學士兼兵部尙書與馬公恩理贊密勿調劑水陸宵旦靡寧心枯力竭日嘔血數升至六月五日卒年四十有二贈太保諡忠介旅櫬荒邱踰六載至甲午

季冬福清葉文忠公冢曾孫鑿冰進屐捐資卜壙屬海寧義士姚翼明遷公井夫人董嫂陳子姪等五柩合葬黃檗山大學士長樂劉公沂春有碑記閩督陳錦巡海至黃檗山感公忠義設祭拜莫亦可以見直道之在人  
心矣公諱肅樂字希聲錢氏爲吾鄉望族奕世替纓祖若廣隆慶辛未進士守臨江字颺虞故公又號虞孫父益忠序貢官瑞安學博母楊安人翰林編修德政公女兄弟共十一人公行居三弟肅範以諸生仕閩殉難福寧州公生於萬曆丁未正月十五日卒於戊子季夏娶

董氏生子長兆恭次翹恭俱夭死於閩兆恭棺毀於兵火翹恭同葬黃檗山公遂乏嗣公素負氣節博通羣篇尤熟大全性理背誦如流爲制義遵傳註迨先正卓然大家至今問古篇藝苑奉爲金科玉律歲癸酉南昌黎公元寬以海內名賢督學兩浙拔公第一嘗云不獨文章爾雅人品行誼亦爾斯一人也余曩在南浦晤黎公猶篤念不忘云公爲諸生時倡議募貲修葺學校宮牆一新奉令舉賓筵必潛修篤行之士一屏營競破雜以敦風教丙子丁丑聯雋成進士出守太倉膏腴美

地一塵不染惟日與張臨川采張太史濤講道論文成  
莫逆交太史卒賦詩十章哭之播傳吳門州有豪猾暴  
橫遊人公擒治之繫獄百計鑽營求脫毫不曲徇乃求  
武進吳公鍾繼爲解吳爲公鄉闈房師及吳至公束帶  
立堂皇延入上座伏地請罪云肅樂吏此土爲月廷守  
法不敢有私老師之恩不可忘若某犯者州民咸切齒  
幸勿聽其熒惑吳公握手大笑云我來正爲彼今兄執  
法如山何忍以私害公平卒正其罪人兩賢之奏最陟  
比部員外郎丁內艱歸甲甲之變憤氣鬱湧傲文山六  
歌以當哭詞極悲楚激烈公歿後人傳公爲本郡城隍  
神屢降乩示異從弟光緒以詩紀之云拌將兩載翳桑  
餓博得千秋廟食歡余謂以公之精忠大節未必爲事  
之所或有安見爲理之所必無耶

東閣大學士錢忠介公傳

除姚

黃宗義

太沖

錢忠介公肅樂字希聲別號虞孫浙之鄞人也祖若震  
隆慶辛未進士知臨江府臨江三子長靖忠舉萬曆戊  
午鄉試次益忠瑞安縣學訓導次敬忠己未進士知寧  
國府公瑞安之子也母楊氏繼母傅氏公登崇禎癸丑

進士第是時場屋之文雖宗大家而無所根柢獨公沈  
湛於大全以歐曾之法出之故一時號爲名家授太倉  
知州二張負人倫之鑿吏於其邑者瑕疵立見公下車  
未幾二張交口讚誦公每謂人曰我若得罪天地當令  
子孫斬絕自揣歸家量口炊米裁身置屋書生門戶如  
斯而已遷刑部員外郎丁瑞安憂浙東議降附公大會  
縉紳士子於城隍廟痛哭敷陳建立義旗鄙夫恐爲禍  
階者陰致書定帥王之仁謂滄滄訛訛起自一二庸妄  
書生須以公之兵威脅之方可無事庸妄書生者指公

而言也已而定帥至寧陳兵教場亦受公約出鄙夫之  
書朗誦壇上鄙夫戟手欲奪之定帥色變公令之任餉  
而止畫江之守公分汎瓜瀝陸都察院右僉都御史尋  
陞右副都御史上言國有十亡而無一存民有十死而  
無一生賢人肥遯不肯攘臂一也憲臣劉宗周之死淵  
係宗社密章太牢朝典未備二也外戚張國俊權傾中  
外共指神叢三也臺省直諫發言盈廷無傷羣枉四也  
朝章令甲委諸草莽五也狎邪小人借推戴以呈身闈  
茸下流冒舉義而入幕六也楚藩江干開詔息同姓之

爭李長祥面加斥辱七也咫尺江波烽煙不息而越城  
褻衣博帶滿目太平燕笑扁舟之中回翔焚棟之下八  
也所與託國者論平弘光故臣鴟鳥怪聲東徙尤惡飛  
蛾滅燭至死不改九也民爲根本七月雨水廬舍漂沒  
以水死西成失望以饑死執干戈以衛社稷以戰死文  
武衙門絳標寸紙一日數至以供應死越人衣食取辦  
於舟楫調發旣多民皆沈舟束手以無藝死比戶困於  
誅求此營未去彼營又來以財死富室輸財亦以義動  
之非有罪也而動加撈掠牢囚以刑死大兵所過沿門

供億怒罵及於婦女以辱死甲獻乙之貨丙報丁之怨  
百毒齊起以憂恐死今竭小民之膏血不足供藩鎮之  
一吸將來合藩鎮之兵馬不能衛小民之一髮恐以髮  
死十也若不圖變計不知所稅駕矣戶部主事邵之詹  
畫地分餉以紹興八邑各有義師專供本郡寧波專給  
王藩公言臣師二千旣無分地理須散遣但臣自舉義  
而來大恥未雪終不敢歸安廬募散兵之日單丁入伍  
濟則君之靈也不濟以死繼之浙師旣潰汎海入閩思  
文授以原官閩亦尋破隱於福州之化南魯王航海至

聞從亡者文臣熊汝霖孫延齡武臣建國鄭彩平夷周  
窪芝圖安周瑞蕩胡阮進汝霖爲東閣大學士建國署  
兵部尙書事公朝見建國舉以自代王謂諸臣曰江上  
之師不能成功病在不歸於一公請以建國爲元戎諸  
鎮皆受其節制則兵出於一矣又言兵貴精鍊然鍊兵  
非旦夕事也今命建國挑選敢死善戰之士不論某營  
某營零爲一軍自今一切封拜掛印暫行停止懸金印  
於此令曰有能將建國挑選之兵先鋒破敵不論守把  
等官卽以印佩之議者曰不然各藩以私錢養其私兵

孰肯令其挑之以去公言無已則改前法今自建國以  
下六大營每營挑選敢死善戰之士零爲六軍懸金印  
六於此令曰有能將本營挑選之士破敵者不論守把  
等官各以印佩之王以爲然自是之後兵威頗振王之  
初入閩也次中左所中左所者賜姓所營之地也賜姓  
不肯奉王以丁亥歲爲隆武三年故王改次長垣建國  
自以其軍連破郡邑賜姓不與焉是年十月公擬詔頒  
明年會三年戊子大統曆於是海上遂有二朔時劉沂  
春吳鍾繼皆隱避不起公疏薦沂春爲右副都御史鍾



巒爲通政司使又寓書兩公時平則高洗耳世亂則美  
褻裳急病讓夷前哲訓也司徒女子猶知君父東海婦  
人尙切報仇嗟乎公等忍負斯言二公翻然就道而思  
文遺臣無不出矣戊子王次閩安鎮公請立史官言近  
者主上遣使訪求隆武又議爲弘光發喪長樂知縣鄭  
以佳科臣劾之主上憫其清苦又重違言官姑降級消  
息之旋與浦雪卽此三事皆可傳遠豈以艱難遂泯庶  
績晉東閣大學士兼吏部尙書疏辭者四面辭者三王  
終不聽與馬思理劉正亨同入直當是時以海水爲金

湯以舟楫爲宮殿公每日繫河船於鴛舟之次票擬章  
奏卽於其中接見賓客票擬封進牽船別去匡坐讀書  
其所票擬亦不過上疏乞官部覆細小之事大者則建  
國主之王亦不得而問也先是大學士劉中藻起兵福  
安攻福寧州將破其帥涂登華欲降第謂人曰豈有海  
上天子船中國公公致書謂將軍獨不聞有宋末年二  
王不在海上文陸不在船中乎後世卒以宋祚歸之而  
況於不爲宋末者乎今將軍死守孤城以言乎忠義則  
非其人也以言乎保身則非其策也依沸鼎以稱安巢

危林而自得計之左矣登華遂詣建國降建國欲使其私人守之劉相不可建國反掠其地公與劉相書每不直建國建國聞之恨甚公固有血疾至是憂憤疾動而卒六月五日也年四十三王遣官致祭贈太保諡忠介後六年而閩人葉進晟葬之黃檗山

舊史曰自會稽而航海者孫碩膚熊雨般沈彤菴與公四人皆相行朝孫殞於翁洲沈沈於南日公與熊皆因鄭彩而死在昔文謝孤軍角逐於萬死一生之中空坑安仁之敗亦是用兵非所長其進止固得自由也未有

錢忠介公集卷二十三

十八四明叢書

約園刊本

一切大臣聽命於武夫之怒睚排寡同此呼吸之死生而蠢然不得一置可否如幕客如旅人聞有平國浙有方王海上則建國賜姓定西不啻一巨之貉公與雨般稍欲有所發舒朝懷異議暮入黃壚忠臣之熱血不灑於疆場之鐘鼓日染夫睚眦之干戈雖由遇此厄會然推原其故有明文武過分書生視戎事如鬼神將謂別有授受前此姑置當其建義之始兵權在握諸公皆惶恐推去不敢自任武人大君而悔已無及矣公之從子魯恭欲余次公二十年來乘桴之事若滅若沒停筆道

思不知流涕之覆面也

忠介公前傳

錢肅圖 退山

兄諱肅樂字希聲號虞孫諡忠介先博學公第三子也  
九歲爲文寄呈王父於江右獄中閱畢拍案呼曰吾有  
孫矣王父號颺虞故自號虞孫云生平以植品行厲大  
節自任弱冠遊於庠奮志下惟一過成誦博綜經史旁  
及諸子百家靡不淹洽先爲寧守張士良所知試輒前  
列黃跨千文宗諱鳴駁歲試第四黎博菴文宗諱元寬錄科  
試第一食餼時學宮傾圯謀鼎新之爲諸生倡募金若

錢忠介公集 卷二十三

五十四明徵書

約園刊本

干置木植於定關運至郡城過兩堰候潮時嚴冬潮縮  
漏三四下率諸首事者露坐江濱潮忽大至頃刻而過  
不費人力故老皆云此潮汐向來所無以爲積誠之應  
告成勒碑誌焉丙子中鄉試出吳巒諱鍾之門丁丑  
中會試出陳公裴諱美發之門殿試二甲十四名授蘇州  
府太倉州知州州故號難治多逋賦前任往往受鐫級  
去官兄至一罷諸羨餘雜費輸納恐後有兄弟叔姪爭  
訟者未遽准行令退思三日悔悟則聽竟止偶一大家  
分產以弟訟兄爲反覆勸諭以去越數日兄弟相好趨

謝於庭又慰勞之自是無閒言又有親母訟其子不孝必欲寘之法審無大過兄杖之其母請寘死愈力兄呼其母前視受責痛楚狀令子跪求仍請寘死復責之令視受責如前且諭之曰汝止一子欲寘之死死耳念汝終身將何依且汝子死必藉子嗣於他人豈遂勝汝親生者言畢母子抱頭大慟請釋去卒爲母子如初一以孝聞一以慈著鄉里至今傳誦云州故多假人命及得白家千萬金立破矣兄下令凡告人命者必書屍棺到場四字狀入留之或拜客次忽命駕往屍所反覆親驗

視傷真然後拘被犯審理否則杖原告逐之被犯恬然無事有竟不知者嘗語圖曰此可爲法朔望集紳衿鄉耆講六諭州分二十九都每都設鄉約正副各授善惡冊具書姓名以報廉得實講六諭畢後則出朱榜書善人姓名行事奏樂旌賞惡人則標白榜當扭階下杖責之於六諭親爲闡解反覆孝弟興廉獎讓一時風俗率變刻有六諭釋理常思行常平法值庚辰有年詳請每畝出米升總計可數萬石次年果大旱設厰四隅煮粥以振復分別貧戶上貧振米次貧減價糶州是以不饑是

歲蝗蟲彌野策騎隴間率四民親行捕捉復下令捕蝗  
一升出升米易之繇是廳內外蝗積如山而田間少差  
矣其試士糊名校閱定等第榜發皆一時名流如周肇  
王瀚朱名鎬柴永清崔華宋龍歸莊咸名宿也再試童  
子暗中摸索得一卷輒大書曰此必盛敬也比拆號果  
然刻有試士錄庚辰兼崑山篆距太倉六十里閱五日  
一往凡一載革諸陋弊殆盡百姓爭先輸納積年逋賦  
一清時歲禮米價驟踊婁與崑飢民乘劫大室視兄所  
到奸輒止一日劫崑紳徐開禧家擁眾數千兄時在州

報至卽馳傳往先書二白牌前行云牌到散者卽良民  
罔治若親至仍聚爲寇必立斃之比到時解散者半兄  
從眾中擒其魁立寘法未幾州復劫大家某亟返州復  
得渠治之不三日兩地亂輒止州邑之民相爭界上不  
欲兄暫離比解篆邑民留者遮道闔城不得發立祠祀  
焉辛巳復攝崇明時沙上盜四起邑故瀕海藪盜漂忽  
向來不可猶治兄率兵勦擒陣獲三賊魁立斬之盜悉  
驚散裂圍帶郵兵士被創者集生耆講六諭曰幾見養  
賊私販鹽得安富者幾見天罡地煞烏龍十龍等會下

海通番聚眾打劫獲保首領者語痛切愷惻聞者出涕  
壬午秋秩滿陞刑部員外郎迹兄治行大要刻厲清廉  
力鋤豪猾諸不逞之徒及側目者或託權貴或囑要路  
中傷無繇州凡五年家無更置之產歸時僦屋以居蕭  
如也癸未兩大人卽世備極哀毀嘔血數升僅成骨立  
酉戌之會猶在衰絰聞卒於戊子六月五日年四十有  
二鬚鬢皓然故相葉臺山之冢曾孫太史子器諱進舉  
葬於福清黃檗山之麓有祠有碑有墓田劉魯菴沂春  
爲碑記徐闇公孚遠諸公有詩有文哀輓之刻有集嫂

鐘志介公集

卷二十三

五十四明叢書

約園刊本

董氏性佞佛壬午春會兄病劇嫂默禱佛前燭光中現  
兩大士長寸許鬚髮衣褶宛然嫂復禱如病果痊願求  
變相須臾化作二龍偃蹇燈上鱗介閃爍病以愈同時  
見者王原達瀚爲之記二子長兆恭次翹恭先兄數月  
卒同葬黃檗山惟兆恭播遷翁洲三年以病卒於洲時  
年一十六歲大宗伯吳巒稚有哀傷詩今亦遺失嗚呼  
兄之文品勁挺歲寒惟無後人爲可傷痛誠我輩未死  
者之責也兄於某年入太倉名宦吳巒稚曾立遺傳文  
多載文史中巒稚先生遭辛卯變後集亦浮沈後陳皇

士亦立傳梓行兒詩文凡若干卷沒於兵火從斷簡草  
稿中繕寫得八卷所存者僅十之六後再失於翁洲僅  
存十之四矣圖先曾立傳作序本存穉廉弟家其破爛  
粉本則存聖月兄處所刻制義四書問古篇以發明傳  
註體貼理脈爲宗實開一時風氣之始稿行人爭市之  
有聞聲相思得睹見面如神仙者詩刻有舟中雜詠庚  
辰偶吟讀鄭所南心史思親十詠杞吟諸刻又有越中  
奏疏梓行至兄一生大節有不盡傳者或俟傳之其人  
從闕如圖之邇也

忠介公後傳

錢肅圖

甲申李賊破燕京變兒痛哭不欲生絕粒者屢以父  
母雙櫬在溫州未歸葬誓死葬後作悲憤詩三十首乙  
酉留都淪陷北兵下省會潞邸率士民迎降寧郡縣皆  
相率匿去其投印納款者同知朱之葵通判孔聞語朱  
授寧波府知府孔授同知視事出榜安民翕然一奉正  
朔矣未幾難髮令下鄉紳期日朝見貝勒兄從鄉間疾  
馳至發單知會期次日集城隍廟議事先集者惟張玄  
霄一人兄與執手論起義狀聲色俱厲有頃諸紳稍稍

集朱之葵孔聞語隨至兄碎其帖拂衣起且云諸老先  
生皆溫厚和平或可與首接如某亟欲裂其面耳不如  
避之竟入廟旁張少卿宅時百姓聚觀者塞道咸曰錢  
公素有品望可屬大事時有齊民戴少峯者舉手招之  
百姓皆踴躍景從頃刻袍帶輿隸擁拽入轎昇至察院  
中移時海道兩營兵弁暨城守練營甲卒荷戈從之兄  
欲遜鄉紳中有位望者主其事固辭不獲遂墨經從軍  
蓋兄尚在制中也朱之葵以原解阻回之庫銀二千兩  
餉軍匍匐階下叩求免死兄縛縛轅門詢百姓有公保  
者姑免之下孔聞語獄此乙酉六月十一日事也同時  
起義者餘姚則孫嘉績會稽則鄭遵謙兄道將官姚飛  
閒道聯絡兄出示書大明起義孤臣刑部員外郎錢某  
見者泣下先定海總兵王之仁亦納印授職兄剴切作  
書勸以其聲大義而同鄉縉紳謝三賓亦作書與之云  
有狂生等妄謀不靖可急發兵勦除等語王竟從兄請  
約以十五日誓師郡城之演武場及期築大將臺厲兵  
嚴候此時向背未定人懷股慄而王果如期至登臺坐  
定於袖中出謝書對眾宣揚謝急奪不得讀畢王卽手



捉其胸令武士扭陷下叱斬之謝哀請輸餉十萬兩始免敵並定盟慷慨激壯眾乃信其無他心矣以七月十一日分道出師西陵迎請魯國主於天台監國事兄有直陳起義緣由并迎駕疏遷兄太僕寺少卿國主至越城復晉都察院右僉都御史一時義師雲起兄奉命分瓜瓜漚渡江屢戰兄必不肯冒功奏捷因有十戰十捷奏至加晉都察院右副都御史兄因晉秩過濫上疏固辭有惻隱羞惡辭讓是非四心並絕臣不可以爲人事一疏時在朝止議陞官領兵專務攫餉至掠民無完家

錄忠介公集 卷二十三

三五 四明游覽 約圖刊本

且柄政以拒隆武爲門戶幾忘烽火之在隔江矣兄有直陳痛哭流涕之言及國有亡而無一存民有十死而無一生等疏無如大將恣睢跋扈少有睚眦輒操戈相向大則摧刃禁門不則甘心喋血朝廷付之莫可如何初奉國主命官兵食官餉義兵食義餉派定郵奉二縣糧餉歸兄營委官徵解大帥威奪以去浸假而奪義餉以致營士兩月乏糧猶忍腹枕戈不忍解散屢疏迫請雖奉旨嚴切而亦無濟不得已兄提兵親至奉化催糧大帥王鳴謙又厲兵尾兄之後且遣牌令百姓糧餉

毋輸兒軍前繇是上疏乞解兵柄兵士相隨不散者猶數百人而大帥乃令劫取兒首領兒潛入潯州以避適定西侯張名振威虜侯黃斌卿船泊溫界迎至翁洲蓋丙戌五月間事也時越中已陷兒從海道有上隆武越中十弊疏奉旨胡氛方熾而能首倡義旗錢肅樂真血性男子太祖忠臣所陳越中十弊爲朕殷鑒覽之惕然在廷諸臣宜大家洗濯肺肝各書一通痛加警省錢肅樂著陞都察院右副都御史卽來行在陛見助朕親行朕必不退福京必不回廣東朕之此心九廟已昭已迨

國姓成功出兵三關矣俟陛見之後零有簡擢吏部補奏該衙門知道蓋因疏中有他日回至福京更退至廣東復何退哉之語也因是兄挈家航海至閩遇寇掠幾殆有沙埕參將段某知兄忠義保全之比至閩省城已陷因避難福清縣之前薛文石等處寄身黃壁寺欲祝髮空門及齊巽起義敗搜捕四出兄復攜家海壇山島島無民居惟樵採者結茅棲止兄借居其中上漏下浸不蔽風雨島距鄉鎮兩潮汐而又汎海嚴汎艱於得米弟兄嫂姪輩凡二十餘人肩麥爲糜掘薯以食食盡煮

乾薯繼之蓋居人當食少時率爲常餐頗戛吻難下咽  
又乏薪嘗出拾青茅弟兄相視泣下兄曰無庸以不卽  
填溝壑爲恨始弘光時召永勝伯鄭彩舟師勤王連勝  
定關兄遙見與語指畫時事深相納結及北兵下福州  
惟永勝伯暨忠孝伯擊楫孤海警清中原兄從海壇山  
島以小艇詣鄭彩舟涕泣請舉義幟并致書忠孝伯其  
圖恢復蓋兩公舟師不下二三十萬冀事可濟也鄭彩  
深許之適王國著起義師立勛西邸恢建寧郡縣永勝  
伯灑泣誓師迎魯主於鷺門師抵福州城下所向震懼  
以攻則勝以招則降興化府福清連江羅源閩縣等相  
繼克復以馬思理爲東閣大學士輔政晉兄兵部尙書  
時軍務倥傯窮海乏人遂視事敦趣劉沂春吳鍾繼復  
手書勸其勉出共事改永勝伯爲建國公先永勝伯之  
自浙還也與人言浙中忠義必歎服錢公至是一心共  
事及馬思理卒繼相熊汝霖熊被害復晉兄東閣大學  
士兼更兵二部尙書力辭不獲請自相汝霖歿建國於  
文臣深懷疑貳議事多齟齬兄以素所雅重故暫爲優  
容然如練兵漸兵等議進阻格不行矣時劉中藻起兵

福寧州總兵涂登華守州城未下或說之涂曰旣善主  
監國何熊錢兩公無一字至耶兄手書招之涂感激舉  
城降此時義聲震動諸路義旅雲集林奎起於福清郭  
三才自江西統兵來援平夷侯周隄芝闈安侯周瑞亦  
各擁水師十餘萬圍福州於旦暮可下而大帥偃蹇  
驕恣坐失事機漸至挫敗且以兄招降福寧州手書通  
劉涂二公爲樹外援恚之兄日夜憂憤寢疾瓊島中  
聞連江失守猶以頭撞枕間求亟死堅不肯進飲食國  
主營云先生所上奏疏余常令小侍鈔存燈下時時披

覽至是賜藥銜之而已以戊子年六月五日卒於瓊  
海島中遺命吾致命報國恥事不就涉歷大位非吾志  
也當以刑部員外郎五品服殮慕道書大明孤臣四字  
請於國主從之爲輟朝撤樂三日賜祭九壇贈太保東  
閣大學士兼吏部尙書諡忠介蔭一子尙寶司丞嫂  
氏是年四月卒幼子翹恭先兄數月卒并長嫂陳氏長  
姪克恭皆客死島中五棺同殯瓊琦圖等挈兄長子兆  
恭依劉河山於福寧州弟肅範同守福安城陷殉焉州  
再蒙塵復航翁洲兆恭於庚寅六月病卒於洲吳趨碇

有詩哀輓兄遂無嗣甲午十二月故相葉臺山之豕曾  
孫進晟字子器并姚興公同改葬於黃巖山之麓丙寅  
王文宗諱挾入兄鄉賢崇祀兩學刻有錄以圖長子濟  
恭承兄後

錢氏在茲集小傳

錢

廉

樛廉  
東廬

垂紳縉笏士君子以文章鳴於清廟明堂之間後之朝  
而錄之慨歎爲盛事若夫疾風勁草爲壞冢晉井之藏  
以爲不見乎今必有傳乎後噫可悲矣然而并壞冢晉  
井藏之不及藏則豈非有志斯文者之過與兄崇禎丁  
丑進士初仕太倉州守治行爲江南第一後陞刑部主  
事卒於閩嗚呼幸耶不幸耶詩文半失兵火讀其所遺  
皆慷慨激壯露有血痕當與醉酒啼髮擊碎如意而讀  
之

橫雲山人明史稿本傳

華亭

王鴻緒

季友

錢肅樂字希聲鄞縣人臨江知府若贗孫寧國知府敬  
忠兄子也崇禎十年成進士授太倉知州豪家奴與黠  
吏爲奸而凶徒結黨殺人焚其屍肅樂痛懲皆斂手又  
以朱白榜列善惡人名械白榜者啗下子大杖久之杖

者日少嘗攝崑山崇明事兩縣民皆立碑頌德遷刑部員外郎尋丁內外艱順治二年大兵取杭州屬郡多迎降閏六月寧波鄉官議納款肅樂力言當舉兵拒諸生華夏董志寧等遮拜肅樂大呼倡首士民集者數萬人肅樂乃建牙行事郡中監司守令皆逃惟一同知署府事已竊圖籍迎降聞兵起叩首請罪肅樂策取倉庫籍繕完守具會總兵王之仁既納款而悔入城與肅樂締盟共守肅樂聞魯王在台州濟舉人張煌言奉表請監國紹興餘姚亦舉兵王乃赴紹興行監國事召肅樂為右僉都御史畫錢塘而守尋進右副都御史當是時仁及大將方國安並加封爵其兵食用寧波紹興台州三郡田賦而肅樂兵資富室助餉不能繼恆缺食已加兵部右侍郎明年五月軍食盡悉散去魯王航海肅樂亦之舟山唐王召之甫入境王已歿遂退隱海壇山採山薯為食明年魯王次長垣召為兵部尚書薦用劉沂脊吳鍾繼等明年拜肅樂東閣大學士唐王雖歿而其將涂登華為守福寧魯王遣學士劉中藻攻之登華欲降疑未決曰海上豈有天子舟中豈有國公肅樂致書

將軍獨不聞南宋之末二帝並在海上張陸並在舟中  
乎登華遂降鄭彩專柄連殺熊汝霖鄭遵謙肅樂憂憤  
卒於舟故相葉向高曾孫進屍葬之福清黃檗山

祭錢忠介公文

太倉盛敬宗傳

辛卯冬臘月廿有九日婁東守制門人盛敬聞四明虞  
孫老師之訃謹以瓣香樽酒南望再拜呼吾亡師之靈  
而哭之曰嗚呼生爲廉吏死爲忠臣古之人多有之然  
未有如吾師虞孫先生者也先生當大慶旣傾全局盡  
覆獨以海壖羈旅憤發再三終不得遂竟鬱鬱費恨以

錢忠介公集卷二十三

三十四明叢書

約園刊本

死嗚呼是可傷也先生治喪五年異績最著然天方顛  
覆災亂相仍先生不憚勞苦而救正之不顧怨謗而預  
防之心血爲枯病幾不起識者已卜先生有殉國之志  
嗟乎不負盟言先生豈樂有今日耶小子敬學文砥行  
之人也年旣壯尙蹶趨童子試先生下車之始卽識某  
名崇禎庚辰先生暗中摸索得某卷而異之大書曰是  
必敬也已而果然因驚怪叫歎以爲神合癸未春或自  
四明來得先生手書有風範迴出尋常令人思念不置  
之語小子某每念茲事未嘗不感愧交迫至於泣下

甲申變後晤先生於吳門先生方居憂抱疴者差太息  
有越石聞雞士雅擊楫之志越明年大亂又起天崩海  
沸神州陸沈先生剛腸百折竟爲全人小子某虧體辱  
親僅以不求聞達苟全其性命先生未泯之靈得嘗爲  
不肖而惡絕之乎而他日何以見先生於地下乎某固  
草茅微賤循分揆理似亦非有大謬若先生之志天譴  
平日踐於一朝可謂取義成仁蓋棺事定矣一腔熱血  
百仞寒巖猿鳥逾哀風濤增怒他日有過瓊琦之山而  
憑弔者曰是大明孤臣某相國之墓也先生可以無恨

矣聞先生自浙由海道趨閩遇賊劫囊如鑑旅泊荒島  
掘水薯而食食旣盡粟日不火閩人士間有知者爭負  
笈從先生游裹芻粟犯蛟蜃而至踵接也緣是復有起  
色使先生氣稍稍平則冠履日集如田疇之在徐無何  
不可香而先生晨夕悲號神焦氣寒抑又瘡瘍侵之饑  
寒迫之其能以無死乎先生固自分必死不謂夫人公  
子亦遽爾奄忽也天之窮先生亦已奇矣疾革時先生  
願語諸弟以遺稿相託嗟乎是豈獨諸弟事哉是豈獨  
諸弟事哉然古來忠臣義士雖不得志於時往往身旣



死而言則傳蓋忠精所寄莫可磨滅天地百神必有呵護而佑全之者先生可以無恐令弟肇一曾次序遺事問墓誌於張鯢淵先生而未果然先生之實不可使弗詳小子某當丐文傳之吳中慕義之士無窮則丐詩章以輓之使後人知之有所興起也嗚呼先生易簀在戊子年六月五日某之哭先生則以今辛卯臘月廿九日前此非無道路之言不可盡信卽可信亦必求其詳也今肇一等來則先生之死信矣得其詳矣而猶不哭先生則某亦路人視先生也是海內之人知先生之忠者無不哭先生而婁之人反無一哭先生治婁五載僅得素心幾輩而仍無一人哭先生者是婁之人負先生益深也地人可以負先生而小子可以負先生乎嗚呼先生其知我心哉

錢忠介公集卷二十四

附錄四

原編下 詩

弔錢相國

顧 鉞

鄞邑文章伯，夔邦政事才。起衰繩墨正，

公文體步武先民

扶弊

惠威該法飭，微奸弭膏流。驗遠來稭禱，三國賦

公嘗兼視三篆

三邑頌公無異詞

雲漢一誠回

辛巳大旱公禱肅誠

清質焦勞憊

在任屢以勞致

疾

廉聲岳牧推，秋曹方陟最。天步遽傾頽，大節冰霜凜。

孤忠金石開，崎嶇閩浙險。呼搶鼎湖哀，窮島蕪菁咽。遐

荒桃李栽

國事既壞公在琅琦山米鹽不給藉山秀夫善爲糧海甌人士頗愛重公多負笈者

秀夫

錢忠介公集 卷二十四

四明叢書 約園刊本

心未死，宋瑞志寧灰。血淚天王夢，

公島居夢從王失聲痛哭夫人驚問始覺

枕畔淚痕沾漬

丹衷遺稿裁

臨終以遺稿屬令弟

髮全姑爾耳，星隕奈何

哉！愧我猶樗櫟，叨公謬培植。

余童試蒙獎拔遂濫發序

思恩理荒翰

哭寄嶺頭梅

前題

王

育

石隱

漢日西頽已夕，傾揮戈直欲與天爭。徒行京口文丞相

慟哭臺邊沈亞卿，三尺荒墳埋碧血。一函諫草自精英

宋朝南渡無真史，欲記吁嗟感未平。

前題

殷

陞

祁山星彩墮寒芒正學猶傳問古堂國賴忠貞扶氣鬱  
天留節義待文章經年祖臘惟知漢一飯君恩不忘唐  
恍惚孝陵風雨夜夢隨猿鳥泣高皇  
彈指西京鐵騎屯祥符正統屬龍孫越壘倡義孤軍老  
聞島移家四口存幸裏儼堪延病骨誰施藥石慰驚魂  
精靈耿耿還如昔時逐鷓夷過島門

遙哭二律

太倉陸世儀道或

中原傾覆事如何窮海孤臣強負戈利鈍絲天非所計  
鞠躬在我更無他流離尙欲書章句疾革猶聞喚渡河  
正氣如公那可滅濤聲隱隱似悲歌

卷二十四

一二四明被書  
新國均本

營頭夜隕口口奔真宰茫茫未可論絕島君臣留正朔  
瘴天風雨葬孤魂誰將心事傳龍比賴有遺書屬弟舅  
千古厓山成恨事臨風遙慟一頓尊

戊子六月先生死難閩中今壬辰先生令弟以訃

音至其門人哭之以詩

崔華 題玉

五年前已頌招魂此日相逢驗昔言埋骨尙能居海外  
殺身終不入吳門陰風精衛時時上怒水鷓夷夜夜翻  
何處報恩惟擊筑月明南望動黃昏

前題

王挺周區

人生志忠孝君子慎行藏韓彭竟殖醢何如張子房功  
成自身退明哲保令芳不幸際顛危海島留忠貞從王  
道爲急何事西山陽維公明此義高嶇不敢忘松柏挺  
歲寒正氣凌風霜鞠躬矢盡瘁奕奕有耿光遺愛在人  
心遙望徒悲傷

前題

琴瑟汪价价八

先生何意出甌閩絕島離離寄一身似可黃農真業土  
縱無薇蕨也安貧清風自奏芳名遠瘴雨偏回白骨新

錢忠介公集卷二十四

三四明故書  
一初刻刊本

誰道千年同此恨首陽今始有三人

向從文字識先民何幸驚傳節義新嶺上有魂呼彼昊  
井中無史待何人更逃海外非周土得死崖間卽漢臣  
忠魄於今祇自慰不爭後世問沈淪

前題

曹周鈞

天外旌旗水外營使君鞶鼓動潮聲黑頭正可扶衰鼎  
白面何妨握大兵東海建牙添倚角日南□□護長城  
獨憐□起星旋隕莫挽炎帝祚傾

江浦黃旗白日曠孤臣愁結瘴天雲寢陵北望皆無主

宮闕南山尙有君世杰將軍新寄闔秀夫丞相老班員  
颶風不作厓山島半壁猶堪奏絕勦

一霎中州若燎原文山那得肯降元朝廷雖小君仍大  
土地云亡節尙存家散千金酬烈士身拌九死報殊恩  
西風落日悲荒草夜夜遊魂哭島門

疇昔薰風海上琴輕裘鈴閣一綸中艱難芻牧勞新宰  
迫窄封疆賴盡臣慘澹營民心裏血倉皇報國病中身  
支離總爲扶傾倒此意何能語俗人

前題

費參

忠介全集 卷二十四

四明叢書

前題刊本

自昔烹鮮日欽爲至性人不貪占勁節有勇識眞仁生  
死十年志艱難百戰身瓊琦一片石誰與勒貞珉

馳驅經百折鞍馬逐千山臣骨久應瘁天心殊未還銅  
仙辭漢闕湖草識賢殷半壁孤貞在疇云一死閒

間關從帝子辛苦事雕文星落前旌欲泅沈瀚海波悲  
歌漳水暗涕淚越山多想自身殲日猶聞喚渡河

大雅歎云沒斯人誰與歸瓣香留漢臘短暑卽商薇日  
落悲禾黍秋深尙釣磯一杯昭日月千里共瞻依

前題

陳朝英

海田釋籌矢乾封徧婁莖草木慘咽嶺羽蟲復飛蝗隍  
民哭萬村豕食竭糝糠井閭成剽掠三戶寒煙望男女  
目道路生者死相傍我公適丁時匄匍哀赤蒼泐瀾涕  
如雨剜心救痍瘡積薪桑林野憂心殊燔燭士子吹蘭  
氣羣黎呵嬰啞攀轅一朝棄嬰民萬心傷至今思召杜  
此日乞糞黃卜言禾重頌歌起麥歧穰無何遭鼎淪士  
民歛參商夷險從遐谷出師存漢疆漢毛掘草皮□□  
奏紀綱洪鈞轉咫尺亮采備尋嘗百暨弘綜理營是中  
實亡一門崩泰華空江仰大匡鵠魂依字由蟲鳥號寒

蔡忠公集

卷二十四

五

四明錄書

約圖刊本

鄉高雯掛箕星九戩襲鱗魴越州天地陷琅嶠日月揚  
墮淚埋寒碣帶礪胡能航匪席心不捲棠棣萼含香徵  
歌垂廟典鏞鼓懸公堂青山存忠骨綠水沅澄光風雨  
終草昧溟瀆共微茫頓足負信國嚼齒恨睚陽丹心樹  
葵藿灑氣飛冰霜河山雲水迴黯黯生輝煌久矣識天  
步聊歌弔不祥

前題

王涓

十載傷離別傳騎天漢箕文章久逾望政績過方推青  
史初無意丹心竟不欺招魂人競賦廣論屬誰思

歷盡崎嶇險貞心定弗移願言圖報主不肯樹降旗  
勝無新粟陶潛識晉時杜鵑啼血處知是我公隨

前題

浦湘

衣冠留一代名姓著千年流落餘香骨飄零哭弔船英  
雄徒白首兒女半黃泉湘水難騷恨秦庭涕淚憐秋風  
懷故國夜雨哭新阡筆墨江沔外看臣荆棘遶龍輿呼  
帝子鶴馭拜神仙碧血終歸地愁魂直倚天羊碑今尙  
在徐劍首曾懸旅櫬傷何極宮袍溼更鮮詩書看日月  
烏獸雜風煙洵是文章貴休爲生死牽鬚眉真不朽子

錢忠介公集

卷二十四

六

四明叢書

約園刊本

足喜多緣蔽蔽開生面藿鹽感舊篇五陵羞作客百里  
惜稱賢業已隨雲散心還共石堅朝中存諫紙方外託  
詩箋耿耿精猶烈盈盈氣或全脫身知撼斗緝史誦留  
鞭膽鐵憑秋厲龍媒仗鬼鑄靡蕪絡帶粉松柏自乘樵  
熱酒澆何用寒濤怒欲煎塵埋天子骨花落美人鈿古  
藻丹青滿荒苔狐兔眠石田堪以碣蕙帳卻飛錢忠孝  
君兼盡人當厚勉旃

前題

方華

萬里山河成墮甌英雄遺恨滿滄洲武侯未遂金刀志

宗相先騎箕尾遊肯變衣冠從口膝好將心事付春秋  
書生無物爲遙奠淚血心香當酒酬

皇靈銷歇歎如煙賴有孤忠著祖鞭慷慨攜家從帝子  
艱難仗劍靖胡羶魂依精衛思填海氣作蚩尤欲射天  
節義文章真不愧西山含笑揖前賢

祖宗養士得吾師獨抱天樞奠地維五嶺風煙呵正氣  
三神霧雨擁靈旗文高濂洛稱經翼忠映微箕馥口碑  
腸斷登龍貧孺子一杯絮酒一篇詩

越臺建纛陣雲寒爲痛高皇廟血乾甲乙六千圖復越

蘇忠介公集 卷二十四

七  
明倫彙編  
經學典

龍韜百試志存韓天心久作檉湖樹時局真成惶恐灘  
清吏子孫忠義胄汗青留得寸心丹

前題

吳世瑞 聖符

三千同一劍自古說田橫心盡骨亦朽空餘後代名  
夫子苦節士出爲濟時牧鶴骨帶清風危冠恥常服  
讀書數十年飲藥千萬杯猶能提一旅死守越王臺  
大功竟不成志氣日俱喪沒戈仆旌旗呼天殞炎瘴  
妻子盡收錄田園無一雉餘杜陵弟不見汾陽兒  
茫茫四海問何處問知己末世愧貞義忠良積餘毀



婁地有遺愛古碑生綠苔英靈如未泯風雨一歸來

前題

盛敬

風雪吳門舫花歸春已深解裝猶有劍沽酒已無金衣  
上蛟龍氣眉閒日月心茫茫海水動遙睇欲微吟

錢忠介公集

卷二十四

八

四明叢書  
約園刊本

錢忠介公集卷二十四

錢忠介公集卷二十五

附錄五

續編上文

送舊太倉知州錢侯序

崑山歸莊玄恭

太倉守四明錢侯去任後三年甲申歲杪來崑山崑山自侯爲守時嘗督其縣事有遺愛焉因假館以卒歲莊雅辱侯知往見之私謂侯非仕宦又抱病不仁應接非作遊客者卽爲治病吾邑又無良醫何爲下馬遠陟舍室家歲時伏臘之歡而羈棲于此也向侯問侯喟然曰我罪人也自去太倉之明年春先母夫人隨先君司教

錢忠介公集卷二十五

一四明叢書  
約園刊本

溫州之瑞安而卒勉扶輓以歸未克葬其秋先君亦卒官至今輓猶未能歸也蓋自溫至鄞七百里在道十日轉車多歷山谿費不下百金馬鬣之封又須三四百金家故有田六十畝我守太倉五年雖稱脂膏地歸未嘗益一畝也食指繁囷粥殆不給先君僅爲廣文所遺可知四五百金之資卒無所出自念爲廉吏而身困窮子孫被褐負薪可也爲廉吏而使親喪久不得歸歸者久不得葬傷哉以我之身處苦塊心負芒刺痛不能一日釋也卽如謗者所云太倉歸橐八千金當時若知一親

骸骨飄零至此卽果得厚寶受汗名甘之矣以博廉吏  
之小節而受不孝之大罪傷哉不得已而有求於人我  
同門友有吏吳中者告之以情不爲動時方季冬距除  
夕猶二十日歸可得到家柏葉椒花室家相樂也顧親  
猶在殯殯又在遠而可與妻子樂乎鮮民之生情何如  
哉此我所以負病羈縲皇皇無定以爲罪人將無所容  
也我不數日且行矣行則向溫州以父喪歸歸則營窀  
穸之事抱至痛於中雖力不能敢不自勉莊聞侯之言  
悲其志乙酉正月之九日侯果行於是述其言而爲之  
序以送之

龍心全集 卷二十五

一二四明叢書

約園刊本

題錢侯誓辭後

太倉張采受之

此錢侯己卯元旦誓辭也侯殫心民事夙夜孜孜旣懷  
樂只矣猶嗷嗷乃衷矢於神作戒誓辭傳自贊者時鄉  
父老新正燕集無不舉手慶亟請全文授梓侯曰無庸  
以堅乃心敢自炫采曰授梓有三說記云爲上可望而  
知使百姓曉然于侯一也張此風聲遠近裹足并亡拒  
絕嫌二也侯嚴外交實以自治則凡我紳衿誰復隕墜  
聞斯言也在上在旁有戒心焉三也三者實助爲理采

與百姓固以請侯曰鄙雖硜執客來不能冷面應且籍  
茲爲律則惟命之辱采于是廣告諸父老薰沐而授之  
梓

婁固僻壤年來遊客等爲通途侯概拒謝不敏猶苦  
酬應曰我決毋以民與客乃元旦操文誓神余僭跋  
末簡云

壽錢希翁四十序

同邑 華 夏 默農

今丙戌春正月年盟翁希老四十之時督師江上其標  
營將士誦書知禮有忠義者乞侑雅於予以上爲希老

錢東介公集 卷二十五

三四明節書  
約園刊本

壽予思壽政應爾且未也而論希老之苦無不意外視  
年耆夫得年尙非其意中而况稱祝祝必大乃言以  
驚耳眩目乎則又瞽而揖予曰儕不文願情籲而口口  
是又予酣適不容口已方希老爲諸生以遵古經傳不  
合時宜後吏太倉以孤冷惠民不合世宜一丁國變以  
慷慨奮義不合俗宜如名固當世豪所超也而汙若欲  
挽如利固庸俗所重也而藐如輕羽漢術雜霸則勝之  
周道相及則敦之虞尙善尙則酌之以善不立需凶不  
立除結成悲憤以習爲苟且慕爲因循時來怒指予猶

憶翁去夏閏月赴多矜舉義之請直辱僞於眾紳方禮下時而國中岷庶無論賢否智愚識與不識垂老及壯咸爲駕而擁入罽於已隍之復城卜天命之無改至扶杖禿鶴垂涕慶須臾子知希老向病瘠咯血縷縷如珠而強起辟易人不啻萬夫敵蓋宗社固陰護希者身以堪此多難乎其誓師也募卒爲子而頻稽父在兄在獨子無在以思錫子類餉卒用勸而特恤家三人家五人家豐謀拙以不浚民脂盟爭長之雄而發其惻憐悍逆之魄而制於禮重馘斬之勞而信其賞予知希老性稍

態每面折不容過而屏息調劑如慈母然蓋宗社固婉轉希老以藉此曲成乎則整旅至西陵而西陵之人扶老攜幼曰我秋毫不犯錢令公也則分汎詣杭湖室慶家賀曰父我母我錢令公也時稍方成熟而穰穰者在田軍行咸扶禾而過曰不敢傷我公德凡地逼行間者每盡室避去而少女浣於石閨婦粘於戶至老寡且願紉兵卒衣補敝履曰不敢愀我公色民陷於虜矣感遇錢公必活而忍命以待虜甚毒只虜嘗遇錢公旗幟而竄遂以奔子又聞希老師次維氓悉相率循涯銜櫓尾

而呼云錢公生我蓋宗社固特鍾希老以靖此殷憂乎  
而希老又復直己行志口不道符怪雖祀神致白魚入  
舟之異而心不陰喜惟戰必爲諸鎮先功必讓諸鎮上  
未嘗不從容吟詠以代投壺雅歌事庶幾哉儒將風流  
而況眾口所祝不禱而福希老實宗社式憑之身而百  
姓於此請命國祚於此靈長天地於此光霽其敢以是  
爲希老壽請唯諾予席盛平謂沒身不見兵革而一旦  
播氛信史書起兵二字執殳橫戈得竊餘生而且附大  
人以不沒於世其敢以是爲希老壽草疏焚城穴之蠹

錢忠公集

卷二十五

五四明叢書

約園刊本

信筆誅君側之奸集百忌百不顧履伏莽之貽對揚  
天休惟恭用幣至於急除虜敬先崇善務洗兵敬先正  
笏用我一朝換人萬世希老感激傷時對人多牢騷不  
平之氣頓足咨嗟幸聞予言怡色進三雅已

跋錢忠節公南征集殘本

同縣

徐時棟

柳泉

皇清賜諡忠節錢公止亭南征集殘本自六卷至十卷  
凡五卷其前五卷失去矣吾鄉明季死事之臣尤著者  
陳恭潔公張忠烈公并公而三恭潔集偶有寫本且其  
詩數十首聞蕊泉已刻之康熙鄞縣志中忠烈奇零草

其征錄等書雖無刻本而傳鈔幾遍郡縣惟忠節詩文  
見全太史所作神道碑者曰正氣堂集曰越中集曰南  
征集余搜覓鄉先正遺藁僅得正氣堂集節錄本後燬  
於火其餘皆絕無影響卽余交游中前如王暉山王雲  
慙湯耕吾諸丈近如夏佩香董覺軒劉藝蘭諸君並好  
收拾桑梓文獻問之亦俱云未見同治七年五月二十  
二日忽從鄭杏卿得此一本而後喜可知也吉光片羽  
太息叢殘破壁碎珠要是瓊寶人喜斯陶識諸卷端公  
以舟中宰相而又受制於權臣顛顛瀕瀕鯨背之間發  
爲詩文自多憤怨之辭亦未免有所指斥顯夷齊采薇  
作歌至以暴君目聖武各爲其主頑民激烈之言固無  
損於新朝仁武萬一也況我聖朝寬大之恩千古未有  
純皇帝特子表章易名有典聖恩優渥如此而其後修  
鄞志者尙不以公及忠烈諸集入藝文志無乃所謂上  
有德化而下不能承宣之者耶得此本之夕徐時棟謹  
記

錢忠介公墨蹟跋

同縣 全祖望 紹衣

往與萬編修九沙搜羅因國未造忠義諸公墨蹟獨以

不得忠介錢公書爲憾已而得其爲諸生時試義殘快  
喜而裝潢之屬予跋尾予逡巡未作九沙寓亭不戒於  
火是冊亦歸天上悵惋無已今年忠介嗣子濬恭得此  
卷乃忠介自書詠史諸作筆法跌宕清妙爲之驚躍再  
拜循環把玩惜九沙已爲古人不及見此墨寶也濬恭  
方與予編公遺集因以是跋附之集後

錢忠介公墨蹟跋

會稽 孫德祖 彥清

右慈谿董仰甫舍人所藏錢忠介公手書詠史五言古  
詩六首草聖極駛超越恆徑謝山稱其筆法跌宕清妙

錢忠介公集 卷二十五

七十四 明雅書 約圖冊本

至爲之驚躍再拜公初不以書名藉以書論亦自可貴  
也相傳謝山爲公再世故其詩有云有客妄附會謂我  
具徇根琅江老督相於我乃前身謝山痛疾釋氏於輪  
迴之說素所不取獨不甚斥是語觀其生平搜討勝國  
遺聞表章節義激昂忼慨大筆淋漓譔公神道碑至六  
千言生有自來殆不虛矣光緒甲申十月朔旦偕戶部  
趙家薰瑾伯同觀盥沐謹跋

三忠遺札跋

同縣 黃定文 仲友

右陳恭潔公遺札二錢忠節張忠烈二公遺札各一恭



潔一札見當時國步艱難貞臣心苦念及後嗣尤全忠  
孝忠節札作於太倉內召後尙在崇禎盛時惜未得其  
蹈海以後真蹟忠烈無所寄姓名考之續耆舊集當與  
林西明岳隆者四札向藏我亭范氏忠節同望世華見  
之遺命其子付之貞石並模三公像於前而文爲之志  
嘉慶甲戌仲秋月 貞羣案錢公此札卽與  
王水功書衛入卷三中

錢忠介公象贊

太倉盛

敬宗傳  
寒溪

此四明錢夫子小像也諱肅樂字希聲以丁丑進士刺  
太倉時所畫改革後戊子夫子殉節於閩越三年辛卯

錢忠介公集 卷二十五

四明叢書  
鈔圖刊本

令弟肇一兼三來謹以此圖歸之而系之以讚

有旋乾轉坤之才而未際其逢有補天浴日之志而遭  
遘其窮以睢陽之烈信國之忠而繼墨胎二子田橫百  
人於西山東海之竒蹤千秋萬世之下知君臣節義爲  
重宰家富貴爲輕而欲自樹立於兩閒者當必有以聞  
夫子之風

太保錢忠介公畫像記

全祖望

錢忠介公之舉計吏也出武進吳公穉山之門忠介官  
江南之太倉有巨室公子坐罪百方營救不能得乃以

重幣致吳公爲屬而忠介卒不可吳公歎曰吾觀錢止  
亭狀貌如處女耳不料其剛如此此太史公所以疑留  
侯也不十年而忠介以起兵從亡死於海外果與留侯  
之報韓若合符節雖然求忠介於相良不類其人若求  
忠介於文又不類其相吾讀忠介集其江上海上諸封  
事兩制代言諸詔勅及和文山六歌沁園春唐多令諸  
詞慷慨淋漓風雷變色如易水之濱白衣冠而歌變徵  
如鴻門之唱篋肩目皆迸裂可以想見其人矣而瞻仰  
鬚眉芒角渾然則又龍德之潛豹霧之隱幾不可以一

望而得者古今來振奇之人物或在嗟峨劍佩之表  
耶忠介之自浙入閩也福州亦不久而陷遜迹龍峯祝  
髮爲人外計然非其志也會監國至閩翻然起從之凡  
二年竟以盡瘁而殞一門六棺停海上者六年義士姚  
輿公輩爲葬之黃檗山而置祀田以奉其香火至今猶  
盛故忠介畫像存於黃檗者尙數幅而不特東南之影  
堂也忠介臨歿時感懷國難深以無成自咎遺言仍以  
部郎章服入殮畫像有用五品飾者蓋以此也亦有作  
披緇相者龍峯時筆也其在影堂者乃吳中作牧時所

繪一小軸留貽於州之盛氏而令弟退山侍御得之以歸者也厓山文陸諸公後世史臣未嘗不稱其爵忠介之欲自降抑者其實過也然而彌可悲矣軍持則偶寄之幻耳余在京師有福清李生者郵致其家所有忠介像乞余記之卽所云五品飾者也余旣嘗應其請矣歸里後忠介嗣子潛恭摹影堂之本爲大軸而以元本令余取前所應李生之記題之余嫌舊文之失於繁也乃重爲刪節更定而錄之時在乾隆壬戌五月中旬同里契家子全祖望再拜題

錢忠介公集

卷二十五

十四明談書

約園刊本

錢忠介公大像繪成重題粟主入祠祭文

代錢潛恭作

全祖望

嗚呼百年桑海已埋骸髀之腸再世影堂重肅清高之像痛當時之忠憤貶秩僅用白鷗考身後之褒崇依例應加赤芾忠介遺命用五品飾已遵之以殮矣然監國追贈太保吏部尚書之命則在其後是不應以遺命而格之也故予倘漢官儀而可問稱唐宰相其主仍用一品服飾之議何疑乃準諸通家後輩之公言非敢違烈考臨終之末命前者炎威肆虐粟主遭災夷伯震驚自慚負愿新宮慟哭又已歷年雖生有所自去有所爲神叨無所不周

而魂則已升魄則已降憑依究將安託嗟茲孤子亦已  
七齡爲念衰門兼承諸父敬求佳植旣卜吉之可庸改  
用新題庶棲神之有地嗚呼四忠一節偕騎箕尾以翔  
翔上穆南昭望駕雲車而屏蠻又況捧指南之集編次  
甫成招蹈海之魂碑銘初備時予勸公子爲檢討諸公行大招之禮血三  
年而已碧恨終古以何窮敢曰維醫庶幾不吐

合祭錢張二公文

錢公以六月五日卒張公以六月九日生

全祖望

嗚呼瓊琦江上溯往事以魂消雍睦堂中問遺年而腸

錢忠介公集

卷二十五

十四明叢書

約園刊本

斷豈意上相歸魂之日正值元樞降嶽之辰前輝後光  
同符合撰悲風來黃檗百年尙有孤兒夜雨落南屏一  
縷更歸何處古稱忌日不著生朝屬在故人何妨合席  
敬陳二簋以迓雙車

合祭錢張二公於砌街李氏文

全祖望

嗚呼義公魯公爲梓里忠貞之重此堂此祭原砌街文  
獻之遺點淡南雲魂魄化爲朱鳥蕭寥北郭精英猶在  
蒼宮惟甲乙之子弟尙存卽蒿薤之哀思弗替敬陳明  
水酌茲忘辰謹以李氏宗海先生杲堂先生配席尙享

祭明錢忠節張忠烈二公文

同縣 黃桐孫 撰

孤臣九死之心莫扶墜日聖代十行之詔深恤遺忠恭承綸紵之頒宜潔蘋蘩之薦惟神畫江翌主浮島麾軍勵身世於滄桑幹乾坤之板蕩志同張陸在天顛十三世之靈事異宗韓亡國綿十九年之緒一呼而摧閩嶠三度以震吳疆風馬雲車頻戰怒濤於東海心城血路幾開半壁於南天碧血終埋丹忱未折久蒙盛典故布明禋嗚呼返文山之骨燕市招魂收國子之元齊廷著節今則琅琦南鷺羅刹西流空思表墓於他鄉幸奉崇祠於故土廟麗膠庠之右近接馨香時逢霜露之霽同歸舛蠶衣冠漢相羣瞻舊日之儀型介冑殷遺其沐興朝之雨露魯社則僮瘍並祀下家宜父子同登某等居梓里以仰精忠卜良日以陳俎豆春秋時獻與雙湖日月而俱長檐宇憑依偕泮水宮牆而並永

祭錢忠節公文

同縣 陳烈鏞 和笙

夫人能照世者必貞金石之壽名足垂遠者不絕椒蘭之芳風徽尙存降鑒不遠俎豆尸祝夫何閔然維公起兵泮水殉節琅江章闈孤忠炳乎華亭之詠表揚大節

昭乎長樂之碑紀載班班不可贅已惟是苟泚標勝曾  
誕英靈梓里戀懷應歸魂魄馭氣所在仰止尤切烈鏞  
等身居後進載謁崇祠爰筮良辰預祝初度相與列彼  
嘉豆薦茲清羞几筵旣陳畫像斯肅二百餘載思風烈  
而不忘十有六人肅衣冠而羅拜清音則滿堂滿室崇  
儀則迎神降神電驟風馳翹跂遙天之靈馭殺時酒旨  
藉抒下士之微忱尙享

旌忠廟碑記

同縣

黃定文

仲友

乾隆四十年十一月十日奉聖諭飭廷臣查議前明忠

鑑忠介公集

卷二十五

十三四明叢書

約園刊本

貞之臣自甲申己諡外其有死守城池殞身行陳與夫  
俘擒駢戮視死如歸者皆無愧於疾風勁草卽自盡以  
全名節其心亦並可矜憐自宜稽考史書一體旌諡其  
或諸生韋布及不知名姓之流並能慷慨輕生者議諡  
固難概見亦當令俎豆其鄉以昭軫慰於是廷臣集議  
定祠諡爲殉節諸臣錄行天下薄海內外咸曉然於聖  
天子如天之度所以弘獎人倫表揚忠義者度越前代  
百王萬萬其時吾鄞自錢忠節張忠烈而下得諡者十  
三人自華儻討而下得與祀者若而人而吾邑因循日

久祠宇未立無以克稱上意夫有制而弗遵非恭也居桑梓之邦而不以酌水奉承前烈非情也文遊宦四方於揭陽則有郭忠節祠於松江則有陳夏二公祠皆同時得邀諡典者以錢張諸公忠烈昭著如此獨缺祀可乎既歸里乃與同人謀立廟而羅君文義首以千金應於是告於郡邑大夫哀集眾力卜地於縣學之右爲屋三楹祀錢張二公闢其前以爲門宮其後爲三室中室祀華王諸公同事死難者其非鄞產而死事在鄞或葬鄞者亦與左室以奉守節遺老與錢張二公同心者鳴

呼諸公之事烈矣然非遭逢盛世且有所諱而不揚而究其所以昭著顯赫事無弗彰者則全庶常闡幽之力也今鮎埼亭集行天下天下皆知有瓊琦南屏之烈而庶常無後爰卽其右室別爲戶以附庶常之主其亦諸公所樂與其歆禋祀者也廟旣成相與春秋釋奠以歌頌聖朝敦崇忠孝樹爲風教之至意庶幾頑廉懦立有補於人心爰題其廟曰旌忠而文爲之記其事嘉慶二十年九月日里後學黃定文撰

貞羣案光緒鄞縣志曰旌忠廟縣治南一里許鄞縣

學西嘉慶二十年邑人黃定文羅文義等建正室祀

明東閣大學士兼禮部尚書錢肅樂東閣大學士兼

兵部尚書張煌言左右側附祀明尚寶司丞錢閣部

公子兆恭參將錢肅繡張閣學公子萬祺將軍張嘉

言侍者楊冠玉後屋中室中龕祀同事殉難人二十九

明通判參督師軍事董光遠翰林院簡討錢肅範監

紀推官錢肅典驃騎將軍部督僉事張廷綬義武將

軍戴爾惠後屋中室左龕祀未同事先後死節人十五後屋

中室右龕祀非鄞產同事殉難人九後屋左室左龕祀

同受江上官苦節四十六人中有監察御史錢肅園

兵部職方司主事錢肅遠中書舍

人贊畫軍務錢肅采都督僉事總兵官江漢後屋左室右龕祀遺老及同

事諸生五十右室附祀國朝翰林院庶吉士全祖望

計附祀者一百六十四人其詳載鄞志及旌忠廟冊

錢忠節公祠堂記

同縣董沛孟郊

吾鄉世族前明稱楊張屠陸四家而芍藥泚錢氏實與

之匹蓋自紀善靜能先生遭遜國之變託疾辭官始著

風節綿綿繩繩科第鼎貴文章政事彪炳其間至忠節  
公抗命桑海支柱南天爲故國河山增重其子弟之從  
亡從死者亦復九人斯可謂世家之極盛者也公以思

錢忠公集卷二十五

十五 四明叢書

約園印本



廟遺紳倡義奉魯拜督師之命繼仕於唐歷中丞監國  
次閩再出從之典樞政參閣務爲悍帥所厄不竟其用  
崎嶇兵革卒絕粒以死當時易名忠介逮國朝乾隆四  
十一年純皇帝褒勝國諸臣特錫忠節之謚世遂稱錢  
忠節公於乎真人受命六合嚮風仗復仇討賊之名以  
迅掃殘孽區區一隅何足與王師相抗然而有志之士  
欲假少康之成旅以挽建武建炎中興之運流離轉徙  
百折不回藉以報祖宗三百年知遇之恩而完一代世  
臣之局其事可悲而其忠不可沒也宜乎讀公之傳弔

公之居流連慨歎而不能已也公刺太倉知崑山崇明  
皆有惠政則吳中宜有祠駐軍瓜瀝而有憑江十戰之  
捷保障村民秋毫不擾則越中宜有祠受任閩海飄泊  
數年完節於琅江旅葬於黃檗則閩中尤宜有祠而至  
今無祠之者卽吾郡之旌忠祠公與張忠烈並祀正室  
要亦非專祠也同治庚午里社諸君子始議爲公建祠  
相地於棲心寺之右營度垣宇土木偕作距公家芍藥  
泚東西相望不過百餘武修專祀之儀以稱與朝崇獎  
忠義之典天下之公言也豈徒爲世家喬木之私哉祠

既成東室以公諸弟配西室以公諸部將配焉

貞羣案光緒鄞縣志曰錢忠節公祠縣東四里補陀寺右同治九年里人募資創建中室祀明殉節大學士錢肅樂旁附其子尙寶司丞兆恭東室祀肅樂諸弟監察御史肅圖翰林院簡討兼兵科給事中肅範職方主事肅遴監紀推官肅典中書舍人肅采族弟參將肅繡參軍肅文肅度西室祀義武將軍戴爾惠都督僉事江漢王來咸張廷綬副總兵傅人龍前參將鍾鼎新前遊擊呂宗忠前守備俞國榮

錢忠介公集

卷二十五

十七四明叢書

約園刊本

景賢社序

同縣

劉鳳章 藝蘭

同治壬申里人思錢忠節公之遺烈建祠於補陀寺之西偏既成謀所以垂永久者於是明經陳君烈鏞招集同志虔陳俎豆鳳章預焉每歲於正月十三日設祭祀公之生辰名其社曰景賢禮也夫以公之靈爽浩浩落落流被天壤固不以一鄉限也而鄉之人聞公之風誦公之遺文慨然想見公之爲人卽公生長之地立專祠以俎豆之其所以寄仰止景行之思者不較他鄉之人爲尤切哉詩有之維桑與梓必恭敬止願諸君子無忘

斯義焉同治十三年孟春里後學劉鳳章

錢忠節公像贊

無錫秦瀛凌滄

我朝定鼎之二年六月浙江既內附明故刑部員外郎錢公肅樂方居憂起兵於鄞擁立魯王爲監國累遷至兵部尙書東閣大學士會鄭彩專柄憂憤卒乾隆四十二年賜諡忠節慈谿鄭勳其先出於錢家藏公像公貌想削一書生耳乃大節凜凜如是贊曰

眞人受錄八荒咸歸日月既出燭火光微胡闇天命仗節海涯挈六狂生墨纒誓師爰立孱王建藩東瀾讒言

錢忠介公集

卷二十五

十八四明叢書

約圖刊本

交訂鬱伊烏邑哭田橫島灑文山血騎箕上升劍首一快埋骨何所瓊琦黃檗公之生也夢手扶日公之死也虞淵西匿角巾儒服遺貌如生丹青有煒彌甥是藏

錢忠介公夫人忌日議

全祖望

忌日何以有議蓋出於孝子慈孫之窮也在昔明正統諫臣劉忠愍公天啓黨人繆文貞公皆瘐死詔獄凡詔獄之殺人也例以第一日禁子報囚病次日廠官給醫藥又次日以不起聞其實則報病之日已登鬼錄所給醫藥乃虛文耳故忠愍家忌以報病後三日三祭而文

貞家竟以報病之日爲忌常熟錢尙書嘗曰同一忌也  
劉則疑之繆則意之孰是而孰非均可以痛哭矣錢忠  
介公夫人董氏卒於戊子之四月而以喪亂遂失其日  
嗣子濟蒸傷祀典之莫舉也詢於子子曰忠介輓詩謂  
四月二十七日夫人得異方服之稍痊然卒不能救則  
忌在二十七日之後明矣且二十七日稍痊則未必以  
次日遽卒明矣無已參稽劉繆二家之例竟以晦日爲  
忌焉可乎嗚呼桑海諸公不祀忽諸者蓋十之九忠介  
獨有後惓惓先人如此則亡於禮者之禮其亦不幸中  
之幸也夫

錢忠介公集

卷二十五

十九 四明叢書

綉園刊本

贈錢公子二池展墓閩中序

全祖望

前太保督相錢忠介公嗣子二池明年爲七秩猶思襄  
糧躡屨度閩中以展忠介之墓請予爲作神道第二碑  
銘將勒之黃檗蓋其孝也二池之子懿藁乃謀以今年  
豫爲阿翁祝而又懼非阿翁之意亦乞言于予以子苟  
有言則二池必弗之拒可謂克肖其父之孝者也於是  
二池果來告曰古無慶年之禮况孤孽如僕者其尤不  
可以當此諗矣雖然若能爲僕寫孤孽之狀以長歌當

一慟卽以贈僕之行則當拜而受之予曰諾嗚呼太保之殉於琅琦也父子夫婦相繼并命又一年而第五弟檢討殉於福建又七年而第九弟推官殉於鄞又一年而第七弟職方亡命佯狂卒於崑山一門先後死國其可傷矣而前此太保尙有一子尙寶已短折於翁洲四忠皆無後尤可爲痛心者也又二十餘年而第三弟侍御始舉二池亟行告祭之禮以爲忠介後天之延一綫於忠介以篤遺澤於二池者豈不重哉然而桑海波沈家門蕩盡侍御困守皋羽所南之節以舌耕教二池三旬九食十年一冠故國公相家之子弟豈敢望繡衣肉食而零丁寒餓出門輒礙不得不委蛇於塵俗之中寓清於濁寓醒於醉皇天后土可以諒其艱貞之志在昔竹垞先生之論獨漉山人也以爲降志辱身終當登之逸民之列予嘗三復其言而傷之獨漉之門資地望與二池無不同然獨漉之聲華氣力非二池所能逮故蒙難餘生二池有校獨漉爲更困者二池年已老矣猶日鈔忠介遺集核讎譌舛向于家搜索野史中所載忠介事以補家傳之所未及每飯不忘其先人予旣作忠介

神道第二碑銘又屬撰忠介遺集序并葺年譜記畫像  
又屬撰侍御墓文與東村集序又編求檢討職方推官  
誄銘從父蟄菴徵士遺集流落他人二池購而歸之檢  
討以下三公皆未置後二池歲時修其祭祀以一身兼  
承諸父焉可不謂之孝歟而懿葉善養父志醇心篤行  
力耕供職惟二池爲有子惟忠介兄弟爲有孫惟故國  
故家爲有光寵一縷之延遺澤其未有艾也二池其行  
矣七十孤兒杖履無恙猶能千里銜哀省松楸於墓下  
亦足慰先公之望其爲我問隱元獨耀碧居諸長老遺

錢忠介公集

卷二十五

王

國明叢書

約圖刊本

文尙有存焉者否

重編錢忠介公遺集題詞

鄞縣

張美翊

讓二

清乾隆初全謝山先生編次錢忠介公詩文爲正氣堂  
集八卷越中集二卷南征集十卷附以碑記傳記及葬  
錄四卷通爲二十四卷集首弁以年譜謝山嘗謂吾鄉  
節義可指數者四十餘人而惟忠介與蒼水二家之集  
得傳顧蒼水冰槎奇零諸集雖非全編張尙書集原本  
而傳鈔幾徧郡邑獨忠介集藏於錢氏者久失此外孤  
本流傳見者蓋罕清同治閏徐柳泉先生嘗得正氣堂

集節本已燬於火其跋南征集殘本亦謂交游中俱云未見今亦失去蓋自乾隆禁書之後明季文字銷燬殆盡其僅有存者則庋藏山厓屋壁後人畏禍靳不敢出中更兵燹蕩然無遺後生小子欲爲之搜輯殘贖不其難矣余弱冠後卽喜訪求桑海遺聞枌榆掌故嘗得傳鈔蒼水集徐闇公序後硃印爛然三十年來奔走海內外迄未得見忠介遺集用爲歎憾壬子春倦游歸里養疾杜門慈谿馮子孟顓僑居縣城距余寓半里而近時與過從見其伏臥室藏書多蓄善本而於鄉先生零縑

片楮收拾尤勤因以重編錢集相屬未及數月卽以手輯寫本見示中間商定體例補晉遺亡旁徵博采余亦稍爲之助凡得文二十五篇詩四百首詞十九闕分爲九卷附以葬錄弁以遺像墨蹟末則附錄騎箕集崇祀錄殿焉乃謀集貲付印傳餉人閒俾知吾鄉先輩不獨節義過人卽文章亦無愧作者以之弁首四明先哲遺書邦人士庶有起而邪許者嗟乎蒼水之集餘杭章氏得余傳鈔本刻之順德鄧氏又據錢唐丁氏窠鈔本刻之已幾復謝山編本之舊今忠介集之告成獨賴馮子

一人綴輯於蟬盡良燼之餘遂亦釐然蠹備雖較之全編不免缺略則時代久遠爲之無可如何也嗣是以後吾浙東故家老輩有以先哲舊籍出而相示者乎余雖老病願與馮子禱祀求之中華民國二年夏曆癸丑三月

壽鏞按讓三先生題詞爲馮君孟顓輯本而作今既得謝山原編本孟顓以爲一切可覆瓿也鏞旣不忍泯孟顓編輯之苦心而讓丈平日訪求桑海遺聞粉榆掌故拳拳之意亦於詞中見之是可存也因附於

錢忠介公集

卷二十五

三四明叢書

約圖刊本

此

重編錢忠介公遺集後序

鄞縣 馮貞羣 孟顓

鄞全謝山先生嘗編錢止亭張蒼水兩公遺集遭禁未刻孤本久佚往余登鄞城盧氏抱經樓求之不得詢之故老亦未之見上海近刻錢唐丁氏善本書屋彙鈔本張蒼水集蓋山陰傅以禮重輯非全氏原本而止亭集則傳鈔更鈔錢廉編定八卷本及徐氏煙嶼樓所藏正氣堂集節本均燬於火南征集殘本聞亦已失去鄞藏書家自董氏六一山房之散出袁氏瞻衮堂劉氏青黎



閣之先後被焚欲求先哲遺書殆無可問津矣余僑寓  
鄞城搜輯鄉邦文獻頗得晚明遺老諸集大率禁書祕  
冊足補史料志乘之遺重裝覆校冀以存什一於千百  
鄞張蹇叟丈美翊倦客歸來時過余寓忘年下交每以  
所得書籍互相考證張丈嘗從董孟如沛劉藝蘭鳳章  
游故於桑海節義諸事聞之尤諗勸余重編錢集以爲  
嚆矢因鈔詩詞於續耆舊集鈔文於涇潘氏所刻乾坤  
正氣集旁涉袁陶軒鈞四明文徵近體樂府董岵厓琅  
甬上正氣集諸書今春復就鶴浦鄭氏二老閣後人得

正氣堂集殘本自五之八總凡四卷皆古近詩歌增出  
耆舊續編計百餘首附錄四卷碑傳葬錄騎箕集崇祀  
錄諸種亦較完備則益大喜過望以爲錢公之靈或來  
相我所夕校錄麤已成書凡得文二卷詩六卷詞一卷  
葬錄一卷騎箕集崇祀錄合一卷原編續編附錄各二  
卷而以遺像墨蹟本傳碑銘世系及余所編年譜弁之  
卷首以質張丈請是正而校刊之烏虜明清之際吾鄉  
諸公抗節併命爲東南幟志錢公大節與張公並稱卽  
論文字亦相驂靳浩氣英光久而不沫足以自存於天

壤今大漢光復斯集適出乃以余後進末學躬煩編校之役附記簡末有榮幸焉而尤望全氏編本尙在人間他日再刻以問世也

吾鄉表章錢公者謝山之前若林繭菴時對錢退山肅圖李杲堂鄴嗣等其詩若文均已著之附錄惟華默農夏過宜言爲公壽序則未之見餘如明通鑑明紀通鑑輯覽聖武記勝朝殉節諸臣錄兩浙名賢錄浙江通志鄞獻表定海廳志以及大清一統志江南通志蘇州府志太倉州志崑山崇明縣志福建通志

錢忠介公集卷二十五

五十四明叢書

約園刊本

所載皆甚略野史如行朝錄海外慟哭記荷牖叢談航海遺聞浙東紀略東南紀事魯紀年國壽錄鹿樵紀聞明季南略小腆紀年劫灰錄亦甚略南疆繹史海東逸史南天痕皆本全氏神道碑故附錄不載全氏撰碑多節採公書疏今所編輯按之碑文尙有遺漏世有藏公遺文者幸以鈔示當補入焉

錢公自著之書尙有太倉州志賦役志一卷見公太

倉州志序

按州志序稱志爲張采所修葺而鄞志據黃氏千頃堂書目則以州志撰人屬之公

殆以公知是州故題其名耳

宦歷漫記見康熙鄞縣志錢希聲詩

文集見吳鍾巒序錢忠介公遺集見錢肅鏞序四書

問古篇制義庚辰偶吟見錢肅圖撰傳

按傳中所稱舟中雜詠

卽舟中十九首杞吟疑卽和聞警杞吟讀鄭所南心史思親十詠諸詩均見本集至所稱梓行之越中奏疏本集僅從乾坤正氣集中蒐錄

數篇殆亦非當日梓本之全也

其偶吟一書列入

違礙書目乾隆四十三年軍機處奏準全燬案續書舊傳云忠介歿於海外弟子萬祖繩斯年收其文集祖繩悔葺長子而充宗季野之兄也又縣西葉畚經藏有忠介嗣子潛恭手寫父集殘本索之祕不肯出凡此皆錢公箸作之可考見者用並記匪略於此

錢忠介公集

卷二十五

三六四明叢書

約圖刊本

壽鏞案孟顓後序錄在輯本旣得謝山原編謂一切可以廢置余謂不然今所得者卽慈西葉畚經所藏者也儻非孟顓識之滄海一針從何尋訪況孟顓孤詣苦心而又一再謙遜謂必得葉藏本乃可付梓茲者藉忠介之靈幾閱春秋竟完趙璧而當年孟顓旁搜遠紹鉅細靡遺雖原編不出亦得傳其概略是豈可不著哉因並錄焉

錢忠介公集卷二十六

附錄六

續編下 詩

瓜里元日同錢希聲憑樓望海昌

同縣 徐振奇 可貞

江皋旗幟一番新戎服憑危總罪臣伍相怒濤吞晝夜  
越王霸事涉冬春義聲直達口洲外腥穢難空浙水濱  
遙望鹽官名下士南冠應念哭秦人

瓜里幕府感事

五首之一

同縣 全大程 式躬

賀蘭應萬死孤負是顏公從此蕭牆內同歸一關中

錢忠介公集 卷二十六

一四明叢書 約圖刊本

東與朱閣部爭金華 王武寧奪錢侍郎餉

錢都御史以哭徐聖思詩見示敬和

同縣 全吾騏 北空

信陵救趙日赤手亦輕前不有侯生策應為餓虎憐國  
殤甘一死血路壯重泉為語諸軍府清人定赧然

貞羣案聖思名啓睿自稱白衣參軍戰死江上錢公

元詩今佚

遙寄錢張二先生

同縣 管道復 聖一

問誰大物楚人咻世食君恩肯事仇義鼓聲敲多士恨

檄書讀破萬人愁，江干浪濤飛車馬。海畔星移度斗牛，願逐波臣朝夕吼。厓山舊恨掛眉頭。

琅江訃至

同縣 全吾 騏 肆青

六狂生挽蛟鬪，轡六大營連閩海。鯨南嶽諸劉豈天廢，厓山三相竟凶終。可憐野死同碩甫，猶幸全歸勝老熊。瓜里諸軍如昨日，慙遺一箇更堪恫。

謂彤菴先生

舟次琅琦謁錢希聲相國殯宮

同縣 張煌言 玄著

琅江東去水如油，拜墓停燒古渡頭。赤手曾扶板蕩運。

錢忠介公集 卷二十六

二四明叢書 約園刊本

黃腸猶帶黍離愁，波濤腥壑蛟龍虬。風雨荒塋麋鹿遊，懸擬轉車歸兆日。同天應已靖旃裘。

句餘霸氣已成灰，轉憶當年漢幟開。王謝聲名原伯仲，溫劉事業總追陪。自從化劍分豐獄，誰復調琴到夜臺。戎馬南方猶未息，故人空負炙雞來。

長樂遙弔錢忠介公墓

同縣 陸 鏊 鈇侯

慷慨登壇豎義旗，日斜不受魯戈揮。兩閒正氣留孤島，千載忠魂返故祠。

公歿後爲吾郡城隍神

繞墓黃雲猶掩靄，乘潮

白馬自飛馳。流傳筆墨人爭拾，珍重遺文琬琰垂。

漢竹樓集

公遺篇  
見示

貞羣棗漢竹董孫符字也諸生續甬上耆舊詩有傳

黃檠弔明大學士錢忠介公

蕭樂墓

錢塘陳文述

退庵

軍中走虜王海上迎監國魏魏忠介公鄉里之名德首

事六狂生懷抱契與稷一呼盡左袒義聲動忠赤姚江

播先聲孫熊矢正直

謂孫公嘉績熊公汝霖

慈鄞卽繼起馮沈一

心力

謂馮公元履沈公宸荃

兩鎮來會師旌旗各變色

翁洲黃斌鼎石浦張

振名五邑並輸餉繹絡軍儲積以公爲弁冕爲公作羽翼

錢忠介公集 卷二十六

三四明發書

約園刊本

海道援當湖前籌計殊得合兵議未成分餉事何亟兼

之頒詔嫌幾肇尋師隙釁以珠難剖夔菲錦誰織勤王

志未酬散軍心孔惻入閩閩亦破狂濤汨潮汐轉徙甘

野死海壇與文石昔也矢從戎淚血漬縷墨今也悲遁

野戰塵浣衣袂鷺門再從王精白消反側赫赫六大營

聯兵列雄戟始若用公言三吳可傳檄繼若用公言八

閩歸尺籍豈意天心去遂令人事逼二期互水火諸將

各門闕一誤戚晚張國俊恃勢恣矜刻反援逆臣謝三

寶排擠心叵測馬阮本狼狽方王亦鬼蜮遂令江上師

連營潰軍船再誤由鄭彩驕盈漸狂悞熊鄭國大臣公  
然肆殘賊封章擅批笞焚掠任胸臆逍遙賦清人何止  
鄭高克天柱傾東南地維折西北祈死煩祝宗遺者各  
心盡終見海波沸遂令炎井熄六載瘞琅琦一抔乞黃  
檠殘僧墓地捐故老崇碑勒骨肉先後死殉國到姻戚  
海槎山寨聞風起千百股頑煩大誥甘心蹈誅殛忠  
義感人深虞淵挽日昃張公煌言並公起籌筆資擘畫  
三驅橫海軍一建窺江策終從文山死誰瘞萇弘碧遺  
冢在南屏年年弔寒食今來謁公墓南枝鬱遺植遺集

錢忠介公集

卷二十六

四四明叢書

約圖刊本

出人閒燭漢長虹白誰刊第二碑太史文章伯長歌朱

烏詞招魂海天黑

哭故督相錢公

全大程

疇昔墨衰從戎日慟哭呼天天雨血巖關悍帥竟心回  
同城逆豎亦膽裂似此人心或有成況復同盟百輩出  
連塵瓜里六家軍中原指顧在一決誰知殺運尙未消  
鷓鴣乘之肘坐掣散軍尙自泣河魚亡命曾聞啖山朮  
百死不死到琅江落暉重向虞淵揭蛟人蠶戶雖恩恩  
蠟灘疊市亦卒卒攜得靈胥兩怒潮再試延津雙神物

三十餘城已立摧又復鴝鵒相斃孰孤臣拮据更卒瘠  
閩耶浙耶同一轍濟則君靈不濟死從此精枯亦髓竭  
六度出師空自勞三呼過河亡也忽更聞有弟克從兄  
馬革裹尸足痛絕我亦魯公一故人竄伏菰蘆慚苟活  
坐待狐貉噉未消孤負隻雞哭天末茫茫此恨何所投  
化作南枝依墓闕

海鶚歌萌蒞子作以速錢希聲也先是余亦勸之  
去不果和歌以弔錢并識萌蒞子之早見

華亭

徐子遠復齋

錢忠介公集卷二十六

五

四明叢書

約園刊本

海上鶚何不飛乃在臬羣曳羽衣羽衣楚楚將安歸  
海上鶚亦欲飛一時戀主心依依曉音脩尾使人悲  
海上鶚逢鷓鴣和鳴啾啾兩相於勸爾連翩徙東隅胡  
爲乃入虞羅中青冥之羣不可呼

哭錢虞孫

同縣

周元初立之

十年風雨共黃昏指語文章報國恩不謂江山依落日  
到今社稷寄孤魂身思此日原無主舌欲招余尙可論  
向若泉爐尋古識踞跚一縷愧猶存

前哭錢虞孫

庚寅冬

同縣

陸宇燏居明



莫覩朝來鳳時聞啼夜鳥信音五載隔形貌百年無何  
氏收遺稿知誰恤後孤茫茫迷哭所豈是目糊塗  
自遭多喪亂遠羈天之隅同事幾分散交朋半有無夜  
臺樓海國泉路識東吳思得談衷曲相期在夢塗  
江上一爲別淒涼百歲殊尋言如在耳回夢恰聞呼墓  
植幾行樹墳蟠何處墟登高東望哭魂兮知我無  
我有一卮酒欲奠亦何之目斷光靈變風吹影像移冥  
尋應有路夢涉恨多歧空溼英雄淚誰甘竹帛垂

後哭錢虞孫

前人

鑑忠介公集

卷二十六

六

西明叢書

約園刊本

辛卯十月其弟自翁洲歸備詢七年中事再賦

哭之

自聞虞孫死十日九日狂惻惻重惻惻景物多感愴知  
音旣已矣斯文誰與商我有離俗志君多疾惡腸直道  
生斯世云何壽命長此事古所重此意今非望哀哉白  
日晦淚溼沾秋霜長夜茫茫爾如何付一觴

零落三兩字珍惜千萬年君子重節概或不貴簡編人  
朽文不朽所恃在後賢何意錢子文飄忽同散煙人生  
能幾文人文能幾傳沈痛行行血驚呼字字禪亡此與

後人千載失韋弦  
旅月照虛壁  
秋風吟空筵  
已矣夕復道  
一問一澹然

一別難與期  
不謂成永別  
別不爲生死  
愁豈在顏舌  
執手相丁寧  
丁寧種種血  
不謂別數年  
遂已歸漸滅  
蒼蒼胡爲乎  
乃使忠胤絕  
一問一嗟吁  
流水空咽咽  
大豈白日昏  
星隨明月滅  
我有千萬言  
更向何人說

形骸無異爾隄上一長楊  
春氣敷肥綠  
落葉敗秋霜  
慷慨吟悲風  
重疊投清江  
惟餘婆娑影  
時時映北窗  
身死子又死  
形與影俱藏  
吁嗟錢虞孫  
誰爲嗣  
其芳或曰子  
謬矣錢子奚  
其亡身死名  
不死留芳未  
渠央顧彼悠  
悠者皮頑中  
已僵樵夫芟  
刈之束束同  
枯桑

哭殉難諸公詩

同縣 林時對 殿屬

鄞縣錢忠介公肅樂

并序

公素負氣節  
太倉歸從諸紳中  
一見余傾倒  
歡若平生  
乙酉閏六月  
以比部郎墨  
綴從戎分守  
瓜瀝江  
蠡城潰  
浮家入閩  
潛至福清  
龍峯殿從  
僧碧居  
祝髮嘗題壁云  
一下猛省  
時身世不知  
何處數聲鐘  
磬裏歸途  
還在這邊  
將終隱矣會

監國至鷲門公朝冕拜大司馬丁亥秋熊公舟  
次瓊江罹湛族之變晉公揆席調劑水陸心枯  
力竭日嘔血數升至戊子六月竟殞年四十有  
二旅櫬荒郊踰六載甲午冬葉霞臣進晟捐貲  
營墳屬義士姚翼明遷公並夫人董嫂陳子姪  
等五柩合葬黃檗山閩人劉沂春爲碑記

軍散錢江到鷲門碧居芟染業收魂一絲繫鼎憂香燼  
兩載垂襜溼淚痕夸父有心追頓轡魯陽無計挽朝暉  
只今夜夜胥濤怒黃檗山頭氣欲吞

錢介公集

卷二十六

八四明叢書

約圖刊本

哭錢忠介公詩并序

同縣

高宇泰

檗菴  
宮北

于昔濫竽郎嘗得以監軍奉錢先生頗悉軍中  
纖細已而先生解師予亦奉命回署旋以使事  
歸而先生卽扈蹕入閩自是音儀永隔聞其以  
一旅恢復數郡終以孤軍不能成功復受驕弁  
之厄疇昔同志相繼殤陷幽憤嘔血齋志以沒  
今寄一抔於寒波荒浦之上忠懷盡隔無有能  
葬之者予也心念舊恩能不悁悁以悲者乎仿  
曹植謁帝承明廬作以寄思焉

夏天敷疾威誼士悲素襟丁辰旣已睽歧遯復相尋風  
塵摧蕙質道懷終自任忠信出波濤哀哉憂患深

憂患聯沈躍機牙不一愕以君驚驚心睨彼鳴鶴目伊  
昔委佩疇同心貽國惡促節催羲輪敬情机崇岳小臣  
伏苦次天崩哀眾諾

眾諾弛天誼吁何維繫之損命非刀爰惟此肝鬲噫強  
節不可抑時勢胡其違嗟彼同裳侶寧爲攘袂期紛骸  
不自謀咄嗟以流悲

流悲皇路邈煙霧傾以殘東迫東海隅思渺難騫夫

錢忠介公集 卷二十六

九淵明叢書

約園刊本

何咫尺壤虎兕夾兩轅蠻觸徒自恥丹石豈所諉揮涕  
稱主臣微才奚足言

君才豈不偉鬱紆不自嘗旣惻稽山霾復清閩江水鍛  
羽又厲征沈鬢更騰舉孤旅豈山壑數奇非身否排山  
力已施成敗無開視知音苟不存已矣何所指

所指惟白水潔志供明禋履途日顛越空山虎豹嗔四  
顧曩昔侶嗟哉罹罟罟薄莽悲凄熬麋茸見啼鷹倡義  
登禍機憂傷能久振日匿不可挽志士歸長窳

長窳惟飲恨婦孺皆羈殞親戚旣久離知交寧復問天

道匪報施人情奚協順  
坏土寄遐原霜露疇酬獻  
夢寐縈素誌臨風寫哀怨

吳錢希聲先生

同安盧若騰牧舟

眼中又見泰山傾局促終知未可爭  
霜雪滿天人在夢  
荆榛匝地步難行平原欲繡絲誰買少伯無錢寫不成  
落落東笏驅白馬夜裏何處起先生

十二日清明 三首之一

錢爾圖 退山

碑碣莓苔長何無到福清 忠介公葬道 草堂陳熟食 每遇清明家室

祭 投 評客對江亭應尙啼精衛空餘感鵲鴿栖神徒有曲

錢忠介公集 卷二十六

十四日敬書

續圖刊本

愁絕許誰聽

夢哭忠介公 兄歿年四十有二

前八

慚兄虛曆十經秋顧此茫茫老自休  
殘喘何時逐蒿里  
荒阡空自憶桃洲 忠介葬黃蘗山下有桃洲 幾回寒食春風飯一往

榛蕪杜宇愁零落殘生餘痛哭不勝掩抑淚仍流

驚添衰眼淚新收夢裏悲墳哽逝舟  
秋草獨生黃蘗路

看令空老白蘋洲西臺彷彿追皋羽  
天道荒茫到鄧攸

凡無 只恐相從祇旦暮金甌寂寞總成愁

何心壯歲授桐棺搖落無徒生事闌  
能向幾人垂涕淚

獨餘清夢惜摧殘，墓口飯罷山僧到。客舍村虛水鶴寒，白是傷心吟不得。沙沈風雨夕漫漫。

送忠介公崇祀入祠

丙寅十二月十五日

錢肅圖

第一

忠義於今信未泯，尙堪垂淚送祠辰。安南未有歸來日，

宋末陳直中  
人安南遂死

甲子何知以後人

并無義  
熙甲子

裘帶羣賢猶鶴

立蒼頭，父老說波臣。先生可也安中土，頰水環流展白

頰

四十年來事已陳，不圖此日記前民。白鷗舊許先朝服，

兄先朝五品服  
歿命以此殮

紫橐還憐故宋人。海色曠隨雲仗路，江

錢忠介公集

卷二十六

十一 四明叢書

約園刊本

風輕拂陌車塵道，勞感歎慳生入多。恐魂歸意未伸，

以潛恭承繼忠介奉主入廟

前人

橫海茫茫數亂離，兄埋黃槩弟歸遲。手除地僻祠春酒，

戶剔燈昏寫匣詩

兄遺詩  
文數卷

繼序式看危系日，承祧猶是

履冰時。飄蕭作繼餘生，在遙謝窮冥。薦荔枝

墳在  
尚海

虛懷祠廟久無期，此日煌煌異代思。暫翦荆榛行伏臘，

試看風雨啟眾愚

先兄暴  
露窮海

孤雛肅列升初禩，白首傷心

屋杖引，領斃旗歸絕島。葵盛猶是舊時儀

八哀詩 并序

同縣

李鄴嗣

景堂

八公俱鄞人與僕同里起陳忠貞公死甲申難  
爲吾黨正氣先其自錢忠介公而下俱與相關  
切今諸公藏血已碧冢柏盡南而僕覩然猶生  
能不惋惜因作八哀詩各指其大節所在前後  
文行遂不具述焉每公各贈二百字

贈太保大學士錢忠介公肅樂

嗚呼錢相國扶義昔海嶠墨衰起從軍登壇共嫖姚小  
臣骸骨存戮力爲高廟移師向江干衽甲在蓬蓼虎節  
斑會稽涕泗奉明詔義旅合不行文臣終坐嘯唐藩時

錢忠介公集

卷二十六

十一四明叢書

新刊本

改元脣齒反相譙公急遂請行千里通信約天怒漢猶  
深胡馬竟東嚙徒跣得從王灑血重號召州府喜從風  
匡廬在談笑馳檄適豫章聲援若相照唾掌竟無成劍  
光盡殘鞘萬里隔靈輿妻兒不遺懽憶公守婁江旦夕  
登華要奚爲獨鏘詩哭酌鄭思肖早堅井史心魂魄已  
介紹對策兆天人九京應引醵公爲諸生夢與先君子  
同對天人三策後竟同  
舉進士先 公死非文山白日俟重曜關河尙茫茫誰爲東  
後死國 鄒甲

錢希聲先生輓歌

同縣

傅攀龍 容敬

孤臣仗義海天秋，殘日光寒島嶼幽。雨水暗流瓊水淚，  
明山遙接檠山愁。千年碧血歸窮島，萬里黃冠別故邱。  
瀝絮無緣陳墓下，望空涕泗到桃洲。

輓錢忠介公

同縣 邵 鑑 襟 丸

早年挾策動宸京，回首燕雲淚滿纓。匣底陰符韜豹略，  
牀頭孤劍吼龍精。旂擎江上魂猶厲，夢到家山恨未平。  
一點葵衷留薊闕，勞勞清夢繞邊城。

同王水功懷錢忠介公

同縣 錢 豹 文 蔚

目極思隨望海天，東皋歸去一潸然。勸君莫話興亡事，

錢忠介公集 卷二十六

十三 四明叢書

約園刊本

高墓山深有杜鵑

讀錢希聲先生悲憤詩

同縣 楊紹光 于賓

鵲巢憶昔未居鳩，偏繫先生江上舟。願挾魯藩來越國，  
竟呼蒼水到瀛洲。

謂玄著先生

心悲荆棘銅駝夜，氣憤風雲鐵

馬秋。醉讀瑤篇三十首，上下平各一首。至今我亦哽咽喉。

讀黃檗山錢忠介墓誌并諸君子弔誄

同縣 王玉書 水功

憶昔江干時蒼黃，悲反覆公心不自菲。大倫走扶服，崇  
羽義聲昭虎旅。颺火速驕帥，無忠謀具臣。尙梁肉，徼倖



仗皇靈全身惟蓄縮苦奏數千言詔答虛勞

去聲助徒使

孤臣心勞勞掩愁哭一木渺難支王孫飛鵝驚散鳥隨

陽回蒼茫海霧觸城郭立滄波君臣理艤舳

船楫柁處謂舳

樞重奮興半閭起沈陸天意薄中原王師復迫蹙致身

道已周婦孺艱櫛沐痛茲元老身盡瘁傷無祿旅櫬寄

海埂子魂飄靡屬風雨暗江天魚龍泣旌纛哲輔有賢

孫空向香林卜

黃檗山和尚許割地卜葬

淨土半畝山衣冠正荒麓

灑血誅時賢寒濤風謾謾誰爲昧肺腸遮手能忍讀嗟

此二十年風塵寄信宿日月投輕梭奔狐且飛逐野馬

錢忠介公集卷二十六

十四四明叢書

一約園刊本

及浮埃南山與北谷皎皎一枝貞霜光杲若木千古此

孤懷旃檀其馥郁

錢忠介公葬錄紀事

同縣

林時躍霞舉荔堂

忠魂渺渺宿琅琦一片青山淨土遺萬古英風潮汐訊

五棺香蛻雪霜躡公孫大義高黃檗門士貞心照碧漪

遼海歸來聞鶴唳只看輪旭上扶枝

九日讀錢忠介公葬錄兼懷蒼水全吾騏

昨朝聞唱白符鳩野哭荒江淚未收一卷墓碑自黃檗

當年幕府遡同仇班舩欲傳于嵩語絮酒雙懷范式羞

兩地幸俱多義士乾坤正氣尙能留

前二日乃蒼水正命之辰

讀錢閣部葬錄並弔沈閣部

同縣

董 雱 山雲

舊是龔黃徒晚爲文謝輦一出忤降臣兩番困悍帥黃  
檠山中夜月寒墓木南枝灑清淚長樂穹碑華亭誅雙  
表幽宮永不壞可憐南日騎鯨事曖昧公平尙自蒙天  
賚

次閩中葉相公孫子器輓葬錢希聲韻

同縣 傳奇遇爾光

子卿持節嚙疆雪十九年來胡地圻自古英雄戀本朝

錢忠介公集

卷二十六

十五 四明叢書

約園刊本

口口口口太剛折惟我明州錢希聲浩氣塞天世上絕  
誓死不回義旗揚丹心一點堅如鐵請纓不遂泛樓船  
破浪雄心對明月黃霧彌天權貴驕孤臣能抗文忠節  
忘身忘家傷如何拌命不避入虎穴無奈一木莫能支  
昊天不惠非謫劣息機祝髮暫留身時務能識稱俊傑  
不料懷戀舊主深一朝瀝膽起塵跡忠臣一死以謝君  
志士痛心爲泣血葉相之孫未面交獨憐忠義甘跋涉  
檠山片地下佳城窅窅經營安靈魄且有同調姚翼明  
與僧碧居皆義客順流扶櫬天吳迎生死交情不負昔

聲氣相投豈假謀高風颺起翻滄澤相孫還瘞相公身  
義士義臣同不滅嗚呼聲名萬古留青史今日何須空  
口說

沁園春

同縣 高宇泰 隱學

題錢忠介公像用文丞相韻

同難弗恤深恩弗酬盡日無妨憶義士徧呼閉門誰應  
惟公出手孤憤剽腸柱折撐天陸沈救地熱向文山一  
瓣香星星火將詩書爲炭鼓鑄眞剛 嗟哉當茲呼吸  
存亡奈不許先生獨擅場更洪濤扈蹕闔城百戰同仇  
踵歿當戶蘭芳致命全歸騎箕下視浩劫難回九厄陽  
瞻遺像痛死生長恨脈脈難量

錢虞孫小像

王玉書

七年分手眞如昨今日潸然拜紙聞姓氏其傳誰畫瘦  
心肝不見但看顏恨留弗去司埋土髮在因於貌返山  
尺幅衣冠千古事何時寫出滿人寰

題錢忠介公像

全祖望

宗臣有遺像歷劫存厓路芳魂箕尾遊寒芒鯨背落已  
埋黃檗神重湖鄧林魄大節擬松筠舊社光枌柞吁嗟

百鍊鋼文謝差相若隻手扶墮天星漢共炳爍胡爲慘  
綠姿令人疑文弱淵龍未見首匣劍未試鏑大勇有如  
懦此志不可度一旦奮孤忠萬夫羣錯愕綺衣出視師  
震雷醒聾瞶降臣驚破膽泥首甘面縛異軍蒼頭營五  
家聯約束謂孫熊章于沈我讀公封事諄諄苦口藥倘能用其  
言豈鑄六州錯武人爲大君一往多失著謂方國安王之仁及鄭彩  
熱血空淋滴餘生早摧殞手持魯陽戈夢化遼東鶴瓊  
琦一片土歿猶視矍矍遺言憤鸚梁五品持故爵所以  
愧貪夫非徒志貶削妻兒已同盡褰裳歸寥廓峩峩兩

錢忠介公集

卷二十六

十七 西明叢書

約園刊本

介弟繼死連花萼義俠葉與姚一抔得依託斯人如可  
贖百身尙嫌薄鬚眉故軒軒風度儼綽綽固宜陟降神  
香火紛湊泊榻來臨小軒碩膚懷赤鳥座中半契家再  
拜爵杯勺可憐彼降臣游魂犬不噉

潛恭重作忠介畫像以章服相商權余謂忠介遺  
言已用之殮時矣若畫像亦遵之將仍稱爲曹  
郎耶恐無以慰後人之心潛恭然余言因以詩

貽之并附記後

前人

百年重寫清高像整頓威儀志漢官莫以遺言返初服

還應八命表峩冠三年碧血歸黃上九死丹心寄素紉  
爲喜孤忠有令子不教舊德委榛蕘

謁錢忠介公像

同縣

王

莖

墓北  
實喬

文山事業付荒江熱血何由灑一腔五品冠裳仍舊爵

千秋享祀盛他邦

黃檗山香  
火極盛

輪迴或爲傳青簡

全謝山  
爲公後

身雖不足信然公

陟降依然見白駝

相傳公爲郡廟神  
公之墨衰視師亦

事蹟非謝山不著  
在郡廟素車白馬之  
靈自當陟降於斯

愧殺前朝故閣學到今樵牧也呼

降

錢忠介公畫像歌

董沛

錢忠介公集

卷二十六

十九

四明叢書  
約園刊本

魯陽飛戈日爲東餘光返照扶桑紅檣檜忽掃一輪去  
黯然無色崑崙峯在昔有明遘末造封狐十丈踞御宮  
江南半壁續遺統孤臣淚灑梅花叢天兵飲馬大江水  
南朝天子塵又蒙狐降鼠竄改頭面留都綸閣眞昏庸  
天留錢公作男子手執孤管唱黃鐘殘山賸水奉魯藩  
憑江十戰成大功六家義兵資聯絡左挈朱張右孫熊  
錢唐咫尺可飛渡直下杭秀開蘇松荆寧兩帥阻天聽  
忠良痛哭猶耳充逋臣大去采薇蕨行朝潰敗何慮  
閩南殘局亦無補可憐叔姪皆警蠶丹忱化作一斗血

嘔咯在地心爲空觸牀祈死保膚髮願追六馭游清穹  
公魂諒在列星次公像今留家廟中古稱留侯貌如女  
報韓志節相符同吁嗟小子得瞻拜鬚眉俯卽精靈通  
錢家兩次遭劫火子孫猶寶公眞容生孔明死信公英  
姿颯爽生悲風琅琦孤冢已荒土誰爲馬鬣加崇封

題錢忠介公手書詠史詩冊

定海厲志心甫

冥冥逝頽景惻惻不能旋開籍攬古昔豎髮冲高冠歷  
歷忠佞徒事去迹猶存吐詞劇凌厲吮毫益軒翻嗚呼  
詠詩日會稽未招援諸鎮倘從公江東實雄藩慷慨書  
露布急就並可觀安知劃天塹相持非百年奈睹此遺  
冊黯慘淚爛斑威鳳鍛六翮一羽落人寰哀哉隆中業  
永使後人歎

甬上擬雅露詞

全祖望

大人占錢太保紀夢

太保嘗夢以手障日卒不能支日竟隨手而隕  
私以語其婦翁童通判光遠後卒如其言

大人占民其魚彼鬼車挽強弧西崦日紛跳驅隨逝水  
薄桑榆吁嗟一臂弱思將急景扶前跋更後寔左支復

右吾妖夢不可踐神夢不可誣一臂以折急景終以俎  
寧知蟻蝨臣此志終弗污挽赤精延赤符魚頭讖且虜  
圖竭臣力瀕臣辜大人占命矣夫

甬上雜歌

前人

稚紳行

爲錢忠介公作忠介方起兵時年三十八里中  
降紳惡之貽書降帥呼爲稚紳令以兵除之降  
帥不用其言反與忠介合

神龍南下揮瑠戈老奸稽首朝江沱稚紳乃思挽天河

錢忠介公集

卷二十六

二十四明發書

物園刊本

妄以一綫支太阿老奸拍手喚奈何急輸兼金賄降帥  
定能加刃靖海波聖朝多方正未靖策勳我輩必殊科  
庶幾方駕莫儔范瓊不足多那知稚紳雖逆天亦復惠  
邀天幸得無他降帥翻然來受命願取老奸釁鼓未爲  
苛長刀夾耳反背接哀鳴階下如蟲螺三軍謹聲沸九  
鼎嘗口笑口交譙訶稚紳今日竟如何如何反自羅子  
羅此事差足強人意可惜其時當斷不斷失媿嬰曷若  
竟食其肉灰其骸吁嗟會稽之棲燭火耳老奸覆出成  
宰詬稚紳乘槎海上死不殺六狂生究戕五君子聖朝

亦自重臣節豈藉鴟鴞爲驅使老奸畢生眼穿不得沾  
恩社空將穢德享茂齒

讀謝山先生續甬上耆舊詩敬擇其節烈最著者

擬先生所作薤露詞

同縣

徐甲榮

子青

舟中相

錢忠介公肅樂

出作江上將入作舟中相相國當年豎義旗日月蒙滅  
孤雲飛錢江戎幕瓊江櫂事君致身無是非江水湯湯  
日夜流至今人悲王蠋頭

戊辰元夕芍庭以其世父忠介公生辰爲蒼水先

錢忠介公集

卷二十六

三四明叢書

鈔圖刊本

生祭卽用蒼水過忠介瓊江殯宮韻

全祖望

浹旬春色碧於油崧嶽神靈在上頭丞相尙傳弧矢怒  
中樞誰寫歲微愁冰槎客散重修祀芍沚堂高續紀遊  
落落通家幾子弟隻雞猶克溯弓裘

故國當年事未灰五千甲盾傍江開卧龍伏鳳成羣出  
鯤壑蛟宮取次陪一自遺民湛絕島更無過客上西臺  
瓊江死別吞聲後重見南屏白馬來

前題

同縣

范

核次存



燈明絳蠟汰膏油無復邏舟過渡頭節在降神宜展敬  
祀關絕繼亦添愁百年大義存天下一卷遺文覓舊遊  
始識方吳多寄託非緣五月弔披裘  
海槎山寨已塵灰恍惚先靈香火開成敗英雄端不論  
死生交誼孰堪陪荒荒哀怨徵心史兩兩孤忠降夜臺  
春到潛龍澄古漕依稀華表鶴歸來

前題

同縣

董孫籥

夏序  
逸田

春盤潔治薦膏油精衛飛來天盡頭黃檗誰爲隻雞饗  
南田幾憶夜猿愁古梅花下披遺集太乙燈前湖舊遊  
相帥捧觴齊致醑主人不惜質羊裘  
靡他矢志未曾灰節鉞旌旄海上開昔日飄蓬無定所  
今朝窮韭共追陪欲將往事詢前哲難起精魂問夜臺  
莫漫妄談興廢事蒼茫百感爲誰來

前題

同縣

董 弘

樂高

芍止春雲靄似油祭忠新榭在江頭黃柑斗酒逢良夜  
臘水殘山增昔愁懸矢已傳扶日夢投戈誰念採薇遊  
長違歸兆中原句風馬天涯泣霧裘  
心香百載續寒灰猶憶旌旄海上開盡瘁頽疆悲鶴化

側身孤島有猿陪誰將屈子庚寅節擬作文山甲乙臺  
虔向紫姑占此日南屏黃檗許同來

前題

同縣

李世法 甘谷

春雲鷓鴣水油油會合神旄芍汜頭同德定散薇蕨薦  
雙靈應溯黍禾愁自從舟次琅江誅纔一神聯毫社遊  
載詠遺詩生舊感樵車均未反菟裘

誰思故土已飛灰牽叟情長撥管開人集粉榆皆舊姓  
席宜忠介共歡陪冰槎影駐頽波島檠寺聲吞孤券臺  
箕尾精魂千里聚駿奔獨悵病難來 余病未與

鍾忠介公集

卷二十六

三

四明叢書

約園刊本

前題

同縣

胡銘嶧 若山

西子湖邊水似油清光遙映嶠南頭山川尙識忠貞事  
生死長聯宗社愁野老聲吞朱鳥句帝鄉神結白雲遊  
魂招芍汜春醪熟正氣堂高羨冶裘

冰槎大義已成灰元夕辛盤祀事閒後死曾揮墓下淚  
同聲應樂故園陪春風暖送雙歸鶴粉社新添一祭臺  
惆悵俗塵吾未與遙瞻紫氣自東來

前題

同縣

董元宿 守素

頽波日下滑於油易代孤忠幾掉頭黃檗尙餘荒梵舊

南屏誰爲晚鐘愁故家明祀光先澤異地精魂邈昔遊  
嗟我有心瞻拜缺春寒病怯木綿裘

幕寮列傳已成灰名字塵埋石未開

余族祖隨忠介至閩死難卽葬忠介

墓側其事失傳

當日門闌遭其患於今蘿葛幸追陪閩甌劫火

沈孤嶠方謝新詩壯釣臺從此初元添掌故江頭齊望  
駕潮來

前題

李梅

漆燈有墓貯魚油野祭新傳東海頭令節聞宣忠義事  
塵顏未挂廢興愁誰將阮籍千年哭爲作巖灘越宿遊

錢忠介公集

卷二十六

五十四

明叢書  
約園刊本

伏櫪不嫌眞性在漫嗟前哲失菟裘

前題

徐本仁

麗日耐春汗似油良辰爭赴話從頭甫申尙記初生節  
文陸寧無不祀愁大節孤忠原並美皇橋火樹定偕遊  
瓊琦江上酸辛句猶爲宗臣望賜裘

齋志終難撥燼灰滿懷碧血仰天開六千旗鼓連營舊  
一脈精靈對席陪盛世已消亡國恨詩人齊上祭忠臺  
羨他裘馬從容者幾見旌旗此次來

前題

錢潛菴  
一池

當年鍾鄧出江油辛苦先公誓海頭同幕最推圻父壯  
孤魂長繫若敖愁重修芍藥村中祭遠溯琅琦道上遊  
力疾敢解扶杖起追隨再拜淚沾裘

匪石爲心自不灰落暉猶向鄧林開應憐翟氏門人盡  
尙有文山猶子陪或解容顏歆几席終增悽愴咽泉臺  
病軀春到應能健還望招魂閩嶠來

前題

同縣 錢中盛  
又起 考庭

南屏翠靄起油油舊雨遙聯黃檗頭倡義同仇先入夢  
停舟哀些不勝愁生前各致孤忠志身後均爲異域遊

錢中盛公集 卷二十六

三五 四明叢書

約園刊本

大節雙懸昭日月問何幾葛幾更裘

主鬯嗟誰祀久灰粉榆甲乙祭重開魂招朱鳥東西哭  
肅相先公左右陪此日當時紀皇覽今朝斯席快泉臺  
集儕虔晉春盤拜幸鑑微誠神自來

前題

同縣 范從律  
希聲 西屏

甬江新水碧於油一卷詩傳古渡頭重九舊聞高里哭  
初元亦動嶽神愁千年埋碧原同化合席招魂許共遊  
聖世至今無忌諱表忠寧獨賴箕裘

南北雙征歎劫灰  
南征集忠介作 北征集蕭水作  
事殊野祭几筵開許

張立傳原堪配文謝齊名合共陪黃檗淒涼埋絕嶠白  
猿嗚咽叫泉臺辛盤晉薦當良夜髣髴靈旗海上來

前題

同縣  
舒大綸

羔豚肅肅膳薌油延得雙忠泐海頭生有自來非偶降  
死而可作尙同愁螭灘鯨背傳遺事挂劍停車訪舊遊  
虔晉尊彝昭享祀高情幸未泯塗裘

義膽忠肝久不灰明禋接席喜重開橈過古渡曾追奠  
鶴化東江足共陪傍午春燈傳令節蒼茫白日下荒臺  
蘋蘩猶見青門澤應念粉榆肯惠來

錢忠介公集

卷二十六

三四明叢書

約圖刊本

前題

同縣  
葛繩先 誥宗

曾擬安來試火油六狂生共誓江頭猶傳瓜里齊盟舊  
難忘林門後死愁薄薦黃柑充潔供偕來白馬起春遊  
故家喬木差爲忝愧我支離擁敝裘

是處明燈跋見灰瓣香獨向影堂開殘編幾憶平陵唱  
上客紛吟變徵陪定有啼鵲歸帶血不須移傍戒登臺  
昨朝寄得新詩卷尺五寒芒天際來

前題

同縣  
錢德盛 容愚

夜把遺編對濁油波臣舊事溯蒼頭迢迢黃檗山中恨

黯黯南屏寺畔愁新榭初脩先哲祀通家重踵故交遊  
初元令節成佳話春煦明衣不用裘

曾痛琅琦未死灰停機拜墓諫言開吞聲別後同符節  
化劍悲餘合序陪祭忝潛龍迎北郭魂招歸鶴過東臺  
追思旗鼓連營舊兩兩靈旌結隊來

旌忠廟祀明錢忠節公張忠烈公及諸忠遺老

同縣 陳 勛 子相

諸忠合祀首錢張遺老同心共一堂力任表彰全太史

自應一席耐馨香

全謝山太史詩文每及明季忠節遺事今奉太史配享

錢忠介公集

卷二十六

三七

西明叢書

約園刊本

過芍藥泚錢忠介公故第

董 沛

相國祠堂在悲風捲樹涼大江東去恨流不到錢唐

送錢二池之黃檗山

全祖望

太保當年戀淨土古田一區避風雨至今猶傳神旗行  
山中父老習不驚東村有子埋土室杜鵑之淚何時絕  
夜夜魂浮一葉輕來往幾度榕江青葬錄一編那忍讀  
歲歲山僧墓下哭淒風涼月兩茫茫豈不懷歸非所望  
孤兒今年辭故里海風送楫如電駛第二碑成擬大書  
發揚潛德無贖餘此行佳話落人口豈以窮愁成掣肘

白頭纔得展墓門一慟仰視箕橫昏而今始畢孤兒事  
重泉聞之一笑起江頭潮落風信催寒食家家飛紙灰  
精誠呵護有神物老蛟爲君助泣血

前題

前人

漫山黃檗護忠魂料得元公亦倚門屈指甬江秋漲動  
吾兒此日發江村

見人輯錢忠介馮簞谿二公道集因作口號

餘杭章炳麟太炎

丹心豈爲鳳陽朱天漢興亡在一隅聖世卽今疏法網

錢忠介公集卷二十六

天四明叢書  
約園刊本

清邁何計算捐軀

錢忠介公遺集卷二十六

錢忠介公年譜引

全祖望

錢忠介公事跡自乙酉六月以前皆譜以年乙酉六月以後至戊子六月皆譜以月蓋此三年中事跡繁多但譜以年不能盡也史記年表之外別有月表今援其例卽於年譜之中寓月譜焉戊子六月以後無所用譜矣而直引之附記其諸弟殉節之年及同事諸公殉節之年以接於立後之年至丙戌蓋歎忠介至是始有後亦幸其至是終有後也一綫之寄潛蒸其勉之矣

全謝山手編忠介公文集廿卷既得之於張君伯岸

錢忠介公年譜引

一四明叢書  
約園刊本

獨闕年譜一本馮君孟頴方竭數年心力搜羅忠介遺軼今乃得謝山原編本其爲欣快爰請其重編年譜慨然任之所編至爲精詳分年分月終以葬事及立後之年蓋本謝山意也謝山原編今日雖不可得而年譜引猶在也爰錄之卷端異時更得之與孟頴所編對勘尤所望也張壽鏞謹識



錢忠介公年譜

慈谿後學馮貞羣孟顥纂

丁未明神宗萬曆三十五年正月十五日公生

公諱肅樂字希聲別號虞孫黃宗羲撰傳學者稱爲止

亭先生浙之寧波府鄞縣芍藥泚人全祖望撰神道碑句餘

土音法芍藥泚卽澄龍漕在城東二里許錢氏本籍宣城自宋徙鄞稱

望族錢中盛增脩繼序錄序曾祖鳳午封禮部主事祖若賡

知臨江府父益忠瑞安訓導母楊氏林時對撰傳云編修德政

公繼母傅氏全氏神道碑兄弟十二人公行居三錢肅撰

錢忠介公年譜

一四明叢書  
約圖刊本

傅並詩序林傳及甬東錢氏宗譜皆誤作兄弟十一人狀貌恂恂弱不勝衣

康熙鄞縣志傳生平以植品行厲大節自任善鼓琴錢傳並其

詩最惡淡巴菴全氏淡巴菴賦

戊申萬曆三十六年二歲

己酉萬曆三十七年三歲

庚戌萬曆三十八年四歲

辛亥萬曆三十九年五歲

按公乞假歸葬疏云臣生年五歲先母楊見背告情文及錢氏宗譜均作六歲喪母未知孰是

壬子萬曆四十年六歲

癸丑萬曆四十一年七歲

甲寅萬曆四十二年八歲

乙卯萬曆四十三年九歲

祖若廣在儀部以諫得罪出官臨江知府忤張江

陵諸貴人以其嚴刑盜賊目為酷吏峻其語上聞

詔置之死訟冤者千餘人全氏寧國知府錢玉塵神道表公為文

寄呈祖父於江右獄中閱畢拍案呼曰吾有孫矣

以祖號颺虞故自號虞孫錢傳公自幼讀書認真勿

欺二字交友恆必由之故鄉里多笑為迂公責言成信疏

錢忠介公年譜

一一四明叢書  
約圖刊本

丙辰萬曆四十四年十歲

丁巳萬曆四十五年十一歲

秋八月四弟肅圖生全氏監察御史退山錢公墓石蓋文云肅圖字肇一號退

山以諸生倡義辛卯翁洲之役被俘得釋卒於壬申十月二日得年七十六歲

戊午萬曆四十六年十二歲

伯父靖忠叔父敬忠同舉鄉試康熙鄭志

己未萬曆四十七年十三歲

叔父敬忠會試中式全氏錢玉塵神道表

庚萬曆四十八年九月後為十四歲  
申光宗泰昌元年

辛酉 嘉宗天啓元年十五歲

春三月五弟肅範生

全氏翰林院簡討箕仲錢公些詞云肅範字錫九一字箕

仲誥救文字忠介多屬之己丑四月十三日福安城陷被執不屈得年二十九歲

叔父

敬忠赴京囚服顓父冤三上疏請以身代得旨準

將錢若廣免死放還鄉里自京赴江西奉父歸計

繫獄三十七年

全氏錢玉塵神道表

壬戌 天啓二年十六歲

叔父敬忠補奉大對成進士謁選得刑部主事全氏

錢玉塵神道表

錢忠介公年譜

三四明叢書

約園刊本

癸亥 天啓三年十七歲

冬十月祖若廣卒

錢氏宗譜

按劉沂春撰神道碑謂是歲補弟子員踰年食廩領錢肅圖撰傳則但稱弱冠遊庠而未著其年不能確指附著於此

能確指附著於此

甲子 天啓四年十八歲

乙丑 天啓五年十九歲

夏六月六弟肅祺生

錢氏宗譜

丙寅 天啓六年二十歲

丁卯 天啓七年二十一歲

秋九月七弟肅遴生全氏職方主事兼三錢公墻  
銘云肅遴字兼三以諸生從  
軍甲午乙未閒與弟肅典從張煌言入長江己亥  
兵敗相失丙申嘔血發狂死於崑山得年三十

戊辰 恩宗崇禎元年二十二歲

己巳 崇禎二年二十三歲

秋九月八弟肅珍生錢氏  
宗譜

庚午 崇禎三年二十四歲

辛未 崇禎四年二十五歲

公博通羣籍尤熟大全性理爲制義遵傳注林所

刻制義四書問古篇以發明傳注體貼理脈爲宗

錢忠介公年譜

四明叢書  
約圖刊本

實開風氣之始人爭市之先爲寧波府知府張士

良所知試輒前列提學道黃跨千鳴駿歲試第四

錢傳 冬十月九弟肅典生全氏監紀推官叶虞錢  
公墓志銘云肅典字叶

虞與兄肅遴從張煌言入長汀時時入內地謀消  
息被執不屈而死時丙申七月十一日也年僅二

十六  
歲

壬申 崇禎五年二十六歲

癸酉 崇禎六年二十七歲

南昌黎博菴元寬督學浙江林科試拔公第一食

錢傳 秋八月十弟肅豫生錢氏  
宗譜

甲崇禎七年二十八歲

公與王王書協力重脩學宮廟堂齋廡及櫺星門

明倫堂有石記在廟門之左壁

康熙  
鄭志

乙崇禎八年二十九歲

冬十一月十一弟肅采生

全氏續甬上耆舊傳云肅采字子亮己丑從魯

王入翁洲或薦以中書舍人充贊畫不受辛卯僅而得脫東西奔走授童自給不歸不娶甲寅卒於

淮上年僅四十有一

十二月長子兆恭生

錢氏宗譜

丙子崇禎九年三十歲

中丙子科鄉試七十八名

公壘血辭街疏

出武進吳巒稚

錢忠介公年譜

五四明叢書約園刊本

鍾巒之門

錢傳萬斯同羣書疑辨書丙子鄉試錄後云崇禎丙子科浙江鄉試舉者凡

九十七人而吾邑得其八舉進士者凡四入人之中錢公希聲以監國大學士從亡海外周公唯一

解順德之綬披袂入山謝公于宣服官行人遭甲申北都之變受刑而死董公天鑑暨先君子卻公

車之微坎塹窮餓沒齒不悔其無聞者僅三焉夫一邑之中一科之士得全節者五人何其盛也

是年著

濺盧制義序寄聖月弟書

丁丑崇禎十年三十一歲

中丁丑科會試二百五十名

瀝血辭銜疏

出陳公斐美

發之門殿試二甲十四名

錢傳黃傳作崇禎癸丑進士誤

候選

留京八月

公十憶詩注

授蘇州府太倉州知州州故號

難治多通賦公至一罷諸羨餘雜費錢傳不善催科

連遭鐫罰滙血解街疏

**是年著**與王水功簡九口有感初第自京師贈內

戊寅崇禎十一年三十二歲

與鄉紳張采張溥輩力行鄉約康熙志立保甲法修

湖川塘蘇州府志有父子相獄兄弟爭訟者諭令退自

思卒皆感悔謝罪陳皇士撰傳次子翹恭生誓詞

**是年著**序李青遠文

己卯崇禎十二年三十三歲

錢忠介公年譜

六四明叢書

約圖刊本

朔望集紳衿鄉耆講六諭一時風俗率變刻有六

諭釋理錢傳豪家奴與黠吏爲奸而兇徒結黨殺人

焚其屍公痛懲皆斂手又以朱白榜列善惡人名

械白榜者階下予大杖久之杖者日少明史本傳春

二月十二弟肅播生錢氏宗譜

**是年著**善詞告倩文六諭釋理

庚辰崇禎十三年三十四歲

行常平法畝出米升計數萬石兼崑山篆五日一

往錢傳初崑山民構訟勝負視門第里中巨猾部養

羣不逞白晝格殺無忌公摘發一二皆斂跡賦弊  
孔百公廉得奸狀民乃爭輸夏六月民大饑饑民  
至數千揭竿掠劫公自太倉至擒數十人斃二人  
眾乃散勸人出米平其直活者十餘萬崑山大治  
顧錫嘒撰崑山去思碑

其試士糊名校閱定等第榜發皆

一時名流如周肇王瀚朱名錫柴永清崔華宋龍

歸莊盛敬咸名宿也

按全氏神道碑增陸世儀一人

刻有試士錄

錢傳常熟錢侍郎謙益聞公名百方招致之卒不

往全氏神道碑

錢忠介公年譜

七四明叢書

約刻刊本

是年著代巡按賀應天撫軍張國維陸貳司空視河序玉峯試士錄序奕翰序觀德

社序四書說約序詠史十三首題玉峯巒

辛巳崇禎十四年三十五歲

太倉大旱禱於神悲呼達旦雨隨至

蘇州志

設廠四

隅出常平米煮粥以振復分別貧戶上貧振米次

貧減價糴州以不饑蝗蟲彌野率囚民親行捕捉

下令捕蝗一升出升米易之

錢傳

徒步烈日中病幾

不起

全氏神道碑

豪猾暴橫公擒治之

林傳

囚免者積案

盈數尺乃求公房師武進吳鍾巒為解卒正

康熙鄞志

其罪林傳 復攝崇明時抄上盜四起公率兵勦獲

三賊魁立斬之盜悉驚散錢傳

是年著 一命浮圖會冊勸詞 祈雨疏文

舟行十九首 苦旱行 霞舟吳夫子以 煮粥詩四首

夏日過婁先蒙題贈次韻二首 飛蝗二首 送 吳張天如先生次原達韻十首

僧顯母舅歸四明次原達韻三首 送爾敬表弟歸四明二首

壬崇禎十五年三十六歲 春正月公病嘔血甚不絕者纔耳 公新建龍 王廟記 夫人

董氏 監紀通判 董光遠女 禱佛以愈 錢傳 延邑士前臨川縣

知縣張采受先刊修太倉州志十五卷分封域營

錢忠介公年譜

八四明叢書 約園刊本

建官師學校 案避齋 宗諱 風土選舉水利賦役海運兵

防海事名宦人物藝文瑣綴十五門 錢大昕十駕 齋養新錄

公佐理賦役志一卷序之 公太倉 州志序 秋秩滿 錢傳考

績爲江南第一 雍正寧 波府志 民皆立碑頌德 明史 本傳 遷北

京刑部山東司員外郎 歷血辭 銜疏 九月公之瑞安

省親 公思親 十詠序

是年著 太倉州志序 序陳言夏稿 浙建龍王 廟記 重修孔廟碑

錫九五弟之武林省試於其行也詩以勉之 秋 日與王原達話別於虎丘寺 思親十詠 月夜

遊江心寺寄弔 文信國三首



癸未 崇禎十六年三十七歲

春二月四日

公與侯廣城書

繼母傅氏隨父益忠在瑞安

訓導任卒

歸莊送錢侯序

秋九月六日

與侯廣城書

父亦卒

官

錢侯序

司訓瑞安者五年

公乞假歸葬疏

有遺愛士子

為立祠

續舊傳

甲申 崇禎十七年

清世祖順治元年

三十八歲

丁憂家居

全氏神道碑

聞燕京破絕粒者屢以父母雙

槻在溫州誓死葬後

錢傳

冬十二月至崑山卒歲

歸氏送錢侯序

是年三月流賊李自成陷京師思宗殉社

錢忠介公年譜

九

四明叢書約園刊本

稷五月清兵入京師南都諸臣史可法等奉福王

由崧監國稱帝於南京

是年著

戚武莊練兵實紀序

與高玄若中丞書

丁孟榮與

傳

有犬行

徵文文山六歌

賀林令冲霄內召

感懷時事

寄弔謝宜子于宜

蔣振華招飲

西湖感懷時事

寄懷

別趙榮菴總戎

按句餘土音三

乙福 王弘光 元 年 三十九歲

順治十八起兵

錢氏六月叔

夏四月公自瑞安扶父母柩歸里

宗譜

父敬忠卒

府同知朱之葵通判孔聞語迎降公在東吳丙舍

喀血聞信慟哭絕粒誓死鄴諸生董志寧王家勤

張夢錫華夏陸宇燝毛聚奎聚諸生於學宮謀倡

義遍謁鄉老而莫應卽所云六狂生也十日餘姚

起兵之葵輸糧至姚江道斷回鄴公於是夜輿疾

至城東觀變途遇志寧遂定謀發使十二日

按錢傳行

朝錄作十一日集紳士於城隍廟

全氏神道碑

先集者惟張煌

言一人公與論起義狀

錢傳

鄉老相繼集之葵聞語

亦馳至公遽碎其刺拂衣起百姓聚觀者數千人

布衣戴爾惠呼曰何不竟奉錢公起事觀者齊聲

錢忠介公年譜

十四明燕書

約園刊本

應之擁公入巡按署中

公舉義情錄疏云是日同臣入署者則有舉人張煌

言思貢生董志寧王家勤華夏生員董應默倪玄

措毛聚奎張夢錫管聖修李文瓚李芳泰徐振奇

李震元王應斗李凱周元初董德欽倪懋燾駱國

挺余志亨義士則有戴爾惠傅弘緒董光遠邵希

交錢肅文俞九鼎析熊其後相繼而來者生員則

有金昌辰陸宇燝王玉書傅奇遇李文權周元越

姚孫楷紀五昌毛大遇中書舍人何經何如晉義

士王來成楊秉綵徐翼王志忠董應勳傅攀龍傅

人龍錢肅度董京海防道二營兵暨城守兵皆不

戒而至遂以墨纒視師之葵乞哀於百姓乃釋之

而斬聞語以徇

錢氏宗譜

郡中監司守令皆逃

公索取倉庫籍繕完守具

明史本傳

籍兵得萬人

錢肅圖紀

略定海總兵王之仁已納款公遣客倪懋勸其

來歸全氏神降臣謝三賓欲梗師全氏莊陰致書

之仁以兵威脅之魯紀十五日請鄉老大會之仁

於城東演武場全氏神之仁出三賓書朗誦責之

三賓戟手前奪書之仁怒麾軍士令斬其首以祭

齋三賓叩頭乞哀請出家財充餉乃止全氏董給

締盟共守明史故山西道御史沈宸荃兵部職方

司馮元颺浙東亦起於慈谿王之仁黃斌卿張名

振以關內外翁洲石浦鎮兵至知慈谿縣王玉藻

錢忠介公年譜

十一 四明叢書

約圖刊本

知定海縣朱懋華知奉化縣顧之俊知鄞縣袁州

佐知象山縣姜圻皆以兵餉會以通判羅夢章兼

行寧波府事太常莊元辰助登陣焉十八日奉箋

全氏神遣舉人張煌言迎監國魯王於天台全氏

神道碑二十八日再奉箋勸進王途中加公太僕寺

少卿全氏神秋七月六日撫湖山汛營王加公督

理軍務兼管糧餉都察院右僉都御史澁辭十

一日會師西興全氏神民扶老攜幼曰錢公秋毫

不犯也華夏過十八日王至紹興行監國事海東

宣言

逸史

畫錢塘而守

明史本傳

分汎瓜瀝

全氏神道碑舊傳云東江之役瓜

續者

里駐軍者六家曰前大里丞會稽章正宸曰前給事餘姚熊汝霖曰前九札僉事餘姚孫嘉績曰前

飛部員外郎鄞錢肅樂曰前御史慈谿沈宸

幕下

列將多健者

全氏都督江漢墓碑

公四疏辭新命力言爵賞

宜慎固請原銜署事並辭諸弟姪從軍之授爵者

公陳孤臣心事本末疏云臣弟肅園肅範肅祺肅

適姪克恭等皆加監紀職銜名器之濫莫過於此

伏乞敕部速行改正冬十月大學士張國維約諸軍以八

日始連戰十日公諸軍斬戮有功第七戰尤捷前

鋒鍾鼎新殺大將一呂宗忠等各斬數十級俞國

欽定四庫全書

十三四明叢書

榮等直抵張灣取軍械歸

秦浙東紀略此役列於九月

時浙西

諸府並起義兵蘇州松江嘉興湖州列營數百而

浙東建國杭州孤懸危甚公請由海道急援之不

聽

全氏神道碑

故總兵方國安軍最盛王之仁次之號

爲正兵國安取浙東正餉以予正兵義兵取富室

樂輸之餉謂之義餉

全氏鮑壻亭文集云宗誦以十萬金送錢督師營毀家輸

餉者有莊元辰周元懋周元初陸寶董光遠董應遵駱國挺高宇泰諸人

未幾正兵并

取義餉而義兵無所給公所派爲鄞慈谿

案全氏神道碑

作鄞奉今

據公疏改義餉國安檄其不必應爲之仁地也

案行

朝錄列  
於七月公屢疏入告王不能詰

全氏神道碑

敘公十捷

功再加右副都御史疏言不能入杭誓不受官王

不許

全氏神道碑

唐王卽位福州以詔來并賜倡義諸

臣官爵張國維熊汝霖以唐魯宗藩同舉義兵稱

臣於唐則號令不行議郤之大學士朱大典與公

議權稱皇太姪以報命師渡浙江向金陵大號非

人所能奪方國安王之仁遂謂公不受副都命爲

懷貳心公不得已受官餉仍不至

全氏神道碑

王以內

臣客鳳儀李國輔兼制軍餉公力言中官不可任

錢忠介公年譜

十三四明叢書  
約園刊本

外事諸藩內臣從中梗之公兵至四十日無餉行

乞於道卒無叛者公連疏乞餉餉終不至

全氏神道碑

公疏言國有十亡張國俊外仗方國安王之仁內

與客鳳儀李國輔比而馬士英阮大鍼在國安軍

遙應見疏恨甚引讒三賓以禮部尙書直東閣其

擠公

全氏神道碑

王加公兵部右侍郎再疏不受

全氏神道碑

碑潘樸園國壽錄巡撫錢肅樂傳云魯藩監越

加巡撫此官爲諸野史未載樸園曾仕魯王非得

之傳聞者

故附記之 是年五月清兵下江南福王就執閏六

月黃道周等以唐王聿鍵稱監國於福州

是年著

徐確菴外篇序  
書周鼎人傳

與伯屏書  
與凌賓城

復檄

濕血辭  
初疏直陳痛哭流涕疏

舉義  
辭副都御史疏

情絲疏

陳孤臣心事本末疏

先臣恩典疏

先去致虞之媒害民之賊疏

乞假歸葬疏

十七死疏  
臣兵四十日無

再辭新命疏

臣兵無餉疏

再與林蘭菴書

慈育兵無餉疏

與徐民則論文

與倪伯屏話

與柴集勳話別

別賦此志感悲憤詩

三十首  
仄韻詩八首

別賦此志感悲憤詩

甲申抄過真寓周徹其舍留連浹月春正話

別賦此志感悲憤詩

三十首

仄韻詩八首

別賦此志感悲憤詩

丙

隆武二年  
順治三年

四十歲

監國魯王元年

順治三年

四十歲

春正月王在紹興

行朝

謀言清兵將自海道來乃

移公守瀝海

全氏神

江漢詣軍門請自効公拔置

偏裨之上授以都督僉事總兵官公未習軍旅在

江上每日戎服登舟鳴鼓放船漢指麾既畢則畫

諾焉

大仇未復願率家丁從軍王慰留諸將董語謂將

棄軍入閩且令壯士劫其首公於是棄軍拜表即

行夏五月遂之溫州王乃令同黃斌卿張名振共

道崇明以復三吳斌卿迎公入翁洲尋加吏部尙

書兼戶部事辭不受

全氏神

六月朔兵潰

行朝

清師陷紹興

通鑑

輯覽

張國維王之仁死之方國安馬

士英阮大鍼皆降富平將軍張名振棄石浦以舟師屬王出海投肅虜伯黃斌卿於舟山斌卿不納

行朝錄

秋七月王次普陀公與大學士熊汝霖孫

嘉績右都御史沈宸荃從焉

航海道聞

公之解兵也

唐王召之以嫌不赴及江上破從海道請唐王提兵出關並陳越中十弊以爲戒優詔答之以右副

都御史召

全氏神道碑

乃挈家航海遇寇掠幾殆有沙

埕參將段某保全之比至閩福州已陷因避難福

清縣之前僻文石

錢傳

變姓名潛至龍峯巖

錢傳作奇身黃

錢忠介公年譜

十五四明叢書約圖刊本

樂

從僧碧居祝髮

林傳

公題壁云一下猛想時身世

不知何處數聲鐘磬裏歸途還在這邊識者謂非

緇流有從問學者賴脩脯以自給

全氏神道碑

八月

思文大紀

齊巽起義敗搜捕四出復攜家海壇山島島

無民居惟樵採者結茅棲止公借居其中上漏下

浸不蔽風雨艱於得米弟兄嫂姪輩二十餘人屑

麥爲糜掘薯以食

錢傳

拾青茅以當薪

全氏神道碑

九

月

按行朝錄

公從王次於廈門

卽中左所與徐登華書

公清

兵下福州惟永勝伯鄭彩暨忠孝伯鄭成功誓清

中原傳成功以厦門為營行朝修浙中頒詔之繼

待王以奇公之禮而不稱臣全氏明年為隆

武三年行朝公詣彩舟請舉義幟傳於是彩奉王

次長垣改明年為魯監國二年海上遂有二朔行朝

錄公與成功書獎其忠義勉以恢復王始知江上

之議非貳嘗謂之曰先生所上奏議子皆貯藏之

時時覽焉全氏神是年八月清兵陷汀州唐王殉

焉十一月丁魁楚瞿式耜等以桂王由榔稱監國

於肇慶

錢忠介公年譜 十六 四明遺書 約園刊本

是年著封定西伯張名振勅遵旨題疏辭

跨干書答鄭忠孝伯書與上游各鎮解和書

迎陽詠題翁德五小像為流瀾曲水紀夢

弟到用筆一原韻蘇海壇到龍山寺舟中

星塔贈善居禪師登德成巖贈省言虛白

還安海御在十一日也感而賦詩福州一都會

也云云贈富平伯張侯服贈戚虜侯黃虎

歌聲曰此飛幕也其能久乎賦詩名曰泣燕留

別碧居虛白二上人答語石山人贈別原韻

和駟萌菴道人招隱用鳥字韻詩十首留別薛

子熙贈薛爾傳留別薛衡升留別翁尊白



和鄒萌菴移居原韻 又和烏字韻海壇山後十日作十首 和玉弟錫九原韻 肇一錫九兼

三協虞弟自文石來又復言別悲喜交集爲賦七言四韻二首 題黃檗寺 送別肇一錫九弟

兼三弟海上有感戲爲續韻三首 移居海壇山時方競渡寄慨 海山有感 客中愁遣 秋薦

與碧居省言二上人坐月戲作偈問 送虛白上人至德成巖漫賦二首 山居偶成四首

亥監國魯二年 鄭成功稱隆武三年 順治四年 桂 四十一歲

春正月王在長垣 行朝 夏六月 劉氏神道碑 王

至瓊江 黃傳云從亡者文臣熊汝霖孫延齡武臣建國公鄭彩平夷伯周奎芝闡安伯周瑞

萬胡伯阮進汝霖爲東閣大學士建國魯兵部尚書事 全氏神道碑 增大學士馬思理一人

入覲 全氏神道碑 冬十月 行朝 進兵部尚書疏請申

錢忠介公年譜 七十四明懷書 約圖刊本

軍令嚴賞罰停止一切封拜鑄挂印將軍印以待

有功者皆從之 夏 燮明 於是兵威頓振連下興化

福清連江長樂羅源三十餘城 全氏神道碑 江漢之功

爲多 全氏都督 侍郎林汝翥都御史林奎皆起兵

郭三才以情兵援問亦來降 按海外懽哭記 列於戊子二月 遂圍

福州而浙東山寨亦起兵遙應六狂生中有謀取

寧紹台爲掎角之勢者爲謝三寶所告而死 董志 寧上

家勤華夏以戊子謀亂城應翁洲不克家勤夏死

之志寧逃入翁洲辛卯翁洲城陷死之張夢錫在

山寨庚寅寨破死之陸宇燦以癸卯 公疏薦故太 謀應海上逮死惟毛聚奎亡命得免

僕寺卿劉沂春糧道吳鍾巒王皆召之閩中遺臣無不出者又請卹宗臣統鎔諸將葉儀等以鼓忠

義王是之大學士劉中藻起兵福安攻福寧總兵

徐登華欲降未決公貽之書乃降全氏神道碑按徐登華事全

氏謀入戊子今從行朝錄

是年著擬頒曆詔擬監國駕門詔擬諭高州道擬諭福寧州文武各官擬諭長樂

百姓擬諭長樂城內百姓擬招諭閩省文武官員檄封定西侯張名振擬起通政司吳鍾

爵敕復原任監軍御史敕擬封冠軍將軍謝朋敕擬封果毅將軍吳輝擬封冠軍將軍謝

發階調章雲飛合勦擬封龍驤將軍徐順敕擬封中權將軍林奇擬監軍兵備道丁正春擬

錢忠介公年譜

約國州本

擬虎賁將軍敕擬救東閣大學士擬救遣都督劉廣運招撫虜兵擬慰勞益藩擬國將軍

由拊擬救陳永錫擬救義興侯鄭遵謙擬救平原將軍湯蕭擬救監軍兵備道擬救巡撫

撫上游都察院右僉都御史擬救巡撫孫延齡擬救監軍尤師魯擬救武靖伯蔡乃漢擬

救曹大鎬有權乃可集事疏第一急著疏再陳急著疏三陳急著疏責言成信疏特

舉實心任事之臣疏別選賢能疏謹報入關日期疏再陳練兵殺虜疏薦劉吳二臣疏

辭銜疏恭報次勦福京情繇疏與朱統帥書答原總戎徐登華書與劉魯庵書建國太

夫人壽文

春日同諸弟觀葉思雲新舟云云病中戲和秋

史韻夢肇一弟仍用秋史韻一抒哀感和秋史韻奇弔林子野

先生奎遊天竺寺善建國鄭羽公采贈劉

湖山中藻九日

調金門秋風

又秋馬

戊子監國魯三年鄭成功稱隆武四年 永四十二歲黃

傳作四十  
三歲非是

春正月王在閩安鎮行朝錄 公請立史官紀事全氏神道

碑 鄭彩殺大學士熊汝霖及義興侯鄭遵謙行朝錄

二月以公爲東閣大學士行朝錄 按錢傳兼吏兵二部尚書事據贈官

實誤今從全氏 與馬思理劉正亨同入直日繫河楯於駕

舟之次票擬章奏上疏乞官部覆細事大者彩主

之王不得問也黃傳 彩掠福寧公不直彩與劉中藻

錢幣介公年譜 十九四明鼓書 約四刊本

書行朝錄 爲彩所得誦書中語以動之公憂憤交至

彩自是不復協力逍遙海上連江失守全氏神道 國

勢日蹙藩鎮驕悍陳傳 公以頭觸枕祈死血疾大動

遂絕食王賜藥不進夏六月五日卒於琅江舟中

全氏神道碑 按航海遺聞魯王紀事謂遇颶風覆舟披荆入山卒於福唐葉宅均誤 鬚鬢

皓然遺命以刑部員外郎五品服殮墓道書大明

孤臣四字錢傳 王聞訃輟朝三日賜祭九壇案錢氏紀略作

十二 王親製文祭之贈太保吏部尚書諡忠介疏

一子尚寶司丞夫人董氏亦以是年四月卒全氏神道

碑春秋三十有九據誓詞少子二曰兆恭尙寶司

丞曰翹恭先亡公嫂陳氏姪克恭皆死島上同殯

琅琦自公入海其家被籍全氏神道碑

是年著請立史官疏 再乞放開疏 辭入閣疏 申明辭閣緣繇疏 恭承嚴命疏 乞

策免疏 再請寬假疏 元宵初度 聖安皇帝發喪 偶和吳霞荷夫子

十吟十四首 哭內十怨 十恨 十悼十一首

十願 十戲 十期

思帝鄉悼亡 烏夜啼悼十 庚寅 監國魯五年永曆四年 順治七年夏六月兆恭病卒翁洲公遂

無嗣錢傳 甲午 監國魯九年永曆八年 順治十一年冬十二月

錢忠介公年譜

二十四明叢書 約園刊本

錢故相葉向高曾孫故尙寶進晟明史本傳 後全氏神道碑作

孫謀葬之故職方姚翼明時披緇海上僧名性日 稱獨耀上

人 尤力助之乞地黃檗山僧隆琦全氏神道碑遷公及

夫人董氏嫂陳氏子翹恭姪克恭五柩合葬林福傳

清縣黃檗山之麓錢傳案作 古田者誤平夷侯周崔芝定西

侯張名振儀部紀許國皆襄事故大學士劉沂春

爲之碑都御史徐孚遠爲之誄諸義士爲道墓田

全氏神道碑 立有祠錢傳閩中刻有葬錄康熙紀其事 全氏

神道碑 某年入祀太倉名宦錢傳 丁未康熙 六年郡人

相傳公爲本郡城隍廟神

錢光緒詩題

一時遺民爲歌

詩記之曰騎箕集

全氏錢忠介公降神記

乙卯

康熙十四年

四

弟肅圖舉子潛恭爲公後

續耆舊傳

乙丑

康熙二十四年

浙

江學政王揆以公入寧波府鄞縣兩學鄉賢祀典

刻有崇祀錄

壬戌

乾隆七年

三月潛恭捧忠介公遺

稿請全祖望序之

錢中盛忠介公集跋

祖望編次正氣堂集

爲八卷越中集爲二卷南征集爲十卷附以碑誌

傳記及葬錄其四卷通爲二十四卷於三集之首

弁以年譜

全氏錢忠介公全集序

嫌昔日諸公志諫之未詳

錢忠介公年譜

王四明叢書

約園刊本

也爲補作第二神道碑銘

錢潛恭忠介集附述

癸亥

乾隆八年

潛恭之黃檗山

全氏詩題

展墓

全氏送錢二池展墓閣中序

丙申

乾隆四十年

清廷諡公曰忠節

殉節諸臣錄

乙亥

嘉慶二十年

鄞士建旌忠廟於縣學之右中祀公及張公煌言

黃定文旌忠廟碑記

庚午

同治九年

鄞里人爲公建專祀於棲

心寺右距公家芍藥址不百餘武

董沛錢忠節公祠堂記

錢忠介公年譜

元年春張丈憲叟美翊屬編錢忠介公遺集於是從事  
搜輯得如干篇旋於二老閣鄭氏得正氣堂集殘本四  
卷附錄四卷朝夕校錄區爲卷九附錄並續得者爲卷  
六復採碑傳野史草爲年譜屬稿甫竟聞縣西葉氏藏  
有謝山手編公集爲公子潛蒸寫本求之祕不肯出今  
年四月爲老友張伯岸之銘訪得凡二十卷其年譜附  
錄散佚無存取校篋衍所蓄適可合并遂成完書蓋往  
來予懷者二十年矣一旦獲觀不亦大可欣慰者乎約  
園主人方刻四明叢書趣其授梓刊布傳餉人閒惜窳  
叟墓木已拱不及見矣重次年譜終卷因書其緣起如  
此民國二十年五月二十七日晡時貞羣題記

壽鏞既得謝山所編忠介公全集於張君伯岸蓋卽其  
嗣子潛恭所手鈔者也大喜過望書面題云至親的友  
借觀拒絕其時文網綦密深懼速禍如此張文讓三所  
謂孤本流傳見者蓋罕實由此也慈西葉君畚經獨能  
寶此殘編轉贈伯岸伯岸遂以再錄副更得孟顓一  
一校勘證以往年所編輯者完成趙璧原有闕遺閒補  
益之旁注補字年譜既佚孟顓更爲補作而公集得全  
亦幸矣往年張文讓三嘗詔壽鏞謂刻四明先哲遺書  
宜以之弁首惜乎不及見也附錄六卷中所謂續編者

錢忠介公集跋

一

四明叢書  
約圖刊本

孟顓之所編而壽鏞略爲增益之如華先生默農撰四  
十壽序則錄自過宜言爲孟顓所未及如張文讓三遺  
集題詞及孟顓後序爲孟顓所主刪蓋孟顓之自謙也  
壽鏞綜厥全編反覆勘比寒暑兩易始得出書公之精  
忠雖不在於文章而因遺著而益爛則孟顓搜羅之功  
與伯岸訪求之力尤足多也甲戌秋張壽鏞跋

四明叢書

四明叢書  
約園刊本



四明叢書

四明叢書  
約園刊本

四明叢書

四明叢書  
約園刊本